

六十種曲



還

魂





目錄

第一齣 標目

第二齣 言懷

第三齣 訓女

第四齣 腐嘆

第五齣 延師

第六齣 悵眺

第七齣 閨塾

第八齣 勸農

第九齣 肅苑

第十齣 驚夢

第十一齣 慈戒

還魂記 目錄

一一六十種曲

797828

89.0110816

674
25 V10

第十二齣

尋夢

第十三齣

訣謁

第十四齣

寫真

第十五齣

虜諒

第十六齣

詰崇

第十七齣

道覲

第十八齣

診崇

第十九齣

牝賊

第二十齣

鬧殤

第二十一齣

謁遇

第二十二齣

旅寄

第二十三齣

冥判

第二十四齣 拾畫

第二十五齣 憶女

第二十六齣 玩真

第二十七齣 魂遊

第二十八齣 幽媾

第二十九齣 旁疑

第三十齣 權撓

第三十一齣 繕備

第三十二齣 冥誓

第三十三齣 祕議

第三十四齣 詞藥

第三十五齣 回生

第三十六齣 婚走

第三十七齣 駭變

第三十八齣 淮警

第三十九齣 如杭

第四十齣 僕偵

第四十一齣 耽試

第四十二齣 移鎮

第四十三齣 禦淮

第四十四齣 急難

第四十五齣 寇間

第四十六齣 折寇

第四十七齣 圍釋

第四十八齣 遇母

第四十九齣 淮泊

第五十齣 鬧宴

第五十一齣 榜下

第五十二齣 索元

第五十三齣 硬拷

第五十四齣 聞喜

第五十五齣 圓駕

還魂記 目錄

六一開明書店

還魂記

明 湯顯祖 著

第一齣 標目

〔蝶戀花〕〔末上〕忙處拋人閒處住。百計思量。沒箇爲歡處。白日消磨腸斷句。世間只有情難訴。玉茗堂前朝復暮。紅燭迎人。俊得江山助。但是相思莫相負。牡丹亭上三生路。

〔漢宮春〕杜寶黃堂。生麗娘小姐。愛踏春陽。感夢書生折柳。竟爲情傷。寫眞留記。葬梅花道院淒涼。三年上。有夢梅柳子。於此赴高唐。果爾回生定配。赴臨安取試。寇起淮揚。正把杜公圍困。小姐驚惶。教柳郎行探。返遭疑激惱平章。風流況。施行正苦。報中狀元郎。

杜麗娘夢寫丹青記。

陳教授說下梨花槍。

柳秀才偷載回生女。

杜平章刁打狀元郎。

第二齣 言懷

〔真珠簾〕〔生上〕河東舊族。柳氏名門最。論星宿。連張帶鬼。幾葉到寒儒。受雨打風吹。慢說書中能富貴。顏如玉和黃金那裏。貧薄把人灰。且養就這浩然之氣。〔鷓鴣天〕刮盡鯨鯢背上霜。寒儒偏喜住炎方。憑依造化三分福。紹接詩書一脈香。能鑿壁。會懸梁。偷天妙手繡文章。必須砍得蟾宮桂。始信人間玉斧長。小生姓柳。名夢梅。表字春卿。原係唐朝柳州司馬柳宗元之後。留家嶺南。父親朝散之職。母親縣君之封。〔嘆介〕所恨俺自小孤單。生事微渺。喜的是今日成人長大。二十過頭。志慧聰明。三場得手。只恨未遭時勢。不免飢寒。賴有始祖柳州公帶下郭橐駝。柳州衙舍。栽接花果。橐駝遺下一箇陀孫。也跟隨我廣州種樹。相依過活。雖然如此。不是男兒結果之場。每日情思昏昏。忽然半月之前。做下一夢。夢到一園梅花樹下。立着個美人。不長不短。如送如迎。說道柳生柳生。遇俺方有姻緣之分。發跡之期。因此改名夢梅。春卿爲字。正是夢短夢長俱是夢。年來年去是何年。

〔九迴腸〕雖則俺改名換字。俏魂兒未卜先知。定佳期盼煞蟾宮桂。柳夢梅不

賣查梨。還則怕嫦娥妬色。花頰氣。等的俺梅子酸心。柳皺眉。渾如醉。無螢鑿遍
了鄰家壁。甚東牆不許人窺。有一日春光暗度。黃金柳。雪意沖開了白玉梅。那
時節走馬在章臺內。絲兒翠籠定個百花魁。雖然這般說。有個朋友韓子才。是韓昌黎之
後。寄居趙佗王臺。他雖是香火秀才。卻有些談吐。不免隨喜一會。

門前梅柳爛春暉。

夢見君王覺後疑。

心似百花開未得。

托身須上萬年枝。

第二齣 訓女

〔滿庭芳〕〔外杜太守上〕西蜀名儒。南安太守。幾番廊廟江湖。紫袍金帶。功業未
全無。華髮不堪回首。意抽簪萬里橋西。還只怕君恩未許。五馬欲踟蹰。一生名

宦守南安。莫作尋常太守看。到來只飲官中水。歸去惟看屋外山。自家南安太守杜寶。表字子充。乃
唐朝杜子美之後。流落巴蜀。年過五旬。想廿歲登科。三年出守。清名惠政。播在人間。內有夫人甄氏。
乃魏朝甄皇后嫡派。此家娥眉山。見世出賢德夫人。單生小女。才貌端妍。喚名麗娘。未議婚配。看起

自來淑女。無不知書。今日政有餘閒。不免請出夫人。商議此事。正是中郎學富軍傳女。伯道官貧更
少兒。

〔遶地遊〕〔老旦上〕甄妃洛浦。嫡派來西蜀。封大郡南安杜母。〔見介外〕老拜名邦無
甚德。〔老旦〕妾沾封誥有何功。〔外〕春來閨閣閒多少。〔老旦〕也長向花陰課女工。〔外〕想女工一
事。女孩兒精巧過人。看來古今賢淑。多曉詩書。他日嫁一書生。不枉了談吐相稱。你意下如何。〔老

旦〕但憑尊意。

〔前腔〕〔貼持酒壺隨旦上〕嬌鶯欲語。眼見春如許。寸草心怎報得春光一一。〔見
介〕爹娘萬福。〔外〕孩兒後面捧着酒肴。是何主意。〔旦跪介〕今日春光明媚。爹娘寬坐後堂。女孩
兒敢進三爵之觴。少效千春之祝。〔外笑介〕生受你。

〔玉山頽〕〔旦進酒介〕爹娘萬福。女孩兒無限歡娛。坐黃堂百歲春光。進美酒一
家天祿。祝萱花椿樹。雖則是子生遲暮。守得見這蟠桃熟。〔合〕且提壺。花間竹
下。長引着鳳凰雛。〔外〕春香酌小姐一杯。

〔前腔〕吾家杜甫。爲漂零老愧妻孥。〔淚介〕夫人。我比子美公公更可憐也。他還有念老夫詩句男兒。俺則有學母氏畫眉嬌女。〔老旦〕相公休焦。儻然招得好女婿。與兒子一般。〔外笑介〕可一般呢。〔老旦〕做門楣古語。爲甚的這叨叨絮絮。纔到的中年路。〔合前外〕女孩兒把壺盞收去。〔旦下介外〕叫春香。俺問你。小姐終日繡房。有何生活。〔貼〕繡房中則是繡。〔外〕繡的許多。〔貼〕繡了打綿。〔外〕什麼綿。〔貼〕睡眠。〔外〕好哩。好哩。夫人。你纔說長向花陰課女工。卻縱容女孩兒閒眠。是何家教。叫女孩兒。〔旦上〕爹爹有何分付。〔外〕適問春香。你白日眠睡。是何道理。假如刺繡餘閒。有架上圖書。可以寓目。他日到人家。知書知禮。父母光輝。這都是你娘親失教也。

〔玉胞肚〕宦囊清苦。也不會詩書誤儒。你好些時做客爲兒。有一日把家當戶。是爲爹的疏散不兒拘。道的個爲娘是女模。

〔前腔〕〔老旦〕眼前兒女。俺爲娘心蘇體劬。嬌養他掌上明珠。出落的人中美玉兒呵。爹三分說話你自心模。難道八字梳頭做日呼。

〔前腔〕〔旦〕黃堂父母倚嬌癡慣習如愚。剛打的鞦韆畫圖。閒楊着鴛鴦繡譜。從今後茶餘飯飽破工夫。玉鏡臺前插架書。〔老旦〕雖然如此。要個女先生講解纔好。

〔外〕不能勾。

〔前腔〕後堂公所請先生則是鴻門腐儒。〔老旦〕女兒呵。怎念遍的孔子詩書。但略識周公禮數。〔合〕不枉了銀娘玉姐。只做個紡磚兒。謝女班姬女校書。〔外〕

請先生不難。則要好生管待。

〔尾聲〕說與你夫人愛女休禽犢。館明師茶飯須清楚。你看我治國齊家也則是數卷書。

往年何事乞西賓。

主領春風只在君。

伯道暮年無嗣子。

女中誰是衛夫人。

第四齣 腐嘆

〔雙勸酒〕〔末老儒上〕燈窗苦吟。寒酸撒吞。科場苦禁。蹉跎直恁。可憐辜負看書。

心。吼兒病年來迸侵。

咳嗽病多疎酒盞。村童俸薄減廚煙。爭知天上無人住。弔下春愁鶴髮仙。

自家南安府儒學生員陳最良。表字伯粹。祖父行醫。小子自幼習儒。十二歲進學。超增補廩。觀場一十五次。不幸前任宗師。考居劣等停廩。兼且兩年失館。衣食單薄。這些後生都順口叫我陳絕糧。因我醫卜地理。所事皆知。又改我表字伯粹做百雜碎。明年是第六個旬頭。也不想甚的了。有個祖父藥店。依然開張在此。儒變醫。菜變齋。這都不在話下。昨日聽見本府杜太守。有個小姐。要請先生。好些奔競的鑽去。他可爲甚的。鄉邦好說話。一也。通關節。二也。撞太歲。三也。穿他門子管家。改竄文卷。四也。別處吹噓進身。五也。下頭官兒怕他。六也。家裏騙人。七也。爲此七事。沒了頭要去。他們都不知。官衙可是好踏的。況且女學生。一發難教。輕不得。重不得。倘然間體面有些不尊。啼不得。哭不得。似我老人家罷了。正是有書遮老眼。不妨無藥散閒愁。〔丑〕府學老門子上。天下秀才窮到底。學中門子老成精。〔見介〕陳齋長報喜。〔末〕何喜。〔丑〕杜太爺要請個先生教小姐。掌教老爹開了十數名去。都不中。說要老成的。我去掌教老爹稟上了你。太爺有請帖在此。〔末〕人之患在好爲人師。〔丑〕是人之飯。有得你喫哩。〔末〕這等便行。〔行介〕

〔洞仙歌〕咱頭巾破了修。靴頭綻了兜。〔丑〕你坐老齋頭。衫襟沒了後頭。〔合〕
硯水漱淨口。去承官飯洩。剔牙杖敢黃齋臭。

〔前腔〕〔丑〕咱門兒尋事頭。你齋長干罷休。〔末〕要我謝酬。知那裏留不留。〔合〕
不論端陽九。但逢出府遊。則捻着衫兒袖。〔丑〕望見府門了。

世間榮祿本逡巡。
誰採髭鬚白似銀。

風流太守容閒坐。
便有無邊求福人。

第五齣 延師

〔浣紗溪〕〔外引門子皂隸上〕山色好。訟庭稀。朝看飛鳥暮飛回。印牀花落簾垂
地。杜母高風不可攀。甘棠遊憩在南安。雖然爲政多陰德。尙少階前玉樹蘭。我杜寶出守此間。只有夫
人小女。尋個老儒教訓他。昨日府學開送一名廩生陳最良。年可六旬。從來飽學。一來可以教授小
女。二來可以陪伴老夫。今日放了衙參。分付安排禮酒。叫門子伺候。〔衆應介〕

〔前腔〕〔末儒巾藍衫上〕須抖擻。要拳奇。衣冠欠整老而衰。養浩然分庭還抗禮。

〔丑稟介〕陳齋長到門。〔外〕就請衙內相見。〔丑唱〕門介。南安府學生員進。〔末跪起揖又跪介〕生員陳最良稟拜。〔拜介〕廣學開書院。〔外〕崇儒引席珍。〔末〕獻酬樽俎列。〔外〕賓主位班陳。叫左右。陳齋長在此清敍。着門役散回家丁伺候。〔衆應下〕淨家童上。〔外〕久聞先生飽學。敢問尊年有幾。祖上可也習儒。〔末〕容稟。

〔鎖南枝〕將耳順。望古稀。儒冠誤人霜鬢絲。〔外〕近來。〔末〕君子要知醫。懸壺舊家世。〔外〕原來世醫。還有他長。〔末〕凡雜作。可試爲。但諸家略通的。〔外〕這等一發有用。

〔前腔〕聞名久。識面初。果然大邦生大儒。〔末〕不敢。〔外〕有女頗知書。先生長訓話。〔末〕當得。則怕做不得小姐之師。〔外〕那女學士。你做的班大姑。今日選良辰。叫他拜師傅。〔外〕院子敲雲板。請小姐出來。

〔前腔〕〔旦引貼上〕添眉翠。搖佩珠。繡屏中生成士女圖。蓮步鯉庭趨。儒門舊家數。〔貼〕先生來了。怎好。〔旦〕少不得去丫頭。那賢達女。都是些古鏡模。你便略知書。也做好奴僕。〔淨報介〕小姐到。〔見介外〕我兒過來。玉不琢。不成器。人不學。不知道。今日吉辰。來拜

了先生。〔內鼓吹旦拜介〕學生自愧蒲柳之姿。敢煩桃李之教。〔末〕愚老恭承捧珠之愛。謬加琢玉之功。〔外〕春香丫頭。向陳師父叩頭。着他伴讀。〔貼叩頭介末〕敢問小姐所讀何書。〔外〕小女四書。他都成誦了。則看些經旨罷。易經以道陰陽。義理深奧。書以道政事。與婦女沒相干。春秋禮記。又是孤經。則詩經開首。便是后妃之德。四個字兒順口。且是學生家傳。習詩罷。其餘書史儘有。則可惜他是個女兒。

〔前腔〕我年將半。性喜書。牙籤插架三萬餘。〔嘆介〕我伯道恐無兒。中郎有誰付。先生他要看的書儘有。有不尊的所在。打丫頭。〔貼〕哎喲。〔外〕冠兒下。他做個女祕書。小梅香要防護。〔末〕謹領。〔外〕春香伴小姐進衙。我陪先生酒去。〔旦拜介〕酒是先生饌。女爲君子儒。〔下外〕請先生後花園飲酒。

門館無私白日閒。

百年粗糲腐儒餐。

在家弄玉惟嬌女。

花裏尋師到杏壇。

第六齣 悵眺

〔番卜算〕〔丑韓秀才上〕家世大唐年。寄籍潮陽縣。越王臺上海連天。可是鵬程便。榕樹梢頭訪古臺。下看甲子海門開。越王歌舞今何在。時有鷓鴣飛去來。自家韓子才。俺公公唐朝韓退之。爲上了破佛骨表。貶落潮州。一出門。藍關雪阻。馬不能前。先祖心裏暗暗道。第一程采頭罷了。正苦中間。忽然有個湘子姪兒。乃下八洞神仙。藍縷相見。俺退之公公一發心裏不快。呵融凍筆。題一首詩在藍關草驛之上。末二句單指着湘子說道。知汝遠來應有意。好收吾骨瘴江邊。湘子袖了這詩。長笑一聲。騰空而去。果然後來退之公公潮州瘴死。舉目無親。那湘子恰在雲端看見。想起前詩。按下雲頭。收其骨殖。得到衙中。四顧無人。單單則有湘子原妻一個在衙。四目相視。把湘子一點凡心頓起。當時生下一支。留在水潮。傳了宗祀。小生乃其嫡派苗裔也。因亂流來廣城。官府念是先賢之後。表請勅封小生爲昌黎祠香火秀才。寄居趙佗王臺子之上。正是雖然乞相寒儒。卻是仙風道骨。呀。早一位朋友上來。誰也。

〔前腔〕〔生上〕經史腹便便。晝夢人還倦。欲尋高聳看雲煙。海色光平面。〔相見介丑〕是柳春卿。甚風兒吹的老兄來。〔生〕偶爾孤遊上此臺。〔丑〕這臺上風光儘可矣。〔生〕則無

奈登臨不快哉。〔丑〕小弟此間受用也。〔生〕小弟想起來。到是不讀書的人受用。〔丑〕誰。〔生〕趙佗王便是。

〔瑣窗寒〕祖龍飛鹿走中原。尉佗呵。他倚定着摩崖半壁天。稱孤道寡。是他英雄本然。白占了江山。猛起些宮殿。似吾儕讀盡萬卷書。可有半塊土麼。那半部上山河不見。〔合〕由天。那攀今弔古也徒然。荒臺古樹寒煙。〔丑〕小弟看兄氣象言談。似有無聊之嘆。先祖昌黎公有云。不患有司之不明。只患文章之不精。不患有司之不公。只患經書之不通。老兄還則怕工夫有不到處。〔生〕這話休提。比如我公公柳宗元。與你公公韓退之。他都是飽學才子。卻也時運不濟。你公公錯題了佛骨表。貶職潮陽。我公公則爲在朝陽殿。與王叔文丞相下棋子。驚了聖駕。直貶做柳州司馬。都是邊海煙瘴地方。那時兩公一路而來。旅舍之中。兩個挑燈細論。你公公說道。宗元。宗元。我和你兩人文章。三六九比勢。我有王泥水傳。你便有梓人傳。我有毛中書傳。你便有郭駝子傳。我有祭鱷魚文。你便有捕蛇者說。這也罷了。則我進平淮西碑。取奉朝廷。你卻又進個平淮西的雅。一篇一篇。你都放俺不過。恰如今貶竄煙方。也合着一處。豈非時乎運乎命。

乎。韓兄。這長遠的事休提了。假如俺和你論如常。難道便應這等寒落。因何俺公公造下一篇乞巧文。到俺二十八代玄孫。再不會乞得一些巧來。便是你公公立意做下送窮文。到老兄二十幾輩了。還不會送的個窮去。算來都則爲時運二字所虧。〔丑〕是也。春卿兄。

〔前腔〕你費家資製買書田。怎知他賣向明時不直錢。雖然如此。你看趙佗王當時。也有個秀才陸賈。拜爲奉使中大夫到此。趙佗王多少尊重他。他歸朝燕黃金累千。那時漢高皇厭見讀書之人。但有個帶儒巾的。都拿來溺尿。這陸賈秀才。端然帶了四方巾。深衣大擺。去見漢高皇。那高皇望見。這又是個掉尿鬚子的來了。便迎着陸賈罵道。你老子用馬上得天下。何用詩書。那陸生有趣。不多應他。只回他一句。陛下馬上取天下。能以馬上治之乎。漢高皇聽了。呀然一笑。說道便依你說。不管什麼文字。念了與寡人聽之。陸大夫不慌不忙。袖裏出一卷文字。恰是平日燈窗下。纂集的新語一十三篇。高聲奏上。那高皇纔聽了一篇。龍顏大喜。後來一篇一篇。都喝采稱善。立封他做個關內侯。那一日好不氣象。休道漢高皇。便是那兩班文武。見者皆呼萬歲。〔一〕言擲地。萬歲誼天。〔生嘆介〕則俺連篇累牘無人見。〔合前丑〕再問春卿。在家何以爲生。〔生〕

寄食園公〔丑〕依小弟說。不如干謁些須。可圖前進。〔生〕你不知今人少趣哩。〔丑〕老兄。可知有個
欽差識寶中郎苗老先生。到是個知趣人兒。今秋任滿。例於香山奧多寶寺中賽寶。那時一往何如。
〔生〕領教。

應念愁中恨索居。

青雲器業俺全疏。

越王自指高臺笑。

劉項原來不讀書。

第七齣 閨塾

〔末上〕吟餘改抹前春句。飯後尋思午晌茶。蟻上案頭沿硯水。蜂穿窗眼啣瓶花。我陳最良杜衙設
帳。杜小姐家傳毛詩。極承老夫人管待。今日早膳已過。我且把毛詩潛玩一遍。〔念介〕關關雎鳩。在
河之洲。窈窕淑女。君子好逑。好者好也。逑者逑也。〔看介〕這早晚了。還不見女學生進館。卻也嬌養
的凶。待我敲三聲雲板。〔敲雲板介〕春香。請小姐上書。

〔遠地遊〕〔旦引貼捧書上〕素裝纔罷。款步書堂下。對淨几。明窗瀟灑。〔貼〕昔氏

賢文。把人禁殺。恁時節。則好教鸚哥喚茶。〔見介旦〕先生萬福。〔貼〕先生少怪。〔末〕凡

爲女子。雞初鳴。咸盥漱。栉。問安于父母。日出之後。各供其事。如今女學生以讀書爲事。須要早起。
〔旦〕以後不敢了。〔貼〕知道了。今夜不睡。三更時分。請先生上書。〔末〕昨日上的毛詩。可溫習。〔旦〕
溫習了。則待講解。〔末〕你念來。〔旦念書介〕關關雎鳩。在河之洲。窈窕淑女。君子好逑。〔末〕聽講。關
關雎鳩。雎鳩是個鳥。關關鳥聲也。〔貼〕怎樣聲兒。〔末作鳩聲貼學鳩聲譚介末〕此鳥性喜幽靜。在
河之洲。〔貼〕是了。不是昨日是前日。不是今年是去年。俺衙內關着個斑鳩兒。被小姐放去。一去去
在何知州家。〔末〕胡說。這是興。〔貼〕興個甚的那。〔末〕興者起也。起那下頭。窈窕淑女。是幽閒女子。
有那等君子好好的來速他。〔貼〕爲甚好好的求他。〔末〕多嘴哩。〔旦〕師父。依註解書。學生自會。但
把詩經大意。教演一番。

〔掉角兒〕〔末〕論六經詩經最葩。閨門內許多風雅。有指證姜嫄產哇。不嫉妬
后妃賢達。更有那詠雞鳴。傷燕羽。泣江皋。思漢廣。洗淨沿華。有風有化。宜室宜
家。〔旦〕這經文偌多。〔末〕詩三百。一言以蔽之。沒多些。只無邪兩字。付與兒家。書講了。春香
取文房四寶來模字。〔貼下取上〕紙筆墨硯在此。〔末〕這甚麼墨。〔旦〕丫頭。錯拿了。這是螺子黛。畫

眉的〔末〕這甚麼筆。〔旦作笑介〕這便是畫眉的細筆。〔末〕俺從不曾見。拿去拿去。這是甚麼紙。〔旦〕薛濤箋。〔末〕拿去拿去。只拿那蔡倫造的來。這是甚麼硯。是一個。是兩個。〔旦〕鴛鴦硯。〔末〕許多眼。〔旦〕淚眼。〔末〕哭甚麼子。一發換了來。〔貼背介〕好個標老兒。待換去。〔下換上〕這可好。〔末看介〕着。〔旦〕學生自會臨書。春香還勞把筆。〔末〕看你臨。〔旦寫字介末看驚介〕我從不曾見這樣好字。這甚麼格。〔旦〕是衛夫人傳下美女簪花之格。〔貼〕待俺寫個奴婢學夫人。〔旦〕還早哩。〔貼〕先生。學生領出恭牌。〔下旦〕敢問師母尊年。〔末〕目下平頭六十。〔旦〕待學生繡對鞋兒上壽。請個樣兒。〔末〕生受了。依孟子上樣兒。做個不知足而爲屨罷了。〔旦〕還不見春香來。〔末〕要喚他麼。〔末叫三度介貼上〕害淋的。〔旦作惱介〕劣丫頭。那裏來。〔貼笑介〕溺尿去來。原來有座大花園。花明柳綠。好耍子哩。〔末〕哎也。不攻書。花園去。待俺取荆條來。〔貼〕荆條做甚麼。

〔前腔〕女郎行那裏應文科判衙。止不過識字兒書塗嫩鴉。〔起介末〕古人讀書。有囊螢的。趁月亮的。〔貼〕待映月耀蟾蜍眼花。待囊螢把蟲蟻兒活支煞。〔末〕懸梁刺股呢。〔貼〕比似你懸了梁。損頭髮。刺了股。添疤納。有甚光華。〔內叫賣花介貼〕小

姐。你聽一聲聲賣花。把讀書聲差。〔末〕又引逗小姐哩。待俺當真打一下。〔末做打介〕
貼閃介你待打打這哇哇。桃李門牆。嶮把負荆人諛煞。〔貼搶荆條投地介旦〕死
丫頭。唐突了師父。快跪下。〔貼跪介旦〕師父恕他初犯。容學生責認一遭兒。

〔前腔〕手不許把鞦韆索拿。脚不許把花園路踏。〔貼〕則瞧罷。〔旦〕還嘴。這招風嘴
把香頭來綽疤。招花眼把繡針兒簽瞎。〔貼〕瞎了中甚用。〔旦〕則要你守硯臺。跟
書案。伴詩云。陪子曰。沒的爭差。〔貼〕爭差些罷。〔旦擲貼髮介〕則問你幾絲兒頭髮。
幾條背花。敢也怕些些。夫人堂上。那些家法。〔貼〕再不敢了。〔旦〕可知道。〔末〕也罷。鬆
這一遭兒。起來。〔貼起介〕

〔尾聲〕女弟子則爭箇不求聞達。和男學生一般兒教法。你們工課完了方可回衙。
咱和公相陪話去。〔合〕怎辜負的這一弄明窗新絳紗。〔下貼作從背後指末罵介〕村老
牛。癡老狗。一些趣也不知。〔旦作扯介〕死丫頭。一日爲師。終身爲父。他打不的你。我且問你。那花
園在那裏。〔貼作不說且笑問介貼指介〕兀那不是。〔旦〕可有什麼景致。〔貼〕景致麼。有亭臺六七

座。鞦韆一兩架。遠的流觴曲水。面着太湖山石。名花異草。委實華麗。〔旦〕原來有這等一個所在。且回衙去。

也曾飛絮謝家庭。

欲化西園蝶未成。

無限春愁莫相問。

綠陰終借暫時行。

第八齣 勸農

〔夜遊朝〕〔外同淨貼卓隸門子上〕何處行春開五馬。采邠風物候濃華。竹字聞鳩。

朱幡引鹿。且留憩甘棠之下。〔古調笑〕時節時節。過了春三二月。乍晴膏雨烟濃。太守春深勸

農。農重農重。緩理征徭詞訟。俺南安府。在江廣之間。春事頗早。想俺爲太守的。深居府堂。那遠鄉僻

塢。有拋荒遊懶的。何由得知。昨已分付該縣置買花酒。待本府親自勸農。想已齊備。〔丑縣吏上〕承

行無令史。帶辦有農民。稟爺爺。勸農花酒。俱已齊備。〔外〕分付起行。近鄉之處。不許多人囉唵。〔衆

應喝道起行介外〕正是爲乘陽氣行春令。不是閒遊玩物華。〔下〕

〔前腔〕〔生末父老上〕白髮年來八公事寡。聽兒童笑語諠譁。太守巡遊。春風滿馬。

敢借着這務農宣化。俺等是南安府清樂鄉中父老。恭喜本府杜太爺。管治三年。慈祥端正。弊絕風清。凡各村鄉約保甲。義倉社學。無不舉行。極是地方有福。現今親自各鄉勸農。不免官亭伺候。那祇候們扛擡花酒到來也。

〔普賢歌〕〔丑老旦公人扛酒提花上〕俺天生的快手賊無過。衙裏消消沒的賧。扛酒去前坡。〔做跌介〕幾乎破了哥。摔破了花花你賴不的我。〔生末〕列位祇候哥到來。〔老旦丑〕便是這酒埕子漏了。則怕酒少。煩老官兒遮蓋些。〔生末〕不妨。且擡過一邊。村務裏噓酒去。〔老旦丑下生末〕地方端正坐椅。太爺到來。〔虛下〕

〔排歌〕〔外引衆上〕紅杏深花。菖蒲淺芽。春疇漸暖年華。竹籬茅舍酒旗兒。又雨過炊煙一縷斜。〔生末接介合〕提壺叫布谷。喳行看幾日免排衙。休頭踏省諠譁。怕驚他林外野人家。〔皂隸〕稟爺爺到官亭。〔生末見介外〕衆父老。此爲何鄉何都。〔生末〕

〔南安縣第一都清樂鄉。外〕待我一觀。〔望介〕美哉此鄉。真個清而可樂也。〔長相思〕你看山也清。水也清。人在山陰道上行。春雲處處生。〔生末〕正是官也清。吏也清。村民無事到公庭。農歌三兩聲。

〔外〕父老。知我春遊之意乎。

〔八聲甘州〕平原麥灑。翠波搖翦。翦綠疇如畫。如酥嫩雨。遶睽春色。蘩苴趁江。南土疎田脈佳。怕人戶們拋荒力不加。還怕有那無頭官事。誤了你好生涯。

〔父老〕以前晝有公差。夜有盜驚。老爺到後呵。

〔前腔〕千村轉歲華。愚父老香盆。兒童竹馬。陽春有脚。經過百姓人家。月明無犬吠。黃花雨過。有人耕綠野。真個村村雨露桑麻。〔內歌泥滑喇介外〕前村田歌可

聽。

〔孝順歌〕〔淨田夫上〕泥滑喇。脚支沙。短耙長犁滑律的拿。夜雨撒菰麻。天晴

出糞渣。香風餽鮓。〔外〕歌的好。夜雨撒菰麻。天晴出糞渣。香風餽鮓。是說那糞臭。父老呵。他卻不

知這糞是香的。有詩爲證。焚香列鼎奉君王。饌玉炊金飽卽妨。直到飢時聞飯過。龍涎不及糞渣香。

與他插花賞酒。〔淨插花飲酒笑介〕好老爺好酒。〔合〕官裏醉流霞。風前笑插花。把農

夫們俊煞。〔下門子稟介〕一個小廝唱的來也。

〔前腔〕〔丑牧童拿笛上〕春鞭打笛兒。吵倒牛背斜陽閃暮鴉。〔笛指門子介〕他一樣小腰撮。一般雙髻鬢。能騎大馬。〔外〕歌的好。怎生指着門子。唱一樣小腰撮。一般雙髻鬢。能騎大馬。父老。他怎知騎牛的到穩。有詩爲證。常羨人間萬戶侯。只知騎馬勝騎牛。今朝馬上看山色。爭似騎牛得自由。賞他酒。插花去。〔丑插花飲酒介合〕官裏醉流霞。風前笑插花。村童們俊煞。〔下門子稟介〕一對婦人歌的來也。

〔前腔〕〔旦老旦採桑上〕那桑陰下。柳篋兒搓。順手腰身翦一丫。呀。甚麼官員在此。俺羅敷自有家。便秋胡怎認他。提金下馬。〔外〕歌的好。說與他。不是魯國秋胡。不是秦家使君。是本府太爺勸農。見此勤渠採桑。可敬也。有詩爲證。一般桃李聽笙歌。此地桑陰十畝多。不比世間閒草木。絲絲葉葉是綾羅。領酒插花去。〔二旦背插花飲酒介合〕官裏醉流霞。風前笑插花。采桑人俊煞。〔下門子稟介〕又一對婦人唱的來也。

〔前腔〕〔老旦丑持筐採茶上〕乘穀雨。採新茶。一旗半槍金縷芽。呀。甚麼官員在此。學士雪炊他。書生困想他。竹煙新瓦。〔外〕歌的好。說與他。不是郵亭學士。不是陽羨書生。是本

府太爺勸農。看你婦女們採桑採茶。勝如採花。有詩爲證。只因天上少茶星。地下先開百草精。閒煞女郎貪鬪草。風光不似鬪茶清。領了酒。插花去。〔淨丑插花飲酒介合〕官裏醉流霞。風前笑插花。采茶人俊煞。〔下生末跪介〕稟老爺。衆父老茶飯伺候。〔外〕不消。餘花餘酒。父老們領去。給散小鄉村。也見官府勸農之意。叫祇候們起馬。〔生末做扳留不許介起叫介〕村中男婦領了花賞了酒的。都來送太爺。

〔清江引〕〔衆插花上〕黃堂春遊韻瀟灑。身騎五花馬。村務裏有光華。花酒藏風雅。男女們請了。你德政碑隨路打。

閭閻繚繞接山顛。

春草青青萬頃田。

日暮不辭停五馬。

桃花紅近竹林邊。

第九齣 肅苑

〔一江風〕〔貼上〕小春香。一種在人奴上。畫閣裏從嬌養。侍娘行。弄粉調朱。貼翠拈花。慣向妝臺傍。陪他理繡牀。陪他燒夜香。小苗條喫的是夫人杖。花面丫

頭十三四。春來綽約省人事。終須等着個助情花。處處相隨步步覷。俺春香日夜跟隨小姐。看他名爲國色。實守家聲。嫩臉嬌羞。老成尊重。只因老爺延師教授。讀到毛詩第一章。窈窕淑女。君子好逑。悄然廢書而嘆曰。聖人之情。盡見於此矣。今古同懷。豈不然乎。春香因而進言。小姐讀書困悶。怎生消遣則個。小姐一會沈吟。逡巡而起。便問道。春香。你教我怎生消遣那。俺便應道。小姐也沒個甚法兒。後花園走走罷。小姐說。死丫頭。老爺聞知怎好。春香應說。老爺下鄉。有幾日了。小姐低頭不語者久之。方纔取過曆書選看。說明日不佳。後日欠好。除大後日。是個小遊神。吉期。預喚花郎。掃清花徑。我一時應了。則怕老夫人知道。卻也由他。且自叫那小花郎分付去呀。迴廊那廂。陳師父來了。正是年光到處皆堪賞。說與癡翁總不知。

〔前腔〕〔末上〕老書堂暫借扶風帳。日暖鈎簾蕩呀。那迴廊小立雙鬟。似語無言。近看如何相。是春香問你。恩官在那廂。夫人在那廂。女書生怎不把書來上。〔貼〕原來是陳師父。俺小姐這幾日沒工夫上書。〔末〕爲甚。〔貼〕聽呵。

〔前腔〕甚年光忒煞通明相。所事關情況。〔末〕有甚麼情況。〔貼〕老師父。還不知老爺怪

你哩〔末〕何事〔貼〕說你講毛詩。毛的忒精了。俺小姐呵。爲詩章。講動情腸。〔末〕則講了個關關雎鳩。〔貼〕故此俺小姐說。關了的雎鳩。尙然有洲渚之興。可以人而不如鳥乎。書要埋頭。那景致則擡頭望。如今分付。明後日遊後花園。〔末〕爲甚去遊。〔貼〕他平白地爲春傷。因春去的忙。後花園要把春愁漾。〔末〕一發不該了。

〔前腔〕論娘行。出入人觀望。步起須屏障。春香。你師父靠天。也六十來歲。從不曉得傷個春。從不曾遊個花院。〔貼〕爲甚。〔末〕你不知。孟夫子說得好。聖人千言萬語。則要人收其放心。但如常。着甚春傷。要甚春遊。你遊春歸。怎把心兒放。小姐旣不上書。我且告歸幾日來。春香呵。你尋常到講堂。時常向瑣窗。怕燕泥香點。澗在琴書上。我去了。繡戶女郎閒鬪草。下帷老子不窺園。〔下貼弔場〕且喜陳師父去了。叫花郎在麼。〔叫介〕花郎。

〔普賢歌〕〔丑小花郎醉上〕一生花裏小隨衙。偷去街頭學賣花。令史們將我搭。祇候們將我搭。狠燒刀險把我嫩盤腸。生灌殺。〔見介〕春姐在此。〔貼〕好打。私出衙前

騙酒。這幾日菜也不送。〔丑〕有菜夫。〔貼〕水也不挑。〔丑〕有水夫。〔貼〕花也不送。〔丑〕每早送花。夫

人一分。小姐一分。〔貼〕還有一分哩。〔丑〕這該打。〔貼〕你叫什麼名字。〔丑〕花郎。〔貼〕你把花郎的意思。搗個曲兒俺聽。搗的好。饒打。〔丑〕使得。

〔梨花兒〕小花郎看盡了花成浪。則春姐花沁的水洗浪。和你這日高頭偷眼。好花枝干煞了作麼朗。〔貼〕待俺還你也哥。

〔前腔〕小花郎做盡花兒浪。小郎當夾細的大郎當。〔丑〕哎喲。〔貼〕俺待到老爺回時說一浪。〔揪丑髮介〕喛。敢幾個小榔頭把你分的朗。〔丑倒介〕罷了。姐姐。爲甚事光降小園。〔貼〕小姐大後日來瞧花園。好些掃除花逕。〔丑〕知道了。

東郊風物正薰馨。

應喜家山接女星。

莫遣兒童觸紅粉。

便教鶯語太丁寧。

第十齣 驚夢

〔遶地遊〕〔旦上〕夢回鶯轉。亂煞年光遍。人立小庭深院。〔貼〕注盡沈煙。拋殘繡線。恁今春關情似去年。〔烏夜啼〕〔旦〕曉來望斷梅關。宿妝殘。〔貼〕你側着宜春髻子恰憑闌。

〔旦〕剪不斷。理還亂。悶無端。〔貼〕已分付催花鶯燕借春看。〔旦〕春香。可曾叫人掃除花筵。〔貼〕分付了。〔旦〕取鏡臺衣服來。〔貼取鏡臺衣服上〕雲髻罷梳。還對鏡。羅衣欲換。更添香。鏡臺衣服在此。〔步步嬌〕〔旦〕裊晴絲吹來閒庭院。搖漾春如線。停半餉。整花鈿。沒揣菱花。偷人半面。迤逗的彩雲偏。〔行介〕步香閨。怎便把全身現。〔貼〕今日穿插的好。

〔醉扶歸〕〔旦〕你道翠生生出落的裙衫兒茜。豔晶晶花簪八寶填。可知我常一生兒愛好是天然。恰三春好處無人見。不提防沈魚落雁鳥驚諠。則怕的羞花閉月花愁顫。〔貼〕早茶時了。請行。〔行介〕你看。畫廊金粉半零星。池館蒼苔一片青。踏草怕泥新繡襪。惜花疼煞小金鈴。〔旦〕不到園林。怎知春色如許。

〔皂羅袍〕〔旦〕原來姹紫嫣紅開遍。似這般都付與斷井頽垣。良辰美景奈何天。賞心樂事誰家院。恁般景致。我老爺和奶奶再不提起。〔合〕朝飛暮卷。雲霞翠軒。雨絲風片。煙波畫船。錦屏人忒看的這韶光賤。〔貼〕是花都放了。那牡丹還早。

〔好姐姐〕〔旦〕遍青山題紅了杜鵑。荼蘼外煙絲醉軟。春香呵。牡丹雖好。他春

歸怎占的先。〔貼〕成對兒鶯燕呵。〔合〕閒凝盼。生生燕語明如翦。嚶嚶鶯歌溜的圓。
〔旦〕去罷。〔貼〕這園子委是觀之不足也。〔旦〕提他怎的。〔行介〕

〔隔尾〕觀之不足由他繾。便賞遍了十一二亭臺。是惘然。到不如興盡回家閒過遣。〔作到介貼〕開我西閣門。展我東閣牀。瓶插映山紫。罽添沈水香。小姐你歇息片時。俺瞧老夫人去也。〔下旦嘆介〕默地遊春轉。小試宜春面。春呵。得和你兩留連。春去如何遣。咳。恁般天氣好困人也。
春香那裏。〔左右瞧介又低首沈吟介〕天呵。春色惱人。信有之乎。常觀詩詞樂府。古之女子。因春感情。遇秋成恨。誠不謬矣。吾今年已二八。未逢折桂之夫。忽慕春情。怎得蟾宮之客。昔日韓夫人得遇于郎。張生偶逢崔氏。曾有題紅記。崔徽傳二書。此佳人才子。前以密約偷期。後皆得成秦晉。〔長嘆介〕吾生於宦族。長在名門。年已及笄。不得早成佳配。誠爲虛度青春。光陰如過隙耳。〔淚介〕可惜妾身顏色如花。豈料命如一葉乎。

〔山坡羊〕〔旦〕沒亂裏春情難遣。驀地裏懷人幽怨。則爲我生小嬋娟。揀名門一例。一例裏神仙眷。甚良緣。把青春拋的遠。俺的睡情誰見。則索因循覩腆。想

幽夢誰邊。和春光暗流轉。遷延。這衷懷那處言。淹煎。潑殘生除問天。身子困乏了。且自隱几而眠。〔睡介〕夢生介。生持柳枝上。鶯逢日暖歌聲滑。人遇風情笑口開。一逕落花隨水入。今朝阮肇到天台。小生順路而來。跟着杜小姐回來。怎生不見。〔回看介〕呀。小姐。小姐。〔旦作驚起相叫介〕小生那一處不尋訪小姐來。卻在這裏。〔旦作斜視不語介〕恰好花園內。折取垂柳半枝。姐姐。你既淹通書史。可作詩以賞此柳枝乎。〔旦作驚喜欲言又止介〕背云。這生素昧平生。何因到此。〔生笑介〕小姐。咱愛殺你哩。

〔山桃紅〕則爲你如花美眷。似水流年。是答兒閒尋遍。在幽閨自憐。小姐和你那答兒講話去。〔旦作含羞不行。生作牽衣介〕旦低問介。那邊去。〔生〕轉過這芍藥欄前。緊靠着湖山石邊。〔旦低問〕秀才。去怎的。〔生低答〕和你把領扣鬆。衣帶寬。袖稍兒搵着牙兒。苦也。則待你忍耐溫存一餉眠。〔旦作羞生前抱旦推介合〕是那處曾相見。相看儼然。早難道這好處相逢無一言。〔生強抱旦下末〕花神束髮冠紅衣。插花上。催花御

史惜花天。檢點春工又一年。蘸客傷心紅雨下。勾人懸夢綵雲邊。吾乃掌管南安府後花園花神是

也。因杜知府小姐麗娘。與柳夢梅秀才。後日有姻緣之分。杜小姐遊春感傷。致使柳秀才入夢。咱花神專掌惜玉憐香。竟來保護他。要他雲雨十分歡幸也。

〔鮑老催〕單則是混陽烝變。看他似蟲兒般蠢動。把風情搨。一般兒嬌凝翠綻。魂兒顫。這是景上緣。想內成。因中見。呀。淫邪展污了花臺殿。咱待拈片落花兒驚醒他。〔向鬼門丟花介〕他夢酣春透了。怎留連。拈花閃碎的紅如片。秀才纔到得半夢兒。夢畢之時。好送杜小姐仍歸香閣。吾神去也。〔下〕

〔山桃紅〕〔生日攜手上〕這一霎天留人便。草藉花眠。小姐可好。〔旦低頭介生〕則把雲鬟點。紅鬆翠偏。小姐。休忘了呵。見了你緊相偎。慢廝連。恨不得肉兒般團成片也。逗的個日下胭脂雨上鮮。〔旦〕你可去呵。〔合前生〕姐姐。你身子乏了。將息將息。〔送旦依

前作睡介輕拍旦介〕姐姐。俺去了。〔作回顧介〕姐姐。你好十分將息。我再來瞧你。那行來春色三分雨。睡去巫山一片雲。〔下旦作驚醒低叫介〕秀才秀才。你去了也。〔又作癡睡介老上〕夫婿坐黃堂。嬌娃立繡窗。怪他裙袂上。花鳥繡雙雙。孩兒。孩兒。你爲甚磕睡在此。〔旦作醒叫秀才介〕咳也。

〔老〕孩兒怎的來。〔旦作驚起介〕奶奶到此。〔老〕我兒何不做些針指。或觀玩書史。舒展情懷。因何晝寢于此。〔旦〕孩兒適花園中間玩。忽值春暄惱人。故此回房。無可消遣。不覺困倦少息。有失迎接。望母親恕兒之罪。〔老〕孩兒。這後花園中冷靜。少去閒行。〔旦〕領母親嚴命。〔老〕孩兒。書堂看書去。〔旦〕先生不在。且自消停。〔老嘆介〕女孩兒長成。自有許多情態。且自由他。正是宛轉隨兒女。辛勤做老娘。〔下旦長嘆看老下介〕哎也天那。今日杜麗娘有些僥倖也。偶到後花園中。百花開遍。觀景傷情。沒興而回。晝眠香閣。忽遇一生。年可弱冠。丰姿俊妍。於園中折得柳絲一枝。笑對奴家說。姐姐既淹通書史。何不將柳枝題賞一篇。那時待要應他一聲。心中自忖。素昧平生。不知名姓。何得輕與交言。正如此想間。只見那生向前。說了幾句傷心話兒。將奴摟抱去牡丹亭畔。芍藥闌邊。共成雲雨之歡。兩情和合。真個是千般愛惜。萬種溫存。歡畢之時。又送我睡眠。幾聲將息。正待自送那生出門。忽直母親來到。喚醒將來。我一身冷汗。乃是南柯一夢。欠身參禮母親。又被母親絮了許多閒話。奴家口雖無言答應。心內思想夢中之事。何曾放懷。行坐不寧。自覺如有所失。娘呵。你叫我學堂看書。知他看那一種書消悶也。〔作掩淚介〕

〔綿搭絮〕雨香雲片。纔到夢兒邊。無奈高堂喚醒紗窗睡不便。潑新鮮。冷汗黏煎閃的俺心悠步躡。意軟鬢偏。不爭多費盡神情。坐起誰忒則待去眠。〔貼上〕
晚妝銷粉印。春潤費香篝。小姐熏了被窩睡罷。

〔尾聲〕〔旦〕困春心遊賞倦。也不索香熏繡被眠。天呵。有心情那夢兒還去不遠。

春望逍遙出畫堂。

間梅遮柳不勝芳。

可知劉阮逢人處。

回首東風一斷腸。

第十一齣 慈戒

〔老旦上〕昨日勝今日。今年老去年。可憐小兒女。長自繡窗前。幾日不到女孩兒房中。午餉去瞧他。只見情思無聊。獨眠香閣。問知他在後花園回。身子困倦。他年幼不知。凡少年女子。最不宜豔妝。戲遊空冷無人之處。這都是春香賤才逗引他。春香那裏。〔貼上〕閨中圖一睡。堂上有千呼。奶奶。怎夜分時節。還未安寢。〔老〕小姐在那裏。〔貼〕陪過夫人。到香閣中。自言自語。淹淹春睡去了。敢在做

夢也。〔老〕你這賤才。引逗小姐後花園去。倘有疎虞。怎生是了。〔貼〕以後再不敢了。〔老〕聽俺分付。

〔征胡兵〕女孩兒只合香閨坐。拈花翦朵。問繡窗鍼指如何。逗工夫一線多。更畫長閒不過。琴書外自有好騰那。去花園怎麼。〔貼〕花園好景。〔老〕丫頭。不說你不知。〔前腔〕後花園窄靜無邊闊。亭臺半倒落。便我中年人要去時節。尙兀自裏打個磨陀。女兒家甚做作。星辰高猶自可。〔貼〕不高怎的。〔老旦〕廝撞着有甚不着科。教娘怎麼。小姐不曾晚餐。早飯要早。你說與他知道。

風雨林中有鬼神。

寂寥未是采花人。

素娥畢竟難防備。

似有微詞動絳脣。

第十二齣 尋夢

〔夜遊宮〕〔貼上〕膩臉朝雲罷盥。倒犀簪斜插雙鬟。侍香閨起早。睡意闌珊。衣桁前。妝閣畔。畫屏間。伏侍千金小姐。丫鬟一位春香。請過貓兒師父。不許老鼠放光。僥倖毛詩。

感動。小姐吉日時良。拖帶春香遣悶。後花園裏遊芳。誰知小姐磕睡。恰遇着夫人問當。絮了小姐一會。要與春香一場。春香無言知罪。以後勸止娘行。夫人還是不放。少不得發咒禁當。〔內介〕春香姐發個甚咒來。〔貼〕敢再跟娘胡撞。教春香卽世裏不見兒郎。雖然一時抵對。烏鴉管的鳳凰。一夜小姐恹躁。起來促水朝妝。由他自言自語。日高花影紗窗。〔內介〕快請小姐早膳。〔貼〕報道官廚飯熟。且去傳遞茶湯。〔下〕

〔月兒高〕〔旦上〕幾曲屏山展。殘眉黛深淺。爲甚衾兒裏不住的柔腸轉。這憔悴非關。愛月眠遲倦。可爲惜花。朝起庭院。忽忽花間起夢情。女兒心性未分明。無眠一夜燈

明滅。怪煞梅香喚不醒。昨日偶爾春遊。何人見夢。綢繆顧盼。如遇平生。獨坐思量。情殊悵悅。真個可憐人也。〔悶介貼捧茶食上〕香飯盛來鸚鵡粒。清茶擎出鷓鴣斑。小姐早膳哩。〔旦〕咱有甚心情也。

〔前腔〕梳洗了纔勻面。照臺兒未收展。睡起無滋味。茶飯怎生咽。〔貼〕夫人分付早飯要早。〔旦〕你猛說夫人。則待把饑人勸。你說爲人在世。怎生叫做喫飯。〔貼〕一日三餐。〔旦〕咳。甚甌兒氣力與擎拳。生生的了前件。你自拿去喫便了。〔貼〕受用餘杯冷炙。

勝如賸粉殘膏。〔下旦〕春香已去。天呵。昨日所夢。池亭儼然。只圖舊夢重來。其奈新愁一段。尋思展轉。竟夜無眠。咱待乘此空閒。背卻春香。悄向花園尋看。〔悲介〕哎也。似咱這般。正是夢無綵鳳雙飛翼。心有靈犀一點通。〔行介〕一逕行來。喜的園門洞開。守花的都不在。則這殘紅滿地呵。

〔懶畫眉〕最撩人春色。是今年。少甚麼低就高來。粉畫垣。原來春心無處不飛懸。〔絆介〕哎。睡荼蘼。抓住裙衩線。恰便是花似人心好處牽。這一灣流水呵。

〔前腔〕爲甚呵。玉真重溯武陵源。也則爲水點花飛在眼前。是天公不費買花錢。則咱人心上有題紅怨。咳。孤負了春三二月天。〔貼上〕喫飯去。不見了小姐。則得一逕尋來。呀。小姐。你在這裏。

〔不是路〕何意嬋娟。小立在垂垂花樹邊。纔朝膳。箇人無伴。怎遊園。〔旦〕畫廊前。深深鶯見。啣泥燕。隨步名園。是偶然。〔貼〕娘回轉。幽閨窄地。教人見。那些兒閒串。

〔前腔〕〔旦作惱介〕哇。偶爾來前。道的咱偷閒學少年。〔貼〕咳。不偷閒偷淡。〔旦〕欺奴

善把護春臺都猜做謊桃源。〔貼〕敢胡言。這是夫人命。道春多刺繡宜添線。潤逼
鑪香好膩箋。〔旦〕還說甚來。〔貼〕這花園塹。怕花妖木客尋常見。去小庭深院。〔旦〕
知道了。你好生答應夫人去。俺隨後便來。〔貼〕閒花傍砌如依主。嬌鳥嫌籠會罵人。〔下旦〕丫頭
去了。正好尋夢哩。

〔忒忒令〕那一答可是湖山石邊。這一答似牡丹亭畔。嵌雕闌。芍藥芽兒淺。一
絲絲垂楊線。一丟丟榆莢錢。線兒春甚金錢弔轉。呀。昨日那書生。將柳枝要我題詠。強
我歡會之時。好不話長。

〔嘉慶子〕是誰家少俊來近遠。敢迤逗這香閨去沁園。話到其間覩腆。他捏這
眼奈煩也天。咱噉這口待酬言。

〔尹令〕那書生可意呵。咱不是前生愛眷。又素乏平生半面。則道來生出現。乍便
今生夢見。生就個書生。哈哈生生抱咱去眠。那些好不動人春意也。

〔品令〕他倚太湖石。立着咱玉嬋娟。待把俺玉山推倒。便日暖玉生煙。捱過雕

闌轉過鞦韆。指着裙花展。敢席着他怕天瞧見。好一會分明。美滿幽香不可言。
夢到正好時節。甚花片兒弔下來也。

〔豆葉黃〕他興心兒緊。嚙嚙鳴着咱香肩。俺可也慢掂掂做意兒周旋。〔又〕
等閒間把一個照人兒昏善。那般形現。那般軟綿。恁一片撒花心的紅葉兒弔
將來半天。敢是咱夢魂兒廝纏。咳。尋來尋去都不見了。牡丹亭芍藥闌。怎生這般恹涼冷落。

杳無人跡。好不傷心也。〔淚介〕

〔玉交枝〕是這等荒涼地面。沒多半亭臺靠邊。好是咱眯瞋色眼尋難見。明放
着白日青天。猛教人抓不到魂夢前。霎時間有如活現。打方旋再得俄延。呀。是
這答兒壓黃金釧匾。要再見那書生呵。

〔月上海棠〕怎賺騙。依稀想像人兒見。那來時荏苒。去也遷延。非遠。那雨蹟雲
蹤纔一轉。敢依花傍柳還重現。昨日今朝。眼下心前。陽臺一座登時變。再消停一
番。〔望介〕呀。無人之處。忽然大梅樹一株。梅子磊磊可愛。

〔二犯么令〕偏則他暗香清遠。傘兒般蓋的周全。他趁這他趁這春三月紅綻。雨肥天。葉兒青偏。迸着苦仁兒裏撒圓。愛煞這晝陰便。再得到羅浮夢邊。罷了。

這梅樹依依可人。我杜麗娘若死後。得葬於此幸矣。

〔江兒水〕偶然間心似繾。梅樹邊。這般花花草草由人戀。生生死死隨人願。便酸酸楚楚無人怨。待打并香魂一片。陰雨梅天。守的個梅根相見。〔倦坐介貼上〕

佳人拾翠春亭遠。侍女添香午院清。咳。小姐走乏了。梅樹下盹。

〔川撥棹〕你遊花院。怎靠着梅樹偃。〔旦〕一時間望一時間望眼連天。忽忽地傷心自憐。〔泣介合〕知怎生情悵然。知怎生淚暗懸。〔貼〕小姐甚意兒。

〔前腔〕〔旦〕春歸人面。整相看無一言。我待要折我待要折的那柳枝兒問天。我如今悔我如今悔不與題箋。〔貼〕這一句猜頭兒是怎言。〔合前貼〕去罷。〔旦作行又住介〕

〔前腔〕爲我慢歸休款留連。〔內鳥啼介〕聽聽這不如歸春暮天。難道我再難道

我再到這亭園。則掙的箇長眠和短眠。〔合前貼〕到了。和小姐瞧奶奶去。〔旦〕罷了。

〔意不盡〕軟哈哈剛扶到畫闌偏。報堂上夫人穩便。咱杜麗娘呵。少不得樓上花枝也。則是照獨眠。

武陵何處訪仙郎。

只怪遊人思易忘。

從此時時春夢裏。

一生遺恨繫心腸。

第十三齣 訣謁

〔杏花天〕〔生上〕雖然是飽學名儒。腹中饑崢嶸。脹氣。夢魂中紫閣丹墀。猛擡

頭破屋半間而已。蛟龍失水硯池枯。狡兔騰天筆勢孤。百事不成真畫虎。一枝難穩又驚鳥。我柳

夢梅在廣州學裏。也是個數一數二的秀才。捱了些數伏數九的日子。於今藏身荒圃。寄口髯奴。思

之思之。惶愧惶愧。想起韓友之談。不如外縣傍州。尋覓活計。正是家徒四壁。求楊意。樹少千頭愧木

奴。老園公那裏。

〔字字雙〕〔淨郭跔上〕前山低坵後山堆。跔背牽弓射弩做人兒。把勢一連十個

借來回。漏地。有時跌做繡毬兒。滾氣。自家種園的郭陀子。是也。祖公公郭橐駝。從唐朝柳員外來柳州。我因兵亂。跟隨他二十八代玄孫柳夢梅秀才的父親。流轉到廣。又是若干年矣。賣果子回來。看秀才去。〔見介〕秀才讀書辛苦。〔生〕園公正待商量一事。我讀書過了廿歲。並無發跡之期。思想起來。前路多長。豈能鬱鬱居此。搬柴運水。多有勞累。園中果樹。都判與伊。聽我道來。

〔桂花鎖南枝〕俺有身如寄。無人似你。俺喫盡了黃淡酸甜。費你老人家澆培接植。你道俺像甚的來。鎮日裏似醉漢扶頭。甚日的和老陀伸背。自株守。教怨誰。讓荒園。你存濟。

〔前腔〕〔淨〕俺橐駝風味。種園家世。〔揖介〕不能彀展脚伸腰。也和你鞠躬盡力。秀才。你貼了俺果園。那裏去。〔生〕坐食三餐。不如走空一根。〔淨〕怎生叫做一根。〔生〕混名打秋風呢。〔淨〕咳。你費工夫去撞府穿州。不如依本分登科及第。〔生〕你說打秋風不好。茂陵劉郎秋風客。到大來做了皇帝。〔淨〕秀才。不要攀今弔古的。你待秋風誰。你道滕王閣風順隨。則怕魯顏碑。響雷碎。〔生〕俺干謁之興甚濃。休的阻當。〔淨〕也整理些衣服去。

〔尾聲〕把破衫衿徹骨搥挑洗。〔生〕學干謁黃門一布衣。〔淨介〕秀才。則要你衣錦還鄉俺還見的你。

此身飄泊苦西東。

笑指生涯樹樹紅。

欲盡出遊那可得。

秋風還不及春風。

第十四齣 寫真

〔破齊陣〕〔旦上〕徑曲夢迴人杳。閨深珮冷魂銷。似霧濛花如雲漏月。一點幽情動早。〔貼上〕怕待尋芳迷翠蝶。倦起臨妝聽伯勞。春歸紅袖招。〔醉桃源〕〔旦〕不

經人事意相關。牡丹亭夢殘。〔貼〕斷腸春色在眉彎。倩誰臨遠山。〔旦〕排恨疊。怯衣單。花枝紅淚彈。

〔合〕蜀妝晴雨畫來難。高唐雲影間。〔貼〕小姐。你自花園遊後。寢食悠悠。敢爲春傷。頓成消瘦。春香愚不諫賢。那花園以後再不可行走了。〔旦〕你怎知就裏。這是春夢暗隨三月景。曉寒瘦減一分花。

〔刷子序犯〕〔旦低〕春歸恁寒峭。都來幾日。意懶心喬。竟妝成熏香。獨坐無聊。逍遙。怎剗盡助愁芳草。甚法兒點活心苗。真情強笑。爲誰嬌。淚花兒打迸着夢

魂飄。

〔朱奴兒犯〕〔貼〕小姐。你熱性兒怎不冰着。冷淚兒幾曾乾燥。這兩度春遊忒分曉。是禁不的燕抄鶯鬧。你自審約。敢夫人見焦。再愁煩十分容貌怕不上九分瞧。〔旦作驚介〕咳。聽春香言語。俺麗娘瘦到九分九了。俺且鏡前一照。委是如何。〔照悲介〕哎也。俺往日豔冶輕盈。奈何一瘦至此。若不趁此時自行描畫。流在人間。一旦無常。誰知西蜀杜麗娘有如此之美貌乎。春香。取素絹丹青。看我描畫。〔貼下取絹筆上〕三分春色描來易。一段傷心畫出難。絹幅丹青俱已齊備。〔旦泣介〕杜麗娘二八春容。怎生便是杜麗娘自手生描也呵。

〔普天樂〕這些時把少年人如花貌。不多時憔悴了。不因他福分難銷。可甚的紅顏易老。論人間絕色偏不少。等把風光丟抹早。打滅起離魂舍欲火。三焦擺列着昭容閣文房四寶。待畫出西子湖眉月雙高。〔照鏡嘆介〕

〔鴈過聲〕輕綃把鏡兒擘掠。筆花尖淡掃輕描。影兒呵和你細評度。你腮斗兒恁喜謔。則待注櫻桃染柳條。渲雲鬟煙靄飄蕭。眉梢青未了。個中人全在秋波

妙。可。可。的。淡。春。山。鈿。翠。小。

〔傾杯序〕〔貼〕宜笑。淡東風立細腰。又似被春愁攪。〔旦〕謝半點江山。三分門戶。一種人才。小小行樂。撚青梅閒廝調。倚湖山夢曉。對垂楊風裊。忒苗條。斜添他幾葉翠芭蕉。春香。燈起來。可廝像也。

〔玉芙蓉〕〔貼〕丹青女易描。真色人難學。似空花水月。影兒相照。〔旦喜介〕畫的來可愛人也。咳。情知畫到中間好。再有似生成別樣嬌。〔貼〕只少個姐夫在身旁。若是姻緣早。把風流婿招。少甚麼美夫妻。圖畫在碧雲高。〔旦〕春香。咱不瞞你。花園遊玩之時。咱也有個人兒。〔貼驚介〕小姐。怎的有這等方便呵。〔旦〕夢哩。

〔山桃犯〕有一箇曾同笑。待想像生描着。再消詳。邈入其中妙。則女孩家怕漏泄風情稿。這春容呵。似孤秋片月離雲嶠。甚蟾宮貴客。傍的雲霄。春香。記起來了。

那夢裏書生。會折柳一枝贈我。此莫非他日所適之夫姓柳乎。故有此警報耳。偶成一詩。暗藏春色。題于幀首之上。何如。〔貼〕卻好。〔旦題吟介〕近觀分明似儼然。遠觀自在若飛仙。他年得傍蟾宮客。

不在梅邊在柳邊。〔放筆嘆介〕春香也有古今美女。早嫁了丈夫相愛。替他描模畫樣。也有美人自家寫照。寄與情人。似我杜麗娘寄誰呵。

〔尾犯序〕心喜轉心焦。喜的明妝儼雅。仙珮飄飄。則怕呵把俺年深色淺。當了個金屋藏嬌。虛勞寄春容教誰淚落。做真真無人喚叫。〔淚介〕堪愁天。精神出現留與後人標。春香悄悄喚那花郎分付他。〔貼叫介丑花郎上〕秦宮一生花裏活。崔徽不似卷中人。小姐有何分付。〔旦〕這一幅行樂圖。向行家裱去。叫人家收拾好些。

〔鮑老催〕這本色人兒妙。助美的誰家裱。要練花銷。簾兒瑩。邊闌小。教他有人問着休胡嘍。日炙風吹懸襯的好。怕好物不堅牢。把咱巧丹青休澆了。〔丑〕小姐。裱完了。安奉在那裏。

〔尾聲〕〔旦〕儘香閨賞玩無人到。〔貼〕這形模則合挂巫山廟。〔合〕又怕爲雨爲雲飛去了。

眼前珠翠與心違。

卻向花前痛哭歸。

好寫妖嬈與教看。

令人評泊畫楊妃。

第十五齣 虜諒

〔一枝花〕〔淨番王引衆上〕天心起滅了遼。世界平分了趙。靜鞭兒替了胡笳哨。搥鼓鳴鐘。看文武班齊到。骨碌碌南人笑。則個鼻凹兒蹺。臉皮黧。毛梢兒魍。萬里江山萬里塵。一朝天子一朝臣。俺北地怎禁沙日月。南人偏占錦乾坤。自家大金皇帝完顏亮是也。身爲夷虜。性愛風騷。俺祖公阿骨都。搶了南朝天下。趙康王走去杭州。今又二十餘年矣。聽得他妝點杭州。勝似汴梁風景。一座西湖。朝歡暮樂。有個曲兒。說他三秋桂子。十里荷花。便待起兵百萬。吞取何難。兵法虛虛實實。俺待用個南人。爲我鄉導。喜他淮安賊漢李全。有萬夫不當之勇。他心願溜于俺。俺先封他爲溜金王之職。限他三年內招兵買馬。騷擾淮揚地方。相機而行。以開征進之路。哎喲。俺巴不到西湖上散悶兒也。

〔北〕一犯江兒水。平分天道。雖則是平分天道。高頭偏俺照。俺司天臺標着那南朝。標着他那答兒好。〔衆〕那答裏好。〔淨笑介〕你說西子怎嬌嬈。向西湖上笑倚

着蘭橈。〔衆〕西湖有俺這南海子北海子大麼。〔淨〕周圍二百里。波上花搖。雲外香飄。無明夜。錦笙歌。圍醉遶。〔衆〕萬歲爺。借他來耍耍。〔淨〕已濟遣畫工。偷將他全景來了。那湖上有吳山第一峯。畫俺立馬其上。俺好不狠也。吳山最高。俺立馬在吳山最高。江南低小。也看見了江南低小。〔舞介〕俺怕不占場兒砌一個錦西湖上馬嬌。〔衆〕奏萬歲爺。怕急不能設到西湖。何方駐駕。

〔北尾〕〔淨〕呀。急切要畫圖中匹馬把西湖哨。且迤遞的看花向洛陽道。我呵。少不的把趙康王剩水殘山都占了。

線大長江扇大天。

旌旗遙拂雁行偏。

可勝飲盡江南酒。

交割山川直到燕。

第十六齣 詰崇

〔二〕登樂。〔老旦上〕今生怎生。偏則是紅顏薄命。眼見的孤苦仵儂。〔泣介〕掌上珍。心頭肉。淚珠兒暗傾。天呵。偏人家七子團圓。一個女孩兒廝病。〔清平樂〕如花

嬌怯。合得天饒借。風雨於花生分劣。作意十分凌藉。止堪深閣重簾。誰教月榭風簷。我髮短迴腸寸斷。眼昏眵淚雙淹。老身年將半百。單生一女麗娘。因何一病。起倒半年。看他舉止容談。不似風寒暑溼。中間緣故。春香必知。則問他便了。香春賤才那裏。〔貼上〕有哩。我眼裏不逢乖小使。掌中擎着個病多嬌。得知堂上夫人召。膽酒殘脂要咽消。春香叩頭。〔老〕小姐閒常好好的。纔着你賤才伏事他。不上半年。偏是病害。可惱可惱。且問近日茶飯多少。

〔駐馬聽〕〔貼〕他茶飯何曾。所事兒休提。叫懶應。看他嬌啼隱忍。笑謔迷廝。睡眠懵懂。〔老〕早早稟請太醫了。〔貼〕則除是八法針針斷軟綿情。怕九還丹丹不的。腌臢證。〔老〕是甚麼病。〔貼〕春香不知道。他一枕秋清。卻怎生還害的。是春前病。〔老哭介〕怎生了。

〔前腔〕他一搦身形。瘦的龐兒沒了四星。都是小奴才逗他。大古是煙花惹事。鶯燕成招。雲月知情。賤才還不跪。取家法來。〔貼跪介〕春香實不知。〔老〕因何瘦壞了玉傳停。你怎生觸損了他嬌情性。〔貼〕小姐好好的折花弄柳。不知因甚病了。〔老惱打貼介〕打

你這牢承。嘴骨稜的胡遮映。〔貼〕夫人休閃了手。容春香訴來。便是那一日。遊花園回來。夫人撞到時節。說個秀才。手裏拈的柳枝兒。要小姐題詩。小姐說這秀才。素昧平生。也不和他題了。〔老〕不題罷了。後來。〔貼〕後來那那那秀才就一拍手。把小姐端端正正。抱在牡丹亭上去了。〔老〕去怎的。〔貼〕春香怎得知。小姐做夢哩。〔老驚介〕是夢麼。〔貼〕是夢。〔老〕這等着鬼了。快請老爺商議。〔貼請介〕老爺有請。〔外上〕肘後印嫌金帶重。掌中珠怕玉盤輕。夫人。女兒病體因何。〔老泣介〕老爺聽講。

〔前腔〕說起心疼。這病知他是怎生。看他長眠短起。似笑如啼。有影無形。原來女兒到後花園遊了。夢見一人。手執柳枝。閃了他去。〔作嘆介〕怕腰身觸污了柳精靈。虛囂側犯了花神聖。老爺呵。急與禳星。怕流星趕月相刑迸。〔外〕卻還來。我請陳齋長教書。要他拘束身心。你爲母親的。到縱他閒遊。〔笑介〕則是些日炙風吹。傷寒流轉。便要禳解。不用師巫。則叫紫陽宮石道婆。頌些經典可矣。古語云。信巫不信醫。一不治也。我已請過陳齋長。看他脈息去了。〔老〕看甚脈息。若早有了人家。敢沒這病。〔外〕咳。古者男子三十而娶。女子二十而嫁。女兒點

點年紀。知道個什麼呢。

〔前腔〕忒恁愁生。一個哇兒甚七情。則不過往來潮熱。大小傷寒。急慢風驚。則是你爲母的啊。真珠不放在掌中擎。因此嬌花不奈這心頭病。〔泣介合〕兩口丁

零。告天天半邊兒是咱全家命。〔丑院公上〕人來大庾嶺。船去鬱孤臺。稟老爺。有使客到。

〔尾聲〕〔外〕俺爲官公事有期程。夫人。好看惜女兒身命。少不的人向秋風病

骨輕。〔老弔場介〕無官一身輕。有子萬事足。我看老相公則爲往來使客。把女兒病都不瞧。好傷懷

也。〔泣介〕想起來一邊叫石道婆禳解。一邊教陳教授下藥。知他效驗如何。咳。正是世間只有娘憐

女。天下能無卜與醫。〔下〕

第十七齣 道覲

〔風入松〕〔淨老道姑上〕人間嫁娶苦奔忙。只爲有陰陽。問天天從來不具人身相。只得來道扮男妝。屈指有四旬之上。當人生夢一場。〔集唐〕紫府空歌碧落寒。竹

石如山不敢安。長恨人心不如石。每逢佳處便開看。貧道紫陽宮石仙姑是也。俗家原不姓石。則因

生爲石女。爲人所棄。故號石姑。思想起來。要還俗。百家姓上有俺一家。論出身。千字文中有俺數句。天呵。非是俺求古尋論。恰正是史魚秉直。俺因何住在這樓觀飛鷺。打扮的勞謙謹勅。看修行似福緣善慶。論因果是禍因惡積。有甚麼榮業所基。幾輩兒林皋幸卽。生下我形端表正。那些性靜情逸。大便處似園莽抽條。小便處也渠荷滴瀝。只那些兒正好又着口鉅野洞庭。偏和你滅了縫昆池碣石。雖則石路上可以路狹槐卿。石田中怎生我藝黍稷。難道嫁人家空谷傳聲。則好守娘家孝當竭。力。可奈不由人諸姑伯叔。聒噪俺入奉母儀。母親說。你內才兒雖然守真志滿。外像兒毛施淑姿。是人家有個上和下睦。偏你石二姐沒個夫唱婦隨。便請了個有口齒的媒人信使可復。許了個大鼻子的女婿器欲難量。則見不多時。那人家下定了。說道選擇了一年上日月盈昃。配定了八字兒辰宿列張。他過的禮金生麗水。俺上了轎玉出崑岡。遮臉的紈扇圓潔。引路的銀燭煒煌。那新郎好不打扮的頭直上高冠陪輦。咱新人一般排比了腰兒下束帶於莊。請了些親戚故舊。半路上接杯舉觴。請新人升階納陛。叫女伴們侍巾幃房。合卺的弦歌酒讌。撒帳的詩讚羔羊。把俺做新人嘴臉兒一寸寸鑑貌辨色。將俺那寶妝奩一件件都寓目囊箱。早是二更時分。新郎緊上來了。替俺說。俺兩

口兒活像鳴鳳在竹。一時間就要白駒食場。則見被窩兒蓋此身髮。燈影裏褪盡了這幾件乃服衣裳。天呵。瞧了他那驢驛犢特。教俺好一會悚懼恐惶。那新郎見我害怕。說道新人。你年紀不少了。閨餘成歲。俺也可不使狠。和你慢慢的律呂調陽。俺聽了。口不應。心兒裏笑着。新郎。新郎。任你矯手頓足。你可也靡恃己長。三更四更了。他則待陽臺上雲騰致雨。怎生巫峽內露結爲霜。他一時摸不出路數兒。道是怎的。快取亮來。側着腦要右通廣內。陪着眼在藍筍象牀。那時節俺口不說。心下好不冷笑。新郎。新郎。俺這件東西。則許你徘徊瞻眺。怎許你適口充腸。如此者幾度了。惱的他氣不分的。嘴勞刀俊又密勿。累的他鑿不竅皮混沌的天地玄黃。和他整夜價則是寸陰是競。待講起醜煞那屬耳垣牆。幾番待懸梁。待投河。免其指斥。若還用刀鑽。用線藥。豈敢毀傷。便拚做越了交索居閒處。甚法兒取他意悅豫且康。有了有了。他沒奈何。及煞後庭花背邛面洛。俺也則得且隨順乾荷葉。和他秋收冬藏。哎喲。對面兒做的個女慕貞潔。轉腰兒到做了男效才良。雖則暫時間釋紛利俗。畢竟情兒四大五常。要留俺怕誤了他嫡後嗣續。要嫁了俺怕人笑飢厭糟糠。這時節俺也索勸了他。官人。官人。少不的請一房妾御績紡。省你氣那烏官人皂。俺情願推位讓國。則要你得能莫忘。後

來當真討一個了。沒多時做小的寵增抗極。反撚去俺爲正的率賓歸王。不怨他。只省躬譏誠。出了家罷。俺則垂拱平章。若論這道院裏。昔年也不甚宮殿盤鬱。到老身纔開闢了宇宙洪荒。畫真武劍號巨闕。步北斗珠稱夜光。奉香供果珍李柰。把齋素也是菜重芥薑。世間味識得破海鹹河淡。人中網逃得出鱗潛羽翔。俺這出了家呵。把那幾年前做新郎的臭黏涎骸垢想浴。將俺卽世裏做老婆的乾柴火執熱願涼。則可惜做觀主遊鷗獨運。也要知觀的顧客審詳。赴會的都要具膳餐飯。行脚的也要老少異糧。怎生觀中再沒個人兒。也都則是沈默寂寥。全不會牋牒簡要。俺老將來年矢每催。夢兒裏晦魄還照。硬配不上士女圖馳譽丹青。也要接的着仙真傳堅持雅操。懶雲遊東西二京。端一味坐朝問道。女冠子有幾個同氣連枝。騷道士不與他工顰妍笑。怕了他暗地虎布射遼丸。則守着寒水魚鈞巧任釣。使喚的只一個猶子比兒。叫做癩頭龜愚蒙等誚。〔內〕姑娘罵俺哩。俺是個妙人兒。〔淨〕好不羞殆辱近恥。到誇獎你並皆佳妙。〔內〕杜太爺阜隸。拿姑娘哩。〔淨〕爲甚麼。〔內〕說你是個賊道。〔淨〕咳。便道那府牌來杜藁鍾隸。把俺做女妖看誅斬賊盜。俺可也散慮逍遙。不用你這般虛輝朗耀。〔丑府差上〕承差府堂上。提名仙觀中。〔見介淨〕府牌哥。爲何而

來。

〔大趺鼓〕〔丑〕府主坐黃堂。夫人傳示。衙內敲梆。知他小姐年多長。染成一疾。半年光。〔淨〕俺不是女科。〔丑〕請你修齋。一會祈禳。

〔前腔〕〔淨〕俺仙家有禁方。小小靈符帶在身傍。教他刻下人無恙。〔丑〕有這等靈符。快行動些。〔行介淨〕叫童兒。〔內應介淨〕好看守臥雲房。殿上無人仔細燈香。〔內〕知道了。

紫微宮女夜焚香。

古觀雲根路已荒。

猶有真妃長命縷。

九天無事莫推忙。

第十八齣 診崇

〔一江風〕〔貼扶病旦上〕病迷廝。爲甚輕憔悴。打不破愁魂謎。夢初回。燕尾翻風。亂颯起湘簾翠。春去若多時。〔合〕花容只顧衰。井梧聲刮的我心兒碎。〔行香子〕

〔旦〕春香呵。我楚楚精神。葉葉腰身。能禁多病逡巡。〔貼〕你星星措與種種生成。有許多嬌。許多韻。

許多情。〔旦〕咳。咱弄梅心事。那折柳情人。夢淹漸暗。老殘春。〔貼〕正好簾櫳香午。枕扇風清。知爲誰
翠。爲誰瘦。爲誰疼。〔旦〕春香。我自春遊一夢。臥病如今。不癢不疼。如癡如醉。知他怎生。〔貼〕小姐。夢
兒裏事。想他則甚。〔旦〕你教我怎生不想呵。

〔金落索〕貪他半餉癡。賺了多情泥。待不思量。怎不思量得。就裏暗消肌。怕人
知。嗽腔腔嫩喘微。哎。我這慣淹煎的樣子。誰憐惜。自噤窄的春心。怎的支心
兒悔。悔當初一覺留春睡。〔貼〕老夫人替小姐沖喜。〔旦〕信他沖的個甚喜。到的年
時。敢犯殺花園內。

〔前腔〕〔貼〕看他春歸何處歸。春睡何曾睡。氣一絲兒。怎度的長天日。把心兒
捧湊眉。病西施。小姐。夢去知他實實誰。病來只送的個虛虛的你。做行雲先渴
倒在巫陽會。全無謂。把單相思害得忒明昧。又不是困人天氣。中酒心期。越越
地常如醉。〔末上〕日下曬書嫌鳥跡。月中搗藥要蟾酥。我陳最良承公相命。來診視小姐脈息。到此
後堂。不免打叫一聲。春香賢弟有麼。〔貼見介〕是陳師父。小姐睡哩。〔末〕免驚動他。我自進去。〔見

介〕小姐〔旦作驚介〕誰〔貼〕陳師父哩。〔旦扶起介旦〕師父。我學生患病。久失敬了。〔末〕學生學生。古書有云。學精於勤。荒于嬉。你因爲後花園湯風冒日。感下這疾。荒廢書工。我爲師的在外。寢食不安。幸喜老公相請來看病。也不料你清減至此。似這般樣。幾時勾起來讀書。早則端陽節哩。〔貼〕師父。端節有你的。〔末〕我說端陽。難道要你種子。小姐。望聞問切。我且問你。病症因何。〔貼〕師父問甚麼。只因你講毛詩。這病便是君子好求上來的。〔末〕是那一位君子。〔貼〕知他是那一位君子。〔末〕這般說。毛詩病。用毛詩去醫。那頭一卷就有女科聖惠方在哩。〔貼〕師父。可記的毛詩上方兒。〔末〕便依他處方。小姐害了君子的病。用的史君子。毛詩旣見君子。云胡不瘳。這病有了君子抽一抽。就抽好了。〔旦羞介〕哎也。〔貼〕還有甚藥。〔末〕酸梅十個。詩云。標有梅。其實七兮。又說其實三兮。三個打七個。是十個。此方單醫男女過時思酸之病。〔旦嘆介貼〕還有呢。〔末〕天南星三個。〔貼〕可少。〔末〕再添些。詩云三星在天。專醫男女及時之病。〔貼〕還有呢。〔末〕俺看小姐一肚子火。你可抹淨一個大馬桶。待我用梔子仁當歸瀉下他火來。這也是依方。之子于歸。言秣其馬。〔貼〕師父。這馬不同那其馬。〔末〕一樣髀鞞窟洞下。〔旦〕好個傷風切藥陳先生。〔貼〕做的按月通經陳媽媽。〔旦〕師

父不可執方。還是診脈爲穩。〔末看脈錯按旦手背介貼〕師父討個轉手。〔末〕女人反此背看之。正是王叔和脈訣也罷。順手看是。〔診脈介〕咳。小姐脈息到這個分際了。

〔金索掛梧桐〕他人人才忒整齊。脈息恁微細。小小香閨爲甚傷憔悴。〔起介〕春香呵。似他這傷春怯夏肌。好扶持。病煩人容易傷秋意。小姐我去咀藥來。〔旦嘆介〕師父少不得情栽了。竅髓針難入。病躲在煙花你藥怎知。〔泣介〕承尊覲。何時何日來看這女顏回。〔合〕病中身怕的是驚疑。且將息休煩絮。〔旦〕師父且自在送不

得你了。可曾把俺八字推算麼。〔末〕算來要過中秋好。當生止有八個字。起死曾無二世醫。〔下

貼〕

一個道姑走來了。〔淨上〕不聞弄玉吹簫去。又見嫦娥竊藥來。自家紫陽宮石道姑便是。承杜

老夫人呼喚。替小姐禳解。〔見貼介貼〕姑姑爲何而來。〔淨〕吾乃紫陽宮石道姑。承夫人命。替小

姐禳解。不知害的甚病。〔貼〕尷尬病。〔淨〕爲誰來。〔貼〕後花園耍來。〔淨舉三指貼搖頭介淨舉五

指貼又搖頭介淨〕咳。你說是三是五。與他做主。〔貼〕你自問他去。〔淨見旦介〕小姐。小姐。道姑稽

首那。〔旦作驚介〕那裏道姑。〔淨〕紫陽宮石道姑。夫人有名。替小姐保禳。聞說小姐在後花園着魅。

我不信。

〔前腔〕你星星的怎着迷。設設的渾如魅。〔旦作魔語介〕我的人那。〔淨貼背介〕你聽他唸唸呢呢。作的風風勢。是了。身邊帶有個小符來。〔取旦釵挂小符作咒介〕赫赫揚揚。日出東方。此符屏卻惡夢。辟除不祥。急急如律令敕。〔插釵介〕這釵頭小篆符。眠坐莫教離。把閒神野夢都迴避。〔旦醒介〕咳。這符敢不中。我那人呵。須不是依花附木廉纖鬼。咱做的弄影團風抹媚癡。〔淨〕再癡時請個五雷打他。〔旦〕些兒意。正待攜雲握雨你卻用掌心雷。〔合前淨〕還分明說與。起個三丈高咒旛兒。〔旦〕待說個甚麼子好。

〔尾聲〕〔旦〕依稀則記的箇柳和梅。姑姑。你也不索打符椿掛竹枝。則待我冷思量。一星星咒向夢兒裏。

綠慘雙蛾不自持。

道家妝束厭禳時。

如今不在花紅處。

爲報東風且莫吹。

〔北點紅脣〕〔淨李全引衆上〕世擾羶風家傳雜種。刀兵動這賊英雄。比不得穿牆洞。野馬千蹄合一羣。眼看江海盡風塵。漢兒學得胡兒語。又替胡兒罵漢人。自家李全是也。本貫楚州人氏。身有萬夫不當之勇。南朝不用。去而爲盜。以五百人出沒江湖之間。正無歸着。所幸大金皇帝遙封我爲溜金王。央我騷擾淮揚。看機進取。奈我多勇少謀。所喜妻子楊氏娘娘。能使一條梨花鎗。萬人無敵。夫妻上陣。大有威風。則是娘娘有些喫酸。但是擄的婦人。都要送他帳下。便是軍士們。都只畏懼他。正是山妻獨霸獅吞象。海賊封王蛇變龍。

〔番卜算〕〔丑楊婆持鎗上〕百戰惹雌雄。血映燕支重。〔舞介〕一枝鎗灑落花風。點點梨花弄。〔見舉手介〕大王千歲。奴家甲冑在身。不拜了。〔淨〕娘娘。你可知大金皇帝封我做溜金王。〔丑〕怎麼叫做溜金王。〔淨〕溜者順也。〔丑〕封你何事。〔淨〕央俺騷擾淮揚三年。待我兵糧齊集。一舉渡江。滅了趙宋。那時還封我爲帝哩。〔丑〕有這等事。恭喜了。借此號令。買馬招軍。

〔六么令〕如雷喧闐。緊轅門畫鼓鼕鼕。哨尖兒飛過海雲東。〔合〕好男女。坐當中。淮揚草木都驚動。

〔前腔〕聚糧收衆。選高蹄戰馬青驄。閃盔纓斜簇玉釵紅。〔合前〕

羣雄競起向前朝。

折戟沈戈鐵未銷。

平原好牧無人放。

白草連天野火燒。

第二十齣 鬧殤

〔金瓊璫〕〔貼上〕連宵風雨重。多嬌多病愁中。仙少效。藥無功。顰有爲顰。笑有爲笑。

不顰不笑。哀哉年少。春香侍奉小姐。傷春病到深秋。今夕中秋佳節。風雨蕭條。小姐病轉沈吟。待我扶他消遣。正是從來雨打中秋月。更值風搖長命燈。〔下〕

〔鵲橋仙〕〔貼扶病旦上〕拜月堂空。行雲徑擁。骨冷怕成秋夢。世間何物似情濃。

整一片斷魂心痛。〔旦〕枕函敲破漏聲殘。似醉如呆死不難。一段暗香迷夜雨。十分清瘦怯秋寒。

春香病境沈沈。不知今夕何夕。〔貼〕八月半了。〔旦〕哎也。是中秋佳節哩。老爺奶奶都爲我愁煩。不會玩賞了。〔貼〕這都不在話下了。〔旦〕聽見陳師父替我推命。要過中秋。看看病勢轉沈。今宵欠好。

你爲我開軒一望。月色如何。〔貼開窗旦望介〕

〔集賢賓〕〔旦〕海天悠問冰蟾何處湧。玉杵秋空。憑誰竊藥把嫦娥奉。甚西風吹夢無蹤。人去難逢。須不是神挑鬼弄。在眉峯。心坎裏別是一般疼痛。〔悶介〕

〔前腔〕〔貼〕甚春歸無端廝和哄。霧和煙兩不玲瓏。算來人命關天重。會消詳。直恁匆匆。爲着誰儂。俏樣子等閒拋送。待我謊他。姐姐。月上了。月輪空。敢蘸破你一牀幽夢。〔旦望嘆介〕輪時盼節想中秋。人到中秋不自由。奴命不中孤月照。殘生今夜雨中休。

〔前腔〕你便好中秋月兒誰受用。翦西風淚雨梧桐。楞生瘦骨加沈重。趲程期。是那天外哀鴻。草際寒蛩。撒刺刺紙條窗縫。〔旦驚作昏介〕冷鬆鬆軟兀刺四梢難動。〔貼驚介〕小姐冷厥了。夫人有請。〔老旦上〕百歲少憂夫主貴。一生多病女兒嬌。我的兒。病體怎生了。〔貼〕奶奶欠好。欠好。〔老〕可怎了。

〔前腔〕不隄防你後花園閒夢銃。不分明再不惺忪。睡臨侵打不起頭梢重。〔泣介〕恨不呵早早乘龍。夜夜孤鴻。活害殺俺翠娟娟雛鳳。一場空。是這答裏把娘兒命送。

〔轉林鶯〕〔旦醒介〕甚飛絲繹的陽神動。弄悠揚風馬丁冬。〔泣介〕娘。拜謝你了。〔拜跌介〕從小來覷的千金重。不孝女孝順無終。娘呵。此乃天之數也。當今生花開一紅。願來生把萱椿再奉。〔衆泣介合〕恨西風。一霎無端碎綠摧紅。

〔前腔〕〔老〕並無兒蕩得個嬌香種。繞娘前笑眼歡容。但成人索把俺高堂送。恨天涯老運孤窮。兒呵。暫時間月直年空。反將息你這心煩意冗。〔合前旦〕娘。你女兒不幸。作何處置。〔老〕奔你回去也。兒。

〔玉鶯兒〕〔旦泣介〕旅櫬夢魂中。盼家山。千萬重。〔老〕便遠也去。〔旦〕是不是。聽女孩

兒一言。這後花園中一株梅樹。兒心所愛。但葬我梅樹之下可矣。〔老〕這是怎的來。〔旦〕做不的病嬋娟。桂窟裏長生。則分的粉骷髏。向梅花古洞。〔老泣介〕看他強扶頭淚濛。冷淋心汗傾。不如我先他一命無常用。〔合〕恨蒼穹。妬花風雨。偏在月明中。

〔老〕還去與爹講。廣做道場也。兒。銀蟾謾搗君臣藥。紙馬重燒子母錢。〔下旦〕春香。咱可有回生之日否。

〔前腔〕〔嘆介〕你生小事依從。我情中。你意中。春香。你小心奉事老爺奶奶。〔貼〕這是當的了。〔旦〕春香。我記起一事來。我那春容題詩在上。外觀不雅。葬我之後。盛着紫檀匣兒。藏在太湖石底。〔貼〕這是主何意兒。〔旦〕有心靈翰墨春容。儻直那人知重。〔貼〕姐姐寬心。你如今不幸。孤墳獨影。肯將息起來。稟過老爺。但是姓梅姓柳秀才招選一個。同生同死。可不美哉。〔旦〕怕等不得了。哎喲。哎喲。〔貼〕這病根兒怎攻。心上醫怎逢。〔旦〕春香。我亡後你常向靈位前叫喚我一聲兒。〔貼介〕他一星星說向咱傷情重。〔合前旦昏介貼〕不好了。不好了。老爺奶奶快來。

〔憶鶯兒〕〔外老旦上〕鼓二襲。愁萬重。冷雨幽窗燈不紅。聽侍兒傳言女病凶。〔貼泣介〕我的小姐。小姐。〔外老同泣介〕我的兒呵。你捨的命終。拋的我途窮。當初只望把爹娘送。〔合〕恨匆匆。萍蹤浪影。風翦了玉芙蓉。〔旦作醒介外〕快甦醒兒。爹在此。〔旦作看外介〕哎喲。爹爹。扶我中堂去罷。〔外〕扶你也兒。〔扶介〕

〔尾聲〕〔旦〕怕樹頭樹尾不到的五更風。和俺小墳邊立斷腸碑一統。爹。今夜是

中秋〔外〕是中秋也兒。〔旦〕禁了這一夜雨。〔嘆介〕怎能穀月落重生燈再紅。〔並下貼哭上〕我的小姐。我的小姐。天有不測之風雲。人有無常之禍福。我小姐一病傷春死了也。痛殺了我家爺。我家奶奶。列位看官們怎了也。待我哭他一會。

〔紅衲襖〕〔貼〕小姐再不叫咱把領頭香心字燒。再不叫咱把剔花燈紅淚繳。再不叫咱拈花側眼調歌鳥。再不叫咱轉鏡移肩和你點絳桃。想着你夜深深放剪刀。曉清清臨畫稿。提起那春容。被老爺看見了。怕奶奶傷情。分付殉了葬罷。俺想小姐臨終之言。依舊向湖山石兒靠也。怕等得個拾翠人來把畫粉銷。老姑姑你也來了。〔淨上〕你哭得好。我來幫你。

〔前腔〕春香姐再不叫你暖朱唇學弄簫。〔貼〕爲此。〔淨〕再不和你蕩湘裙閒鬪草。〔貼〕便是。〔淨〕小姐不在。春香姐也鬆泛多少。〔貼〕怎見得。〔淨〕再不要你冷溫存熱絮叨。再不要得你夜眠遲朝起的早。〔貼〕這也慣了。〔淨〕還有省氣的所在。雞眼睛不用你做嘴兒挑。馬子兒不用你隨鼻兒倒。〔貼碎介淨〕還一件。小姐青春有了。沒時間做

出此三兒也。那老夫人呵。少不的把你後花園打折腰。〔貼〕休胡說。老夫人來也。〔老上哭介〕我的親兒。

〔前腔〕每日遶娘身有百十遭。並不見你向人前輕一笑。他背熟的班姬四戒。從頭學。不要得孟母三遷把氣淘。也愁他軟苗條忒恁嬌。誰料他病淹煎真不好。〔哭介〕從今後誰把親娘叫也。一寸肝腸做了百寸焦。〔老悶倒貼驚叫介〕老爺痛殺了奶奶也。快來。快來。〔外哭上〕我的兒也呀。原來夫人悶倒在此。

〔前腔〕夫人不是你坐孤辰把子宿囂。則是我坐公堂冤業報。較不似老倉公多女好。撞不着賽盧醫他。一病躄。天天似俺頭白中年呵。便做了大家緣何處消。見放着小門楣生折倒。夫人你且自保重。便作你寸腸千斷了也。則怕女兒呵他望帝魂歸不可招。〔丑院公上〕人間舊恨驚鴉去。天上新恩喜鵲來。稟老爺。朝報高陞。〔外看報介〕吏部一本。奉聖旨。金寇南窺。南安知府杜寶。可陞安撫使。鎮守淮揚。即日起程。不得違誤。欽此。〔嘆

介〕夫人。朝旨催人北往。女喪不便西歸。院子。請陳齋長講話。〔丑〕老相公有請。〔末上〕彭殤真一

壑。弔賀每同堂。〔見介外〕陳先生。小女長謝你了。〔末哭介〕正是。苦傷小姐仙逝。陳最良四顧無門。所喜老公相喬遷。陳最良一發失所。〔衆哭介外〕陳先生。有事商量。學生奉旨。不得久停。因小女遺言。就葬後園梅樹之下。又恐不便。後官居住。已分付割取後園。起座梅花庵觀。安置小女神位。就着這石道姑焚修看守。那道姑可承應的來。〔淨跪介〕老道婆添香換水。但往來看顧。還得一人。〔老〕就煩陳齋長爲便。〔末〕老夫人有命。情願效勞。〔老〕老爺須置些祭田纔好。〔外〕有漏澤院二頃虛田。撥資香火。〔末〕這漏澤院田。就漏在生員身上。〔淨〕咱號道姑。堪收稻穀。你是陳絕糧。漏不到你。〔末〕秀才口喫十一方。你是姑姑。我是孤老。偏不該我收糧。〔外〕不消爭。陳先生收給。陳先生。我在此數年。優待學校。〔末〕都知道。便是老公相高陞。舊規有諸生遺愛記。生祠碑文。到京伴禮。送人爲妙。〔淨〕陳絕糧。遺愛記是老爺遺下。與令愛作表記麼。〔末〕是老公相政跡歌謠。甚麼令愛。〔淨〕怎麼叫做生祠。〔末〕大祠宇塑老爺像供養。門上寫着杜公之祠。〔淨〕這等。不如就塑小姐在傍。我普同供養。〔外惱介〕胡說。但是舊規。我通不用了。

〔意不盡〕陳先生。老道姑。咱女墳兒二尺墓雲高。老夫妻一言相靠。不敢望時時

看守。則清明寒食一碗飯兒澆。

魂歸冥漠魄歸泉。

使汝悠悠十八年。

一叫一回腸一斷。

如今重說恨絲絲。

第二十一齣 謁遇

〔光光乍〕〔老僧上〕一領破袈裟。香山嶼裏巴多生多寶多菩薩。多多照證光光乍。小僧廣州府香山嶼多寶寺一個住持。這寺原是番鬼門建造。以便迎接收寶官員。茲有欽差苗爺任滿。祭寶於多寶菩薩位前。不免迎接。

〔掛真兒〕〔淨苗舜賓末通事外貼阜丑番鬼上〕半壁天南開海汊。向真珠窟裏排衙。

〔僧接介合〕廣利神王。善財天女。聽梵放海潮音下。〔淨〕銅柱珠崖道路難。伏波橫海

舊登壇。越人自貢珊瑚樹。漢使何勞獬豸冠。自家欽差識寶使臣苗舜賓便是。三年任滿。例當祭賽

多寶菩薩。通事那裏。〔末見介丑見介〕伽瓏喇。〔老僧見介淨〕叫通事。分付番回獻寶。〔末〕俱

已陳設。〔淨起看寶介〕奇哉寶也。真乃磊落山川。精熒日月。多寶寺不虛名矣。看香。〔內鳴鐘淨拜

介

〔亭前柳〕三寶唱三多。七寶妙無過。莊嚴成世界。光彩遍娑婆。甚多功德無邊闊。〔合〕領拜南無。多得寶。寶多羅。多羅。〔淨〕和尚替番回海商祝贊一番。

〔前腔〕〔老僧〕大海寶藏多。船舫遇風波。商人持重寶。險路怕經過。刹那念彼觀音脫。〔合前〕

〔掛真兒〕〔生上〕望長安西日下。偏吾生海角天涯。愛寶的喇麻。抽珠的佛法。滑琉璃兩下難拿。自笑柳夢梅。一貧無賴。棄家而遊。幸遇欽差。寺中祭寶。托詞進見。倘言話中間。可以打動。得其賑援。亦未可知。〔見外介生〕煩大哥通報一聲。廣州府學生員柳夢梅。來求看寶。

〔報介淨〕朝廷禁物。那許人觀。既係斯文。權請相見。〔見介生〕南海開珠殿。〔淨〕西方掩玉門。〔生〕剖懷俟知己。〔淨〕照乘接賢人。敢問秀才以何至此。〔生〕小生貧苦無聊。聞得老大人在此賽寶。願求一觀。以開懷抱。〔淨笑介〕既逢南土之珍。何惜西崑之祕。請試一觀。〔淨引生看寶介生〕明珠美玉。小生見而知之。其間數種。未委何名。煩老大人一一指教。

〔駐雲飛〕〔淨〕這是星漢神沙。這是煮海金丹和鐵樹花。甚麼貓眼精光射。母碌通明差。這是靺鞨柳金芽。這是溫涼玉翠。這是吸月的蟾蜍。和陽燧冰盤化。〔生〕我廣南有明月珠。珊瑚樹。〔淨〕徑寸明珠等讓他。便幾尺珊瑚碎了他。〔生〕小生不遊大方之門。何因覩此。

〔前腔〕天地精華。偏出在番回到帝子家。稟問老大人。這寶來路多遠。〔淨〕有遠三萬里的。至少也有一萬多程。〔生〕這般遠可是飛來走來。〔淨笑介〕那有飛走而至之理。只因朝廷重價購求。自來貢獻。〔生嘆介〕老大人。這寶物蠢爾無知。三萬里之外。尙然無足而至。生員柳夢梅。滿胸奇異。到長安三千里之近。倒無人購取。有脚不能飛。他重價高懸下。那市舶能奸詐。嚙浪把寶船攆。〔淨〕疑惑這寶物欠真麼。〔生〕老大人。便是真。飢不可食。寒不可衣。看他似虛舟飄瓦。〔淨〕依秀才說。何爲真寶。〔生〕不欺。小生到是個真正獻世寶。我若載寶而朝。世上應無價。〔淨笑介〕則怕朝廷之上。這樣獻世寶也多着。〔生〕但獻寶龍宮笑殺他。便鬪寶臨潼也賽得他。〔淨〕這等便好獻與聖天子了。〔生〕寒儒薄相。要伺候官府。尙不能殼。怎見的聖天

子〔淨〕你不知。到是聖天子好見。〔生〕則三千里路資難處。〔淨〕一發不難。古人黃金贈壯士。我將衙門常例銀兩。助君遠行。〔生〕果爾。小生無父母妻子之累。就此拜辭。〔淨〕左右。取書儀看酒。〔丑上〕廣南愛喫荔枝酒。直北偏飛榆筴錢。酒到。書儀在此。〔淨〕路費先生收下。〔生〕謝了。〔淨送酒介〕

〔二學士〕你帶微醺。走出這香山罇。向長安有路榮華。〔生〕無過獻寶當今駕。撒去收來再似他。〔合〕驟金鞭及早把荷衣挂。望歸來錦上花。〔前腔〕〔生〕則怕呵重瞳有眼蒼天瞎。似波斯賞鑒無差。〔淨〕由來寶色無真假。只在淘金的會揀沙。〔合前生〕告行了。

〔尾聲〕你贈壯士黃金氣色佳。〔淨〕一杯酒酸寒奮發。則願你呵寶氣冲天海上槎。

烏紗巾上是青天。

俊骨英才氣儼然。

聞道金門開濟世。

臨行贈汝繞朝鞭。

第二十二齣 旅寄

〔搗練子〕〔生傘袱病容上〕人出路。鳥離巢。〔內風聲介〕攪天風雪。夢牢騷。這幾日精神寒凍倒。香山嶼裏打包來。三水船兒到岸開。要寄鄉心值寒歲。嶺南南上半枝梅。我柳夢梅。秋風拜別中郎。因循親友辭餞。離船過嶺。早是暮冬。不隄防嶺北風嚴。感了寒疾。又無掃興而回之理。一天風雪。望見南安。好苦也。

〔山坡羊〕樹槎牙。餓鶯驚叫。嶺迢遙。病魂孤弔。破頭巾。雹打風篩。透衣單。傘做張兒哨。路斜抄。急沒個店兒捎。雪兒呵。偏則把白面書生奚落。怎生冰凌斷橋。步高低。踏着好了。有一株柳。酬將過去。方便處。柳跔腰。〔扶柳過介〕虛囂。儘枯楊。命一條。蹊蹺。滑喇沙。跌一交。〔跌介〕

〔步步嬌〕〔末上〕俺是個臥雪先生。沒煩惱。背上驢兒笑。心知第五橋。那裏開年。有齋村學。〔生叫啉介末〕怎生來人。怨語聲高。〔看介〕呀。甚城南破瓦窰。閃下一個精寒料。〔生〕救人。救人。〔末〕我陳最良。爲求館衝寒到此。彩頭兒恰遇着弔水之人。且由他去。〔生又叫介〕救人。〔末〕聽說救人。那裏不是積福處。俺試問他。〔問介〕你是何等之人。失脚在此。

〔生〕俺是讀書之人。〔末〕委是讀書之人。待俺扶起你來。〔末扶生相跌諱介末〕請問何方至此。
〔風入松〕〔生〕五羊城一葉過南韶。柳夢梅來獻寶。〔末〕有何寶貨。〔生〕我孤身取
試長安道。犯嚴寒少衾單病了。沒揣的逗着斷橋溪道。險跌折柳郎腰。〔末〕你
自揣高中的。方可去受這等辛苦。〔生〕不瞞說。小生是個擎天柱。架海梁。〔末笑介〕卻怎生凍折了
擎天柱。撲倒了架海梁。這也罷了。老夫頗諳醫理。邊近有梅花觀。權將息度歲而行。

〔前腔〕尾生般抱柱正題橋。做倒地文星佳兆。論草包似俺堪調藥。暫將息梅
花觀好。〔生〕此去多遠。〔末指介〕看一樹雪垂垂如笑。牆直上繡旛飄。〔生〕這等望先
生引進。

三十無家作路人。

與君相見卽相親。

華陽洞裏仙壇上。

似近東風別有因。

第二十二齣 冥判

〔北點絳脣〕〔淨判官丑鬼持筆簿上〕十地宣差。一天封拜。閻浮界。陽世栽埋。又把

俺這裏門程邁。自家十地閻羅王殿下一個胡判官是也。原有十位殿下。因陽世趙大郎家和金達子爭占江山。損折衆生。十停去了一停。因此玉皇上帝。照見人民稀少。欽奉裁減事例。九州九個殿下。單減了俺十殿下之位。印無歸着。玉帝可憐見下官正直聰明。着權管十地獄印信。今日走馬到任。鬼卒夜丫。兩傍刀劍。非同容易也。〔丑捧筆介〕新官到任。都要這筆判刑名押花字。請新官喝采他一番。〔淨看筆介〕鬼使捧了這筆。好不干係也。

〔混江龍〕這筆架在落迦山外。肉蓮花高聳案前排。捧的是功曹令史。識字當該。〔丑〕筆管兒呢。〔淨〕筆管兒。是手想骨。脚想骨。竹筒般判的圓滴溜。〔丑〕筆毫。〔淨〕筆毫呵。是牛頭鬚。夜丫髮。鐵線兒揉定赤支毬。〔丑〕判爺上的選了。〔淨〕這筆頭公是遮須國選的人才。〔丑〕有甚名號。〔淨〕這管城子在夜郎城受了封拜。〔丑〕判爺與哩。〔淨作笑舞介〕嘯一聲支兀另漢鍾馗其冠不正。舞一回疎喇沙斗河魁近墨者黑。〔丑〕喜哩。〔淨〕喜時節漆河橋題筆兒要去。〔丑〕悶呵。〔淨〕悶時節鬼門關投筆歸來。〔丑〕判爺可上榜來。〔淨〕俺也曾考神祇。朔望日名題天榜。〔丑〕可會書來。〔淨〕

攝星辰并鬼宿。俺可也文會書齋。〔丑〕判爺高才。〔淨〕做弗迭鬼僊才白玉樓摩空作賦。陪得過風月主芙蓉城。遇晚書懷。便寫不盡四大洲轉輪日月也。差的着五瘟使號令風雷。〔丑〕判爺。見有地分。〔淨〕有地分。則合北斗司閻浮殿。立俺邊傍。沒衙門。卻怎生東岳觀。城隍廟。也塑人左側。〔丑〕讓誰。〔淨〕便百里城高捧手。讓大菩薩好相莊嚴乘坐位。〔丑〕惱誰。〔淨〕怎三尺土低分氣。對小鬼卒清奇古怪立基階。〔丑〕紗帽古氣些。〔淨〕但站脚一管筆一本簿塵泥軒冕。〔丑〕筆乾了。〔淨〕

要潤筆十錠金十貫鈔紙陌錢財。〔丑〕點鬼簿在此。〔淨〕則見沒掂三展花分魚尾册。無賞一掛日子虎頭牌。真乃是鬼董狐落了款春秋傳某年某月某日下崩薨葬卒大注脚。假如他支祈獸上了樣把禹王鼎各山各水各路上魍魎魑魅細分腮。〔丑〕待俺磨墨。〔淨〕看他子時硯。忒忒察察。烏龍蘸眼顯精神。〔丑〕雞唱了。

〔淨〕聽丁字碑。冬冬登登。金雞翦夢追魂魄。〔丑〕稟爺點卷。〔淨〕但點上格子眼串出四萬八千三界有漏人名烏星砲粲。怎按下筆尖頭插入一百四十二重

無間地獄鐵樹花開。〔丑〕大押花。〔淨〕哎也押花字。止不過發落簿判燒春磨一靈兒。〔丑〕少一個請字。〔淨〕登請書。左則是那虛無堂。癱瘓蠱隔四正客。〔丑〕吊起稱竿來。〔衆卒應介淨〕髮稱竿看業重身輕。衡石程書秦獄史。〔內叫饒也苦也介丑〕隔壁九殿下拷鬼。〔淨〕肉鼓吹聽神啼鬼哭。毛鉗刀筆漢喬才。這時節呵你便是沒關節。包待制人厭其笑。〔哭介〕恁風景誰聽的無棺槨。顏修文子哭之哀。〔丑〕判爺害怕哩。〔淨惱介〕哎。樓炭經是俺六科五判。刀花樹是俺九棘三槐。臉婁搜風髯赳赳。眉剔豎電日崖崖。少不得中書鬼考。錄事神差。比着陽世那金州判。銀府判。銅司判。鐵院判。白虎臨官。一樣價打貼刑名。催伍作。實則俺陰府裏注溼生牒。化生准胎。生照卵。生青蠅報赦。十分的磊齊功德。轉三階。威凜凜人間掌命。顛巍巍天上消災。叫掌案的。這簿上開除都也明白。還有幾宗人犯。應該發落了。〔貼史上介〕人間勾令史。地下列功曹。稟爺因缺了殿下。地獄空虛三年。則有枉死城中輕罪男子四名。趙大。錢十五。孫心。李猴兒。女囚一名。杜麗娘。未經發落。〔淨〕先取男犯四名。〔生末外老旦扮四犯

丑押上丑。男犯帶到。〔淨點名介〕趙大有何罪業。脫在枉死城中。〔生〕鬼犯沒甚罪。生前喜歡唱。〔淨〕一邊去。叫錢十五。〔末〕鬼犯無罪。則是做了一個小小房兒。沈香泥壁。〔淨〕一邊去。叫孫心。〔老旦〕鬼犯些小年紀。好使些花粉錢。〔淨〕叫李猴兒。〔外〕鬼犯是有些罪。好男風。〔丑〕是真。便在地獄裏。還勾上這小孫兒。〔淨惱介〕誰叫你插嘴。起去伺候。〔做寫簿介〕叫鬼犯聽發落。〔四犯同跪介淨〕俺初權印。且不用刑。赦你們卵生去罷。〔外〕鬼犯們稟問恩爺。這個卵是甚麼卵。若是回回卵。又生在邊方去了。〔淨〕哇。還想人身。向彈殼裏做去。〔四犯泣介〕哎。被人宰了。〔淨〕也罷。不教陽間宰喫你。趙大喜歌唱。貶做黃鶯兒。〔生〕好了。做鶯鶯小姐去。〔淨〕錢十五住香泥房子也罷。准你去燕窠裏受用。做個小小燕兒。〔末〕恰好做飛燕娘娘哩。〔淨〕孫心。使花粉錢。做個蝴蝶兒。〔外〕鬼犯便和孫心同做蝴蝶去。〔淨〕你是那好男風的李猴。着你做蜜蜂兒去。屁窟裏長拖一個針。〔外〕哎。喲。叫俺釘誰去。〔淨〕四蟲兒聽分付。

〔油葫蘆〕蝴蝶呵。你粉版花衣勝剪裁。蜂兒呵。你忒利害。甜口兒咋着細腰捩。燕兒呵。斬香泥弄影鈎簾內。鶯兒呵。溜笙歌警夢紗窗外。恰好個花間四友無。

拘礙。則陽世裏孩子們輕薄。怕彈珠兒打的呆。扇梢兒撲的壞。不任了你宜題入畫。高人愛。則教你翅擲兒展。將春色鬧場來。〔外〕俺做蜂兒的不來。再來釘腫你個判官腦。〔淨〕討打。〔外〕可憐見小性命。〔淨〕罷了。順風兒放去。快走。快走。〔嚙氣介〕四人做各色飛下淨。做向鬼門噓氣呖聲介。丑帶旦上天台有路難逢俺。地獄無情欲恨誰。女鬼見。〔淨擡頭背介〕這女鬼到有幾分顏色。

〔天下樂〕猛見了蕩地驚天女俊才。哈也麼哈。來俺裏來。〔旦叫苦介淨〕血盆中叫苦觀自在。〔丑耳語介〕判爺權收做個後房夫人。〔淨〕唵。有天條。擅用囚婦者斬。則你那小鬼頭胡亂篩。俺判官頭何處買。〔旦叫哎介淨回身〕是不曾見他粉油頭忒弄色。

叫那女鬼上來。

〔那叱令〕瞧了你潤風風粉腮。到花臺酒臺。溜些些短釵。過歌臺舞臺。笑微微美懷。住秦臺楚臺。因甚的病患來。是誰家嫡支派。這顏色不像似在泉臺。〔旦〕女囚不曾過人家。也不曾飲酒。是這般顏色。則爲在南安府後花園梅樹之下。夢見一秀才。折柳一

枝。要奴題詠。留連宛轉。甚是多情。夢醒來沈吟。題詩一首。他年若傍蟾宮客。不是梅邊是柳邊。爲此感傷。壞了一命。〔淨〕謊也。豈有一夢而亡之理。

〔鵲踏枝〕一溜溜女嬰孩。夢兒裏能寧奈。誰曾挂圓夢招牌。誰和你拆字道白。哈也麼哈。那秀才何在。夢魂中曾見誰來。〔旦〕不會見誰。則見朵花兒閃下來。好一驚。

〔淨〕喚取南安府後花園花神勘問。〔丑叫介末花神上〕紅雨數番春落魄。山香一曲女消魂。老

判大人請了。〔舉手介淨〕花神。這女鬼說是後花園一夢。爲花飛驚閃而亡。可是。〔末〕是也。他與秀才夢的纏絲。偶爾落花驚醒。這女子慕色而亡。〔淨〕敢便是你花神假充秀才。誤人家女子。〔末〕你說俺着甚迷他來。〔淨〕你說俺陰司裏不知呵。

〔後庭花滾〕但尋常春自在。恁司花忒乖。眨眼兒偷元氣。豔樓臺。克性了費春工。淹酒債。恰好九分態。你要做十分顏色。數着你那胡弄的花色兒來。〔末〕便數來。碧

桃花。〔淨〕他惹天台。〔末〕紅梨花。〔淨〕扇妖怪。〔末〕金錢花。〔淨〕下的財。〔末〕繡球花。〔淨〕

結得綵。〔末〕芍藥花。〔淨〕心事諧。〔末〕木筆花。〔淨〕寫明白。〔末〕水菱花。〔淨〕宜鏡臺。〔末〕

玉簪花〔淨〕堪插戴。〔末〕薔薇花〔淨〕露渲腮。〔末〕臘梅花〔淨〕春點額。〔末〕翦春花〔淨〕羅袂裁。〔末〕水仙花〔淨〕把綾襪踹。〔末〕燈籠花〔淨〕紅影篩。〔末〕醺醺花〔淨〕春醉態。〔末〕金盞花〔淨〕做合盞杯。〔末〕錦帶花〔淨〕做裙褶帶。〔末〕合歡花〔淨〕頭懶擡。〔末〕楊柳花〔淨〕腰恁擺。〔末〕凌霄花〔淨〕陽壯的哈。〔末〕辣椒花〔淨〕把陰熱窄。〔末〕含笑花。〔末〕情要來。〔末〕紅葵花〔淨〕日得他愛。〔末〕女羅花〔淨〕纏的歪。〔末〕紫薇花〔淨〕癢的怪。〔末〕宜男花〔淨〕人美懷。〔末〕丁香花〔淨〕結半躑。〔末〕萱慈花〔淨〕含着胎。〔末〕奶子花〔淨〕摸着奶。〔末〕梔子花〔淨〕知趣乖。〔末〕柰子花〔淨〕恁情奈。〔末〕枳殼花〔淨〕好處揩。〔末〕海棠花〔淨〕春困怠。〔末〕孩兒花〔淨〕呆笑孩。〔末〕姊妹花〔淨〕偏妬色。〔末〕水紅花〔淨〕了不開。〔末〕瑞香花〔淨〕誰要採。〔末〕旱蓮花〔淨〕憐再來。〔末〕石榴花〔淨〕可留得在。幾莊兒你自猜。哎。把天公無計策。你道爲甚麼流動了女裙釵。剗地裏牡丹亭。又把他杜鵑花魂魄灑。〔末〕這花色花樣都是天公定下來的。小神不過遵奉欽差。豈有故意勾人之理。且看多少女色。那有玩花而亡。〔淨〕你說自來女色。沒有玩花而亡。數你聽

着。

〔寄生草〕花把青春賣。花生錦繡災。有一箇夜舒蓮扯不住留仙帶。一箇海棠絲翦不斷香囊怪。一箇瑞香風趕不上非煙在。你道花容那箇玩花亡。可不道你這花神罪業隨花敗。〔末〕花神知罪。今後再不開花了。〔淨〕花神。俺這裏已發落過花間四

友。付你收管。這女囚慕色而亡。也貶在鶯燕隊裏去罷。〔末〕稟老判。此女犯乃夢中之罪。如曉風殘月。且他父親爲官清正。單生一女。可以耽饒。〔淨〕父親是何人。〔旦〕父親杜寶知府。今陞淮揚總制之職。〔淨〕千金小姐哩。也罷。杜老先生分上。當奏過天庭。再行議處。〔旦〕就煩恩官替女犯查查。怎生有此傷感之事。〔淨〕這事情。註在斷腸簿上。〔旦〕勞再查女犯的丈夫。還是姓柳姓梅。〔淨〕取婚姻簿查來。〔作背查介〕是有個柳夢梅。乃新科狀元也。妻杜麗娘。前係幽歡。後成明配。相會在紅梅觀中。不可洩漏。〔回介〕有此人。和你姻緣之分。我今放你。出了枉死城。隨風遊戲。跟尋此人。〔末〕杜小姐。拜了老判。〔旦叩頭介〕拜謝恩官。重生父母。則俺那爹娘在揚州。可能覓一見。〔淨〕使得。

〔么篇〕他陽祿還長在。陰司數未該。噤煙花一種春無賴。近柳梅一處情無外。

望椿萱一帶天無礙。則這水玻璃堆起望鄉臺。可哨見紙銅錢夜市揚州界。花神可引他望鄉臺隨意觀玩。〔旦隨末登臺望揚州哭介〕那是揚州。俺爹爹奶奶呵。待飛將去。〔末扯住介〕還不是你去的時節。〔淨〕下來聽分付。功曹給一紙遊魂路引去。花神休壞了他的肉身也。〔旦〕謝恩官。

〔賺尾〕〔淨〕欲火近乾柴。且留的青山在。不可被雨打風吹日曬。則許你傍月依星將天地拜。一任你魂魄來回。脫了獄省的勾牌。接着活免的投胎。那花間四友你差排。叫鶯窺燕猜。倩蜂媒蝶採。敢守的那破棺星圓夢那人來。〔下末〕
小姐回後花園去來。

醉斜烏帽髮如絲。

盡日靈風不滿旗。

年年檢點人間事。

爲待蕭何作判司。

第二十四齣 拾畫

〔金瓏璫〕〔生上〕驚春誰似我。客途中都不問其他。風吹綻蒲桃褐。雨淋殷杏

子羅今日晴和曬衾單兀自有殘雲渦。脈脈梨花春院香。一年愁事費商量。不知柳思能多少。打迭腰肢鬪沈郎。小生臥病梅花觀中。喜得陳友知醫。調理痊可。則這幾日間。春懷鬱悶。何處忘憂。早是老姑姑到也。

〔一落索〕〔淨上〕無奈女冠何。識的書生破。知他何處夢兒多。每日價欠伸干個。秀才安穩。〔生〕日來病患較些。悶坐不過。偌大梅花觀。少甚園亭消遣。〔淨〕此後有花園一座。雖然

亭榭荒蕪。頗有寒花點綴。則留散悶。不許傷心。〔生〕怎的得傷心也。〔淨嘆介〕是這般說。你自去遊便了。從西廊轉畫牆而去。百步之外。便是籬門。三里之遙。都爲池館。你盡情玩賞。竟日消停。不索老身陪去也。名園隨客到。幽恨少人知。〔下生〕既有後花園。就此迤邐而去。〔行介〕這是西廊下了。〔行介〕好個葱翠的籬門。倒了半架。〔嘆介〕〔集唐〕憑闌仍是玉闌干。四面牆垣不忍看。想得當時好風月。萬條烟罩一時乾。〔到介〕呀。偌大一個園子也。

〔好事近〕則見風月暗消磨。畫牆西正南側左。〔跌介〕蒼苔滑擦。倚逗着斷垣低堞。因何蝴蝶門兒落合。原來以前遊客頗盛。題名在竹林之上。客來過。年月偏多。刻

畫盡琅玕千個。咳。早則是寒花遶砌。荒草成窠。怪哉。一個梅花觀。女冠之流怎起的這座大園子。好疑惑也。便是這流水呵。

〔錦纏道〕門兒鎖。放着這武陵源一座。恁好處教頽墮。斷煙中見水閣摧殘。畫船拋躲。冷鞦韆尙挂下裙拖。又不是經曾兵火。似這般狼藉呵。敢斷腸人遠傷心事多。待不關情麼。恰湖山石畔留着。你打磨陀。好一座山子哩。〔窺介〕呀。就裏一個小匣兒。待把左側一峯靠着。看是何物。〔作石倒介〕呀。是個檀香匣兒。〔開匣看畫介〕呀。一幅觀世音喜相。善哉善哉。待小生捧到書館。頂禮供養。強如埋在此中。

〔千秋歲〕〔捧合回介〕小嵯峨。壓的旃檀合。便做了好相觀音。俏樓閣。片石峯前。那片石峯前。多則是飛來石。三生因果。請將去鑪煙上過。頭納地添燈火。照的他慈悲我。俺這裏盡情供養。他於意云何。〔到介〕到了觀中。且安置閣兒上。擇日展禮。

〔淨上〕柳相公多早了。

〔尾聲〕〔生〕姑姑。一生爲客恨情多。過冷澹園林日午。老姑姑。你道不許傷心。你爲

俺再尋一個定不傷心何處可。

僻居雖愛近林泉。

早是傷春夢雨天。

何處邈將歸畫府。

三峯花半碧堂懸。

第二十五齣 憶女

〔玩仙燈〕〔貼上〕覩物懷人。人去物華銷盡。道的個仙果難成。名花易隕。〔嘆介〕恨蘭昌殉葬無因。收拾起燭灰香燼。自家杜府春香是也。跟隨公相夫人到揚州。小姐去

世。將次三年。俺看老夫人那一日不作念。那一日不悲啼。縱然老相公暫時寬解。怎散真愁。莫說老夫人。便是俺春香。想起小姐平常恩養。病裏言詞。好不傷心也。今乃小姐生忌之辰。老夫人分付香燈。遙望南安澆奠。早已安排。夫人有請。

〔前腔〕〔老旦上〕地老天昏。沒處把老娘安頓。思量起舉目無親。招魂有盡。〔哭

介〕我的麗娘兒也。在天涯老命難存。割斷的肝腸寸寸。〔蘇幕遮〕嶺雲沈。關樹杳。〔貼

春思無憑。斷送人年少。〔老〕子母千迴腸斷繞。繡夾書囊。尙帶餘香裊。〔貼〕瑞煙清。銀燭皎。〔老

繡佛靈辰。血淚風前禱。〔哭介合〕 萬里招魂魄可到。則願的人天淨處超生早。〔老〕 春香自從小姐亡過。俺皮骨空存。肝腸痛盡。但見他讀殘書本。繡罷花枝。斷粉零香。餘簪棄履。觸處無非淚眼。見之總是傷心。算來一去三年。又是生辰之日。心香奉佛。淚燭澆天。分付安排。想已齊備。〔貼〕 夫人就此望空頂禮。〔老拜介〕 〔集唐〕 微香冉冉淚娟娟。酒滴香灰似去年。四尺孤墳何處是。南方歸去再生天。杜安撫之妻甄氏敬爲亡女生辰頂禮佛爺。願得杜麗娘皈依佛力。早早生天。〔起介〕 春香禱告了佛王。不免將此茶飯澆奠小姐。

〔香羅帶〕 麗娘何處墳。問天難問。夢中相見得眼兒昏。則聽的叫娘的聲和韻也。驚跳起。猛回身。則見陰風幾陣殘燈暈。〔哭介〕 俺的麗娘人兒也。你怎拋下的萬里無兒白髮親。〔貼拜介〕

〔前腔〕 名香叩玉眞。受恩無盡。賞春香還是你舊羅裙。〔起介〕 小姐臨去之時。分付春香長叫喚一聲。今日叫他小姐。小姐呵。叫的一聲聲小姐。可曾聞也。〔老旦貼哭介合〕 想他那情切。那傷神。恨天天生割斷俺娘兒直恁忍。〔貼回介〕 俺的小姐人兒也。

你可還向這舊宅裏重生何處身。〔跪介〕稟老夫人。人到中年。不堪衰毀。小姐難以生易死。

夫人無以死傷生。且自調養尊年。與老相公同享富貴。〔老哭介〕春香。你可知老相公年來因少男兒。常有娶小之意。止因小姐承歡膝下。百事因循。如今小姐喪亡。家門無託。俺與老相公悶懷相對。何以爲情。天呵。〔貼〕老夫人。春香愚不諫賢。依夫人所言。既然老相公有娶小之意。不如順他。收下一房生子爲便。〔老〕春香。你見人家庶出之子。可如親生。〔貼〕春香。但蒙夫人收養。尙且非親是親。夫人肯將庶出看成。豈不無子有子。〔老〕好話。好話。

曾伴殘娥到女兒。

白楊今日幾人悲。

須知此恨消難得。

淚滴寒塘蕙草時。

第二十六齣 玩真

〔生上〕芭蕉葉上雨難留。芍藥梢頭風欲收。畫意無明偏着眼。春光有路暗擡頭。小生客中孤悶。閒遊後園。湖山之下。拾得一軸小畫。似是觀音大士。寶匣莊嚴。風雨淹旬。未能展視。且喜今日晴和。瞻禮一會。〔開匣展畫介〕

〔黃鶯兒〕秋影挂銀河。展天身自在波。諸般好相能停妥。他真身在補陀。咱海南人遇他。〔想介〕甚威光不上蓮花座。再延俄。怎湘裙直下。一對小凌波。是觀音。怎一對小脚兒。待俺端詳一會。

〔二郎神慢〕些兒個。畫圖中影兒則度着了。敢誰書館中弔下幅小嫦娥。畫的這停停倭妥。是嫦娥。一發該頂戴了。問嫦娥折桂人有我。可是嫦娥。怎影兒外沒半朵祥雲託。樹皴兒又不似桂叢花瑣。不是觀音。又不是嫦娥。人間那得有此。成驚愕。似曾相識向俺心頭摸。待我瞧。是畫工臨的。還是美人自手描的。

〔鶯啼序〕問丹青何處嬌娥。片月影光生豪末。似恁般一個人兒。早見了百花低躲。總天然意態難模。誰近得把春雲淡破。想來畫工怎能到此。多敢他自己能描會脫。且住。細觀他幘首之上。小字數行。〔看介〕呀。原來絕句一首。〔念介〕近觀分明似儼然。遠觀自在若飛仙。他年得傍蟾宮客。不在梅邊在柳邊。呀。此乃人間女子行樂圖也。何言不在梅邊在柳邊。奇哉怪事哩。

〔集賢賓〕望關山梅嶺天一抹。怎知俺柳夢梅過得傍蟾宮。知怎麼待喜呵端詳。停和俺姓名兒直麼。費嫦娥定奪。打摩訶。敢則是夢魂中真個。好不回盼小生。

〔黃鶯兒〕空影落纖娥。動春蕉散綺羅。春心只在眉間鎖。春山翠拖。春煙淡和。相看四目誰輕可。恁橫波。來迴顧影不住的。眼兒酸。卻怎半枝青梅在手。活似提掇小生一般。

〔鶯啼序〕他青梅在手。詩細哦。逗春心一點蹉跎。小生待畫餅充飢。小姐似望梅止渴。小姐小姐。未曾開半點么荷。含笑處朱唇淡抹。暈情多。如愁欲語只少口氣兒呵。小娘子畫似崔徽。詩如蘇蕙。行書逼真魏夫人。小子雖則典雅。怎到得這小娘子。驀地相逢。不免步韻一首。〔題介〕丹青妙處卻天然。不是天仙卽地仙。欲傍蟾宮人近遠。恰些春在柳梅邊。

〔簇御林〕他能綽幹會寫作。秀入江山人唱和。待小生狠狠叫他幾聲。美人。美人。姐姐。姐姐。向真真啼血你知麼。叫的你噴嚏似天花唾。動凌波。盈盈欲下。不見影兒那。咳。俺孤單在此。少不得將小娘子畫像。早晚玩之拜之。叫之贊之。

〔尾聲〕拾的個人兒先慶賀。敢柳和梅有些瓜葛。小姐。小姐。則怕你有影無形看殺我。

不須一向恨丹青。

堪把長懸在戶庭。

惆悵題詩柳中隱。

添成春醉轉難醒。

第二十七齣 魂遊

〔掛真兒〕〔淨石道姑上〕臺殿重重春色上。碧雕闌映帶銀塘。撲地香騰。歸天磬響。細展度人經藏。〔集唐〕幾年紅粉委黃泥。十二峯頭月欲低。折得玫瑰花一朵。東風吹上窈娘堤。俺老道姑看守杜小姐墳庵。三年之上。擇取吉日。替他開設道場。超生玉界。早已門外豎立招旛。看有何人來到。

〔太平令〕〔貼小道姑丑徒弟上〕嶺路江鄉。一片彩雲扶月上。羽衣青鳥閒來往。

〔丑〕天晚。梅花觀歇了罷。南枝外有鵲爐香。小道姑乃韶陽郡碧雲庵主是也。遊方到此。見他莊嚴旛引。榜示道場。恰好登壇。共成好事。〔見介〕〔集唐〕〔貼〕大羅天上柳烟含。〔淨〕你毛節朱

旛倚石龕。〔貼〕見向溪山求住處。〔淨〕好哩。你半垂檀袖學通參。小姑姑。從何而至。〔貼〕從韶陽郡來。暫此借宿。〔淨〕西頭房兒。有個嶺南柳相公養病。則下廂房可矣。〔貼〕多謝了。敢問今夕道場。爲何而設。〔淨嘆介〕則爲杜衙小姐去三年。待與招魂上九天。〔貼〕這等呵。清醮壇場今夜好。敢將香火助真仙。〔淨〕這等卻好。〔內鳴鐘鼓介衆〕請老師兄拈香。〔淨〕南斗注生真妃。東岳受生夫人殿下。〔拈香拜介〕

〔孝南歌〕鑽新火。點妙香。虔誠爲因杜麗娘。〔衆拜〕香靄繡旛幢。細樂風微颺。

仙真呵。威光無量。把一點香魂。早度人天上。怕未盡凡心。他再作人身想。做兒郎。做女郎。願他永成雙。再休似少年亡。〔淨〕想起小姐生前愛花而亡。今日折得殘梅。

安在淨瓶供養。〔拜神主介〕

〔前腔〕瓶兒淨。春凍陽。殘梅半枝紅蠟裝。小姐呵。你香夢與誰行。情神忒孤往。

〔衆〕老師兄。你說淨瓶像什麼。殘梅像什麼。〔淨〕這瓶兒空像。世界包藏。身似殘梅樣。有水無根。尙作餘香想。〔衆〕小姐。你受此供呵。教你肌骨涼。魂魄香。肯回陽。再住這

梅花帳

〔內風響介淨〕

奇哉。怪哉。冷窸窸一陣風打旋也。〔內鳴鐘介衆〕這晚齋時分。且喫了齋。

收拾道場。正是曉鏡拋殘無定色。晚鐘敲斷步虛聲。〔衆下〕

〔水紅花〕〔魂旦作鬼聲掩袖上〕則下得望鄉臺如夢。俏魂靈夜熒熒。墓門人靜。〔內

犬吠旦驚介〕原來是賺花陰。小犬吠春星。冷冥冥。梨花春影。呀。轉過牡丹亭。芍藥

闌。都荒廢盡。爹娘去了三年也。〔泣介〕傷感煞斷垣荒徑。望中何處也。鬼燈青。〔聽介〕

兀的有人聲也囉。〔添字昭君怨〕昔日千金小姐。今日水流花謝。這淹淹惜惜杜陵花。太虧他。生

性獨行無那。此夜星前一個。生生死死爲情多。奈情何。奴家杜麗娘女魂是也。只爲癡情慕色。一夢

而亡。湊的十殿閻君。奉旨裁革。無人發遣。女監三年。喜遇老判哀憐放假。趁此月明風細。隨喜一番。

呀。這是書齋後園。怎做了梅花庵觀。好感傷人也。

〔小桃紅〕咱一似斷腸人和夢醉初醒。誰償咱殘生命也。雖則鬼叢中姊妹不
同行。翠地的把羅衣整。這影隨形。風沈露。雲暗斗。月勾星。都是我魂遊境也。到
的這花影初更。〔內作丁冬聲旦驚介〕一霎價心兒疼。原來是弄風鈴臺殿冬丁。

好一陣香也。

〔下山虎〕我則見香煙隱隱。燈火熒熒。呀。鋪了些雲霞燈。不由人打個護掙。是

那位神靈。原來是東岳夫人。南斗真妃。〔稽首介〕仙真。仙真。杜麗娘鬼魂稽首。魃魃地投明

證明。好替俺朗朗的超生注生。再看這青詞上。原來就是石道姑在此住持。一壇齋意。度俺

生天。道姑。道姑。我可也生受你呵。再瞧這淨瓶中。咳。便是俺那塚上殘梅哩。梅花呵。似俺杜麗娘半

開而謝。好傷情也。則爲這斷鼓零鐘。金字經。叩動俺黃梁境。俺向這地坼裏梅

根迸幾程。透出些兒影。〔泣介〕姑姑們這般志誠。若不留些蹤跡。怎顯的俺鑒知他。就將梅花

散在經臺之上。〔散花介〕抵甚麼一點香銷萬點情。想起爹娘何處。春香何處也。呀。那邊廂

有沈吟叫喚之聲。聽再來。〔內叫介〕俺的姐姐呵。俺的美人呵。〔旦驚介〕誰叫誰也。再聽。〔內又叫

介旦嘆介〕

〔醉歸遲〕生和死。孤寒命。有情人。叫不出情人應。爲甚麼不唱出你。可人名姓。似俺孤魂獨趁。待誰來叫喚俺一聲。不分明。無倒斷。再傳停。〔內又叫介〕咳。敢

邊廂甚麼書生。睡夢裏語言胡啞。不由俺無情有情。湊着叫的人三聲兩聲。冷惺忪紅淚飄零。呀。怕不是夢人兒梅卿柳卿。俺記着這花亭水亭。趁的這風清月清。則這鬼宿前程。盼得上三星四星。呀。待卽行尋趁。奈斗轉參橫。不敢久停呵。

〔尾聲〕爲什麼閃搖搖春殿燈。〔內叫介〕殿上響動。〔丑虛上望介又作風起介旦〕一弄兒繡旛飄迥。則這幾點落花風。是俺杜麗娘身後影。〔作鬼聲下丑打照面驚叫介〕師父們快來。快來。〔淨貼驚上〕怎生大驚小怪。〔丑〕則這燈影熒煌。躲着瞧時。見一位女神仙。袖拂花旛。一閃而去。怕也。怕也。〔淨〕怎生模樣。〔丑打手勢介〕這多高。這多大。俊臉兒。翠翹金鳳。紅裙綠襖。環珮玳瑁。敢是真仙下降。〔淨〕咳。這便是杜小姐生時樣子。敢是他有靈活現。〔貼〕呀。你看經臺之上。亂糝梅花。奇也異也。大家再祝識他一番。

〔憶多嬌〕〔衆〕風滅了香。月倒廊。閃閃屍屍魂影兒涼。花落在春宵情易傷。願你早度天堂。早度天堂。免留滯他鄉故鄉。〔貼〕敢問杜小姐爲何病亡。以何緣故。而來出

現。

〔尾聲〕〔淨〕休驚恍。免問當。收拾起樂器經堂。你聽波。兀的冷宰宰珮環風還
在迴廊那邊響。

心知不敢輒形相。

欲話因緣恐斷腸。

若使春風會人意。

也應知有杜蘭香。

第二十八齣 幽媾

〔夜行船〕〔生上〕瞥下天仙何處也。影空濛似月籠沙。有恨徘徊。無言審約。早

是夕陽西下。一片紅雲下太清。如花巧笑玉傳停。憑誰畫出生香面。對俺偏含不語情。小生自遇

春容。日夜想念。這更闌時節。破些工夫。吟其珠玉。玩其精神。倘然夢裏相親。也當春風一度。〔展畫

玩介〕呀。你看美人呵。神含欲雨。眼注微波。真乃落霞與孤鶩齊飛。秋水共長天一色。

〔香遍滿〕晚風吹下。武陵溪邊一縷霞。出托個人兒風韻殺。淨無瑕。明窗新絳

紗。丹青小畫。又把一幅肝腸掛。小姐。小姐。則被你想殺俺也。

〔懶畫眉〕輕輕怯怯一個女嬌娃。楚楚臻臻像個宰相衙。想他春心無那對菱花。含情自把春容畫。可想到有個拾翠人兒也逗着他。

〔二犯梧桐樹〕他飛來似月華。俺拾的愁天大。常時夜夜對月而眠。這幾夜呵。幽佳。嬋娟隱映的光輝殺。教俺迷留亂的心嘈雜。無夜無明快着他。若不爲擎奇怕。腕的丹青亞。待抱着你影兒橫榻。想來小生定是有緣也。再將他詩句朗誦一番。〔念詩介〕

〔浣沙溪〕拈詩話對會家。柳和梅有分兒些。他春心迸出湖山罅。飛上煙綃萼。綠華。則是禮拜他便了。〔拈香拜介〕

〔俛倖殺對他臉暈眉痕心上搯。有情人不在天涯。小生客居。怎勾姐姐風月中片時相會也。

〔劉潑帽〕恨單條不惹的雙魂化。做個畫屏中倚玉蒹葭。小姐呵。你耳朵兒雲鬢月侵芽。可知他一些些都聽的俺傷情話。

〔秋夜月〕堪笑咱說的來如戲耍。他海天秋月雲端掛。煙空翠影遙山抹。只許他伴人清暇。怎教人挑達。

〔東甌令〕俺如念呪。似說法。石也要點頭。天雨花。怎虔誠不降的仙娥下。是不肯輕行踏。〔內作風起。按住畫介〕待留仙怕殺風兒刮。黏嵌着錦邊牙。怕刮損他。再尋個高手臨他一幅兒。

〔金蓮子〕閒噴牙。怎能殼他威光水月生臨楊。怕有處相逢他自家。則問他許多情與春風畫意再無差。再把燈細看他一會。〔照介〕

〔隔尾〕敢人世上似這天真多則假。〔內作風吹燈介生〕好一陣冷風襲人也。險此三兒誤丹青風影落燈花罷了。則索睡掩紗窗去夢他。〔生睡介魂旦上〕泉下長眠夢不成。

一生餘得許多情。魂隨月下丹青引。人在風前嘆息聲。妾身杜麗娘鬼魂是也。爲花園一夢。想念而終。當時自畫春容。埋于太湖石下。題有他年得傍蟾宮客。不是梅邊是柳邊。誰想遊魂觀中。幾晚聽見東房之內。一個書生。高聲低叫。俺的姐姐。俺的美人。那聲音哀楚。動俺心魂。悄然慕入他房中。則見高掛起一軸小畫。細玩之。便是奴家遺下春容。後面和詩一首。觀其名字。則嶺南柳夢梅也。梅邊柳邊。豈非前定乎。因而告過了冥府判君。趁此良宵。完其前夢。想起來好苦也。

〔朝天懶〕怕的是粉冷香銷泣絳紗。又到的高唐館。玩月華。猛回頭羞颯髻兒鬢。自擎拿呀。前面是他房頭了。怕桃源路徑行來詫。再得俄旋試認他。〔生睡中念詩介〕他年若傍蟾宮客。不是梅邊是柳邊。我的姐姐呵。〔旦聽打悲介〕

〔前腔〕是他叫喚的傷情咱淚雨麻。把我殘詩句。沒爭差。難道還未睡呵。〔瞧介生又叫介旦〕他原來睡屏中作念猛嗟呀。省諠譁。我待敲彈翠竹窗櫺下。〔內作驚醒叫姐姐介旦悲介〕待展香魂去近他。〔生〕呀。戶外敲竹之聲。是風是人。〔旦〕有人。〔生〕這咱時節有人。敢是老姑姑送茶。免勞了。〔旦〕不是。〔生〕敢是遊方的小姑姑麼。〔旦〕不是。〔生〕好怪。好怪。又不是小姑姑。再有誰。待我啟門而看。〔開門看介〕

〔玩仙燈〕呀。何處一嬌娃。豔非常使人驚詫。〔旦作笑閃入生急掩門旦斂衿整容見介〕秀才萬福。〔生〕小娘子到來。敢問尊前何處。因何夤夜至此。〔旦〕秀才。你猜來。

〔紅衲襖〕〔生〕莫不是莽張騫犯了你是星漢槎。莫不是小梁清夜走天曹罰。〔旦〕這都是天上仙人。怎得到此。〔生〕是人家彩鳳暗隨鴉。〔旦搖頭介生〕敢甚處裏綠楊

曾繫馬。〔旦〕不曾一面。〔生〕若不是認陶潛眼挫的花。敢則是走臨邛道數兒差。

〔旦〕非差。〔生〕想是求燈的。可是你夜行無燭也。因此上待要紅袖分燈向碧紗。

〔前腔〕〔旦〕俺不爲度仙香空散花。也不爲讀書燈閒濡蠟。俺不似趙飛卿舊有瑕。也不似卓文君新守寡。秀才呵。你也曾隨蝶夢迷花下。〔生想介〕是當初曾夢

來。〔旦〕俺因此上弄鶯簧赴柳衙。若問俺妝臺何處也。不遠哩。剛則在宋玉東

鄰第幾家。〔生作想介〕是了。曾後花園轉西。夕陽時節。見小娘子走動哩。〔旦〕便是了。〔生〕家下有

誰。

〔宜春令〕〔旦〕斜陽外。芳草涯。再無人。有伶仃的爹媽。奴年二八。沒包彈風藏

葉裏花。爲春歸惹動嗟呀。瞥見你風神俊雅。無他。待和你翦燭臨風。西窗閒話。

〔生背介〕奇哉。奇哉。人間有此豔色。夜半無故而遇明月之珠。怎生發付。

〔前腔〕他驚人豔。絕世佳。閃一笑風流銀蠟。月明如乍。問今夕何年。星漢槎。金釵客寒夜來家。玉天仙人間下榻。〔背介〕知他。知他是甚宅眷的孩兒。這迎門

調法。待小生再問他。〔回介〕小娘子夤夜下願小生。敢是夢也。〔旦笑介〕不是夢。當真哩。還怕秀才未肯容納。〔生〕則怕未真。果然美人見愛。小生喜出望外。何敢卻乎。〔旦〕這等真個盼着你了。

〔耍鮑老〕幽谷寒涯。你爲俺催花連夜發。俺全然未嫁。你個中知察。拘惜的好人家。牡丹亭嬌恰恰。湖山畔羞答答。讀書窗浙喇喇。良夜省陪茶。清風明月知無價。

〔滴滴金〕〔生〕俺驚魂化。睡醒時涼月些些。陡地榮華。敢則是夢中巫峽。虧殺你走花陰不害些兒怕。點蒼苔不溜些兒滑。背萱親不受些兒嚇。認書生不着些兒差。你看斗兒斜。花兒亞。如此夜深花睡罷。笑咖咖。吟哈哈。風月無加。把他豔軟香嬌做意兒耍。下的虧他。便虧他則半霎。〔旦〕妾有一言相懇。望郎恕責。〔生笑

介〕賢卿有話。但說無妨。〔旦〕妾千金之軀。一旦付與郎矣。勿負奴心。每夜得共枕席。平生之願足矣。〔生笑介〕賢卿有心戀于小生。小生豈敢忘于賢卿乎。〔旦〕還有一言。未至雞鳴。放奴回去。秀才休送。以避曉風。〔生〕這都領命。只問姐姐貴姓芳名。

〔意不盡〕〔旦嘆介〕少不得花有根元玉有芽。待說時惹的風聲大。〔生〕以後准望賢卿逐夜而來。〔旦〕秀才且和俺點勘春風這第一花。

浩態狂香昔未逢。

月斜樓上五更鐘。

朝雲夜入無雲處。

神女知來第幾峯。

第二十九齣 勞疑

〔步步嬌〕〔淨扮老道姑上〕女冠兒生來出家相。無對向沒生長。守着三清像。換

水添香。鐘鳴鼓響。赤緊的是那走方娘。弄虛花扯閒帳。

世事難拚一個信。人情常帶

三分疑。杜老爺爲小姐剋下這座梅花觀。着俺看守三年。水清石見。無半點瑕疵。止因陳教授老狗。引下個嶺南柳秀才。東房養病。前幾日到後花園回來。悠悠漾漾的。着鬼着魅一般。俺已疑惑了。湊着個韶陽小道姑。年方念八。頗有風情。到此雲遊。幾日不去。夜來柳秀才房裏。唧唧噥噥。聽的似女兒聲息。敢是小道姑瞞着我。去瞧那秀才。秀才逆來順受了。俺且待他來。打覷他一番。

〔前腔〕〔貼扮小道姑上〕俺女冠兒俏的仙真樣。論舉止都停當。則一點情拋漾。

步斗風前吹笙月上。〔嘆介〕古來仙女定成雙。恁生來寒乞相。〔見介貼〕常無欲以觀其妙。〔淨〕常有欲以觀其竅。小姑姑。你昨夜遊方。遊到柳秀才房兒裏去。是竅是妙。〔貼〕老姑姑。這話怎的起。誰看見來。〔淨〕俺看見來。

〔剔銀燈〕俺出家人芙蓉淡妝。翦一片湘雲鶴氅。玉冠兒斜插笑生香。出落的十分情況。斟量。敢則向書生夜窗。迤逗的幽輝半牀。〔貼〕向那個書生。老姑姑。這話敢不中哩。

〔前腔〕俺雖然年清試妝。洗凡心冰壺月朗。你怎生剝落的人輕相。比似你半老的佳人停當。〔淨〕倒找起俺來。〔貼〕你端詳。這女貞觀傍。可放着個書生話長。〔淨〕哎也。難道俺與書生有帳。這梅花觀你是雲遊道婆。他是雲游秀才。你住的。偏他住不的。則是往常秀才夜靜高眠。則你到觀中。那秀才夜半開門。唧唧噥噥的。不共你說話。共誰來。扯你道錄司告去。〔扯介貼〕便去。你將前官香火院。停宿外方游棍。難道偏放過你。〔扯介〕

〔一封書〕〔末上〕閒步白雲除。問柳先生何處居。扣梅花院主。〔見扯介〕呀。怎兩

個姑姑爭施主。玄牝同門道可道。怎不韞櫝而藏姑待姑。俺知道你是大姑。他是小姑。嫁的個彭郎港口無。〔淨〕先生不知聽的柳秀才半夜開門。不住的唧膿。俺好意兒問這小姑。敢是你共柳秀才講話哩。這小姑則答應着誰共秀才講話來便罷。倒嘴骨弄的說俺養着個秀才。陳先生憑你說誰引這秀才來。扯他道錄司明白去。俺是石的。〔貼〕難道俺是水的。〔末〕噤聲。壞了柳秀才體面。俺勸你。

〔前腔〕教你姑姑徐徐。撒月招風實也虛。早則是者也之乎。那柳下先生君子儒。到道錄司牒你去俗還俗。敢儒流們笑你姑不姑。〔貼〕正是不雅相。好把冠子兒扶。水雲梳裂了這仙衣四五銖。〔淨〕便依說開手罷。陳先生喫個齋去。〔末〕待柳秀才在時又來。

〔尾聲〕清絕處再踟躕。〔淚介〕咳。糝東風窮淚撲疎疎。道姑。杜小姐墳兒可上去。〔淨〕雨哩。〔末嘆介〕則恨的鎖春寒這幾點杜鵑花下雨。〔下淨貼弔場淨〕陳老兒去了。小姑姑好瞧。〔貼〕和你再打聽。誰和秀才說話來。

煙水何曾息世機。

高情雅淡世間稀。

隴山鸚鵡能言語。

亂向金籠說是非。

第三十齣 懽撓

〔搗練子〕〔生上〕聽漏下半更多。月影向中那。恁時節夜香燒罷麼。一點猩紅一點金。十個春纖十個針。只因世上美人面。改盡人間君子心。俺柳夢梅是個讀書君子。一味志誠。止因北上南安。湊着東鄰西子。嫣然一笑。遂成暮雨之來。未是五更。便逐曉風而去。今宵有約。未知遲早。正是金蓮若肯移三寸。銀燭先教刻五分。則一件。姐姐若到。要精神對付他。偷盹一會。有何不可。

〔睡介〕

〔稱人心〕〔魂旦上〕冥途掙挫。要死卻心兒無那。也則爲俺那人兒忒可。教他悶房頭守着閒燈火。〔入門介〕呀。他端然睡磕。恁春寒也不把繡衾來摸。多應他祇候着我。待叫醒他。秀才。秀才。〔生醒介〕姐姐失敬也。〔起揖介〕待整衣羅。遠遠相迎個。這

二更天風露多。還則怕夜深花睡麼。〔旦〕秀才。俺那裏長夜好難過。繾着你無

眠清坐。〔生〕姐姐。你來的脚蹤兒。怎輕是怎的。〔集唐〕〔旦〕自然無跡又無塵。〔生〕白日尋思夜夢頻。〔旦〕行到窗前知未寢。〔生〕一心惟待月夫人。姐姐。今夜來的遲些。

〔繡帶兒〕〔旦〕鎮消停。不是俺閒情忒慢俄。那些兒忘卻俺懽哥。夜香殘。迴避了尊親。繡牀偎收拾起生活。停脫。順風兒斜將金佩拖。緊摘離百忙的淡妝明抹。〔生〕費你高情。則良夜無酒。奈何。〔旦〕都忘了。俺攜酒一壺。花果二色。在楯欄之上。取來消遣。〔旦〕

出取酒果花上生。〔生〕生受了。是甚果。〔旦〕青梅數粒。〔生〕這花。〔旦〕美人蕉。〔生〕梅子酸似俺秀才。蕉花紅似俺姐姐。串飲一杯。〔共杯飲介〕

〔白練序〕〔旦〕金荷斟香糯。〔生〕你醞釀春心玉液波。拚微醺。東風外翠香紅。醞。〔旦〕也摘不下奇花果。這一點蕉花和梅豆呵。君知麼。愛的人全風韻。花有根科。

〔醉太平〕〔生〕細哦。這子兒花朵。似美人憔悴。酸子情多。喜蕉心暗展。一夜梅犀點污。如何。酒潮微暈笑生渦。待嚙着臉恣情的嗚嘷。些兒個。翠偃了情波。潤

紅蕉點。香生梅唾。

〔白練序〕〔旦〕活潑。死騰那。這是第一所人間風月窩。昨宵個。微茫暗影輕羅。把勢兒忒顯豁。爲甚麼人到幽期話轉多。〔生〕好睡也。〔旦〕好月也。消停坐。不妬色。嫦娥我俺人三個。

〔醉太平〕〔生〕無多。花影阿那。歡奴奴睡也。睡也奴哥。春宵美滿。一煞暮鐘敲破。嬌娥似前宵雨雲羞怯。顫聲訛。敢今夜翠顰輕可。睡則那。把膩乳微搓。酥胸汗帖。細腰春鎖。〔淨貼梢上貼〕道可道。可知道。名可名。可聞名。〔生旦笑介貼〕老姑姑。你聽。秀才

房裏有人。這不是俺小姑姑了。〔淨作聽介〕是女人聲。快敲門去。〔敲門介生〕是誰。〔淨〕老道姑送茶。〔生〕夜深了。〔淨〕相公房裏有客哩。〔生〕沒有。〔淨〕女客哩。〔生旦慌介〕怎好。〔淨急敲門介〕相公。快開門。地方巡警。免的聲揚哩。〔生慌介〕怎了。怎了。〔旦笑介〕不妨。俺是鄰家女子。道姑不肯休時。便與他一個勾引的罪名兒。

〔隔尾〕〔旦〕便開呵。須撒和。隔紗窗怎守的到參兒趁。柳郎則管鬆了門兒。俺影着

這一幅美人圖那邊躲。〔生開門且作躲生將身遮且淨搶進笑介〕喜也。〔生〕什麼喜。〔淨前

看生身攔介〕

〔滾遍〕〔貼淨〕這更天一點鐘。仙院重門闔。何處嬌娥怕惹的乾柴火。〔生〕你便打暖。有甚着科。是牀兒裏窩。箱兒裏那。袖兒裏閣。〔淨貼向前生攔不住內作風起且

閃下介生〕昏了燈也。〔淨〕分明一個影兒。只這軸美女圖在此。古畫成精了。

〔前腔〕畫屏人踏歌。曾許你書生和。不是妖魔。甚影兒望風躲。相公。這是什麼畫。

〔生〕妙娑婆。秀才家隨行的香火。俺寂靜裏祈求。你莽吶喝。〔淨〕是了。不說不知。

俺前晚聽見相公房內啾啾唧唧。疑惑這小姑姑。俺如今明白了。相公。權留小姑姑伴話。〔生〕請了。

〔尾聲〕動不動道錄司官了私和。則欺負俺不分外的書生欺別個。姑姑。這多半覺美。軒軒則被你奚落煞了我。〔淨貼下生笑介〕一天好事。兩個瓦刺姑掃興。那美人呵。

好喫驚也。

應陪秉燭夜深遊。

惱亂春風卒未休。

大姑山遠小姑出。

更憑飛夢到瀛洲。

第三十一齣 繕備

〔番卜算〕〔貼扮文官淨扮武官上〕邊海一邊江。隔不斷胡塵漲。維揚新築兩城牆。

醞酒臨江上。請了。俺們揚州府文武官寮是也。安撫杜老大人。爲因李全騷擾地方。加築外羅城

一座。今日落成開宴。杜老大人早到也。〔衆擁外上〕

〔前腔〕三千客兩行。百二關重壯。〔文武迎介外〕維揚風景世無雙。直上層樓望。

〔見介衆〕北門臥護要耆英。〔外〕恨少胸中十萬兵。〔衆〕天借金山爲底柱。〔外〕身當鐵甕作長城。

揚州表裏重城。不日成就。皆文武諸公士民之力。〔衆〕此皆老安撫遠略奇謀。屬官竊在下風。敢獻

一杯。效古人城隅之宴。〔外〕正好。且向新樓一望。〔望介〕壯哉城也。真乃江北無雙。暫淮南第一樓。

〔衆〕請進酒。

〔山花子〕賀層城頓插雲霄敞。雉飛騰映壓寒江。據表裏山河一方。控長淮萬

里金湯。〔合〕敵樓高窺臨女牆。臨風灑酒旌旆揚。怎想起瓊花當年吹暗香。幾點新亭。無限滄桑。〔外〕前面高起如霜似雪。四五十堆。是何山也。〔衆〕都是各場所積之鹽。衆商人中納。〔外〕商人何在。〔末老旦扮商人上〕占種海田高白玉。掀番鹽井橫黃金。商人見。〔外〕商人麼。則怕早晚要動支兵糧。攢緊上納。

〔前腔〕這鹽呵。是銀山雪障連天晃。海煎成夏草秋糧。平看取鹽花竈場。儘支排中納邊商。〔合前〕酒罷了。喜的廣有兵糧。則要衆文武關防如法。

〔舞霓裳〕〔衆〕文武官寮立邊疆。邊疆。休壞了這農桑。士工商。敢大金家早晚來無狀。打貼起砲箭旗槍。聽邊聲風沙迭蕩。猛驚起。見蟠花戰袍舊邊將。

〔紅繡鞋〕〔衆〕吉日祭賽城隍。城隍。歸神謝土安康。安康。祭旗燹。犒軍裝。陣頭兒。誰抵當。箭眼裏。好遮藏。

〔尾聲〕〔外〕按三韜把六出旗門放。文和武肅靜端詳。則等待海西頭動邊烽。那一聲砲兒響。

夾城雲暖下霓旄。

千里嶠函一夢勞。

不意新城連嶂起。

夜來冲斗氣何高。

第三十二齣 冥誓

〔月雲高〕〔生上〕暮雲金闕。風旛淡搖拽。但聽得鐘聲絕。早則是心兒熱。紙帳書生。有分氳蘭麝。嗒時還早。蕩花陰單則把月痕遮。〔整燈介〕溜風光穩護着燈兒燁。〔笑介〕好書讀易盡。佳人期未來。前夕美人到此。並不隄防。姑姑攬攘。今宵趁他未來之時。先到雲堂之上。攀話一回。免生疑惑。〔作掩門行介〕此處留人戶半斜。天呵。俺那有心期在那些。〔下〕

〔前腔〕〔魂旦上〕孤神害怯。佩環風定夜。〔驚介〕則道是人行影。原來是雲偷月。

〔到介〕這是柳郎書舍了。呀。柳郎何處也。閃閃幽齋。弄影燈明滅。魂再豔燈油接。情

一點燈頭結。〔嘆介〕奴家和柳郎幽期。除是人不知。鬼都知道。〔泣介〕竹影寺風聲怎的

遮。黃泉路夫妻怎當賒。待說何曾說。如嘯不奈嘯。把持花下意。猶恐夢中身。奴家雖登鬼錄。未

損人身陽祿將回。陰數已盡。前日爲柳郎而死。今日爲柳郎而生。夫婦分緣。去來明白。今宵不說。只管人鬼混纏。到甚時節。則怕說時。柳郎那一驚呵。也避不得了。正是夜傳人鬼三分話。早定夫妻百歲恩。

〔懶畫眉〕〔生上〕畫蘭風擺竹橫斜。〔內作鳥聲驚介〕驚鴉閃落在殘紅樹。呀。門

兒開也。玉天仙光降了紫雲車。〔旦出迎介〕柳郎來也。〔生揖介〕姐姐來也。〔旦〕剔燈花

這嚙望郎爺。〔生〕直恁的志誠親姐姐。〔旦〕秀才。等你不來。俺集下了唐詩一首。〔生〕洗耳。

〔旦念介〕擬托良媒亦自傷。月寒山色兩蒼蒼。不知誰唱春歸曲。又向人間魅阮郎。〔生〕姐姐高才。

〔旦〕柳郎。這更深何處來也。〔生〕昨夜被姑姑敗興。俺乘你未來之時。去姑姑房頭。看了動定。好來

迎接你。不想姐姐今夜來恁早哩。〔旦〕盼不到月兒上也。

〔太師引〕〔生〕歎書生何幸遇仙提揭。比人間更志誠親切。乍溫存笑眼生花。

正漸入歡腸啖蔗。前夜那姑姑呵。恨無端風雨把春抄截。姐姐呵。誤了你半宵周折。

累了你好回驚怯。不嗔嫌一逕的把斷紅重接。

〔瑣寒牕〕〔旦〕是不隄防他來的。嗶嚇的個魂兒收不迭。仗雲搖月躲。畫影人遮。則沒踹的澀道邊兒。閃人一跌。自生成不慣這麼滅險些些。風聲揚播到俺家爺。先喫了俺眼尊慈痛決。〔生〕姐姐費心。因何錯愛小生至此。〔旦〕愛的你一品人才。〔生〕姐姐敢定了人家。

〔太師引〕〔旦〕並不曾受人家紅定迴鸞帖。〔生〕喜個甚樣人家。〔旦〕但得個秀才郎情傾意愜。〔生〕小生到是個有情的。〔旦〕是看上你年少多情。迤逗俺睡魂難貼。〔生〕姐姐嫁了小生罷。〔旦〕怕你嶺南歸客道途賒。是做小伏低難說。〔生〕小生未曾有妻。〔旦笑介〕少甚麼舊家根葉。着俺異鄉花草填接。敢問秀才堂上有人麼。〔生〕先君官爲朝散。先母曾封縣君。〔旦〕這等是衙內了。怎恁婚遲。

〔瑣寒牕〕〔生〕恨孤單飄零歲月。但尋常稔色誰沾藉。那有個相如在客。肯駕香車。簫史無家。便同瑤闕。似你千金笑等閒拋泄。憑說便和伊青春才貌恰爭些。怎做的露水相看此別。〔旦〕秀才有此心。何不請媒相聘。也省的奴家爲你擔驚受怕。〔生〕

明早敬造尊庭。拜見令尊令堂。方好問親于姐姐。〔旦〕到俺家來。只好見奴家。要見俺爹娘還早。〔生〕這般說。姐姐當真是那樣門庭。〔旦笑介生〕是怎來。

〔紅衫兒〕看他溫香豔玉神清絕。人間迴別。〔旦〕不是人間。難道天上。〔生〕怎獨自夜深行。邊廂少侍妾。且說個貴表尊名。〔旦嘆介生背介〕他把姓字香沈。敢怕似飛瓊漏洩。姐姐不肯泄漏姓名。定是天仙了。薄福書生。不敢再陪歡宴。儘仙姬留意書生。怕逃不過天曹罰折。

〔前腔〕〔旦〕道奴家天上神仙列。前生壽折。〔生〕不是天上。難道人間。〔旦〕便作是私奔。悄悄何妨說。〔生〕不是人間。則是花月之妖。〔旦〕正要你掘草尋根。怕不待勾辰就月。〔生〕是怎麼說。〔旦欲說又止介〕不明白辜負了幽期。話到尖頭又咽。〔相思令〕〔生〕姐姐。你千不說。萬不說。直恁的書生不酬決。更向誰邊說。〔旦〕待要說。如何說。秀才俺則怕聘則爲妻。奔則妾。受了盟香說。〔生〕你要小生發願。定爲正妻。便與姐姐拈香去。

〔滴溜子〕〔生日同拜〕神天的。神天的。盟香滿爇。柳夢梅。柳夢梅。南安郡舍。遇了

這佳人提挈。作夫妻生同室。死同穴。口不心齊。壽隨香滅。〔旦泣介生〕怎生弔下淚來。〔旦〕感君情重。不覺淚垂。

〔鬧樊樓〕你秀才郎爲客偏情絕。料不是虛脾把盟誓撇。哎。話弔在喉嚨翦了舌。囑東君在意者。精神打疊。暫時間奴兒迴避。起些兒待說。你敢撲懽忪害跌。

〔生〕怎的來。〔旦〕秀才。這春容得從何處。〔生〕太湖石縫裏。〔旦〕比奴家容貌爭多。〔生看驚介〕可怎生一個粉撲兒。〔旦〕可知道。奴家便是畫中人也。〔生合掌謝畫介〕小生燒的香到哩。姐姐。你好歹表白一些兒。

〔啄木犯〕〔旦〕柳衙內。聽根節。杜南安原是俺親爹。〔生〕呀。前任杜老先生陞任揚州。

怎麼丟下小姐。〔旦〕你翦了燈。〔生翦燈介旦〕翦了燈餘話堪明滅。〔生〕且請問芳名。青春

多少。〔旦〕杜麗娘小字有庚帖。年華二八正是婚時節。〔生〕是麗娘小姐。俺的人那。

〔旦〕衙內。奴家還未是人。〔生〕不是人是鬼。〔旦〕是鬼也。〔生驚介〕怕也。怕也。〔旦〕靠邊此三聽

俺消詳說。話在前教伊休害怯。俺雖則是小鬼頭人半截。〔生〕姐姐。因何得回陽世

而會小生。

〔前腔〕〔旦〕雖則是陰府別。看一面千金小姐。是杜南安那些枝葉。注生妃央及煞回生帖。化生娘點活了殘生劫。你後生兒蘸定俺前生業。秀才你許了俺爲妻真切。少不得冷骨頭着疼熱。〔生〕你是俺妻。俺也不害怕了。難道便請起你來。怕似水中撈月。空裏拈花。

〔二段子〕〔旦〕俺三光不滅。鬼胡由還動迭。一靈未歇。潑殘生堪轉折。秀才可諳經典。是人非人心不別。是幻非幻如何說。雖則似空裏拈花。卻不是水中撈月。〔生〕旣然雖死猶生。敢問仙墳何處。〔旦〕記取太湖石梅樹一株。

〔前腔〕愛的是花園後節。夢孤清梅花影斜。熟梅時節。爲仁兒心酸那些。〔生〕怕小姐別有走跳處。〔旦歎介〕便到九泉無屈折。衝幽香一陣昏黃月。〔生〕好不冷。〔旦〕凍的俺七魄三魂。僵做了三貞七烈。〔生〕則怕驚了小姐的魂。怎好。

〔鬪雙雞〕〔旦〕花根本節。有一個透人間路穴。俺冷香肌早偎的半熱。你怕驚了

呵。悄魂飛越。則俺見了你回心心不滅。〔生〕話長哩。〔旦〕暢好是一夜夫妻。有的是
三生話說。〔生〕不煩姐姐再三。只俺獨力難成。〔旦〕可與姑姑計議而行。〔生〕未知深淺。怕一時開
攢不徹。

〔登小樓〕〔旦〕咨嗟。你爲人爲徹。俺砌籠棺勾有二尺疊。你點剛鏃和俺一謎掘。
就裏陰風瀉瀉。則隔的陽世些些。〔內雞鳴介〕

〔鮑老催〕〔旦〕咳。長眠人一向眠長夜。則道雞鳴枕空設。今夜呵。夢回遠塞荒雞
咽。覺人間風味別。曉風明滅。子規聲容易吹殘月。三分話纔做一分說。

〔耍鮑老〕〔旦〕俺丁丁列列。吐出在丁香舌。你拆了俺丁香結。須粉碎俺丁香節。
休殘慢。須急節。俺的幽情難盡說。〔內風起介〕則這一翦風動靈衣去了也。〔旦急

下生驚癡介〕奇哉奇哉。柳夢梅做了杜太守的女婿。敢是夢也。待俺來回想一番。他名字杜麗娘。
年華二八。死葬後園梅樹之下。啐。分明是人道交感。有精有血。怎的杜小姐顛倒自己說是鬼。〔旦
又上介〕衙內還在此。〔生〕小姐。怎又回來。〔旦〕奴家還有叮嚀。你旣以俺爲妻。可急視之。不宜自

誤。如或不然。妾事已露。不敢再來相陪。願郎留心。勿使可惜。妾若不得復生。必痛恨君於九泉之下矣。

〔尾聲〕〔跪介〕柳衙內你便是俺再生爺。〔生跪扶起介旦〕一點心憐念。不着俺

黃泉恨你。你只罵的俺一句鬼隨邪。〔旦作鬼聲下同顧介生弔場低語介〕柳夢梅着鬼了。

他說的恁般分明。恁般悽切。是無是有。只得依言而行。和姑姑商量去。

夢來何處更爲雲。
惆悵金泥簇蝶裙。

欲訪孤墳誰引至。
有人傳示紫陽君。

第二十二齣 祕議

〔遶池遊〕〔淨上〕芙蓉冠帔。短髮難簪繫。一爐香鳴鐘叩齒。〔訴衷情〕風微臺殿響

笙簧。空翠冷霓裳。池畔藕花深處。親切夜聞香。人易老。事多妨。夢難長。一點深情。三分淺土。半壁斜

陽。俺這梅花觀。爲着杜小姐而建。當初杜老爺分付陳教授看管。三年之內。則是他收取祭租。並不

常川行走。便是杜老爺去後。謊了一府州縣士民人等許多分子。起了個生祠。昨日老身打從祠前

過。豬屎也有。人屎也有。陳最良。陳最良。你可也叫人掃刮一遭兒。到是杜小姐神位前。日逐添香換水。何等莊嚴清淨。正是天下少信弔書子。世外有情持素人。

〔前腔〕〔生上〕幽期密意。不是人間世。待聲揚徘徊了半日。〔見介〕落花香覆紫金堂。

〔淨〕你年少看花敢自傷。〔生〕弄玉不來人換世。〔淨〕麻姑一去海生桑。〔生〕老姑姑。小生自到仙居。不曾瞻禮寶殿。今日願求一觀。〔淨〕是禮。相引前行。〔行到介淨〕高處玉天金闕。下面東嶽夫人。南斗真妃。〔內鐘鳴生拜介〕中天積翠玉臺遙。上帝高居絳節朝。遂有馮夷來擊鼓。始知秦女善吹簫。好一座寶殿哩。怎生左邊這牌位上。寫着杜小姐神王。是那位女王。〔淨〕是沒人提主哩。杜小姐。〔生〕杜小姐爲誰。

〔五更轉〕〔淨〕你說這紅梅院。因何置。是杜參知前所爲。麗娘原是他香閨女。十八而亡。就此攢瘞。他爺呵。陞任急。失題主。空牌位。〔生〕誰祭掃他。〔淨〕好墓田。留下有碑記。偏他沒頭主兒。年年寒食。〔生哭介〕這等說起來。杜小姐是俺嬌妻呵。〔淨驚介〕秀才當真。〔生〕千真萬真。〔淨〕這等。你知他那日生。那日死。

〔前腔〕〔生〕俺未知他生焉知死。死多年生此時。〔淨〕幾時得他死信。〔生〕這是俺朝聞夕死了可人矣。〔淨〕是夫妻。應你奉事香火。〔生〕則怕俺未能事人。焉能事鬼。

〔淨〕既是秀才娘子。可會會他來。〔生〕便是這紅梅院。做楚陽臺。偏倍了你。〔淨〕是那一夜。〔淨〕是前宵。你們不做美。〔淨驚介〕秀才着鬼了。難道。難道。〔生〕你不信時。顯個神通。你看。取筆來。點的他主兒會動。〔淨〕有這等事。筆在此。〔生點介〕看俺點石爲人。靠夫作主。你瞧。你瞧。〔淨驚介〕奇哉。奇哉。主兒真個會動也。小姐呵。

〔前腔〕則道墓門梅。立着個沒字碑。原來柳客神纏住在香爐裏。秀才。既是你妻。鼓盆歌廬墓二年禮。〔生〕還要請他起來。〔淨〕你直恁神通。敢闍羅是你。〔生〕少些人夫用。

〔淨〕你當夫。他爲人。堪使鬼。〔生〕你也幫一鋤兒。〔淨〕大明律開棺見屍。不分首從皆斬哩。你宋書生。是着不着皇明例。不比尋常。穿籬挖壁。〔生〕這個不妨。是小姐自家主見。

〔前腔〕是泉下人。央及你。個中人。誰似伊。〔淨〕既是小姐分付。待俺檢個日子。〔看介〕恰好明日乙酉。可以開墳。〔生〕喜金雞玉犬非牛日。則待尋個人兒。開山力士。〔淨〕俺

有個姪兒癩頭龜可用。只事發之時怎處。〔生〕但回生。免聲息。停商議。可有偷香竊玉劫墳賊。還一事。小姐倘然回生。要些定魂湯藥。〔淨〕陳教授開張藥鋪。只說前日小姑姑黨了凶煞。求藥安魂。〔生〕煩你快去了。這七級浮圖。豈同兒戲。

溼雲如夢雨如塵。

初訪城西李少君。

行到窈娘身沒處。

手披荒草看孤墳。

〔生下淨弔場介〕奇哉。奇哉。怕沒這等事。既是小姐分付。便喚姪兒備了鋤鍬。俺問陳先生討藥去來。寧可信其有。不可信其無。〔下〕

第二十四齣 詞藥

〔末上〕積年儒學理相通。書篋成精變藥籠。家童喚俺老員外。街坊喚俺老郎中。俺陳最良失館。依然重開藥鋪。今日看有甚人來。

〔女冠子〕〔淨上〕人間天上。道理都難講。夢中虛誑。更有人兒。思量泉壤。陳先生利市哩。〔末〕老姑姑到來。〔淨〕好鋪面。這儒醫二字。杜太爺贈的。好道地藥材。這兩塊土中甚用。

〔末〕是寡婦牀頭土。男子漢有鬼怪之疾。清水調服良。〔淨〕這布片兒何用。〔末〕是壯男子的褲襠。婦人有鬼怪之疾。燒灰喫了效。〔淨〕這等。俺貧道牀頭三尺土。敢換先生五寸襠。〔末〕怕你不十分寡。〔淨〕啐。你敢也不十分壯。〔末〕罷了。來意何爲。〔淨〕不瞞你說。前日小道姑呵。

〔黃鶯兒〕年少不隄防。賽江神。歸夜忙。〔末〕着手了。〔淨〕知他着甚閒空曠。被凶神煞黨。年災月殃。瞑然一去無回向。〔末〕欠老成哩。〔淨〕細端詳。你醫王手段。敢對的住活閻王。〔末〕是活的死的。〔淨〕死幾日了。〔末〕死人有口喫藥也罷。便是這燒襠散。用熱酒調下。

〔前腔〕海上有仙方。這偉男兒。深褲襠。〔淨〕則這種藥俺那裏自有。〔末〕則怕姑姑記不起誰陽壯。剪裁寸方。燒灰酒娘。敲開齒縫把些兒放。不尋常。安魂定魄。賽過了反精香。〔淨〕多謝了。

還隨女伴賽江神。

爭那多情足病身。

巖洞幽深門盡鎖。

隔花催喚女醫人。

第二十五齣 回生

〔字字雙〕〔丑〕疙童持鋤上。猪尿泡疙疸借盧胡。沒褲。鏰鏰兒入的土花疎。沒骨。活小娘不要去做鬼婆夫。沒路。偷墳賊拿倒做個地官符。沒趣。〔笑介〕自家梅花觀主家癩頭龜便是。觀主受了柳秀才之托。和杜小姐啟墳。好笑。好笑。說杜小姐要和他這裏重做夫妻。管他人話鬼話。帶了些黃錢。掛在這太湖石上。點起香來。

〔出隊子〕〔淨〕攜酒同生上。玉人何處。玉人何處。近墓西風老綠蕪。竹枝歌唱的女郎蘇。杜鵑聲啼過錦江無。一窖愁殘。三生夢餘。〔生〕老姑姑。已到後園。只見半亭瓦礫。滿地荆榛。繡帶重尋。裊裊藤花夜合。羅裙欲認。青青蔓草春長。則記的太湖石邊。是俺拾畫之處。依稀似夢。恍惚如亡。怎生是好。〔淨〕秀才不要忙。梅樹下堆兒是了。〔生〕小姐。好傷感人也。〔哭介〕丑。哭甚的。趁時節了。〔燒紙介〕生拜介。巡山使者。當山土地。顯聖顯靈。

〔啄木鷗〕〔生〕開山紙。草面上鋪。烟罩山前紅地爐。〔丑〕敢太歲頭上動土。向小姐脚跟挖窟。〔生〕土地公公。今日開山。專爲請杜麗娘。不要你死的。要個活的。你爲神正直應。

無妬。俺陽神觸煞俱無慮。要他風神笑語都無一。便做着你土地公公女嫁吾呀。春在小梅株。好破土哩。

〔前腔〕〔丑淨鍬土介〕這三和土。一謎鈕。小姐呵。半尺孤墳你在這的無。〔生〕你們十

分小心。〔看介〕到棺了。〔丑作驚丟鍬介〕到棺沒活的了。〔生搖手介〕禁聲。〔內旦作哎喲介衆

驚介〕活鬼做聲了。〔生〕休驚了小姐。〔衆蹲向鬼門闕棺介淨〕原來釘頭鏽斷。子口登開。小姐敢

別處送雲雨去了。〔內哎喲介生見旦扶介生〕哎。小姐端然在此。異香襲人。幽姿如故。天也。你

看正面上那些兒塵漬。斜空處沒半米虬蟄。則他煖幽香四片斑爛木。潤芳姿

半榻黃泉路。養花身五色燕支土。〔扶旦軟驢介生〕俺爲你款款偎將睡臉扶。休

損了口中珠。〔旦作嘔出水銀介丑〕一塊花銀。二十分多重。賞了癩頭罷。〔生〕乃小姐龍含鳳吐

之精。小生當奉爲世寶。你們別有酬犒。〔旦開眼歎介淨〕小姐開眼哩。〔生〕天開眼了。小姐呵。

〔金蕉葉〕〔旦〕是真是虛。劣夢魂猛然驚遽。〔作掩眼介〕避三光業眼難舒。怕一

弄兒巧風吹去。〔生〕怕風怎好。〔淨扶旦介〕且在這牡丹亭內。進還魂丹。秀才剪襠。〔生剪介丑〕

待俺湊些加味還魂散〔生〕不消了。快熱酒來。

〔鶯啼序〕〔調酒灌介〕玉喉隴半點靈酥。〔旦吐介生〕哎也。怎生呵落在胸脯。姐姐再進些。纔喫了二個多半口還無。〔覷介〕好了。好了。喜春生顏面肌膚。〔旦覷介〕這些都是誰。敢是些無端道途。弄的俺不着墳墓。〔生〕便是柳夢梅。〔旦〕略朦覷。怕不是梅邊柳邊人數。〔生〕有這道姑爲證。〔淨〕小姑可認的貧道。〔旦看不語介〕

〔前腔〕〔淨〕你乍回頭記不起俺這姑姑。〔生〕可記的這後花園。〔旦不語介淨〕是了。你夢境模糊。〔旦〕只那個是柳郎。〔生應旦作認介〕柳郎真信人也。虧殺你撥草尋蛇。虧殺你守株待兔。棺中寶玩收存。餘俱拋散池塘裏去。〔衆〕呸。〔丟去棺物介〕向人間別畫個葫蘆。水邊頭洗除凶物。〔衆〕虧小姐整整睡這三年。〔旦〕流年度。怕春色三分一分塵土。〔生〕小姐。此處風露。不可久停。好處將息去。

〔尾聲〕死工夫救了你活地獄。七香湯瑩了美食相扶。〔旦〕扶往那裏去。〔淨〕梅花觀。〔旦〕可知道洗棺塵都是這高唐觀中雨。

天賜燕支一抹腮。

隨君此去出泉臺。

俺來穿穴非無意。

願結靈姻愧短才。

第二十六齣 婚走

〔意難忘〕〔淨扶旦上〕如笑如呆。嘆情絲不斷。夢境重開。〔淨〕你驚香辭地府。輿
輓出天台。〔旦〕姑姑。俺強掙作。軟哈哈。重嬌養起這嫩孩孩。〔合〕尙疑猜。怕如烟
入抱。似影投胎。〔畫堂春〕蛾眉秋恨滿。二霜。夢餘荒冢斜陽。土花零落舊羅裳。睡損紅妝。〔淨〕風
定彩雲猶怯。火傳金炷重香。如神如鬼費端詳。除是高唐。〔旦〕姑姑。奴家死去三年。爲鍾情一點。幽
契重生。皆虧柳郎和姑姑信心提救。又以美酒香酥。時時將養。數日之間。稍覺精神旺相。〔淨〕好了。
秀才三回五次。央俺成親哩。〔旦〕姑姑。這事還早。揚州問過了老相公老夫人。請個媒人方好。〔淨〕
好消停的話兒。這也由你。則問小姐前生事。可都記的些。

〔勝如花〕〔旦〕前生事。曾記懷。爲傷春病害。困春遊。夢境難捱。寫春容。那人兒
拾在。那勞承。那般頂戴。似盼天仙盼的眼。似叫觀音叫的口歪。〔淨〕俺也聽見

些。則小姐泉下怎生得知。〔旦〕雖則塵埋。把耳輪兒熱壞。感一片志誠無奈。死淋浸走上陽臺。活森沙走出這泉臺。〔淨〕秀才來哩。

〔生查子〕〔生上〕豔質久塵埋。又掙出這烟花界。你看他含笑插金釵。擺動那長裙帶。〔見介〕麗娘妻。〔旦羞介生〕姐姐。俺地窟裏扶卿做玉真。〔旦〕重生勝過父娘親。〔生〕便好今宵成配偶。〔旦〕懽騰還是少精神。〔淨〕起前說精神旺相。則瞞着秀才。〔旦〕秀才可記的古書云。必待父母之命。媒妁之言。〔生〕日前雖不是鑽穴相窺。早則鑽墳而入了。小姐今日又會起書來。〔旦〕秀才比前不同。前夕鬼也。今日人也。鬼可虛情。人須實禮。聽奴道來。

〔勝如花〕青臺閉。白日開。〔拜介〕秀才呵。受的俺三生禮拜。待成親少個官媒。〔泣介〕結蓋的要高堂人在。〔生〕成了親。訪令尊令堂。有驚天之喜。要媒人。道姑便是。〔旦〕秀才。忙待怎的。也曾落幾個黃昏陪待。〔生〕今夕何夕。〔旦〕直恁的急色秀才。〔生〕小姐搗鬼。〔旦笑介〕秀才搗鬼。不是俺鬼奴台妝妖作乖。〔生〕爲甚。〔旦笑介〕半死來回。怕的兩雲驚駭。有的是這人兒活在。但將息俺半載身材。〔背介〕但消停俺半刻情。

懷。

〔不是路〕〔末上〕深院閒階。花影蕭蕭轉翠苔。〔扣門介〕人誰在。是陳生探望柳君來。〔衆驚介生〕陳先生來了。怎好。〔旦〕俺可迴避去。〔下末〕忒奇哉。怎女兒聲息紗窗外。硬抵門兒應不開。〔又扣門介生〕是誰。〔末〕陳最良。〔開門見介生〕承車蓋。俺衣冠未整。因遲待。〔末〕有些三驚怪。〔生〕有何驚怪。

〔前腔〕〔末〕不是天台。怎風度嬌音隔院猜。〔淨〕原來陳齋長到來。〔生〕陳先生說裏面婦娘聲息。則是老姑姑。〔淨〕是了。長生會。蓮花觀裏一個小姑來。〔末〕便是前日的小姑麼。〔淨〕另是一衆。〔末〕好哩。這梅花觀一發興哩。也是杜小姐冥福所致。因此徑來相約。明午整個小盒兒。同柳兄往墳上隨喜去。暫告辭了。無閒會。今朝有約明朝在。酒滴青娥墓上

回。〔生〕承拖帶。這姑姑點不出個茶兒待。卽來回拜。〔末〕慢來回拜。〔下生〕喜的陳先生去了。請小姐有話。〔旦上淨〕怎了。怎了。陳先生明日要上小姐墳去。事露之時。一來小姐有妖冶之名。二來公相無閨闈之教。三來秀才坐迷惑之譏。四來老身招發掘之罪。如何是了。〔旦〕老姑

姑待怎生好。〔淨〕小姐。這柳秀才待往臨安取應。不如曲成親事。叫童兒尋隻贛船。夤夜開去。以滅其蹤。意下何如。〔旦〕這也罷了。〔淨〕有酒在此。你二人拜告天地。〔拜把酒介〕

〔榴花泣〕〔生〕三生一夢。人世兩和諧。承合盃。送金杯。比墓田春酒。這新醅。纔醞轉人面桃腮。〔旦悲介〕傷春便埋。似中山醉夢。三年在。只一件來。看伊家龍鳳姿容。怎配俺這土木形骸。〔生〕那有此話。

〔前腔〕相逢無路。良夜肯疑猜。眠一柳。當了三槐。杜蘭香真個在讀書齋。則柳耆卿不是仙才。〔旦嘆介〕幽姿暗懷。被元陽鼓的這陰無賴。柳郎。奴家依然還是女身。

〔生〕已經數度幽期。玉體豈能無損。〔旦〕那是魂。這纔是正身陪奉。伴情哥則是遊魂。女兒身依舊含胎。〔外舟子歌上〕春娘愛上酒家子樓。不怕歸遲總弗子愁。推道那家娘子睡。且留教

住要梳子頭。〔又歌〕不論秋菊和那春子個花。個個能曠空肚子茶。無事莫教頻入子庫。一名閒物。他也要些子些。〔丑疔童上〕船船船。臨安去。〔外〕來來來。〔擺船介丑〕門外船便。相公纂下小姐班。

〔淨辭介〕相公小姐。小心去了。〔生〕小姐無人伏侍。煩老姑姑一行。得了官時相報。〔淨〕俺不會收

拾〔背介〕事發相連。走爲上計。〔回介〕也罷。相公賞姪兒什麼。着他收拾俺房頭。俺伴小姐去來。
〔丑〕使得。〔生〕便賞他這件衣服。〔解衣介丑〕謝了。事發誰當。〔生〕則推不知便了。〔丑〕這等請了。
秃廝兒權充道伴。女冠子真當梅香。〔下〕

〔急板令〕〔衆上船介〕別南安孤帆夜開。走臨安把雙飛路排。〔旦悲介生〕因何弔下
淚來。〔旦〕歎從此天涯。歎從此天涯。歎三年此居。三年此埋。死不能歸。活了纔
回。〔合〕問今夕何夕。此來魂脈脈。意哈哈。

〔前腔〕〔生〕似倩女返魂到來。采芙蓉回生並載。〔旦嘆介生〕爲何又弔下淚來。〔旦〕
想獨自誰挨。想獨自誰挨。翠黯香囊。泥漬金釵。怕天上人間。心事難諧。〔合前淨〕
夜深了。叫停船。你兩人睡罷。〔生〕風月舟中。新婚佳趣。其樂何如。

〔一撮棹〕藍橋驛。把奈河橋風月篩。〔旦〕柳郎。今日方知有人間之樂也。七星星版。二星
照。兩星排。今夜呵。把身子兒帶。情兒邁。意兒挨。〔淨〕你過河衣帶緊。請寬懷。〔生〕
眉橫黛。小船兒禁重載。這歡眠自在。抵多少嚇魂臺。

〔尾聲〕〔生〕情根一點是無生債。〔旦〕嘆孤墳何處是俺望夫臺。柳郎俺和你死裏淘生情似海。

偷去須從月下移。

好風偏似送佳期。

傍人不識扁舟意。

惟有新人子細知。

第三十七齣 駭變

〔集唐〕〔末上〕風吹不動頂垂絲。吟背春城出草遲。畢竟百年渾是夢。夜來風雨葬西施。俺陳最良只因感激杜太守。爲他看顧小姐墳塋。昨日約了柳秀才墳上望去。不免走一遭。〔行介〕巖扉不掩雲長在。院徑無媒草自生。待俺叫門。〔叫介〕呀。往常門兒重重掩上。今日都開在此。待俺參了聖。〔看菩薩介〕咳。冷清清沒香沒燈的呀。怎不見了杜小姐牌位。待俺問一聲老姑姑。〔叫三聲介〕誰家去了。待俺叫柳兄問他。〔叫介〕柳朋友。〔又叫介〕柳秀才。一發不應了。〔看介〕噯。柳秀才去了。醫好了他。來不參。去不辭。沒行止。沒行止。待俺西房瞧瞧。哎。道姑也搬去了。磬兒鍋兒牀席。一些都不見了。怪哉。〔想介〕是了。日前小道姑有話。日昨又聽的小道姑聲息。於中必有柳夢梅勾搭事情。

一夜去了。沒行止。沒行止。由他。由他。且後園看小姐墳去。〔行介〕

〔懶畫眉〕深徑側老蒼苔。那幾所月榭風亭久不開。當時曾此葬金釵。〔望介〕
呀。舊墳高高兒的。如今平下來了。緣何不見墳兒在。敢是狐兔穿空倒塌來。這太湖石。
只左邊靠動了些。梅樹依然。〔驚介〕哎呀。小姐墳被劫了也。〔放聲哭介〕

〔朝天子〕小姐天呵。是甚發塚無情短倖材。他有多少金珠葬在打眼來。小姐。你
若早有人家也搬回去了。則爲玉鏡臺無分照泉臺。好孤哉。怕蛇鑽骨。樹穿骸。不
隄防這災。知道了。柳夢梅嶺南人。慣會劫墳。將棺材放在近所。截了一角爲記。要人取贖。這賊意思。
止不過說。杜老先生聞知。定來取贖。想那棺材。只在左近埋下了。待俺尋。〔見介〕咳呀。這草窩裏。不
是硃漆板頭。這不是大鏽釘。開了去。天呵。小姐骨殖。丟在那裏。〔望介〕那池塘裏浮着一片棺材。是
了。小姐尸骨拋在河裏去了。狠心賊也。

〔普天樂〕問天天。你怎把他昆池碎劫無餘在。又不欠觀音鎖骨連環債。怎丟
他水月魂骸。亂紅衣暗泣蓮腮。似黑月重拋業海。待車乾池水。撈起他骨殖來。怕浪

淘沙碎玉難分派。到不如當初水葬無猜。賊眼腦生來毒害。那些個憐香惜玉。致命圖財。先師云。虎兇出於柙。龜玉毀于櫝中。典守者不得辭其責。俺如今先稟了南安府緝拿。星夜往淮揚報知杜老先生去。

〔尾聲〕石虔婆。他古弄裏金珠曾見來。柳夢梅。他做得個破周書汲冢才。小姐呵。你道他爲什麼向金蓋銀牆做打家賊。

丘墳發掘當官路。

春草茫茫墓亦無。

致汝無辜由俺罪。

狂眠恣飲是凶徒。

第二十八齣 淮警

〔霜天曉角〕〔淨引衆上〕英雄出衆。鼓譟紅旗動。二年繡甲錦蒙茸。彈劍把雕鞍斜鞚。賊子豪雄是李全。忠心赤膽向胡天。靴尖踢倒長天塹。卻笑江南土不堅。俺溜金玉奉大金之命。騷擾江淮三年。打聽大金家兵糧湊集。將次南征。教俺淮揚開路。不免請出賤房計議。中軍快請。〔衆叫介〕大王叫箭坊。〔老旦軍人持箭上〕箭坊俱已造完。〔淨笑惱介〕狗才。怎麼說。〔老旦〕大王

說請出箭坊計議。〔淨〕胡說。俺自請楊娘娘。是你箭坊。〔老旦〕楊娘娘是大王箭坊。小的也是箭坊。

〔淨喝介〕

〔前腔〕〔丑上〕帳蓮深擁。壓寨的陰謀重。〔見介〕大王興也。你夜來鏖戰好粗雄。困的俺垓心沒縫。大王夫。俺睡倦了。請俺甚事商量。〔淨〕聞的金主南侵。教俺攻打淮揚。以便征進。

思想揚州有杜安撫守鎮。急切難攻。如何是好。〔丑〕依奴家所見。先圍了淮安。杜安撫定然赴救。俺分兵揚州。斷其聲援。於中取事。〔淨〕高高。娘娘這計。李全要怕你了。〔丑〕你那一宗兒不怕了奴家。

〔淨〕罷了。未封王號時。俺是個怕老婆的強盜。封王之後。也要做怕老婆的王。〔丑〕着了。快起兵去。攻打淮城。

〔錦上花〕撥轉磨旗峯。促緊先鋒。千兵擺列。萬馬奔冲。鼓通通。鼓通通。諫的那淮揚動。

〔前腔〕軍中母大蟲。綽有威風。連環陣勢。烟粉牢籠。哈哄哄。哈哄哄。哄的那淮揚動。〔丑〕溜金王。行軍到處。不許你搶占半名婦女。如違。定以軍法從事。〔淨〕不敢。

日暮風沙古戰場。

軍營人學內家妝。

如今領帥紅旗下。

擘破雲鬟金鳳凰。

第二十九齣 如杭

〔唐多令〕〔生上〕海月未塵埋。〔旦上〕新妝倚鏡臺。〔生〕捲錢塘風色破書齋。〔旦〕夫昨夜天香雲外。吹桂子月中開。〔生〕夫妻客旅悶難開。〔旦〕待喚提壺酒一杯。〔生〕江上怒潮千丈雪。〔旦〕好似禹門平地一聲雷。〔生〕俺和你夫妻相隨。到了臨安京都地面。賃下這所空房。可以理會書史。爭奈試期尙遠。客思轉深。如何是好。〔旦〕早上分付姑姑買酒一壺。少解夫君之悶。尙未見回。〔生〕生受了娘子。一向不會說及。當初只說你是西鄰女子。誰知感動幽冥。匆匆成其夫婦。一路而來。到今不會請教。小姐。可是見小生於道院西頭。因何詩句上。不是梅邊是柳邊。就指定了小生姓名。這靈通委是怎的。〔旦笑介〕柳郎。俺說見你于道院西頭是假。俺前生呵。

〔江兒水〕偶和你後花園會夢來。擎一朵柳絲兒。要俺把詩篇賽。奴正題詠間。便和你牡丹亭上去了。〔生笑介〕可好呢。〔旦笑介〕咳。正好中間。落花驚醒。此後神情不定。一病奄奄。

這是聰明反被聰明帶。真誠不得真誠在。冤親做下這冤親債。一點色情難壞。再世爲人話做了兩頭分拍。

〔前腔〕〔生〕是話兒聽的都呆答孩。則俺爲情癡信及你人兒在。還則怕邪淫惹動陰曹怪。忌亡墳觸犯陰陽戒。分書生領受陰人愛。勾的你色身無壞。出土成人。又看見這帝城風采。〔淨提酒上〕路從丹鳳城邊過。酒向金魚館內沽。呀。相公小姐不知。俺

在江頭沽酒。看見各路秀才都赴選場去了。相公錯過天大好事。〔生日作忙介旦〕相公。只索快行。

〔淨〕這酒便是狀元紅了。〔旦把酒介〕

〔小措大〕喜的一宵恩愛。被功名二字驚開。好開懷這御酒三杯。放着四嬋娟人月在。立朝馬五更門外。聽六街裏喧傳人氣概。七步才。蹬上了寒宮八寶臺。沈醉了九重春色。便看花十里歸來。

〔前腔〕〔生〕十年窗下。遇梅花凍九纔開。夫貴妻榮八字安排。敢你七香車穩情載。六宮宣有你朝拜。五花誥封你非分外。論四德似你那三從結願諧。一指

大泥金報喜。打一輪阜蓋飛來。〔旦〕夫記的春容詩句。

〔尾聲〕盼今朝得傍你蟾宮客。你和俺倍精神金階對策。高中了。同去訪你丈人丈母呵。則道俺從地窟裏登仙那大喝采。

良人的的有奇才。

恐失佳期後命摧。

紅粉樓中應計日。

遙聞笑語自天來。

第四十齣 僕偵

〔孤飛雁〕〔淨郭駝挑擔上〕世路平消長。十年事老頭兒心上。柳郎君翰墨人家長。無營運。單承望。天生天養。果樹成行。年深樹老。把園圍拋漾。你索在何方。好

沒主量。悽惶。逞上他身衣口糧。家人做事興。全靠主人命。主人不在家。園樹不開花。俺老駝

一生依着柳相公。種果爲生。你說好不古怪。柳相公在家。一株樹上。着百十來個果兒。自柳相公去後。一株樹上生百十來個蟲。便胡亂長幾個果。小廝們偷個盡。老駝無主。被人欺負。因此發個老狠。

體探俺相公過嶺北來了。在梅花觀養病。直尋到此。早則南安府大封條封了觀門。聽的邊廂人說。

道婆爲事走了。有個娃兒癩頭龜。小西門住。找尋他去。〔行介〕抹過大東路。投至小西門。〔下〕

〔金錢花〕〔丑〕疔童披衣笑上。自小疔辣郎當。郎當官司拿俺爲姑娘。姑娘盡了法。

腦皮撞。得了命。賣了房。充小廝。串街坊。若要人不知。除非己不爲。自家癩頭龜便是。這無

人所在。表白一會。你說姑娘和柳秀才那事。幹得好。又走得好。只被陳教授那狗才。稟過南安府。拿

了俺去。拷問姑娘那裏去了。劫了杜小姐墳哩。你道俺更不聰明。卻也頗頗的。則掉着頭不做聲。那

烏官喝道。馬不弔不肥。人不撈不直。把這廝上起腦箍來。哎也。哎也。好不生疼。原來用刑人。先撈了

俺一架金鐘玉磬。替俺方便。稟說這小廝夾出腦髓來了。那烏官喝道。撚上來瞧。瞧了大鼻子一彪。

說道這小廝真個夾出腦漿來了。不知是俺癩頭上膿。叫鬆了刑。着保在外。俺如今有了命。把柳相

公送俺這件黑海青。擺將起來。〔唱介〕擺搖搖。擺搖搖。沒人所在。被俺擺過子橋。〔淨〕向前叫揖介。

小官唱喏。〔丑〕作不回揖。大笑唱介。俺小官子腰閃價。唱不的子喏。比似你個跔子唱喏。則當伸子

個腰。〔淨〕這賊種。開口傷人。難道做小官的。背偏不跔。〔丑〕刮這跔子嘴。偷了你什麼賊。〔淨〕認丑

衣介。別的罷了。則這件衣服。嶺南柳相公的。怎在你身上。〔丑〕咳呀。難道俺做小官的。就沒件干

淨衣服。便是嶺南柳家的。隔這般一道梅花嶺。誰見俺偷來。〔淨〕這衣帶上有字。你還不認。叫地方。〔扯丑作怕倒介〕罷了。衣服還你去囉。〔淨〕耍哩。我正要問一個人。〔丑〕誰。〔淨〕柳秀才那裏去了。〔丑〕不知。〔淨三問丑三不知介淨〕你不說。叫地方去。〔丑〕罷了。大路頭難好講話。演武廳去。〔行介淨〕好個僻靜所在。〔丑〕柳秀才到有一個。可是你問的不是。你說的像俺說。你說不像。休想叫地方。便到官司。俺也只是不說。〔淨〕這小廝到是個賊。聽俺道來。

〔尾犯序〕提起柳家郎。他俊白龐兒。典雅行妝。〔丑〕是了。多少年紀。〔淨〕論儀表看他。三十不上。〔丑〕是了。你是他什麼人。〔淨〕他祖上傳留下俺栽花種糧。自小兒我看成他快長。〔丑〕原來你是柳大官。你幾時別他。知他做出甚事來。〔淨〕春頭別。跟尋至此。聞說的不端詳。〔丑〕這老兒說的一句句着。老兒若論他做的事。咦。〔作扯淨耳語淨不聽見介丑〕吓。左則無人。耍他去。老兒你聽者。

〔前腔〕他到此病郎當。逢着個杜太爺衙教小姐的陳秀才。勾引他養病菴堂。去後園遊賞。〔淨〕後來。〔丑〕一遊遊到杜小姐墳兒上。拾的一軸春容。朝思暮想。做出事來。〔淨〕怎的來。

〔淨〕秀才家爲真當假。劫墳偷墳。〔淨驚介〕這卻怎了。〔丑〕你還不知。被那陳教授稟了官。圍住觀門。拖番柳秀才。和俺姑娘。行了杖棚。搥壓。不怕不招。點了供紙。解上江西提刑廉訪司。問那六案都孔目。這男女應得何罪。六案請了律令。稟復道。但偷墳見屍者。依律一秋。〔淨〕怎麼秋。〔丑作案淨頭介〕這等秋。〔淨驚哭介〕俺的柳秀才呵。老陀沒處投奔了。〔丑笑介〕休慌。後來遇赦了。便是那杜小姐活轉來哩。〔淨〕有這等事。〔丑〕活鬼頭還做了秀才正房。俺那死姑娘到做了梅香伴當。〔淨〕何往。〔丑〕臨安去。送他上路。賞這領舊衣裳。〔淨〕嚇俺一跳。卻早喜也。

〔尾聲〕去臨安定是圖金榜。〔丑〕着了。〔淨〕俺勒掙着軀腰走帝鄉。〔丑〕老哥。你路上精細些。現如今一路裏畫影圖形捕兇黨。

尋得仙源訪隱淪。

郡城南下是通津。

衆中不敢分明說。

遙想風流第一人。

第四十一齣 耽試

〔鳳凰閣〕〔淨苗舜賓引衆上〕九邊烽火咤。秋水魚龍怎化。廣寒丹桂吐層花。誰向雲端折下。〔合〕殿闈深鎖。取試卷看詳回話。〔集唐〕鑄時天匠待英豪。引手何方釣鰲。報答春光知有處。文章分得鳳凰毛。下官苗舜賓便是。聖上因俺香山能辨番回寶色。欽取來京典試。因金兵搖動。臨軒策士。問和戰守三者孰便。各房俱已取中頭卷。聖旨着下官詳定。想起來看寶易。看文字難。爲什麼來。俺的眼睛原是貓兒睛。和碧綠琉璃水晶無二。因此一見真寶。眼睛火出。說起文字。俺眼裏從來沒有。如今卻也奉旨無奈。左右開箱。取各房卷子上來。〔衆取卷上淨作看介〕這試卷好少也。且取天字號三卷。看是何如。第一卷詔問和守戰三者孰便。臣謹對。臣聞國家之和賊。如里老之和事。呀。里老和事。和不了的罷。國家事。和不來怎了。本房擬他狀元。好沒分曉。且看第二卷。這意思主守。〔看介〕臣聞天子之守國。如女子之守身也。比的小了。再看第三卷。到是主戰。〔看介〕臣聞南朝之戰北。如老陽之戰陰。此語忒奇。但是周易有陰陽交戰之說。以前主和。被秦太師誤了。今日權取主戰者第一。主守者第二。主和者第三。其餘諸卷。以次而定。

〔一封書〕文章五色訛。怕冬烘頭腦多。總費他墨磨。筆尖花無一個。恁這裏龍

門日日開無那。都待要尺水翻成一丈波。卻也無奈了。也是煖浪桃花當一科。池裏無魚可奈何。〔封卷介〕

〔神仗兒〕〔生上〕風塵戰鬪。風塵戰鬪。奇才輻輳。〔丑〕秀才來的停當。試期過了。〔生〕呀。

試期過了。文字可進呈麼。〔丑〕不進呈。難道等你。道英雄入彀。恰鎖院進呈時候。〔生〕怕

沒有狀元在裏也哥。〔丑〕不多有三個了。〔生〕萬馬爭先。偏驂騮落後。你快稟。有個遺才狀

元求見。〔丑〕這是朝房裏面。府州縣道。告遺才哩。〔生〕大哥。你真個不稟。〔哭介〕天呵。苗老先賢發

俺來獻寶。止不住卞和羞。對重瞳雙淚流。〔淨聽介〕掌門的。這什麼所在。拿過來。〔丑〕扯

生進介〔生〕告遺才的。望老大人收考。〔淨〕哎也。聖旨臨軒。翰林院封進。誰敢再收。〔生哭介〕生員

從嶺南萬里。帶家口而來。無路可投。願觸金階而死。〔生起觸階丑止介淨背云〕這秀才像是柳生。

真乃南海遺珠也。〔回介〕秀才上來。可有卷子。〔生〕卷子備有。〔淨〕這等姑准收考。一視同仁。〔生

跪介〕千載奇遇。〔淨念題介〕聖旨問汝多士。近聞金兵犯境。惟有和戰守三策。其便何如。〔生叩

頭介〕領聖旨。〔起介丑〕東席舍去。〔生寫策介淨再將前卷細觀看介〕頭卷主戰。二卷主守。三卷

主和。主和的怕不中聖意。〔生交卷淨看介〕呀。風簷寸晷。立掃千言。可敬可敬。俺急忙難看。只說和戰守三件。你主那一件兒。〔生〕生員也無偏主。天下大勢。能戰而後能守。能守而後能戰。可戰可守。而後能和。如醫用藥。戰爲表。守爲裏。和在表裏之間。〔淨〕高見高見。則當今事勢何如。

〔馬蹄花〕〔生〕當今呵。寶駕遲留。則道西湖畫錦遊。爲三秋桂子。十里荷香。一段邊愁。則願的吳山立馬。那人休。俺燕雲唾手。何時就。若止是和呵。小朝廷羞殺江南。便戰守呵。請鑾輿略近神州。〔淨〕秀才言之有理。

〔前腔〕聖主垂旒。想泣玉遺珠。一網收。對策者千餘人。那些三不知時務。未曉天心。怎做儒流。似你呵。三分話點破帝王憂。萬言策檢盡乾坤漏。〔生〕小生嶺海之士。〔淨〕

〔低介〕知道了。你釣竿兒拂綽了珊瑚。敢今番着了鰲頭。秀才午門外候旨。〔生應出〕

〔背介〕這試官卻是苗老大人。嫌疑之際。不敢相認。且當清鏡明開眼。惟願朱衣暗點頭。〔下淨〕試卷俱已詳定。左右跟隨進呈去。〔行介〕絲綸閣下文章靜。鐘鼓樓中刻漏長。呀那裏鼓響。〔內急搥鼓介丑〕是樞密府樓前邊報鼓。〔內馬嘶介淨〕邊報警急。怎了怎了。〔外老樞密上〕花萼夾城通

御氣芙蓉小苑入邊愁。〔見介淨〕老先生奏邊事而來。〔外〕便是。先生爲進卷而來。〔淨〕正是。〔外〕今日之事。以緩急爲先後。僭了。〔外〕叩頭奏事。介掌管天下兵馬知樞密院事臣謹奏俺主。〔內宣介〕所奏何事。〔外〕

〔滴溜子〕金人的。金人的。風聞入寇。〔內〕誰是先鋒。〔外〕李全的。李全的。前來戰鬪。〔內〕到什麼地方了。〔外〕報到了淮揚左右。〔內〕何人可以調度。〔外〕有杜寶現爲淮揚安撫。怕邊關早晚休。要星忙廝救。〔淨〕叩頭奏事。介臣看卷官苗舜賓謹奏俺主。

〔前腔〕臨軒的。臨軒的。文章看就。呈御覽。呈御覽。定其卷首。黃道日傳臚祇候。衆多官在殿頭。把瓊林宴備久。〔內〕奏事官午門外伺候。〔外〕淨同起。介淨。老先生聽的金兵爲何而動。〔外〕適纔不敢奏知。金主此行。單爲來搶占西湖美景。〔淨〕癡韃子。西湖是俺大家受用的。若搶了西湖去。這杭州通沒用了。〔內宣介〕聽旨。朕惟治天下有緩有急。乃武乃文。今淮揚危急。便着安撫杜寶前去迎敵。不可有遲。其傳臚一事。待干戈寧集。偃武修文。可諭知多士。叩頭。〔外〕淨叩頭呼萬歲起。介

澤國江山入戰圖。

曳裾終日盛文儒。

多才自有雲霄望。

其奈邊防重武夫。

第四十二齣 移鎮

〔夜遊船〕〔外杜安撫引衆上〕西風揚子津頭樹。望長淮渺渺愁予。枕障江南。鈎連塞北。如此江山幾處。〔訴衷情〕砧聲又報一年秋。江水去悠悠。塞草中原何處。一雁過淮樓。天下事。鬢邊愁。付東流。不分吾家小杜。清時醉夢揚州。自家淮揚安撫使杜寶。自到揚州三載。雖則李全騷擾。喜得大勢平安。昨日打聽金兵要來。下官十分憂慮。可奈夫人不解事。偏將亡女絮傷心。

〔似娘兒〕〔老旦貼上〕夫主挈兵符也。相從燕幙棲遲。〔嘆介〕畫屏風外秦淮樹。看兩點金焦。十分眉恨。片影江湖。〔老〕相公萬福。〔外〕夫人免禮。〔玉樓春〕〔老〕相公。幾年別下南安路。春去秋來朝復暮。〔外〕空懷錦水故鄉情。不見揚州行樂處。〔老〕你摩梭老劍評今古。那個英雄閒處住。〔淚介合〕忘憂恨自少宜男。淚灑嶺雲江外樹。〔老〕相公。俺提起亡女。你便無言。豈知俺心中愁恨。一來爲苦傷女兒。二來爲全無子息。待趁在揚州。尋下一房。與相公傳後。尊意何如。

〔外〕使不得。部民之女哩。〔老〕這等過江金陵女兒可好。〔外〕當今王事匆匆。何心及此。〔老〕苦殺俺麗娘兒也。〔哭介淨報子上〕詔從日月威光遠。兵洗江淮殺氣高。稟老爺。有朝報。〔外起看報介〕樞密院一本。爲金兵寇淮事。奉聖旨。便着淮揚安撫使杜寶刻日渡淮。不許遲誤。欽此。呀。兵機緊急。聖旨森嚴。夫人。俺同你移鎮淮安。就此起程了。〔丑驛丞上〕羽檄從參贊。牙籤報驛程。稟老爺。船隻齊備。〔內鼓吹介上船介內稟合屬官吏候送外分付起去介外〕夫人。又是一江秋色也。

〔長拍〕天意秋初。天意秋初。金風微度。城闕外畫橋烟樹。看初收潑火。嫩涼生微雨。沾裾。移畫舸。浸蓬壺。報潮生風氣肅。浪花飛吐。點點白鷗飛近渡。風定也。落日搖帆映綠蒲。白雲秋宰的鳴簫鼓。何處菱歌喚起江湖。呀。岸上跑馬的什麼人。〔不是路〕〔末報子跑馬上〕馬上傳呼。慢櫓停船看羽書。〔外〕怎的來。〔末〕那淮安府李全將次逞狂圖。〔外〕可發兵守禦。〔末〕怎支吾。星飛調度憑安撫。則怕這水路裏耽延你還走旱途。〔外〕休驚懼。夫人。吾當走馬紅亭路。你轉船歸去。轉船歸去。

〔老〕後而報馬又到哩。〔丑報子上〕

〔前腔〕萬騎胡奴。他要斬斷長淮塞五湖。老爺快行。休遲誤。小的先去也。怕圍城緩急要降胡。〔下老哭介〕待何如。你星霜滿鬢當戎虜。似這等烽火連天各路衢。〔外〕真愁促。怕揚州隔斷無歸路。再和你相逢何處。相逢何處。夫人就此告辭了。
揚州定然有警。可徑走臨安。

〔短拍〕老影分飛。老影分飛。似參軍杜甫。把山妻泣向天隅。〔老哭介〕無女一身孤。亂軍中別了夫主。〔合〕有什麼命夫命婦。都是些鰥寡孤獨。生和死圖的個夢和書。

〔尾聲〕老殘生兩下裏自支吾。〔外〕俺做的是這地頭軍府。〔老〕老爺也珍重你這滿眼兵戈一腐儒。〔外下老嘆介〕天呵。看揚州兵火滿道。春香和你徑走臨安去也。

隋堤風物已淒涼。

楚漢寧教作戰場。

閨閣不知戎馬事。

雙雙相趁下殘陽。

第四十三齣 禦淮

〔六么令〕〔外引生末衆軍上〕西風揚謫。漫騰騰殺氣兵妖。望黃淮秋捲浪雲高。排雁陣。展龍韜。斷重圍。殺過河陽道。走乏了。衆軍士。前面何處。〔衆〕淮城近了。〔外望介〕天呵。

〔昭君怨〕剩得江山一半。又被胡笳吹斷。〔衆〕秋草舊長營。血風腥。〔外〕聽得猿啼鶴怨。淚溼征袍。如汗。〔衆〕老爺呵。無淚向天傾。且前征。〔外〕衆三軍。俺的兒。你看咫尺淮城。兵勢危急。俺們一邊捨死。先衝入城。一面奏請朝廷。添兵救助。三軍聽吾號令。鼓勇而行。〔衆哭應介〕謹如軍令。〔行介〕

〔四邊靜〕坐鞍心把定中軍號。四面旌旗遶。旗開日影搖。塵迷日光小。〔合〕胡兵氣驕。南兵路遙。血暈幾重圍。孤城怎生料。〔外〕前面寇兵截路。衝殺前去。〔下〕

〔前腔〕〔淨引丑貼衆軍喊上〕李將軍射雁穿落。豹子翻身嚼。單尖寶蹬挑。把追風膩旗兒裊。〔合前淨笑介〕你看俺溜金王手下。雄兵萬餘。把淮陰城圍了七週遭。好不緊也。〔內搦

鼓喊介淨〕呀。前路兵風。想是杜安撫來到。分兵一千。迎殺前去。〔虛下外衆唱合前上淨衆上打話單戰介淨叫衆擺長陣攔路介外叫衆軍衝圍殺進城去介淨〕呀。杜家兵衝入圍城去了。且由他。喫盡糧草。自然投降也。〔合前下〕

〔番卜算〕〔老旦末文官上〕鎮日陣雲飄。閃卻烏紗帽。〔淨丑武官上淨〕長鎗大劍把河橋。〔丑〕鼓角如龍叫。〔見介〕請了。〔更漏子〕〔老旦〕枕淮樓。臨海際。〔末〕殺氣騰天震地。〔丑〕聞砲鼓。使人驚。插天飛不成。〔淨〕匣中劍。腰間箭。領取背城一戰。〔合〕愁地道。怕天衝。幾時來。杜公。〔老旦〕俺們是淮安府行軍司馬。和這參謀。都是文官。遭此賊兵圍緊。久已迎取安撫杜老大人。還不見到。敢問二位留守將軍。有何計策。〔丑〕依在下所見。降了他罷。〔老〕怎說這話。〔丑〕不降。走爲上計。〔老〕走的一丁。走不的十個。〔丑〕這般說。俺小奶奶。那一口。放那裏。〔淨〕鎖放大櫃子裏。〔丑〕鑰匙呢。〔淨〕放俺處。李全不來。替你托妻寄子。〔丑〕李全來呢。〔淨〕替你出妻獻子。〔丑〕好朋友。好朋友。〔內搦鼓喊介生報子上〕報報報。正南一枝兵馬。破圍而來。杜老爺到也。〔衆〕快開城迎接去。天地日流血。朝廷誰請纓。〔並下〕

〔金錢花〕〔外引衆上〕連天殺氣蕭條。蕭條。連城圍了週遭。週遭。風喇喇。陣旗飄。叫開城。下弔橋。〔老旦等上合〕文和武。索迎着。〔跪迎介〕文武官屬。迎接老大人。〔外〕起來。敵樓相見。〔老旦等應下介〕

〔前腔〕〔外〕胡塵染惹征袍。征袍。血花風腥寶刀。寶刀。〔內搥鼓介〕淮安鼓揚州
簫。擺鸞旗。登麗譙。〔合〕排衙了。列功曹。〔到介貼辦官上〕

〔粉蝶兒引〕〔外〕萬里寄龍韜。那得戍樓清嘯。〔貼報門介〕文武官屬進。〔老旦等參見

介〕孤城累卵。方當萬死之危。開府弄丸。來赴兩家之難。凡俺官寮。禮當拜謝。〔外〕兵鋒四起。勞苦
諸公。皆老夫遲慢之罪。只長揖便了。〔衆應起揖介外〕看來此賊。頗有兵機。放俺入城。其中有計。

〔衆〕不過穿地道。起雲梯。下官粗知備禦。〔外〕怕的是鎖城之法耳。〔丑〕敢問何謂鎖城。是裏面鎖
外面鎖。外面鎖。鎖住了溜金王。若裏面鎖。連下官都鎖住了。〔外〕不提罷了。城中兵幾何。〔淨〕一
萬三千。〔外〕糧草幾何。〔末〕可支半年。〔外〕文武同心。救援可待。〔內搥鼓喊介生報子上〕報報。李
全兵緊圍了。〔外長嘆介〕這賊好無理也。

〔划鋏兒〕兵多食廣禁圍遶。則要你文班武職兩和調。〔衆〕巡城徹昏曉。這軍民
苦勞。〔內喊介泣介合〕那兵風正號。俺軍聲靜悄。〔外拜天衆同拜介〕淚灑孤城。把蒼
天暗禱。〔衆〕

〔前腔〕危樓百尺堪長嘯。籌邊兩字寄英豪。〔外〕江淮未應小。君侯佩刀。〔合前〕

從今日起。文官守城。武官出城。隨機策應。〔丑〕則怕大金家來了。〔淨〕金兵呵。

〔尾聲〕他看頭勢而來不定交。休先倒折了趙家旗號。便來呵。也少不得死裏求生那。一着敲。

日日風吹虜騎塵。

三千犀甲擁朱輪。

胸中別有安邊計。

莫遣功名屬別人。

第四十四齣 急難

〔菊花新〕〔旦上〕曉妝臺圓夢鵲聲高。閒把金釵帶笑敲。博山秋影搖。盼泥金

俺明香暗焦。鬼魂求出世。貧落望登科。夫榮妻貴顯。凝盼事如何。俺杜麗娘跟隨柳郎科試。偶逢

天子招賢。只這些時還遲喜報。正是長安咫尺如千里。夫婿迢遙第一人。

〔出隊子〕〔生上〕詞場湊巧。無奈兵戈起禍苗。盼泥金賺殺玉多嬌。他待地窟

裏隨人上九霄。一脈離魂。江雲暮潮。〔見介旦〕柳郎。你回來了。望你高車畫錦。爲何徒步而

回〔生〕聽俺道來。

〔瓦盆兒〕去遲科試收場鎖院散羣豪。〔旦〕咳。原來去遲了。〔生〕喜逢着舊知交。

〔旦〕可曾補上。〔生〕虧他滿船明月又把去珠淘。〔旦喜介〕好了。放榜未。〔生〕恰正在奏龍樓。開鳳榜。蹊蹺。〔旦〕怎生蹊蹺。〔生〕你不知。大金家兵起。殺過淮揚來了。忙喇煞細柳營。權將杏苑拋。剛則遲誤了你夫人花誥。〔旦〕遲也不爭幾時。則問你淮揚地方。便是俺

爹爹管轄之處了。〔生〕便是。〔旦哭介〕天也俺的爹娘怎了。〔泣介生〕直恁的活擦擦。痛生。生腸斷了。比如你在泉路裏可心焦。〔旦〕罷了。奴有一言。未敢啟齒。〔生〕但說不妨。〔旦〕柳郎。放榜之期尙遠。欲煩你淮揚打聽爹娘消耗。未審許否。〔生〕謹依尊命。奈放小姐不下。〔旦〕不妨。奴家自會支吾。〔生〕這等就此起程了。

〔榴花泣〕〔旦〕白雲親舍俺孤影舊梅梢。道香魂恁寂寥。怎知魂向你柳枝銷。維揚千里長是一靈飄。回生事少。爹娘呵。聽的俺活在人間驚一跳。平白地鳳墀過門。好似半青天鵲影成橋。

〔前腔〕〔生〕俺且行且止兩處係心苗。要留旅店伴多嬌。〔旦〕有姑姑爲伴。〔生〕陰人難伴。你這冷長宵。把心兒不定還怕你舊魂飄。〔旦〕再不飄了。〔生〕俺文高中高。一時榜下歸難到。〔旦泣介〕俺爹娘呵。〔生〕你念雙親捨的離情。俺爲半子怎惜攀高。小姐卑人拜見。岳翁岳母起頭便問及回生之事了。

〔漁家燈〕〔旦嘆介〕說的來似怪如妖。怕爹爹執古妝躑。〔想介〕有了。將奴春容帶在身傍。但見了一幅春容。少不的問俺兩下根苗。〔生〕問時怎生打話。〔旦〕則說是天曹。偶然注定的姻緣到。驀踏着墓墳開了。〔生〕說你先到俺書齋纔好。〔旦羞介〕休喬。這話教人笑。略說與梅香賊牢。

〔前腔〕〔生〕俺滿意兒待駟馬過門。和你離魂女同歸氣高。誰承望探高親去。傍干戈。怕寒儒欠整衣毛。〔旦〕女壻老成些不妨。則途路孤栖。使奴罷念。〔生〕秋霄雲橫雁字斜。陽道向秦淮夜泊魂消。〔旦〕夫。你去時冷落些。回來報中狀元呵。〔生〕名標大拜門。喧笑抵多少駟馬還朝。〔淨上〕雨傘晴兼雨。春容秋復春。包袱雨傘在此。

〔尾聲〕〔拜別介旦〕秀才郎探的個門楣着。〔生〕報重生這歡聲不小。〔旦〕柳郎那裏平安了便回。休只顧的月明橋上聽吹簫。

不爲經時謁丈人。

囊無一物獻尊親。

馬蹄走入揚州路。

兩地各傷無限神。

第四十五齣 寇間

〔包子令〕〔老旦外賊兵巡哨上〕大王原是小嘍囉。嘍囉。嘍囉。娘娘原是小旗婆。旗婆。立
下個草朝忒快活。虧心又去搶山河。〔合〕轉巡羅。山前山後一聲鑼。兄弟。大王爺

攻打淮城。要個人見杜安撫打話。大路頭影兒沒一個。小路頭尋去。〔唱前合下末雨傘包袱上〕

〔駐馬聽〕家舍南安。有道爲生新失館。要腰纏十萬。教學千年。方纔貫滿。俺陳

最良爲報杜小姐之事。揚州見杜安撫大人。誰知他淮安被圍。教俺沒前沒後。大路上不敢行走。抄

從小路而去。學先師傳食走胡旋。怯書生避寇遭塗炭。你看樹影凋殘。猿啼虎

嘯教人歎。〔丑外上〕明知山有虎。故向虎邊行。烏漢那裏去。〔拿介末〕饒命大王。〔外〕還有個大王

哩。〔末〕天天。怎了。正是烏鴉喜鵲同行。吉凶全然未保。〔並下〕

〔普賢歌〕〔淨丑衆上〕莽乾坤生俺賊兒頑。誰道賊人膽裏單。南朝俺不蠻。北朝俺不番。甚天公有處安排俺。娘娘俺和你圍了淮安許久。只是不下。要得個人去淮安打話。兼看杜安撫動定如何。則眼下無人可使哩。〔丑〕必得杜老兒親信之人。將計就計。方且可行。〔外綁末上〕

〔粉蝶兒〕沒路走羊腸。天天呵。撞入這屠門怎放。〔見介外〕稟大王。拿得個南朝漢子在此。〔淨〕是個老兒。何方人氏。作何生理。〔末〕聽稟。

〔大迓鼓〕生員陳最良。南安人氏。訪舊淮揚。〔淨〕訪誰。〔末〕便是杜安撫。他後堂曾設扶風帳。〔丑〕你原來他衙中教學。幾個學生。〔末〕則他甄氏夫人。單生下一女。女書生年少。〔丑〕還有何人。〔末〕義女春香夫人伴房。〔丑笑背介〕一向不知杜老家中事體。今日得知。吾有計矣。〔回介〕這腐儒。且帶在轅門外去。〔衆應押末下介丑〕大王。奴家有了一計。昨日殺了幾個婦人。可於中取出首級二顆。則說杜家老小。回至揚州。被俺手下殺了。獻首在此。故意蘇放那腐

儒傳示杜老。杜老心寒。必無守城之意矣。〔淨〕高見。高見。〔淨起低聲分付介〕叫中軍。〔生上淨〕俺請那腐儒講話中間。你可將昨日殺的婦人首級二顆來獻。則說是杜安撫夫人甄氏和他使女春香。牢記着。〔生應下淨〕左右。再拿秀才來見。〔衆押末上介末〕饒命。大王。〔淨〕你是個細作。不可輕饒。〔丑〕勸大王鬆了他。聽他講些兵法到好。〔淨〕也罷。依娘娘說。鬆了他。〔衆放末綁介末叩頭介〕叩謝大王娘娘不殺之恩。〔淨〕起來。講些兵法俺聽。〔末〕衛靈公問陳於孔子。孔子不對。說道吾末見好德如好色者也。〔淨〕這是怎麼說。〔末〕則因彼時衛靈公有個夫人南子同座。先師所以怕得講話。〔淨〕他夫人是南子。俺這娘娘是婦人。〔內搥鼓生報子上〕報報報。揚州路上兵馬。殺了杜安撫家小。竟來獻首級討賞。〔淨看介〕則怕是假的。〔衆〕千真萬真。夫人甄氏。這使女叫做春香。〔末做看認驚哭介〕天呵。真個是老夫人和春香也。〔淨〕哇。腐儒啼哭什麼。還要打破淮城。殺杜老兒去。〔末〕饒了罷。大王。〔淨〕要饒他。除非獻了這座淮安城罷。〔末〕這等容生員去。傳示大王虎威。立取回報。〔丑〕大王恕你一刀。腐儒快走。〔內搥鼓發喊開門介末作怕介〕

〔尾聲〕顯威風記的這溜金王。〔淨丑〕你去說與杜安撫呵。着什麼耀武揚威早納

降。俺實實的要占江山非是謊。〔淨丑下末打躬送介弔場〕活強盜。活強盜。殺了杜老夫人。春香。不免城中報去。

海神東過惡風迴。

日暮沙場飛作灰。

今日山翁舊賓主。

與人頭上拂塵埃。

第四十六齣 折寇

〔破陣子〕〔外戎裝佩劍引衆上〕接濟風雲陣勢。侵尋歲月邊垂。〔內搥鼓喊介外嘆介〕

你看虎咆般砲石連雷碎。雁翅似刀輪密雪施。李全。李全。你待要霸江山吾在此。〔集唐〕誰能談笑解重圍。萬里胡天鳥不飛。今日海門南畔事。滿頭霜雪爲兵機。我杜寶自到淮揚。

即遭兵亂。孤城一片。因此重圍。只索調度兵糧。飛揚金鼓。生還無日。死守由天。潛坐敵樓之中。追想靖康而後。中原一望。萬事傷心。

〔玉桂枝〕問天何意。有二光不辨華夷。把腥羶吹換人間。這望中原做了黃沙片地。〔惱介〕猛沖冠怒起。猛沖冠怒起。是誰弄的江山如是。〔嘆介〕中原已矣。關河

困心事違也。則要保揚州濟淮水。俺看李全賊數萬之衆。破此何難。進退遲疑。其間有故。俺有一計可救圍。恨無人與遊說。〔內搦鼓報子上〕羽檄場中無雁到。鬼門關上有人來。好笑。

城圍的鐵桶似緊。有個秀才來打秋風。則索報去稟老爺。有個故人相訪。〔外〕敢是奸細。〔淨〕說是江右南安府陳秀才。〔外〕這迂儒。怎生飛的進來。快請。快請。〔末上〕

〔浣溪紗〕擺旌旗。添景致。又不是鬧元宵。鼓砲齊飛。杜老爺在那裏。〔外笑出迎介〕忽聞的千里故人誰。〔嘆介〕原來是先生到此。教俺驚垂淚。〔末〕老公相頭通白了。〔合〕

白首相看俺與伊。三年一見愁眉。〔拜介〕〔集唐〕〔末〕頭白乘驢懸布裳。〔外〕故人相見憶

山陽。〔末〕橫塘一別千餘里。〔外〕卻認并州作故鄉。〔末〕恭諗公相。又苦傷老夫人回揚州。被賊兵所算了。〔外驚介〕怎知道。〔末〕生員在賊營中。眼同驗過老夫人首級。同春香都殺了。〔外哭介〕

〔玉桂枝〕相夫登第。表賢名甄氏吾妻。稱皇宣一品夫人。又待伴俺立雙忠烈女。想賢妻在日。想賢妻在日。淒然垂淚。儼然冠帔。〔外哭倒衆扶介末〕我的老夫人。老

夫人怎了。你將官們也大家哭一聲兒麼。〔衆哭介〕老夫人呵。〔外作惱拭淚介〕呀。好沒來由。夫人

是朝廷命婦。罵賊而死。理所當然。我怎爲他亂了方寸。灰了軍心。身爲將。怎顧的私。任恓惶。百無悔。陳先生。溜金王還有講麼。〔末〕不好說得。他還要殺老先生。〔外〕咳。他殺俺甚意兒。俺殺他全爲國。〔末〕依了生員。兩下裏都不要殺。〔做扯外耳語介〕那溜金王要這座淮安城。〔外〕噤聲。那賊營中。是一個座位。是兩個座位。〔末〕他和妻子連席而坐。〔外笑介〕這等。吾解此圍必矣。先生竟爲何來。〔末〕老先生不問。幾乎忘了。爲小姐墳兒被盜。竟此相報。〔外驚介〕天呵。塚中枯骨。與賊何仇。都則爲那些寶玩害了也。賊是誰。〔末〕老公相去後。石道姑招了個嶺南遊棍柳夢梅爲伴。見物起心。一夜劫墳逃去。屍骨投之池水中。因此不遠千里而告。〔外嘆介〕女墳被發。夫人遭難。正是未歸三尺土。難保百年身。旣歸三尺土。難保百年墳。也索罷了。則可惜先生一片好心。〔末〕生員拜別老公相後。一發貧薄了。〔外嘆介〕軍中倉卒。無以爲情。我把一大功勞。先生幹去。〔末〕願效勞。〔外〕我久寫下咫尺之書。要李全解散三軍之衆。餘無可使。煩公一行。左右。取過書儀來。倘說得李全降順。便可歸奏朝廷。自有個出身之處。〔生取書儀介〕儒生三寸舌。將軍一紙書。書儀在此。〔末〕途費謹領。送書一事。其實怕人。〔外〕不妨。

〔榴花泣〕兵如鐵桶。一使在其中。將折簡去和戎。陳先生。你志誠打的賊兒通。雖然寇盜奸雄。他也相機而動。〔末〕恐遊說非書生之事。〔外〕看他開圍放你而來。其意可知。你這書生正好做傳書用。〔末〕仗恩臺一字長城。借寒儒八面威風。〔內鼓吹介〕

〔尾聲〕戍樓羌笛話匆匆。事成呵。你歸去朝廷沾寸寵。這紙書敢則是保障江淮第一封。

隔河征戰幾歸人。

五馬臨流待幕賓。

勞動先生遠相訪。

恩波自會惜枯鱗。

第四十七齣 圍釋

〔出隊子〕〔貼通事上〕一天之下。南北分開兩事家。中間放着個蓼兒注。明助着番家打漢家。通事中間撥嘴撩牙。事有足詫。理有必然。自家溜金王麾下。一名通事便是。好笑。好笑。俺大王助金圍宋。攻打淮城。誰知北朝暗地差人去到南朝講話。正是暫通禽獸語。終是犬

羊心〔下淨引衆上〕

〔雙勸酒〕橫江虎牙。插天鷹架。擂鼓揚旗。衝車甲馬。把座錦城牆圍的陣雲花。杜安撫你有翅難加。自家溜金王。攻打淮城。日久未下。外勢雖然虎踞。中心未免狐疑。一來怕南朝大兵。兼程而進。二來怕北朝見責。委任無功。真個進退兩難。待娘娘到來計議。〔丑上〕驅兵捉將蚩尤女。捏鬼妝神豹子妻。大王。你可聽見。大金家有人南朝打話。回到俺營門之外了。〔淨〕有這事。〔老旦番將帶刀騎馬上〕

〔北夜行船〕大北裏宣差傳站馬。虎頭牌滴溜的分花。〔外馬夫趕上介〕滑了。滑了。

〔老旦〕那古裏誰家跑番了拽喇。怎生呵。大營盤沒個人兒答斂。〔外大叫介〕溜

金爺。北朝天使到來。〔下淨丑作慌介〕快叫通事請進。〔貼上接跪介〕溜金王患病了。請那顏進。

〔老旦〕可纔可纔道句兒克卜喇。〔下馬上坐介〕都兒。都兒。〔淨問貼介〕怎麼說。〔貼〕惱

了。〔淨丑舉手老旦做惱不回介指淨介〕鐵力溫。都答喇。〔淨問貼介〕怎說。〔貼〕不敢說。要殺了。

〔淨〕卻怎了。〔老旦做看丑笑介〕忽伶。忽伶。〔丑問貼介貼〕嘆娘娘生得妙。〔老旦〕克老。克老。〔貼〕

說走渴了。〔老旦手足做忙介〕兀該打刺。〔貼〕叫馬乳酒。〔老旦〕約兒兀只。〔貼〕要燒羊肉。〔淨叫介〕快取羊肉乳酒來。〔外持酒肉上介〕老旦灑酒取刀割羊肉吃笑將羊油手擦胸介。一六兀刺的。〔貼〕不惱了。說有禮體。〔老旦作醉介〕鎖陀八。鎖陀八。〔貼〕說醉了。〔老旦作看丑介〕倒喇。倒喇。〔丑笑介〕怎說。〔貼〕要娘娘唱個曲兒。〔丑〕使得。

〔北清江引〕呀。啞觀音覷着個番答辣。胡蘆提笑哈。兀那是都麻。請將來岸答。撞門兒一句咬兒只不毛古喇。通事。我斟一杯酒。你送與他。〔貼作送酒介〕阿阿兒該力。〔丑〕通事。說甚麼。〔貼〕小的稟娘娘送酒。〔丑〕着了。〔老旦作醉看丑介〕李知。李知。〔貼〕又央娘娘舞一回。〔丑〕使得。取我梨花鎗來。

〔前腔〕〔持鎗舞介〕冷梨花點點風兒刮。裊得腰身乍。胡旋兒打一車。花門折一花。把一個酸啜老那顏風勢煞。〔老旦反背拍袖笑倒介〕忽伶。忽伶。〔貼扶起老旦介〕老擺手倒地介。阿來不來。〔貼〕這便是唱喏。叫唱一直。〔老笑點頭招丑介〕哈撒。哈撒。〔貼〕要問娘娘。〔丑笑介〕問甚麼。〔老扯丑輕說介〕哈撒兀該。毛克喇。毛克喇。〔丑笑問貼介〕怎說。〔貼作搖頭介〕

問娘娘討件東西。〔丑笑介〕討甚麼。〔貼〕通事不敢說。〔老笑倒介〕古魯。古魯。〔淨背叫貼問介〕他要娘娘什麼東西。古魯古魯不住的。〔貼〕這件東西。是要不得的。便要時。則怕娘娘不捨的。便是娘娘捨的。大王也不捨的。便大王捨的。小的也不捨得。〔淨〕甚東西。直恁捨不的。〔貼〕他這話到明。哈撒兀該。毛克喇。要娘娘有毛的所在。〔淨作惱介〕氣也。氣也。這臊子好大膽。快取鎗來。〔作持花鎗趕殺介貼扶醉老走老提酒壺叫〕古魯。古魯。〔架住鎗介〕

〔北尾〕〔淨〕你那醋葫蘆指望把梨花架。臊奴。鐵圍牆敢靠定你大金家。〔搨倒老介〕則端着你那幾莖兒。蒼嘴的赤支沙。把那燕腥臊的。噉子兒生搭殺。〔丑

扯住淨放老介老〕曳喇曳喇哈哩。〔指淨介〕力婁吉丁母喇失。力婁吉丁母喇失。〔作閃袖走下介淨〕氣殺我也。那曳喇哈的什麼。〔貼〕叫引馬的去。〔淨〕怎指着我力婁吉丁母喇失。〔貼〕這要奏過他主兒。叫人來相殺。〔淨作惱介丑〕老大王。你可也當着不着的。〔淨〕啐着了。你那毛格喇哩。〔丑〕便許他在那裏。你卻也忒撻酸。〔淨不語介〕正是。我一時風火性。大金家得知。這溜金王到有些欠穩。〔丑〕便是。番使南朝而回。未必其中有話。〔淨〕娘娘高見何如。〔丑〕容奴家措思。〔內搥鼓

介貼報子上。報報報。前日放去的老秀才。從淮城中單馬飛來。道有緊急。投見大王。〔丑〕恰好着他進來。

〔縷縷金〕〔末上〕無之奈可如何。書生承將令。強嘍囉。〔內喊末驚跌介〕一聲金砲響。將人跌蹉。可憐。可憐。密札札干戈。其間放着我。〔貼唱門介〕生員進。〔末見介〕萬死一生生員陳最良。百拜大王殿下。娘娘殿下。〔淨〕杜安撫獻了城池。〔末〕城池不爲希罕。敬來獻一座王位與大王。〔淨〕寡人久已爲王了。〔末〕正是官上加官。職上添職。杜安撫有書呈上。〔淨看書介〕通家生杜寶。頓首李王麾下。〔問末介〕秀才。我與杜安撫有何通家。〔末〕漢朝有個李杜至交。唐朝也有個李杜契友。因此杜安撫斗膽稱個通家。〔淨〕這老兒好意思。書有何言。

〔一封書〕〔讀介〕聞君事外朝。虎狼心難定交。肯回心聖朝。保富貴全忠孝。平梁取采須收好。背暗投明帶早超。憑陸賈。說莊蹻。顛望塵慈卽鑒昭。〔笑介〕這書

勸我降宋。其實難從。外密啟一通。奉呈尊闈大人。〔笑介〕杜安撫也畏敬娘娘哩。〔丑〕你念我聽。〔淨看書介〕通家生杜寶斂衽揚老娘娘帳前。咳也。杜安撫與娘娘。又通家起來。〔末〕大王通得去。

娘娘也通得去。〔淨〕也通得去。只漢子不該說斂衽。〔末〕娘娘肯斂衽而朝。安撫敢不斂衽而拜。〔丑〕說的好。細念我聽。〔淨念書介〕通家生杜寶斂衽楊老娘娘帳前。遠聞金朝封貴夫爲溜金王。並無封號及於夫人。此何禮也。杜寶久已保奏大宋。勅封夫人爲討金娘娘之職。伏惟妝次。鑒納不宣。好也。到先替娘娘討了恩典哩。〔丑〕陳秀才。封我討金娘娘。難道要我征討大金家不成。〔末〕受了封誥後。但是娘娘要金子都來宋朝取用。因此叫做討金娘娘。〔丑〕這等是你宋朝美意。〔末〕不說娘娘。便是衛靈公夫人。也說宋朝之美。〔丑〕依你說。我冠兒上金子。成色要高。我是帶盃兒的娘子。近時人家首飾渾脫。就一個盃兒。要你南朝。照樣打造一付送我。〔末〕都在陳最良身上。〔淨〕你只顧討金討金。把我這溜金王。溜在那裏。〔丑〕連你也做了討金王罷。〔淨〕謝承了。〔末叩頭介〕則怕大王娘娘退悔。〔丑〕俺主定了。便寫下降表。齎發秀才回奏南朝去。

〔前腔〕〔淨〕歸依大宋朝。怕金家成禍苗。〔丑〕秀才。你擔承這遭。要黃金須任討。〔末〕大王。你鄱陽湖磬響收心早。娘娘。你黑海岸回頭星宿高。〔合〕便休兵。隨聽招。免的名標在叛賊條。〔淨〕秀才。公館留飯。星夜草表送行。〔舉手送末拜別介〕

〔尾聲〕〔淨〕咱比李山兒何足道。這楊令婆委實高。〔末〕帶了你這一紙降書管取那趙官家歡笑倒。〔末下淨丑弔場淨〕娘娘則爲失了一邊金。得了兩條王。人要一個王不能勾。俺領下兩個王號。豈不樂哉。〔丑〕不要慌。還有第三個王號。〔淨〕什麼王號。〔丑〕叫做齊肩一字王。〔淨〕怎麼。〔丑〕殺哩。〔淨〕隨順他。又殺什麼。〔丑〕你俺兩人作這大賊。全仗金鞭子威勢。如今反了面。南朝拿你何難。〔淨作惱介〕哎喲。俺有萬夫不當之勇。何懼南朝。〔丑〕你真是個楚霸王。不到烏江不止。〔淨〕胡說。便作俺做楚霸王。要你做虞美人。定不把趙康王占了你去。〔丑〕罷。你也做楚霸王不成。奴家的虞美人也做不成。換了題目做。〔淨〕什麼題目。〔丑〕范蠡載西施。〔淨〕五湖在那裏。去做海賊便了。〔丑作分付介〕衆三軍。俺已降順了南朝。暫解淮圍。海上伺候去。〔衆應介〕解圍了。〔內鼓介〕船隻齊備了。〔內鼓介〕稟大王起行。〔行介〕

〔江頭送別〕淮揚外。淮揚外。海波搖動。東風勁。東風勁。錦帆吹送。奪取蓬萊爲巢洞。鰲背上立着旗峯。

〔前腔〕順天道。順天道。放些三兒閒空。招安後。招安後。再交兵言重。險做了爲金

家傷炎宋。權袖手做個混海癡龍。〔衆〕稟大王娘娘。出海了。〔淨〕且下了營。天明進發。

干戈未定各爲君。

龍鬪雌雄勢已分。

獨把一麾江海去。

莫將弓箭射官軍。

第四十八齣 遇母

〔十一時〕〔旦上〕不住的相思鬼。把前身退悔。土臭全消。肉香新長。嫁寒儒客

店裏孤恹。〔淨上〕又着他攀高謁貴。〔浣溪紗〕〔旦〕寂寞秋窗冷簾紋。〔淨〕明璫玉枕舊香

塵。〔旦〕斷潮歸去夢郎頻。〔淨〕桃樹巧逢前度客。〔旦〕翠烟真是再來人。〔合〕月高風定影隨身。

〔旦〕姑姑。奴家喜得重生。嫁了柳郎。只道一舉成名。同去拜訪爹媽。誰知朝廷爲着淮南兵亂。開榜

稽遲。我爹娘正在圍城之內。只得賣發柳郎往尋消耗。撇下奴家錢塘客店。你看那江聲月色。悽愴

人也。〔淨〕姐姐。比你黃泉之下。景致爭多。〔旦〕這不在話下了。

〔針線箱〕雖則是荒村店江聲月色。但說着墳窩裏前生今世。則這破門簾亂撒星光內。煞強似洞天黑地。姑姑呵。三不歸父母如何的。七件事兒夫家靠誰。

心悠曳。不死不活。睡夢裏爲個人兒。〔淨〕似小姐的罕有。

〔前腔〕伴着你半間靈位。又守見你一房夫婿。〔旦〕姑姑。那夜搜尋秀才。知我閃在那

裏。〔淨〕則道畫幀兒怎放的個人迴避。做的事瞞神說鬼。昏黑了。你看月兒黑

黑的星兒晦。螢火青青似鬼火吹。〔旦〕上燈哩。〔淨〕沒油。黑坐地。三花兩焰。留的你

照解羅衣。〔旦〕夜長難睡。還向主家借些油去。〔淨〕你院子裏坐地。咱去來。合着油瓶蓋。踏碎玉蓮

蓬。〔下旦〕玩月嘆介老旦貼行路上

〔月兒高〕江北生兵亂。江南走多半。不載香車穩。跋的鞋鞮斷。夫主兵權。望天
涯生死知何判。前呼後擁。一個春香伴。鳳髻消除打不上揚州纂。上岸了到臨
安。趁黃昏黑影林巒。生忔察的難投館。〔貼〕且喜到臨安了。〔老〕咳。萬死一逃生。得到臨

安府。俺女娘無處投。長路多孤苦。〔貼〕前面像是個半開門兒。慕了進去。〔老進介〕呀。門房空靜。內
可有人。〔旦〕誰。〔貼〕是個女人聲息。待打叫一聲開門。

〔不是路〕〔旦驚介〕斜倚雕闌。何處嬌音喚啓關。〔老〕行程晚。女娘們借住霎兒

間。〔旦〕聽他言。聲音不似男兒漢。待自起開門月下看。〔見介旦〕是一位女娘。請裏坐。

〔老〕相提盼。人間天上行方便。〔旦〕趨迎遲慢。趨迎遲慢。〔打照面介老作驚介〕

〔前腔〕破屋頹椽。姐姐呵。你怎獨坐無人燈不燃。〔旦〕這閒庭院。玩清光長送過

這月兒圓。〔老背叫貼〕春香。這像誰來。〔貼驚介〕不敢說。好像小姐。〔老〕你快瞧房兒裏面。還有甚

人。若沒有人。敢是鬼也。〔貼下旦背〕這位女娘好像我母親。那丫頭好像春香。〔作回問介〕敢問老

夫人何方而來。〔老嘆介〕自淮安。我相公是淮揚安撫。遭兵難。我被擄逃生到此

間。〔旦背介〕是我母親了。我可認他。〔貼慌上背語老介〕一所空房子。通沒個人影兒。是鬼。是鬼。〔老

作怕介旦〕聽他說起。是我的娘也。〔向前哭娘介老作避介〕敢是我女孩兒。怠慢了。你。你活現了。

春香。有隨身紙錢。快丟。快丟。〔貼丟紙錢介旦〕兒不是鬼。〔老〕不是鬼。我叫你三聲。要你應我一

聲。高如一聲。〔做三叫三應聲漸低介老〕是鬼也。〔旦〕娘。你女兒有話講。〔老〕則略靠遠。冷淋

侵。一陣風兒旋。這般活現。〔旦〕那此三活現。〔扯老又作怕介〕兒手恁般冷。〔貼叩頭介〕小姐。

休要燃了春香。〔老〕兒。不曾廣超度你。是你父親古執。〔旦哭介〕娘。你這等怕。女孩兒死不放娘去

了。

〔前腔〕〔淨持燈上〕門戶牢拴。爲甚空堂人語諠。〔照地介〕這青苔院。怎生吹落紙黃錢。〔貼〕夫人。來的不是道姑。〔老〕可是。〔淨驚介〕呀。老夫人和春香。那裏來。這般大驚小怪。看他打盤旋。那夫人呵。怕漆燈無燄。將身遠。小姐恨不得幽室生輝。得近前。〔旦〕姑姑好來。奶奶害怕。〔貼〕這姑姑敢也是個鬼。〔淨扯老照旦介〕休疑憚。移燈就月端詳遍。可是當年人面。〔合〕是當年人面。〔老抱旦泣介〕兒呵。便是鬼。娘也不捨的去了。

〔前腔〕腸斷二年。怎墜海明珠去復旋。〔旦〕爹娘面。陰司裏憐念把魂還。〔貼〕小姐。你怎生出的墳來。〔旦〕好難言。〔老〕是怎生來。〔旦〕則感的是東岳大恩眷。託夢一個書生把墓踰穿。〔老〕書生何方人氏。〔旦〕是嶺南柳夢梅。〔貼〕怪哉。當真有個柳和梅。〔老〕怎到得這來。〔旦〕他來科選。〔老〕這等是個好秀才。快請相見。〔旦〕我央他看淮揚動定。去把爹娘探。因此上獨眠深院。獨眠深院。〔老背與貼語介〕有這等事。〔貼〕便是。難道有這樣出跳的鬼。〔老回泣介〕我的兒呵。

〔番山虎〕則道你烈性上青天。端坐在西方九品蓮。不道三年鬼窟裏重相見。哭的我手麻腸寸斷。心枯淚點穿。夢魂沈亂。我神情倒顛。看時兒立地。叫時娘各天。怕你茶酒飯無澆奠。牛羊侵墓田。〔合〕今夕何年。今夕何年。咦。還怕這相逢夢邊。

〔前腔〕〔旦泣介〕你拋兒淺土。骨冷難眠。喫不盡爹娘飯。江南寒食天。可也不想有今日。也道不起從前。似這般糊突謎。甚時明白也。天鬼不要。人不嫌。不是前生斷。今生怎得連。〔合前老〕老姑姑也虧你守着我兒。

〔前腔〕〔淨〕近的話不堪提。早森森地心疎體寒。空和他做七做中元。怎知他成雙成愛眷。〔低與老介〕我捉鬼拿奸。知他影戲兒做的恁活現。〔合〕這樣奇緣。這樣奇緣。打當了輪迴一遍。

〔前腔〕〔貼〕論魂離倩女是有。知他三年外靈骸怎全。則恨他同棺槨少個郎官。誰想他爲院君這宅院。小姐呵。你做的相思鬼穿。你從夫意專。那一日春香

不鋪其孝筵。那節兒夫人不哀哉。醮薦早知道你撇離了陰司。跟了人上船。

〔合前〕

〔尾聲〕〔老〕感的化生女顯活在燈前面。則你的親爹他在賊子窩中沒信傳。〔旦〕娘放心有我那信行的人兒。他穴地通天打聽的遠。

想像精靈欲見難。

碧桃何處便驂鸞。

莫道非人身不煖。

菱花初曉鏡光寒。

第四十九齣 淮泊

〔二登樂〕〔生包袱雨傘上〕有路難投。禁得這亂離時候。走孤寒。落葉知秋。爲嬌妻。思岳丈。探聽揚州。又誰料他困守淮揚。索奔前答救。〔集唐〕那能得計訪情親。濁

水污泥清路塵。自恨爲儒逢世難。卻憐無事是家貧。俺柳夢梅。陽世寒儒。蒙杜小姐陰司熱寵。得爲夫婦。相隨赴科。且喜殿試擯過卷子。又被邊報耽誤榜期。因此小姐呵。聞說他尊翁淮揚兵急。叫俺沿路上體訪安危。親齎一幅春容。敬報再生之喜。雖則如此。客路貧難。諸凡路費之資。盡出壙中之

物。其間零碎寶玩。急切典賣不來。有此成器金銀。土氣銷鎔有限。兼且小生看書之眼。並不認得等子星兒。一路上賺騙無多。逐日裏支分有盡。到的揚州地面。恰好岳丈大人移鎮淮城。賊兵阻路。不敢前進。且喜因循解散。不免迤逗數程。

〔錦纏道〕早則要醉揚州。尋杜牧夢三生花月樓。怎知他長淮去休。那裏有纏十萬順天風跨鶴閒遊。則索傍漁樵尋食宿。敗荷衰柳。添一抹五湖秋。那秋意兒有許多迤逗。咱功名事未酬。冷落我斷腸閨秀。堪回首。算江南江北有十分愁。一路行來。且喜看見了插天高的淮城。城下一帶清長淮水。那城樓之上。還挂有丈六闊的軍門旗號。大吹大擂。想是日晚掩門了。且尋小店歇宿。〔丑上〕多參白水江湖酒。少綻黃邊風月錢。秀才投宿麼。〔生進店介丑〕要果酒。案酒。〔生〕天性不飲。〔丑〕柴米是要的。〔生〕喫倒算。〔丑〕算倒喫。〔生〕花銀五分在此。〔丑〕高銀散碎些。待我稱一稱。〔稱介作驚叫介〕銀子走了。〔尋介生〕怎大驚小怪。〔丑〕秀才。銀子地縫裏走了。你看碎珠兒。〔生〕這等。還有幾塊在這裏。〔丑接銀又走二度介〕呀。原來秀才會使水銀。〔生〕因何是水銀。〔背介〕是了。是小姐殞斂之時。水銀在口。龍含土成珠而上天。

鬼含汞成丹而出世。理之然也。此乃見風而化。原初小姐死。水銀也死。如今小姐活。水銀也活了。則可惜這神奇之物。世人不知。〔回介〕也罷了。店主人。你將我花銀都消散去了。如今一厘也無。這本書是我平日看的。准酒一壺。〔丑〕書破了。〔生〕貼你一枝筆。〔丑〕筆開花了。〔生〕此中使客往來。你可也聽見。讀書破萬卷。〔丑〕不聽見。〔生〕可聽見。夢筆吐千花。〔丑〕不聽得。〔生作笑介〕

〔皂羅袍〕可笑一場閒話。破詩書萬卷。筆蕊千花。是我差了。這原不是換酒的東西。〔丑

笑介〕神仙留玉珮。卿相解金貂。〔生〕你說金貂玉珮。那裏來的。有朝貨與帝王家。金貂玉

佩書無價。你還不知哩。便是千金小姐。依然嫁他。一朝臣宰。端然拜他。〔丑〕要他則

甚。〔生〕讀書人把筆安天下。不要書。不要筆。這把雨傘可好。〔丑〕天下雨哩。〔生〕明日不走

了。〔丑〕餓死在這裏。〔生笑介〕你認的淮揚杜安撫麼。〔丑〕誰不認的。明日喫太平宴哩。〔生〕則我

便是他女婿。來探望他。〔丑驚介〕喜是相公說的早。杜老爺多早發下請書了。〔生〕請書在那裏。

〔丑〕和相公瞧去。〔請生行介〕待小人背答袱雨傘。〔行介生〕請書那裏。〔丑〕兀的不是。〔生〕這是

告示居民的。〔丑〕便是你瞧。

〔前腔〕禁爲閒遊奸詐。杜老爺是巴上生的。自三巴到此。萬里爲家。不教子姪到官衙。從無女婿親閒雜。這句單指相公。若有假充行騙。地方稟拿。下面說小的了。扶同歇宿。罪連主家。爲此須至關防者。右示通知。建炎三十二年五月日示。你看後面安撫司杜大花押。上面蓋着一顆欽差安撫淮揚等處地方提督軍務安撫司使之印。鮮明紫粉。相公。相公。你在此消停。小人告回了。各人自掃門前雪。休管他家屋上霜。〔下生泪介〕我的妻。你怎知丈夫到此。洒惶無地也。〔作望介〕呀。前面房子門上有大金字。咱投宿去。〔看介〕四個字。漂母之祠。怎生叫做漂母之祠。〔看介〕原來壁上有題。昔賢懷一飯。此事已千秋。是了。乃前朝淮陰侯韓信之恩人也。我想起來。那韓信是個假齊王。尙然有人一飯。俺柳夢梅是個真秀才。要杯冷酒不能勾。像這個漂母。俺拜他一千拜。

〔鶯卓袍〕〔拜介〕垂釣楚天涯。瘦王孫。遇漂紗。楚重瞳。較比這秋波瞎。太史公表他。淮安府祭他。甫能勾一飯千金價。看古來婦女多有俏眼兒。文公乞食。僖妻禮他。昭關乞食。相逢浣紗。尖頭叩首三千下。起更了。廊下一宿。早去伺候開門。沒水梳洗。〔看

介〕好了。下雨哩。

舊事無人可共論。

只應漂母識王孫。

轅門拜手儒衣弊。

莫使沾濡有淚痕。

第五十齣 鬧宴

〔梁州令〕〔外引丑衆上〕長淮千騎雁行秋。浪捲雲浮。思鄉淚國倚層樓。〔合〕看機
構。逢奏凱。且遲留。〔昭君怨〕萬里封侯岐路。幾輛英雄草履。秋城鼓角催。老將來。烽火平安昨夜。
夢醒家山淚下。兵戈未許歸。意徘徊。我杜寶身爲安撫。時直兵衝圍絕救援。貽書解散。李寇旣去。金
兵不來。中間善後事宜。且自看詳停當。分付中軍。門外伺候。〔衆下丑把門介外嘆介〕雖有存城之
權。實切亡妻之痛。〔淚介〕我的夫人呵。昨已單本題請他的身後恩典。兼求賜假西歸。未知旨意何
如。正是功名富貴草頭露。骨肉團圓錦上花。〔看文書介〕

〔金蕉葉〕〔生破衣巾攜春容上〕窮愁客愁。正搖落雁飛時候。〔整容介〕帽兒光整頓
從頭。還則怕未分明的門楣認否。〔丑喝介〕甚麼人行走。〔生〕是你老爺女婿拜見。〔丑〕當

真。〔生〕秀才無假。〔丑進稟介外〕關防明白了。〔問丑介〕那人材怎的。〔丑〕也不怎的。袖着一幅畫兒。〔外笑介〕是個畫師。則說老爺軍務不閒便了。〔丑見生介〕老爺軍務不閒。請自在。〔生〕叫我自在。自在不成人了。〔丑〕等你去成人不自在。〔生〕老爺可拜客。〔丑〕今日文武官僚喫太平宴。牌簿都繳了。〔生〕大哥。怎麼叫做太平宴。〔丑〕這是各邊方年例。則今年退了賊。筵宴盛些。席上有金花樹。金臺盤。長尺頭。大元寶。無數的。你是老爺女婿。背幾個去。〔生〕原來如此。則怕進見之時。考一首太平宴詩。或是軍中凱歌。或是淮清頌。急切怎好。且在這班房裏蹬着。打想一篇。正是有備無患。〔丑〕秀才還不走。文武官員來也。〔生下〕

〔梁州令〕〔末文官上〕長淮望斷。塞垣秋。喜兵甲潛收。賀昇平歌頌。許吾流。〔淨武

官上〕兼文武。陪將相。宴公侯。請了。〔末〕今日我文武官屬太平宴。水陸務須華盛。歌舞都要整齊。〔末淨見介〕聖天子萬靈擁輔。老君侯八面威風。寇兵銷咫尺之書。軍禮設太平之宴。謹已完備。伏乞俯容。〔外〕軍功雖卑。末難當年例。有諸公怎麼。難言奏凱。聊用舒懷。〔內鼓吹介丑持酒上〕黃石兵書三寸舌。清河雪酒五加皮。酒到。

〔梁州序〕〔外澆酒介〕天開江左。地冲淮右。氣色夜連刁斗。〔末淨進酒介〕長城一線。何來得御君侯。喜平銷戰氣。不動征旗。一紙書回寇。那堪羌笛裏。望神州。這是萬里籌邊第一樓。〔合〕乘塞草。秋風候。太平筵上如淮酒。盡慷慨。爲君壽。

〔前腔〕〔外〕吾皇福厚。羣才策湊。半壁圍城堅守。〔末淨〕分明軍令。杯前借箸題籌。〔外〕我題書與李全夫婦呵。也是燕支卻虜。夜月吹篴。一字連環透。不然無救也。怎生休。不是天心不聚頭。〔合前內播鼓介〕老旦報子上。金貂迸入三公府。錦帳誰當萬里城。報老爺。奏本已下。奉有聖旨。不准致仕。欽取老爺回朝。同平章軍國大事。老夫人追贈一品貞烈夫人。〔末淨〕平章乃宰相之職。君侯出將入相。官屬不勝欣仰。〔末淨送酒介〕

〔前腔〕攬貂蟬歲月淹留。慶龍虎風雲輻輳。君侯此一去呵。看洗兵河漢。接天高。手偏好桂花時節。天香隨馬。簫鼓鳴清晝。到長安宮闕裏。報高秋。可也河上砧聲憶舊遊。〔合前外〕諸公皆高才壯歲。自致封侯。如杜寶者。白首還朝。何足道哉。

〔前腔〕每日價看鏡登樓。淚沾衣渾不如舊。似江山如此。光陰難又。猛把吳鉤

看了。闌干拍遍。落日重回首。此去呵。恨南歸草草也。寄東流。〔舉手介〕你可也明月同誰嘯庾樓。〔合前生上〕腹稿已吟就。名單還未通。〔見丑介〕大哥替我再一稟。〔丑〕老爺正喫太平宴。〔生〕我太平宴詩也想完一首了。太平宴還未完。〔丑〕誰叫你想來。〔生〕大哥俺是嫡親女婿。沒奈何稟一稟。〔丑進稟介〕稟老爺。那個嫡親女婿。沒奈何稟見。〔外〕好打。〔丑走起惱推生出介生〕老丈人高宴未終。咱半子禮當恭候。〔下旦貼女樂上〕壯士軍前半死生。美人帳下能歌舞。營妓們叩頭。

〔節節高〕轅門簫鼓嗽。陣雲收。君恩可借淮揚寇。貂插首。玉垂腰。金佩肘。馬敲金鐙也。秋風驟。展沙堤笑拂朝天袖。〔合〕但捲取江山獻君王。看玉京迎駕把笙歌奏。〔生上〕欲窮千里目。更上一層樓。想歌闌宴罷。小生飢困了。不免衝席而進。〔丑攔介〕饑鬼不羞。〔生惱介〕你是老爺跟馬賤人。敢辱我乘龍貴婿。打不的你。〔打丑介外問介〕軍門外誰敢喧嚷。〔丑〕是早上嫡親女婿。叫做沒奈何的。破衣破帽破襪破雨傘。手裏拿一幅破畫兒。說他餓的荒了。要來衝席。但勸的都打。連打了九個半。則剩下小的這半個臉兒。〔外惱介〕可惡。本院自有禁

約。何處寒酸。敢來胡賴。〔末淨〕此生委係乘龍。屬官禮當攀鳳。〔外〕一發中他計了。叫中軍官暫時
拿下那光棍。逢州換驛。遞解到臨安監候。〔老旦中軍官應介出縛生介生〕冤哉。我的妻呵。因貪弄
玉爲秦贅。且帶儒冠學楚囚。〔下外〕諸公不知。老夫因國難分張。心痛如割。又放着這等一個無名
子來聒噪人。愈生傷感。〔末淨〕老夫人受有國恩。名標烈史。蘭玉自有。不必虛懷。叫樂人進酒。

〔前腔〕〔末淨〕江南好宦遊。急難休。樽前且進平安酒。看福壽有。子女悠。夫人
又。〔外〕竟醉矣。〔旦貼作扶介外淚介〕閃英雄淚倩盈盈袖。傷心不爲悲秋瘦。〔合前〕諸
公請了。老夫歸朝念切。即便起行。〔內鼓樂介〕

〔尾聲〕明日離亭一杯酒。〔末淨〕則無奈丹青聖主求。〔外笑介〕怕畫的上麒麟
人白首。

萬里沙西寇已平。

東歸啣命見雙旌。

塞鴻過盡殘陽裏。

淮水長憐似鏡清。

第五十一齣 榜下

〔老旦丑將軍持瓜槌上〕鳳舞龍飛作帝京。巍峨宮殿羽林兵。天門欲放傳臚喜。江路新傳奏凱聲。請了。聖駕升殿。

〔北點絳脣〕〔外老樞密上〕整點朝綱。籌晨邊餉。山河壯。〔淨苗舜賓上〕翰苑文章。顯豁的昇平象。請了。恭喜李全納款。皆老樞密調度之功也。〔外〕正此引奏。前日先生看定狀元

試卷。蒙聖旨武偃文修。今其時矣。〔淨〕正此題請呀。一個老秀才走將來。好怪。好怪。〔末破衣巾捧表上〕先師孔夫子。未得見周王。本朝聖天子。得親我陳最良。非小可也。〔見外淨介〕生員陳最良告揖。〔淨驚介〕又是遺才告考麼。〔末〕不敢。生員是這樞密老大人門下引奏的。〔外〕則這生員。是杜安撫叫他招安了李全。便中帶有降表。故此引見。〔內響鼓介唱介〕奏事官上御道。〔外前跪引末後跪叩頭介外〕掌管天下兵馬知樞密院事臣謹奏。恭賀吾主聖德大威。淮寇來降。金兵不動。有淮揚安撫臣杜寶。敬遣南安府學生員臣陳最良奏事。帶有李全降表進呈。微臣不勝懼悚。〔內〕杜寶招安李全一事。就着生員陳最良詳奏。〔外〕萬歲。〔起介末〕帶表生員陳最良謹奏。

〔駐雲飛〕淮海維揚。萬里江山氣脈長。那安撫機謀壯。矯詔從寬蕩。李賊快

迎降。他表文封上。金主聞知。不敢兵南向。他則好看花到洛陽。咱取次擒胡過
汴梁。〔內介〕奏事的午門外候旨。〔末〕萬歲。〔起介淨跪介〕前廷試看詳文字官臣苗舜賓謹奏。

〔前腔〕殿策賢良。榜下諸生候久長。亂定人懽暢。文運天開放。嗟。文字已看詳。
臚傳須唱。莫遣夔龍久滯風雲望。早是蟾宮桂有香。御酒封題菊半黃。〔內介〕午

門外候旨。〔淨〕萬歲。〔起行介〕今當榜期。這些寒儒。卻也候久。〔外笑介〕則這陳秀才夾帶一篇海
賊文字。到中的快。〔內介〕聖旨已到。跪聽宣讀。朕聞李全賊平。金兵迴避。甚喜。甚喜。此乃杜寶大功
也。杜寶已前有旨。欽取回京。陳最良有奔走口舌之才。可充黃門奏事官。賜其冠帶。其殿試進士。於
中柳夢梅可以狀元。金瓜儀從。杏苑赴宴。謝恩。〔衆呼萬歲起介雜取冠帶上〕黃門舊是鴻門客。

藍袍新作紫袍仙。〔末作換衣冠服介〕二位老先生告揖。〔外淨賀介〕恭喜。恭喜。明日便借重新黃
門唱榜了。〔末〕適間宣旨。狀元柳夢梅何處人。〔淨〕嶺南人。此生遭際的奇異。〔外〕有甚奇異。〔淨〕
其日試卷。看詳已定。將次進呈。恰好此生午門外放聲大哭。告收遺才。原來爲搬家小。到京遲誤。學
生權收他在附卷進呈。不想點中狀元。〔外〕原來有此。〔末背想介〕聽來。敢便是那個。那個柳夢梅。

他那有家小。是了。和老道姑做一家兒。〔回介〕不瞞老先生。這柳夢梅也和晚生有舊。〔外淨〕一發可喜了。

榜題金字射朝暉。

獨奏邊機出殿遲。

莫道官忙身老大。

曾經倬立在丹墀。

第五十二齣 索元

〔吳小四〕〔淨郭跔傘包上〕天九萬。路三千。月餘程抵半年。破虱裝衣擔壓肩。壓的頭臍匾又圓。挖喇察龜兒爬上天。謝天。老跔到了臨安。京城地面好不繁華。則不知柳秀才去向。俺且往天街上瞧去呀。一夥臭軍踢禿禿走來。且自迴避。正是不因漁父引。怎得見波濤。

〔下老旦丑軍校旗鑼上〕

〔六么令〕朝門榜遍。怎生狀元柳夢梅不見。又不是黃巢下第題詩越。排門的問。刻期宣。再因循敢淹答了杏園公宴。〔老笑介〕好笑。好笑。大宋國一場怪事。你道差不差。中了狀元干驚煞。你道奇不奇。中了狀元囉啾唏。你道興不興。中了狀元胡斷蹊。你道山不山。中了

狀元一道烟。天下人古怪。不像嶺南人。你瞧這駕牌上。欽點狀元嶺南柳夢梅。年二十七歲。身中材。面白色。這等明明道着。卻普天下找不出這人。敢家去哩。化哩。睡覺哩。則淹了瓊林宴席面兒。〔丑〕哥。人山人海。那裏淘氣去。俺們把一位帶了儒巾喫宴去。正身出來。算還他席面錢。〔老〕使不得。羽林衛宴老軍替得。瓊林宴進士替不得。他要杏苑題詩。〔丑〕哥。看見幾個狀元題詩哩。依你說。叫去。〔行叫介〕狀元柳夢梅那裏。〔叫三次介老〕長安東西十二門。大街都無人應。小衙衙叫去。〔丑〕這蘇木衙衙有個海南會館。叫地方問他。〔叫介內應介〕老長官貴幹。〔老丑〕天大事。你在睡夢哩。聽分付。

〔香柳娘〕問新科狀元。問新科狀元。〔內〕何處人。〔衆〕廣南鄉貫。〔內〕是何名姓。〔衆〕

柳夢梅面白無巴繖。〔內〕誰尋他。〔衆〕是當今駕傳。是當今駕傳。要得柳如烟。裁

開杏花宴。〔內〕俺這一帶鋪子都沒有。則瓦市王大姐家。歇着個番鬼。〔衆〕這等去去去。〔合〕柳

夢梅也天。柳夢梅也天。好幾個盤旋。影兒不見。〔下貼妓上〕〔集唐〕殘鶯何事不知秋。

日日悲看水獨流。便從巴峽穿巫峽。錯把杭州作汴州。奴家王大姐是也。開個門戶在此。天。一個孤

老不見。幾個長官撞的來。〔老旦丑上〕王大姐喜哩。柳狀元在你家。〔貼〕什麼柳狀元。〔衆〕番鬼哩。〔貼〕不知道。〔衆〕地方報哩。

〔前腔〕笑花牽柳眠。笑花牽柳眠。〔貼〕昨日有個雞不着褲。去了。〔衆〕原來十分形現。敢柳遮花映。做葫蘆纏。有狀元麼。〔貼〕則有個狀匾。〔丑〕房兒裏狀匾去。〔進房搜介衆譁貼走

下介衆〕找烟花狀元。找烟花狀元。熱趕在誰邊。毛臊打教遍。〔合前下〕

〔前腔〕〔淨拐杖上〕到長安日邊。到長安日邊。果然風憲。九街三市排場遍。柳相公呵。他形蹤杳然。他形蹤杳然。有了悄家緣。風聲落誰店。少不的大道上行走。那

柳夢梅也天。〔老旦丑上〕柳夢梅也天。好幾個盤旋。影兒不見。〔丑作撞跌淨淨叫介〕

跌死人。跌死人。〔丑作拿淨介〕俺們叫柳夢梅。你也叫柳夢梅。則拿你官裏去。〔淨叩頭介〕是了。梅花觀的事發了。小的不知情。〔衆笑介〕定說你知情。是他什麼人。〔淨〕聽稟。老兒呵。

〔前腔〕替他家種園。替他家種園。遠來探看。〔衆作忙〕可尋着他哩。〔淨〕猛紅塵透。不出東君面。〔衆〕你定然知他去向。〔淨〕長官可憐。則聽見他到南安。其餘不知。〔衆〕好笑。好笑。

他到這臨安應試。中了狀元了。〔淨驚喜介〕他中了狀元。他中了狀元。踏的菜園穿攀花上林苑。長官。他中了狀元。怕沒處尋他。〔衆〕便是呢。〔合前〕也罷。饒你這老兒。協同尋他去。

一第由來是出身。

五更風水失龍鱗。

紅塵望斷長安陌。

只在他鄉何處人。

第五十二齣 硬拷

〔風入松慢〕〔生上〕無端雀角土牢中。是什麼孔雀屏風。一杯水飯東牀用。草牀頭繡褥芙蓉。天呵。繫頸的是定昏店赤繩羈鳳。領解的是藍橋驛配遞乘龍。

〔集唐〕夢到江南身旅羈。包羞忍恥是男兒。自家妻父猶如此。若問傍人那得知。俺柳夢梅因領杜小姐言命。去淮揚謁見杜安撫。他在衆官面前。怕俺寒儒薄相。故意不行識認。遞解臨安。想他將次下馬。提審之時。見了春容。不容不認。只是眼下恹惶也。〔淨獄官獄卒持棍上〕試喚臯陶鬼。方知獄吏尊。咄。淮安府解到囚徒那裏。〔生見舉手介淨〕見面錢。〔生〕少有。〔丑〕入監油。〔生〕也無。〔淨作惱介〕哎呀。一件也沒有。大膽來舉手。〔打介生〕不要打。儘行裝檢去罷了。〔丑檢介〕這個酸鬼。一

條破被單。裹軸小畫兒。〔看畫介〕是軸觀音。送奶奶供養去。〔生〕都與你去。則留下畫軸兒。〔丑作搶畫生扯介末公差上〕僵煞乘龍婿。冤遭下馬威。獄官那裏。〔丑揖介〕原來平章府祇候哥。〔末稟示介〕平章府提取遞解犯人一名。及隨身行李赴審。〔丑〕人犯在此。行李一些也無。〔生〕都是這獄官搬去了。〔末〕搬了幾件。拿狗官平章府去。〔丑淨慌叩頭介〕則這畫軸被單兒。〔末〕這狗官還了秀才。快起解去。〔淨丑應介押生行介〕老相公。你便行動些兒。略知孔子三分禮。不犯蕭何六尺條。〔下〕

〔唐多令〕〔外引衆上〕玉帶蟒袍紅。新參近九重。耿秋光長劍倚崆峒。歸到把平章印總。渾不是黑頭公。〔集唐〕秋來力盡破重圍。入掌銀臺護紫薇。回頭卻嘆浮生事。長向東風有是非。自家杜平章。因淮揚平寇。叨蒙聖恩。超遷相位。前日有個棍徒。假充門婿。已着遞解臨安府監候。今日不免取來細審一番。〔淨丑押生上雜門官唱門介〕臨安府解犯人進。〔見介生〕岳丈大人拜揖。〔外坐笑介生〕人將禮樂爲先。〔衆呼喝介生嘆介〕

〔新水令〕則這怯書生劍氣吐長虹。原來丞相府十分尊重。聲息兒忒洶湧。咱

禮數缺通融。曲曲躬躬。他那裏半擡身全不動。〔外〕寒酸。你是那色人數。犯了法。在相府階前不跪。〔生〕生員嶺南柳夢梅。乃老大人女婿。〔外〕呀。我女已亡故三年。不說到納采下茶。便是指腹裁襟。一些沒有。何曾得有個女婿。可笑。可恨。祇候們與我拿下。〔生〕誰敢拿。

〔步步嬌〕〔外〕我有女無郎。早把他青年送。剗口兒輕調鬪。便做是我遠房門婿呵。你嶺南吾蜀中。牛馬風遙。甚處裏絲蘿共。敢一棍兒走秋風。指說關親騙的軍民動。〔生〕我這樣女婿。眠書雪案。立榜雲霄。自家行止用不盡。要秋風老大人。〔外〕還強嘴。搜他裏袱裏。定有假雕書印。併賊拿賊。〔丑開袱介〕破布單一條。畫觀音一幅。〔外看畫驚介〕呀。見賊了。這是我女孩兒春容。你可到南安。認的石道姑麼。〔生〕認的。〔外〕認的個陳教授麼。〔生〕認的。〔外〕天眼恢恢。原來劫墳賊便是你。左右采下打。〔生〕誰敢打。〔外〕這賊快招來。〔生〕誰是賊。老大人拿賊見賊。不會捉奸見牀。

〔折桂令〕你道證明師一軸春容。〔外〕春容分明是殉葬的。〔生〕可知道是蒼苔石縫。迸坼了雲蹤。〔外〕快招來。〔生〕我一謎的承供。供的是開棺見喜。攬煞逢凶。〔外〕壙

中還有玉魚金碗。〔生〕有金碗呵。兩口兒同匙受用。玉魚呵。和我九泉下比目和同。〔外〕還有哩。〔生〕玉碾的玲瓏。金鎖的玎玲。〔外〕都是那道姑。〔生〕則那石姑姑識趣。拿奸縱。卻不似你杜爺爺。逞拿賊威風。〔外〕呀。他明明招了。叫令史取過一張堅厚官綿紙。寫下親供。犯人一名柳夢梅。開棺劫財者斬。寫完。發與那死囚。於斬字下押個花字。會成一宗文卷。放在那裏。〔貼吏取供紙上〕稟爺定個斬字。〔外寫介貼叫生押花字生不伏介外〕你看這喫敲才。

〔江兒水〕眼腦兒天生賊心機。使的凶。還不畫紙。〔生〕誰慣來。〔外〕你紙筆硯墨。則好招詳用。〔生〕生員又不犯奸盜。〔外〕你奸盜詐僞機謀中。〔生〕因令愛之故。〔外〕你精奇古怪虛頭弄。〔生〕令愛現在。〔外〕現在麼。把他玉骨拋殘。心痛。〔生〕拋在那裏。〔外〕後苑池中。月冷斷魂波動。〔生〕誰見來。〔外〕陳教授來報知。〔生〕生員爲小姐費心。除了天知地知。陳最良那得知。

〔雁兒落〕我爲他禮春容叫的凶。我爲他展幽期耽怕恐。我爲他點神香開墓

封。我爲他唾靈丹活心孔。我爲他偎熨的體酥融。我爲他洗發的神清楚。我爲他度情腸款款通。我爲他啓玉肱輕輕送。我爲他軟溫香把陽氣攻。我爲他搶性命把陰程迸。神通醫的他女孩兒能活動。通也麼通。到如今風月兩無功。

〔外〕這賊都說的是甚麼話。着鬼了。左右。取桃條打他。長流水噴他。〔丑取桃條上〕要的門無鬼。先教園有桃。桃條在此。〔外〕高弔起打。〔衆弔起生作打介生叫痛轉動衆譁打鬼介噴水介淨郭跔拐杖同老旦貼軍校持金瓜上〕天上人間忙不忙。開科失卻狀元郎。一向找尋柳夢梅。今日再尋不見。打老跔。〔淨〕難道要老跔賠。買酒你喫。去叫是。〔叫介〕狀元柳夢梅那裏。〔外聽介衆叫下外問丑丑〕不見了新科狀元。聖旨着俺沿街尋叫。〔生〕大哥。開榜哩。狀元誰。〔外惱介〕這賊閒管。掌嘴掌嘴。〔丑掌生嘴介生叫冤屈介老旦貼淨依前上〕但聞丞相府。不見狀元郎。咦。平章府打誼鬧哩。〔聽介淨〕裏面聲息。像有俺家相公哩。〔衆進介淨向前哭介〕弔起的不是相公也。〔生〕列位救俺。〔淨〕誰打相公來。〔生〕是這平章。〔淨將拐杖打外介〕拚老命打這平章。〔外惱介〕誰敢無禮。〔老貼〕駕上的。來尋狀元柳夢梅。〔生〕大哥。柳夢梅便是小生。〔淨向前解生外扯淨跌介生〕你是

老陀因何至此。〔淨〕俺一逕來尋相公。喜的中了狀元。〔生〕真個的。快向錢塘門外報杜小姐喜。〔老旦貼〕找着了狀元。連俺們也報知黃門官奏去。未去朝天子。先來激相公。〔下外〕一路的光棍去了。正好拷問這廝。左右再與俺弔將起來。〔生〕待俺分訴些。難道狀元是假的。〔外〕凡爲狀元者。登科記爲證。你有何據。則是弔了打便了。〔生叫苦介淨苗舜賓引老旦貼堂候官捧冠袍帶上〕踏破草鞋無覓處。得來全不費工夫。老公相住手。有登科記在此。

〔僥僥犯〕則他是御筆親標第一紅。柳夢梅爲梁棟。〔外〕敢不是他。〔淨〕是晚生本房取中的。〔生〕是苗老師哩。救門生一救。〔淨笑介〕你高弔起文章鉅公。打桃枝受用。告過老相公。軍校快請狀元下弔。〔貼放生叫痛煞介淨〕可憐。可憐。是斯文倒喫盡斯文痛。無情棒打多情種。〔生〕他是俺丈人。〔淨〕原來是倚太山壓卵欺鸞鳳。〔老旦〕狀元懸梁刺股。〔淨〕罷了。一領宮袍遮蓋去。〔外〕什麼宮袍。扯了他。

〔收江南〕〔外扯住冠服介生〕呀。你敢抗皇宣罵勅封。早裂綻我御袍紅。似人家女婿呵拜門也似乘龍。偏我帽光光走空。你桃天天煞風。〔老替生冠服插花介生〕老

平章好看我插宮花帽壓君恩重。〔外〕柳夢梅怕不是他。果是他。便是童生應試。也要候案。怎生殿試了。不候榜開。淮揚胡撞。〔生〕老平章是不知。爲因李全兵亂。放榜稽遲。令愛聞的老平章有兵寇之事。着我一來上門。二來報他再生之喜。三來扶助你爲官。好意成惡意。今日可是你女婿了。〔外〕誰認你女婿。

〔園林好〕〔淨衆〕嗔怪你會平章的老相公。不刮日破窰中呂蒙。忒做作前輩們性重。〔笑介〕敢折倒你丈人峯。〔外〕悔不將劫墳賊。監候奏請爲是。

〔沽美酒〕〔生笑介〕你這孔夫子把公冶長陷縲紲中。我柳盜跖打地洞向鴛鴦塚。有日呵。把變理陰陽問相公。要無語對春風。則待列笙歌畫堂中。搶絲鞭御街攔縱。把窮柳毅賠笑在龍宮。你老夫差失敬了韓重。我呵。人雄氣雄。老平章深躬淺躬。請狀元升東轉東。呀。那時節纔提破了牡丹亭杜鵑殘夢。老平章請了。

你女婿赴宴去也。

〔北尾〕你險把司天臺失陷了文星空。把一個有對付的玉潔冰清烈火烘。咱

想有今日呵。越顯的俺玩花柳的女郎能。則要你那打桃條的相公懂。〔下外弔場〕異哉。異哉。還是賊。還是鬼。堂候官。去請那新黃門陳老爹。到來商議。〔丑〕知道了。謁者有如鬼。狀元還似人。〔下末扮陳黃門上〕官運精神老不眠。早朝三下聽鳴鞭。多沾聖主隨朝米。不受村童學俸錢。自家陳最良。因奏捷。聖恩可憐。欽受黃門。此皆杜老相公擡舉之恩。敬此趣謝。〔丑上見介〕正來相請。少待通報。〔進報見介外笑介〕可喜。可喜。昔爲陳白屋。今作老黃門。〔末〕新恩無報效。舊恨有還魂。適聞老先生三喜臨門。一喜官居宰輔。二喜小姐活在人間。三喜女婿中了狀元。〔外〕陳先生教的好女學生。成精作怪哩。〔末〕老相公胡盧提認了罷。〔外〕先生差矣。此乃妖孽之事。爲大臣的。必須奏聞滅除爲是。〔末〕果有此意。容晚生登時奏上。取旨何如。〔外〕正合吾意。

夜渡滄州怪亦聽。

可關妖氣暗文星。

誰人斷得人間事。

神鏡高懸照百靈。

第五十四齣 聞喜

〔遶地遊〕〔貼上〕露寒清怯。金井吹梧葉。轉不斷。轆轤情劫。咳。俺小姐爲夢見書生。

感病而亡。已經三年。老爺與老夫人。時時痛他孤魂無靠。誰知小姐到活活的跟着個窮秀才。寄居錢塘江上。子女重逢。真乃天上人間。怪怪奇奇。何事不有。今日小姐分付安排繡牀。溫習針指。小姐早到也。

〔遶紅樓〕〔旦上〕秋過了平分日。易斜。恨辭梁燕語周遮。人去空江。身依客舍。無計七香車。秋風吹冷破窗紗。夫婿揚州不到家。玉指淚彈江北草。金鍼閒刺嶺南花。春香。俺同柳郎至此。卽赴試闈。虎榜未開。揚州兵亂。俺星夜賚發柳郎。打聽爹娘消息。且喜老萱堂不意而逢。則老相公未知下落。想柳郎刻下可到。料今番榜上高題。須先翦下羅衣。襯其光彩。〔貼〕繡牀停當。請自尊裁。〔旦裁衣介〕裁下了。便待縫將起來。〔縫介貼〕小姐。俺淡口兒閒嗑。你和柳郎夢裏陰司裏。兩下光景何如。

〔羅江怨〕〔旦〕春園夢一些。到陰司裏有轉折。夢中逗的影兒別。陰司較追的情兒切。〔貼〕還魂時像怎的。〔旦〕似夢重醒。猛回頭放教跌。〔貼〕陰司可也有耍子處。〔旦〕一般兒輪迴路。駕香車。愛河邊題紅葉。便則到鬼門關。逐夜的望秋月。

〔前腔〕〔貼〕你風姿恁惹邪。情腸害劣。小姐。你香魂逗出了夢兒蝶。把親娘腸斷了影中蛇。不道燕冢荒斜。再立起鴛鴦舍。則問你會書齋燈怎遮。送情杯酒怎賒。取喜時也要那破頭稍一泡血。〔旦〕蠢丫頭。幽歡之時。彼此如夢。問他則甚。呀。奶奶來的恁忙也。〔老旦慌上〕

〔玩仙燈〕人語鬧吱噫。聽風聲似是女孩兒關節。兒聽見外廂喧嚷。新科狀元是嶺南柳夢梅。〔旦〕有這等事。〔淨忙走上〕

〔前腔〕旗影兒走龍蛇。甚宣差教來近者。〔見介〕奶奶。小姐。駕上人來。俺看門去也。〔下外丑扮軍校持黃旗上〕

〔入賺〕深巷門斜。抓不出狀元門第也。這是了。〔敲門介老旦〕聲息兒恁怔忡。把門兒偷瞥。〔啟門校衝開介老旦〕那衙門來的。〔校〕星飛不迭。你看這旗。看這旗影兒頭勢別。是黃門官把聖旨教傳洩。〔老旦叫介〕兒。原來是傳聖旨的。〔旦上〕斗膽相詢。金榜何時揭。可有柳夢梅名字高頭列。〔校〕他中了狀元。〔旦〕真個中了狀元。〔校〕則他中

狀元。急節裏遭磨滅。〔旦驚介〕是怎生。〔校〕往淮揚觸犯了杜參爺。扭回京把他做劫墳塋的賊決。〔老旦〕俺兒謝天謝地。老爺平安回京了。他那知世間有此重生之事。〔旦〕這卻怎了。〔校〕正高吊起猛桃條細抽掣。被官裏人搶去遊街歇。〔旦〕恰好哩。〔校〕平章他勢大。上本了。說劫墳之賊。不可以作狀元。〔旦〕狀元可也辯一本兒。〔校〕狀元也有本。那平章奏他惡茶白賴把陰人竊。那狀元呵。他說頭帶魁罡不受邪。便是萬歲爺聽了成癡呆。〔旦〕後來。〔校〕僥倖。有個陳黃門。是平章爺故人。奏准。要平章狀元和小姐三人。駕前勘對。方取聖裁。〔老旦〕呀。陳黃門是誰。〔校〕是陳最良。他說南安教授曾官舍。因此杜平章擡舉他掌朝班通御謁。〔老旦〕一發詫異哩。〔校〕便是他着俺們來宣旨。分付你家一更梳洗。二鼓喫飯。三鼓穿衣。四鼓走動。到的五更二點徹。響玎璫翠佩。那是朝時節。〔旦〕獨自個怕人。〔校〕怕則麼。平章宰相你親爺。狀元妻妾。俺去了。〔旦〕再說些去。〔校〕明朝金闕。討你幅撞門紅去了也。〔下旦〕娘。爹爹高陞。柳郎高中。小旗兒報捷。又是平安帖。把神天叩謝。神天叩謝。〔拜介〕

〔滴溜子〕當日的。當日的。梅根柳葉。無明路。無明路。曾把遊魂再疊。果應夢。花園後招。甫能勾。迸到頭。搶了捷。鬼趣裏因緣。人間判貼。

〔前腔〕雖則是。雖則是。希奇事業。可甚的。可甚的。驚勞駕帖。他道你。是花妖害。怯。看承的。柳抱懷。做花下劫。你那爹爹呵。沒得介符兒。再把花神召攝。

〔尾聲〕女兒。緊簪束。揚塵舞蹈。搖花頰。〔旦〕叫俺奏個甚麼來。〔老旦〕有了。你活人硬。證無虛脅。〔旦〕少不的。萬歲君王聽臣妾。〔淨扮郭陀上〕要問龜鼉窟。還過烏鵲橋。兩日再尋個錢塘江不着。正好撞着老軍。說知夫人下處。抖擻了進去。〔見介老旦〕是誰。〔淨〕狀元家裏老陀。恭喜了。〔旦〕辛苦。可見了狀元。〔淨〕俺往平章府。搶下了狀元。要夫人見朝。

往事閒徵夢欲分。

今晨忽見下天門。

分明爲報精靈輩。

淡掃蛾眉朝至尊。

第五十五齣 圓駕

〔淨丑扮將軍持金瓜上〕日月光天德。山河壯帝居。萬歲爺升朝。在此直殿。〔末上〕

〔北點絳脣〕寶殿雲開。御爐烟靄。乾坤泰。〔回身拜介〕日影金階。早唱道黃門拜。

〔集唐〕鸞鳳旌旗拂曉陳。傳聞闕下降絲綸。與王會淨妖氛氣。不問蒼生問鬼神。自家大宋朝新除。授一個老黃門。陳最良是也。下官原是南安府飽學秀才。因柳夢梅發了杜平章小姐之墓。徑往揚州報知。平章念舊。着俺說平李寇。告捷效勞。聖恩欽賜黃門奏事之職。不想平章回朝。恰遇柳生投見。當時拿下。遞解臨安府監候。卻說柳生先曾攬過卷子。中了狀元。找尋之間。恰好狀元弔在杜府拷問。當被駕前官校人等冲破府門。搶了狀元上馬而去。到也罷了。又聽的說。俺那女學生杜小姐也還魂在京。平章聽說女兒成了個色精。一發惱激。央俺題奏一本。爲誅除妖賊事。中間劾奏柳夢梅係劫墳之賊。其妖魂托名亡女。不可不誅。杜老先此奏。卻是名正言順。隨後柳生也奏一本。爲辨明心迹事。都奉有聖旨。朕覽所奏。幽隱奇特。必須返魂之女。面駕敷陳。取旨定奪。老夫又恐怕真是杜小姐返魂。私着官校傳旨與他。五更朝見。正是三生石上看來去。萬歲臺前辨假真。道猶未了。平章狀元早到。〔外生僕頭袍笏同上介〕

〔前腔〕〔外〕有恨妝排。無明耽帶。真奇怪。〔生〕啞謎難猜。今上親裁劃。岳丈大人拜

揖〔外〕誰是你岳丈。〔生〕平章老先生拜揖。〔外〕誰和你平章。〔生笑介〕古詩梅雪爭春未肯降。騷人閣筆費平章。今日夢梅爭辨之時。少不的要老平章閣筆。〔外〕你罪人咬文哩。〔生〕小生何罪。老平章是罪人。〔外〕俺有平李全大功。當得何罪。〔生〕朝廷不知。你那裏平的個李全。則平的個李半。〔外〕怎生止平的個李半。〔生笑介〕你則哄的個楊媽媽退兵。怎哄的全。〔外惱作扯生介〕誰說和你官裏講去。〔末作慌出見介〕午門之外。誰敢誼譁。〔見介〕原來是杜老先生。這是新狀元。放手。放手。〔外放生介末〕狀元何事激惱了老平章。〔外〕他罵俺罪人。俺得何罪。何罪。〔生〕你說無罪。便是處分令愛一事。也有三大罪。〔外〕那三罪。〔生〕太守縱女遊春。一罪。〔外〕是了。〔生〕女死不奔喪。私建菴觀。二罪。〔外〕罷了。〔生〕嫌貧逐婿。刁打欽賜狀元。可不三大罪。〔末笑介〕狀元以前也罪過些。看下官面分。和了罷。〔生〕黃門大人。與學生有何面分。〔末笑介〕狀元不知。尊夫人請俺上學來。〔生〕敢是鬼請先生。〔末〕狀元忘舊了。〔生認介〕老黃門可是南安陳齋長。〔末〕惶恐。惶恐。〔生〕呀。先生。俺於你分上不薄。如何妄報俺爲賊。做門館報事不真。則怕做了黃門。也奏事不以實。〔末笑介〕今日奏事實了。遠望尊夫人將到。二公先行叩頭禮。〔內唱禮介〕奏事官齊班。〔外生同進叩

頭介外〕臣杜寶見〔生〕臣柳夢梅見〔末〕平身〔外生立左右介旦上〕麗娘本是泉下女。重瞻天日向丹墀。

〔黃鐘北醉花陰〕平鋪着金殿琉璃翠鴛瓦。響鳴稍半天兒刮刺。〔淨丑喝介〕甚的婦人衝上御道。拿下。〔旦驚介〕似這般猙獰漢叫喳喳。在閻浮殿見了些青面獠牙。也不似今番怕。〔末〕前面來的是女學生杜小姐麼。〔旦〕來的黃門官。像陳教授。叫他一聲。陳師父。陳師父。〔末應介〕是也。〔旦〕陳師父喜哩。〔末〕學生你做鬼。怕不驚駕。〔旦〕噤聲。再休提探花鬼。喬作衙。則說狀元妻來面駕。〔淨丑下內〕奏事人揚塵舞蹈。〔旦作舞蹈呼萬歲萬

歲介內〕平身。〔旦起內〕聽旨。杜麗娘是真是假。就着伊父杜寶。狀元柳夢梅出班識認。〔生覷旦作悲介〕俺的麗娘妻也。〔外覷旦作惱介〕鬼乜些。真個一模二樣。大膽大膽。〔作回身跪奏介〕臣杜寶謹奏。臣女亡已三年。此女酷似。此必花妖狐媚。假托而成。俺王聽啟。

〔南畫眉序〕臣女沒年多。道理陰陽豈重活。願俺王向金階一打。立見妖魔。〔生作泣〕好狠心的父親。〔跪奏介〕他做五雷般嚴父的規模。則待要一下裏把聲

名煞抹。〔起介合〕便闔羅包老難彈破。除取旨前來撒和。〔內〕聽旨。朕聞人行有影。鬼形怕鏡。定時臺上。有秦朝照膽鏡。黃門官可同杜麗娘照鏡。看花陰之下。有無蹤影。回奏。〔末應同旦對鏡介〕女學生是人是鬼。

〔北喜遷鶯〕〔旦〕人和鬼教怎生酬答。形和影現托着面菱花。〔末〕鏡無改面。委係人身。再向花街取影而奏。〔行看影介旦〕波查花陰這答。一般兒蓮步迴鸞印淺沙。

〔末奏介〕杜麗娘有蹤有影的係人身。〔內〕聽旨。麗娘既係人身。可將前亡後化事情奏上。〔旦〕萬歲。臣妾二八年華。自畫春容一幅。曾于柳外梅邊。夢見這生。妾因感病而亡。葬于後園梅樹之下。後來果有這生。姓名柳夢梅。拾取春容。朝夕掛念。臣妾因此出現成親。〔悲介〕哎喲。悽惶煞。這底是前亡後化。抵多少陰錯陽差。〔內〕聽旨。柳狀元質證。麗娘所言真假。因何預名夢梅。〔生打躬呼萬歲介〕

〔南畫眉序〕臣南海泛絲蘿。夢向嬌姿折梅萼。果登程取試。養病南柯。因借居南安府紅梅院中。遊其後苑。拾的麗娘春容。因而感此真魂。成其人道。〔外介〕此人欺誑陛下。兼且點

汚臣之女也。論臣女呵。便死葬向水口廉貞。肯和生人做山頭撮合。〔合前內〕聽旨。朕聞有云。不待父母之命。媒妁之言。則國人父母皆賤之。杜麗娘自媒自婚。有何主見。〔旦泣介〕萬歲。臣接受了柳夢梅再活之恩。

〔北出隊子〕真乃是無媒而嫁。〔外〕誰保親。〔旦〕保親的是母喪門。〔外〕送親的。〔旦〕送親的是女夜叉。〔外〕這等胡爲。〔生〕這是陰陽配合正理。〔外〕正理正理。花你那蠻兒一點紅

嘴哩。〔生〕老平章。你罵俺嶺南人喫檳榔。其實柳夢梅唇紅齒白。〔旦〕噤聲。眼前活立着個女孩兒。親爺不認。到做鬼三年。有個柳夢梅認親。則你這喇生生回陽附子較爭些。爲甚麼

翠呆呆下氣的檳榔俊煞了他。爺你不認呵。有娘在。〔指鬼門〕現放着實不不貝母

開談親阿媽。〔老旦上〕多早晚女兒還在面駕。老身揣入正陽門叫冤去也。〔進見跪伏介〕萬歲

爺。杜平章妻一品夫人甄氏見駕。〔外末驚介〕那裏來的。真個是俺夫人哩。〔外跪介〕臣杜寶啟。臣妻已死揚州亂賊之手。臣已奏請恩旨褒封。此必妖鬼捏作母子一路。白日欺天。〔起介生〕這個婆。是不曾認的他。〔內〕聽旨。甄氏既死于賊手。何得臨安母子同居。〔老旦〕萬歲。〔起介〕

〔南滴溜子〕〔老旦〕揚州路。揚州路。遭兵劫奪。只得向。只得向。長安住托。不想到錢塘夜過。嘿撞着麗娘兒。魂似脫。少不的子母肝腸。死同生活。〔內〕聽旨。甄氏所奏。其女重生無疑。則他陰司三載。多有因果之事。假如前輩做君王。臣宰不臻的。可有的發付他。從直奏來。〔旦〕這話不提罷了。提起都有。〔末〕女學生。子不語怪。比如陽世府郡州縣。尙然磨刷卷宗。他那裏有甚會案處。

〔北刮地風〕〔旦〕呀。那陰司一樁樁文簿查。使不着你猾律拿喳。是君王有半付迎魂駕。臣和宰玉鎖金枷。〔末〕女學生沒對證。似這般說。秦檜老太師在陰司裏可受用。

〔旦〕也知道些。說他的受用呵。那秦太師他一進門。忒楞楞的黑心。搥敢搗了千下。浙另另的紫筋肝。剝作二花。〔衆驚介〕爲甚剝作三花。〔旦〕道他一花兒爲大宋。一花爲金

朝。一花兒爲長舌妻。〔末〕這等長舌夫人有何受用。〔旦〕若說秦夫人的受用。一到了陰司。擄去了鳳冠霞帔。赤體精光。跳出個牛頭夜叉。只一對七八寸長指。驅兒輕輕的。把那撇道兒搭長舌搯。〔末〕爲甚。〔旦〕聽的是東窗事發。〔外〕鬼話也。且問你鬼乜邪。人間私奔。自有條法。陰

司可有〔旦〕有的是柳夢梅七十條。爹爹發落過了。女兒陰司收贖。桃條打罪名加做尊官。勾管了簾下。則道是沒真場風流罪過此。有甚麼饒不過這嬌滴滴的女孩家。

〔內〕聽旨。朕細聽杜麗娘所奏。重生無疑。就着黃門官押送午門外父子夫妻相認。歸第成親。〔衆

呼萬歲行介老旦〕恭喜相公高轉了。〔外〕怎想夫人無恙。〔旦哭介〕我的爹呵。〔外不理介〕青天

白日。小鬼頭遠些。遠些。陳先生。如今連柳夢梅俺也疑將起來。則怕也是個鬼。〔末笑介〕是踢斗鬼。

〔老旦喜介〕今日見了狀元女婿。女兒再生。千十分喜也。狀元先認了你丈母罷。〔生揖介〕丈母光

臨。做女婿的有失接待。罪之重也。〔旦〕官人恭喜賀喜。〔生〕誰報你來。〔旦〕到得陳師父傳旨來。

〔生〕受你老子的氣也。〔末〕狀元認了丈人翁罷。〔生〕則認的十地閻君爲岳丈。〔末〕狀元聽俺分

勸一言。

〔南滴滴金〕你夫妻趕着了輪迴磨。便君王使的個隨風舵。那平章怕不做賠

錢貨。到不如娘共女翁和婿明交割。〔生〕老黃門。俺是個賊犯。〔末笑介〕你得便宜人

偏會撒科。則道你偷天把桂影那。不爭多。先偷了地窟裏花枝朵。〔旦嘆介〕陳師

父。你不教俺後花園遊去。怎看上這攀桂客來。〔外〕鬼乜邪。怕沒門當戶對。看上柳夢梅什麼來。

〔北四門子〕〔旦笑介〕是看上他帶烏紗象簡朝衣掛。笑笑的來眼媚花。爹

娘。人家白日裏高結綵樓。招不出個官婿。你女兒睡夢裏。鬼窟裏。選着個狀元郎。還說門當戶對。

則你個杜杜陵。慣把女孩兒嚇。那柳柳州他可也門戶風華。爹認了女孩兒罷。〔外〕

離異了柳夢梅。回去認你。〔旦〕叫俺回杜家。越了柳衙。便作你杜鵑花。也叫不轉

子規紅淚灑。〔哭介〕哎喲。見了俺前生的爹。卽世嬖。顛不刺悄魂靈立化。〔旦作悶

倒介外驚介〕俺的麗娘兒。〔末作望介〕怎那老道姑來也。連春香也活在。好笑。好笑。我在賊營裏

瞧甚來。〔淨扮道姑同貼上〕

〔南鮑老催〕官前定奪。官前定奪。〔打望介〕原來一衆官員在此。怎的起。狀元小姐。嘴骨都

站一邊。眼見他喬公安案的錯。聽了那喬教學的嘴兒嗑。〔末〕春香賢弟也來了。這

姑姑是賊。〔淨〕啐。陳教化誰是賊。你報老夫人死哩。春香死哩。做的個紙棺材。舌銚撥。〔向

生介〕柳相公喜也。〔生〕姑姑喜也。這丫頭。那裏見俺來。〔貼〕你和小姐牡丹亭做夢時有俺在。

〔生〕好活人活證。〔淨丑〕鬼團圓不想到真和合。鬼挪揄不想做人生生活。老相公。你便是鬼三三台。費評跋。〔淨貼並下末〕朝門之下。人欽鬼伏之所。誰敢不從。少不得小姐勸狀。元認了平章。成其大事。〔旦作笑勸生介〕柳郎。拜了丈人罷。〔生不伏介〕

〔北水仙子〕〔旦〕呀呀呀。你好差。〔扯生手按生肩介〕好好好。點着你玉帶腰身。把玉手叉。〔生〕幾百個桃條。〔旦〕拜拜拜。荆條曾下馬。〔外扯介旦〕扯扯扯。做太山倒了架。〔指生介〕他他他。點黃錢聘了咱。俺俺俺。逗寒食喫了他茶。〔指末介〕你你你。待求官報信。則把口皮渣。〔指生介〕是是是。是他開棺見榔湔除罷。〔指外介〕爹爹爹。爹你可也罵勾了咱這鬼也邪。〔丑扮韓子才冠帶捧詔上〕聖旨已到。跪聽宣讀。據奏奇異。勅賜團圓。平章杜寶。進階一品。妻甄氏。封淮陰郡夫人。狀元柳夢梅。除授編修院學士。妻杜麗娘。封陽和縣君。就着鴻臚官韓子才送歸宅院。叩頭謝恩。〔丑見介〕狀元恭喜了。〔生〕呀。是韓子才兄。何以得此。〔丑〕自別了尊兄。蒙本府起送先儒之後。到京考中鴻臚之職。故此相會。〔生〕一發奇異了。〔末〕原來韓老先也是舊朋友。〔行介〕

〔南雙聲子〕〔衆〕姻緣詫。姻緣詫。陰人夢黃泉下。福分大。福分大。周堂內是這朝門下。齊見駕。齊見駕。真喜洽。真喜洽。領陽間誥勅。去陰司銷假。

〔北尾〕〔生〕從今後把牡丹亭夢影雙描畫。〔旦〕虧殺你南枝挨煖俺北枝花。則普天下做鬼的有情誰似咱。

杜陵寒食草青青。

羯鼓聲高衆樂停。

更恨香魂不相遇。

春腸遙斷牡丹亭。

千愁萬恨過花時。

人去人來酒一卮。


唱盡新詞懽不見。

數聲啼鳥上花枝。

還魂記終

紫

釵





目錄

- | | |
|------|------|
| 第一齣 | 本傳開宗 |
| 第二齣 | 春日言懷 |
| 第三齣 | 插釵新賞 |
| 第四齣 | 謁鮑述嬌 |
| 第五齣 | 許放觀燈 |
| 第六齣 | 墮釵燈影 |
| 第七齣 | 託鮑謀釵 |
| 第八齣 | 佳期議允 |
| 第九齣 | 得鮑成言 |
| 第十齣 | 回求僕馬 |
| 第十一齣 | 妝臺巧絮 |

第十二齣 僕馬臨門

第十三齣 花朝合巹

第十四齣 狂朋試喜

第十五齣 權夸選士

第十六齣 花院盟香

第十七齣 春闈赴洛

第十八齣 黃堂言餞

第十九齣 節鎮登壇

第二十齣 春愁望捷

第二十一齣 杏苑題名

第二十二齣 權嗔計貶

第二十三齣 榮歸燕喜

第二十四齣 門楣絮別

第二十五齣 折柳陽關

第二十六齣 隴上題詩

第二十七齣 女俠輕財

第二十八齣 雄番竊霸

第二十九齣 高宴飛書

第三十齣 河西款檄

第三十一齣 吹臺避暑

第三十二齣 計局收才

第三十三齣 巧夕驚秋

第三十四齣 邊愁寫意

第三十五齣 節鎮還朝

第三十六齣

淚展銀屏

第三十七齣

移參孟門

第三十八齣

計哨訛傳

第三十九齣

淚燭裁詩

第四十齣

開箋泣玉

第四十一齣

延媒勸贅

第四十二齣

婉拒強婚

第四十三齣

緩婚收翠

第四十四齣

凍賣珠釵

第四十五齣

玉工傷感

第四十六齣

哭收釵燕

第四十七齣

怨撒金錢

第四十八齣 醉俠閒評

第四十九齣 曉窗圓夢

第五十齣 玩釵疑歎

第五十一齣 花前遇俠

第五十二齣 劍合釵圓

第五十三齣 節鎮宣恩

紫釵記 目錄

六一開明書店



紫釵記

明 湯顯祖 箸

第一齣 本傳開宗

〔西江月〕〔末上〕堂上教成燕子。窗前學畫蛾兒。清歌妙舞駐遊絲。一段煙花佐使。點綴紅泉舊本。標題玉茗新詞。人間何處說相思。我輩鍾情似此。

〔沁園春〕李子君虞。霍家小玉。才貌雙奇。湊元夕相逢。墮釵留意。鮑娘媒妁。盟誓結佳期。爲登科抗壯。參軍遠去。三載幽閨怨別離。盧太尉設謀招贅。移鎮孟門西。還朝別館禁持。苦書信因循未得歸。致玉人猜慮。訪尋貲費。賣釵盧府。消息李郎疑。故友崔韋。賞花譏諷。纔覺風聞事兩非。黃衣客迴生起死。釵玉永重暉。

黃衣客強合鞋兒夢。

霍玉姐窮賣燕花釵。

盧太尉枉築招賢館。

李參軍重會望夫臺。

第二齣 春日言懷

〔珍珠簾〕〔生上〕十年映雪圖南運。天池浚兀自守泥塗清困。獻賦與論文。堪咳唾風雲。羈旅消魂寒色裏。悄門庭報春相問。才情到幾分。這心期占。今春似穩。〔青玉案〕盛世爲儒觀覽遍。等閒識得東風面。夢隨彩筆綻千花。春向玉階添幾線。上書北闕曾留戀。待漏東華誰召見。殷勤洗拂舊青衿。多少韶華都借看。小生姓李。名益。字君虞。隴西人氏。先君忝參前朝相國。先母累封大郡夫人。富貴無常。才情有種。紅香藝苑。紫臭時流。王子敬家藏賜書。率多異本。梁太祖府充名畫。並是奇蹤。無不色想三冬。聲歌四夏。熊熊旦上。連城抱日月之光。閃閃宵飛。出獄吐風雲之氣。只是一件。年過弱冠。未有妻房。不遇佳人。何名才子。比來流遇長安。占籍新昌客里。今日元和十四年立春之日。我有故人劉公濟。官拜關西節鎮。今早相賀回來。恰逢着中表崔允明。密友韋夏卿。相約此間慶賞。秋鴻看酒。〔秋鴻上〕驚開酒色三陽月。喜逗花梢一信風。酒已完備。

〔韋崔上〕

〔賀聖朝〕天心一轉鴻鈞。個中孤客寒曛。旛頭春信已爭新。鄉思怯花辰。〔見科

〔韋〕喜氣來千里。〔崔〕春風總一家。〔生〕宜春惟有酒。長此駐年華。〔生把酒介〕

〔玉芙蓉〕〔生〕椒花媚曉春。柏葉傳芳醞。願花神作主。暗催花信。靈池凍釋浮魚陣。上苑陽和起雁臣。〔合〕青韶印。看條風拂水。畫燕迎門。年年春色倍還人。〔前腔〕〔崔韋〕黃雲正朔新。麗日長安近。向朝元共祝。歲華初進。洞庭春色寒難盡。玉管飛灰煖漸熏。〔合〕春風鬢。笑林中未有。柳上先過。屠蘇偏讓少年人。

〔生〕二兄說少年人似俺李十郎亦容易老也。

〔簇玉材〕歲寒交無一人。入春愁有一身。報閒庭草樹青回嫩。和東風吹綻了袍花襯。〔合〕問東君。上林春色。採取一枝新。〔韋〕君虞說被東風吹綻袍花襯。是說功名

未遂。要換金紫荷衣。這也不難。聞得你故人劉公濟節鎮關西。今年主上東巡。未知開科早晚。你且相隨節鎮西行。此亦功名之會也。〔生〕豪傑自當致身青雲上。未可依人。〔崔笑科〕夏卿不知。東風吹綻袍花襯。是說衣破無人補。此事須問一個人。〔生〕是誰。〔崔〕曲頭有個鮑四娘。穿針老手。央他一線何如。〔生〕不瞞二兄。鮑四娘子小生處略有往來。但是此中心事。未露十分。〔崔韋〕才子佳人。

自然停當也。

〔前腔〕〔韋〕你染袍衣京路塵。望桃花春水津。〔生〕要命哩。〔崔〕你外相兒點撥的
花星運。〔生〕要錢哩。〔崔〕你內材兒抵直的錢神論。〔合前〕

〔尾聲〕你眉黃喜入春多分。先問取碧桃芳信。俺朋友呵。覷不的你酒冷香銷
少個人。

漸次春光轉漢京。

風流富貴是生成。

無媒雪向頭中出。

得路雲從足下生。

第二齣 插釵新賞

〔滿宮花〕〔老旦上〕春正嬌。愁似老。眉黛不忺重掃。碧紗烟影曳東風。瘦盡曉寒
猶着。〔蝶戀花〕誰翦宮花簪綵勝。整整韶華。爭上春風鬢。往事不堪重記省。爲花長帶新春恨。春未
來時先借問。還恨開遲。冷落梅花信。今歲風光消息近。只愁青帝無憑準。老身霍王宮裏鄭六娘是
也。小豕推碧玉之容。大國薦塗金之席。陽城妬盡。那會南戶窺郎。冰井才多。每聽西園召客。晚年供

佛改號淨持。生下女兒。名呼小玉。年方二八。貌不尋常。昔時於老身處。涉獵詩書。新近請鮑四娘商。量絲竹。南都石黛。分翠葉之雙蛾。北地燕脂。寫芙蓉之兩頰。驚鸞治袖。誰偷得韓掾之香。繡蝶長裙。未結下漢姝之佩。愛戴紫玉燕釵。此釵已教內作老玉工。侯景先雕綴。還未送來。正是新春時候。不免喚他出來。一望渭橋春色。浣紗小姐那裏。

〔滿宮花後〕〔旦同浣紗上〕盡日深簾人不到。眉畫遠山春曉。〔浣〕紅羅先繡踏青鞋。花信須催及早。〔旦〕母親萬福。〔老旦〕女兒免禮。〔旦〕母親。因甚有喚孩兒。〔老旦〕新歲春光明媚。娘女們向渭橋望春一回也。〔行科〕冰破池開綠。雲穿天半晴。遊心不應動。爲此欲逢迎。我老
大年華對此春新也。

〔綿搭絮〕繡闈清峭。梅額映輕貂。畫粉銀屏。寶鴨薰爐對寂寥。爲多嬌。探聽春韶。那管得翠幃人老。香夢無聊。兀自裏暗換年華。怕樓外鶯聲到碧簫。
〔前腔〕〔旦〕妝臺宜笑。微酒暈紅潮。昨夜東風。戶插宜春勝欲飄。倚春朝。微步纖腰。正是弄晴時候。閣雨雲霄。紗窗影。綵線重添。刺繡工夫把畫永銷。

〔前腔〕〔浣〕個人年少。長是索春饒。忽報春來。他門戶重重不奈瞧。滿溪橋。紅袖相招。都準備着詠花才調。問柳情苗。小姐呵。無人處和你拾翠閒行。你淡翠眉峯鎮自描。〔侯景先上〕新妝燕子鈿金釧。舊試蟾蜍切玉刀。報知鄭夫人。老玉工侯景先玉釵完成。敬此陳上。〔老叫浣取釵看介〕好匠手也。以萬錢賞之。〔侯謝介〕琢成雙玉燕。酬賞萬金蚨。〔下老〕浣紗。今日佳辰。便將西州錦翦成宜春小繡牌。挂此釵頭。與小姐插戴。〔浣下取鏡上云〕剪成花勝在此。〔老挂牌釵首與旦旦拈看科〕

〔前腔〕〔旦〕玉工奇妙。紅瑩水晶條。學鳥圖花。點綴釵頭金步搖。〔浣照旦插釵科〕
〔旦〕鞞輕綃。翠插雲翹。正是剪刀催早。蜂蝶晴遙。〔合〕問雙飛燕爾何時。試拂菱花韻轉標。

〔尾聲〕繡簾珠戶好藏嬌。掩屏山莫放春心早。還把金針鳳眼挑。

阿母凝妝十二樓。

斬新春色喚人遊。

玉釵花勝如人好。

今日宜春與上頭。

第四齣 謁鮑述嬌

〔祝英臺近〕〔鮑四娘上〕翠屏閒。青鏡冷。長是數年華。行雲夢。老巫山下。殢酒愁春。添香惜夜。獨自個溫存幽雅。〔少年遊〕簾垂深院冷蕭蕭。春色向人遙。暗塵生處。玉箏絃索。紅淚覆鮫綃。舊家門戶無人到。鴛鴦被。半香銷。個底韶華。阿誰心緒。禁得恁無聊。自家鮑四娘。乃故薛駙馬家歌妓也。折券從良。十餘年矣。生性輕盈。巧于言語。豪家貴戚。無不經過。挾策追風。推爲渠帥。每蒙隴西李十郎往來。遺贈金帛不計。俺看此生風神機調。色色超羣。幣厚言甘。豈無深意。必是託我豪門覓求佳色。俺已看下鄭娘小女。此女美色能文。頗愛慕十郎風調。只待他自露其意。便好通言。早晚李郎來也。

〔唐多令〕〔生上〕客思繞無涯。青門近狹斜。惜惜巷陌是誰家。半露粉紅簾下。閒覓柳。戲穿花。〔見介〕翠宿香梢未肯消。與卿重畫兩眉嬌。〔鮑〕新春螺黛無人試。付與東風染柳條。〔生〕四娘。幾載相看。新春闕訪。爲何門庭蕭索至此。

〔祝英臺〕〔鮑〕聽說來。憶嬌年。人自好。今日雨中花。俺也曾一笑千金。一曲紅綃。

宸遊鳳吹人家參差。憔悴損鏡裏鴛鴦。冷落門前車馬。〔生〕還尋個伴兒。〔鮑〕這些時幾曾到賣花簾下。十郎你時時金帛見遺。無恩可報。今日爲何光顧。

〔前腔〕〔生〕遊冶自多情。春又惹。早則愁來也。漸次芳郊款步。幽庭笑向卿卿。閒話。〔鮑〕妾半落鉛華。何當雅念。〔生〕還佳。個門中風月多能。更是雨雲熟滑。似秋娘渾不減舊時聲價。

〔前腔〕〔鮑〕休傻。咱意中人。人中意。還似識些些。看你才貌清妍。禮數謙洽。非關採弄殘花。十郎禮有所求。必有所下。寸心相剖。妾爲圖之。〔生〕堪嗟。瘦伶仃才子身奇。尙少個佳人檠架。問誰家可一軸春風圖畫。

〔前腔〕〔鮑〕知麼。俺爲你高情。是處的閒停踏。〔生〕有麼。〔鮑〕十郎。蘇姑子作好夢也。

有一仙人。謫在下界。不邀財貨。但慕風流。如此色目。共十郎相當矣。是有個二八年華。三五嬋娟。又不比尋常人家。〔生驚喜科〕真假。你干打哄。蘸出個桃源。俺便待雨流巫峽。〔跪科〕這一縷紅絲。少不得是你老娘牽下。〔鮑〕起來說與詳細。是故霍王小女。字小

玉王甚愛之。母曰淨持。淨持卽王之寵姬也。王初薨。諸弟兄以其出自微庶。不甚收錄。因分與資財。遣居于外。易姓爲鄭氏。人亦不知其王女。姿質穠豔。一生未見。高情逸態。事事過人。音樂詩書。無不通解。昨遣我求一好兒郎。格調相稱者。俺具說十郎。他亦知有十郎名字。非常歡愜。住在勝業坊。三曲甫東間宅是也。〔生〕可得一見。〔鮑〕此女尋常不離閨閣。今歲花燈許放。或當微步天街。十郎有意。可到曲頭物色也。〔生〕領教。〔鮑〕花燈之下。你得見異人。老娘便向十郎書齋領取媒證。

〔尾聲〕〔生〕從今表白俺衷情話。〔鮑〕肯字兒還在他家。〔生〕你成就俺一世前程。休當耍。

紫陌花燈湧暗塵。

驚心物色意中人。

此中景若無佳景。

他處春應不是春。

第五齣 許放觀燈

〔點絳脣〕〔京兆府尹上〕聖主傳宣。風調雨順。都如願。慶賞豐年。世界花燈現。金

鎖通宵啓玉京。遲遲春箭入歌聲。寶坊月皎龍燈澹。紫館風微鶴焰平。自家京兆府尹是也。今夕上

元佳節。月淡風和。蒙聖上宣旨。分付士民通宵遊賞。正是金吾不禁夜。玉漏莫相催。〔下〕

〔玩仙燈〕〔老旦上〕上元燈現。畫角老梅吹晚。風柔夜煖。笑聲喧。早占斷紅妝宴。

〔前腔〕〔旦上〕韶華深院。春色今宵正顯。〔浣上〕年光是也。拚無眠。數不盡神仙

眷。〔憶秦娥〕〔老〕元宵好。珠簾捲盡千門曉。〔旦〕千門曉。禁漏花遲。玉街春早。〔浣〕紅妝索向千蓮照。

笙歌欲隱千金笑。〔合〕千金笑。月暈圍高。星球墜小。〔旦〕今夜花燈佳夕。奉夫人一杯酒。〔老〕費你心也。正是女郎春進酒。王母夜燒燈。

〔忒忒令〕〔老〕賞元宵似今年去年。天街上長春閬苑。星橋畔長明仙院。暢道是紅雲擁。翠華偏。歡聲好。太平重見。

〔前腔〕〔旦〕賞元宵不寒天。暖天。十二樓闌干春淺。三千界芙蓉妝豔。都則是瑞烟浮。香風軟。人語隱。玉簫聲遠。

〔前腔〕〔浣〕賞元宵暢燈圓月圓。整十里珠簾盡捲。達萬戶星球亂點。咱趁着笙歌引。笑聲喧。怎放卻百花中漏聲閒箭。稟過老夫人郡主。同步天街遊賞一會。〔老〕使得。

〔尾聲〕端的是春如晝夜如年。天街上暗香流轉。便拚到月下歸來誰分去眠。

金屋何能閉阿嬌。

成團打隊向燈宵。

嚴城不禁歲蕤鎖。

銀漢斜通宛轉橋。

第六齣 墮釵燈影

〔鳳凰閣引〕〔生上〕絳臺春夜。冉冉素娥欲下。香街羅綺映韶華。月浸嚴城如

畫。〔韋崔〕鈿車羅帕相逢處。自有暗塵隨馬。〔生〕笙歌世界酒樓臺。雞踏蓮花萬樹開。誰家

見月能端坐。何處聞燈不看來。二兄。昨夜鮑四娘教咱。今夜花燈。覷着那人來也。咱於萬燭光中。千

花豔裏。將笑語遙分。衣香暗認。不枉今年翫燈。道猶未了。遠遠望見王孫仕女看燈來也。〔王孫仕

女笑上〕

〔園林好〕謝皇恩燈華月華。謝天恩春華歲華。遍寫着國泰民安天下。遨頭去

唱聲譁。〔下〕

〔前腔〕〔老旦引旦浣上〕好燈也。說燈花南天門最佳。香車隘挑籠絳紗。喝道轉身

停馬塵影裏看誰家。呀。那裏個黃衫大漢。一疋白馬來也。

〔前腔〕〔豪士黃衫擁胡奴二三人走馬上〕本山東向長安作傻家。趁燈宵遨遊狹邪。聽街鼓兒幾更初打。〔內笑云〕前面好漢。是甚姓名。人高馬大。遮了俺們看燈路來也。〔豪笑

介〕問俺名姓。黃衫豪客是也。說遮了路呵。胡雛們去也。燈影裏一鞭斜。〔下〕

〔前腔〕〔生韋崔上〕逞風光看人兒那些。並香肩低迴着笑歌。天街鬢琉璃光射。等的個蓬閬苑放星槎。〔望介下〕

〔前腔〕〔老旦浣同旦上〕好耍歇也。絳樓高流雲弄霞。光灩灩珠簾翠瓦。小立向迴廊月下。閒嗅着小梅花。〔生韋崔上旦衆驚下落一釵科生〕呀。二兄。勝業坊來的可是那人。真

奇豔也。兀的不是梅梢上挂釵。嘶琅的墜地也。

〔江兒水〕則道是淡黃昏素影斜。原來是燕參差簪挂在梅梢月。眼看見那人兒這搭遊還歇。把紗燈半倚籠還揭。紅妝掩映前還怯。〔合〕手撚玉梅低說。偏咱相逢。是這上元時節。〔浣挑燈照旦上〕呀。老夫人歸去。咱去尋釵來也。〔韋〕那人來尋釵也。

俺二人前門看燈去。兄可與之小立片言。看是那人否。〔生〕請了。〔韋崔下旦尋釵科〕不見釵。這不做美的梅梢也。

〔前腔〕止不過紅圍擁翠陣遮。偏這瘦梅梢把咱相攔拽。〔作避生介〕喜迴廊轉月陰相借。怕長廊轉燭光相射。〔生做見科旦〕怪檀郎轉眼偷相撇。〔生笑介〕弔了釵哩。〔旦〕可是這生拾在。〔合前〕

〔玉交枝〕〔生〕是何衙舍。美嬌娃走得吱噠。〔浣〕是霍玉小姐。〔生〕奇哉奇哉。就是小玉姐麼。〔浣〕便是。〔生〕小生慕之久矣。因何獨行。〔浣〕來尋墜釵。〔生〕你步香街不怕金蓮惹。

總爲這玉釵飛折。〔浣〕秀才可見釵來。〔生〕釵到有。請與小玉姐相叫一聲。〔旦低聲云〕浣紗。這怎生使得。且問秀才何處。〔生〕隴西李益。表字君虞。排號十郎。應試來此。〔旦作打覷低鬟微笑介〕鮑四娘處聞李生詩名。咱終日吟想。乃今見面不如聞名。才子豈能無貌。〔生作聽徑前請見科〕呀。小姐憐才。鄙人重貌。兩好相映。何幸今宵。〔旦作羞避介〕釵喜落此生手也。釵。你插新

妝寶鏡中燕尾斜。到檀郎香袖口是這梅梢惹。浣紗。叫秀才還咱釵也。〔合〕怕燈前

孤單這些。怕燈前孤單了那些。〔生〕請問小玉姐侍者。李十郎孤生二十年餘。未曾婚聘。自分平生不見此香奩物矣。何幸遇仙月下。拾翠花前。梅者媒也。燕者于飛也。便當寶此飛瓊。用爲媒采。尊見何如。〔浣惱介〕書生無禮。見景生情。我待罵你呵。〔旦〕劣丫頭是怎的來。

〔前腔〕花燈磨折。爲書生言長意賒。秀才。咱釵直千金也。〔生〕此會千金也。〔旦背生介〕道千金一笑相逢夜。似近藍橋那般歡愜。還俺釵來。〔生〕選個良媒送上。玉花釵他丟下聲長短。嗟玉梅梢咱賺着影高低說。〔合前浣〕夫人候久。咱們家去也。

〔川撥棹〕簫聲咽。和催歸玉漏徹。〔旦〕爲多才情性驕奢。沒些時月痕兒早斜。浣紗。叫秀才還咱釵來。〔作斜拜生科合〕乍相逢歸去也。〔又生揖科〕

〔前腔〕〔生〕花燈夜。有天緣逢月姐。〔浣〕秀才。你把個香閨女覷得眼乜斜。留了咱燕釵兒貪他那些。〔合前〕

〔尾聲〕〔生〕玉天仙罩住得梅梢月。春消息漏洩在花燈節。〔旦低聲〕明朝記取休向人邊說。〔旦浣下生弔場〕奇哉奇哉。李十郎今夜遇仙也。

〔玉樓春〕嬋娟此會真奇絕。睡眠重惺春思徹。他歸時遙映燭花紅。咱待放馬蹄清夜月。呀。鸞影催歸。燕釵留在。教小生怎生回去也。

〔玉樓春後〕〔崔上〕天街一夜笙歌咽。墮珥遺簪幽恨結。〔韋上〕那兩人燈下立多時。細語梅花落香雪。十郎可是那人。〔生〕真異人也。

〔六犯清音〕他飛瓊伴侶。上元班輩。迴廊月射幽暉。千金一刻。天教釵挂寒枝。咱拾翠。他含羞。啓盈盈笑語微。嬌波送。翠眉低。就中憐取。則俺兩心知。〔韋崔〕少甚麼紗籠映月歌濃李。偏似他翠袖迎風糝落梅。〔生〕恨的是花燈斷續。恨的是人影參差。恨不得香街縮緊。恨不得玉漏敲遲。把墜釵與下爲盟記。〔合〕夢初迴。笙歌影裏。人向月中歸。〔崔〕旣此女子於兄分上非淺。不可負也。

〔尾聲〕玉天仙去也春光碎。這一雙情眼呵。怎禁得許多胡覷。〔生〕咱半生心事全在賞燈時。

釵燕餘香衫袖間。

藍橋相見夜深還。

祇應不盡嬋娟意。

猶向街心弄影看。

第七齣 託鮑謀釵

〔搗練子〕〔生上〕花淡澹。月嬋娟。迴廊燈影墜釵前。透萬點星橋情半點。〔如夢

令〕門外香塵正度。窗裏星光欲曙。客舍悄無人。夢斷月堤歸路。無緒。無緒。搖漾燭花人語。小生昨夕和小玉姐對玩花燈。眼尾眉梢。多少神情拋接也。

〔普天樂〕俺正憑闌。想碧雲靜處。花燈綻。他絳籠深護春光煖。乍相逢。試回嬌眼。似廣寒低躡。飛鸞笙歌遠。人零亂。金釵墜。無言自把梅花瓣。剛撇下佩環。清月影。曉馬歸來夢斷。覺東風病酒。餘香相半。

〔不是路〕〔鮑上〕庭院幽清。他出衆風流舊有名。彈花柄。想尋花去蝶夢初驚。〔生笑迎介〕是唧唧。懶雲鬢到撇得冠兒正。肯向書齋僻處行。〔鮑〕承恭敬。看君笑眼迎門應。有些僥倖。〔又鮑〕世間尤物意中人。可向燈前會的真。不用眉梢攢一處。且

將心事說三分。昨夜燈前。有何所見。〔生〕人中嚷嚷。都無所見。但拾得墜釵紫玉燕一枝。煩卿賞鑒。

〔作看釵介鮑〕好一枝紫玉釵也。

〔啄木公子〕波文瑩。鈕疊明。點翠圈珠瓏嵌的整。透紫瓊枝。似闌干日漾紅冰。燕呵。爲甚嘴翅兒西飛另。他在妝奩帕上棲香穩。雲鬢搔頭弄影停。誰付與多情。

〔前腔〕〔生〕花燈後。人笑聲。月溶溶罩住離魂倩。墜釵橫處。相尋特地逢迎。這釵燕呵。雖則軟語商量渾未定。早則幽香薰動梅花影。紅潤偷歸翠袖擎。天付與書生。

〔好姐姐〕〔鮑〕恁般紅鸞湊成。這燕花釵爲折證。你嫦娥親許。玉鏡臺前會得清。〔合〕燈兒映。相逢便是神仙境。何用崎嶇上玉京。

〔前腔〕〔生〕知他是雲英許瓊。墜清虛立定。露華春冷。肯向瑤池月下行。〔合前生〕煩卿就將此釵。求其盟定。彼時自有白璧一雙爲獻也。

〔尾聲〕〔鮑〕爲單飛去配雙飛影。〔生〕墜釵人倚妝臺正凭。〔鮑〕昨夜燈花兩人

照證明。

燈前月下會真奇。

恰似雲英一喚時。

袖去寶釵成玉杵。

不須千里繫紅絲。

第八齣 佳期議允

〔薄倖〕〔旦上〕薄妝凝態。試煖弄寒天色。是誰向殘燈澹月。仔細端詳無奈。憑

墜釵飛燕徘徊。恨重簾礙約何時再。〔浣〕似中酒心情。羞花意緒。誰人會。慳慳

睡起。兀自梅梢月在。〔應天長〕〔旦〕燈輪細轉。月影平分。笑處將人暗認。曾半倚紗籠。手撚墜

釵閒借問。誰解語春相印。怯邂逅誤成芳信。人影散。獨自歸來。恁闌方寸。浣紗拾釵人何處也。

〔字字錦〕春從繡戶排。月向梅花白。花隨玉漏催。人赴金釵會。試燈回。爲着疎影橫斜。把咱燕釵兒黏帶。釵釵恨尋的快快。是何緣落在秀才。好一箇秀才。秀才你拾得在。〔合〕是單飛了這股花釵。配不上雙飛那釵。乍相逢怎擺。那拾釵人擎奇。擎奇得瀟瀟灑灑。忒忒愛愛。閃得人兢兢待待。厭厭害害。卻原來會春

宵那刻。

〔前腔〕〔浣〕無意燕分開。有情人奪采。他將袖口兒懷。恁想着花頭戴。步香街。淡月梅梢。領取箇黃昏自在。釵釵書生眼快快。恁是個香閨女孩。逗的個女孩。女孩伽伽的拜。〔合前〕

〔入賺〕〔鮑上〕春寒漸解。准望着踏青挑菜。金蓮步躡。早是他朱門外。誰人在。〔內作鸚哥叫云客來客來旦驚〕影動湘簾帶。鸚哥報客來。〔浣〕今朝風日好。有甚

金釵客。〔見科旦〕呀。原來鮑四娘也。到來多會。〔鮑〕可知道你深閨自在。小玉姐愛戴紫玉燕釵。今日緣何不見。〔旦〕無心戴他。〔鮑〕敢是單了一枝。〔旦笑〕何處單來。〔鮑〕咱說他單便單。

咱說他雙便雙。憑你心下。〔旦笑〕四娘說了雙罷。〔鮑〕卻原來。且問你緣何此釵便落此生之手。

〔雪獅子〕〔旦〕燈花市。月華街。月痕暗影疎梅。愛清香小立在迴廊外。花枝擺。〔又〕把燕釵兒懸在天付與多才。〔合〕單飛燕也釵。雙飛燕也釵。雙去單來。單去雙來。可似繞簾春色。還上我玉鏡妝臺。

〔前腔〕〔鮑〕燈似晝。人如海。偏他們拾取奇哉。這觀燈十五無人會。便揉碎。〔又〕梅花少不得心兒採。多則是眼兒乖。〔合〕明提起也釵。暗提起也釵。明去暗來。暗去明來。可似繞簾春色。還上我玉鏡妝臺。〔鮑〕你說着玉鏡臺。李郎就是。便將此釵來求盟定。〔旦〕那生畢竟門地何如。才情幾許。怎生弱冠尙少宜人。〔鮑〕若論此生。門族清華。少有才思。麗詞佳句。時謂無雙。先達丈人。翕然推伏。每自矜風調。思得佳偶。博求名閨。久而未諧。〔旦〕原來如此。此事須問老夫人。

〔隔尾〕你說着玉鏡臺。那酸倖怎就把咱頭上釵兒來插釵。只怕老娘呵識不出武陵春色。〔下〕

〔鮑弔場〕老夫人有請。

〔一翦梅〕〔老旦上〕霧靄籠葱貼絳紗。花影窗紗。日影窗紗。迎門喜氣是誰家。春老儂家。春瘦兒家。〔見科老〕原來是鮑四娘到來。春色三之一。王家日漸長。〔鮑〕關心兒女事。閒坐細詳端。老夫人。你道妾身今日爲何而來。竟爲小姐親事。〔老〕小女雛稚之年。恐未曉成人之禮。

聽俺道來。

〔宜春令〕天生就女俊娃。似鴛鴦常依膝下。重重簾幙。漏春心何曾得到他。爐烟篆一縷清霞。玉瓶花幾枝瀟灑。似人家。煞不成妝逗耍。

〔前腔〕〔鮑〕渠年長。伊鬢華。老年人話兒喬作衙。他芳心染惹。怕春着裙腰身子兒乍。鴛鴦譜挑不出閒心。美女圖覷許多情話。你守着他。投得個夜香燒罷。〔前腔〕〔老〕催人老。可歎嗟。論從來女生外家。眼前怎捨。穩倩個乘龍嬌客來招嫁。起西樓備着吹簫。展東牀留教下榻。誰家。養女兒尋思似咱。那人何如。

〔前腔〕〔鮑〕才情有。年貌佳。李十郎隴西舊家。全枝堪借。管碧梧栖老鸞停跨。將離曲畢竟雙飛。求鳳操看他駟馬。〔出釵介〕沒爭差。把這股玉燕兒留下。〔老旦

看釵介〕呀。這釵活似小玉上頭之物。何因得在此生。婚姻事須問女兒情願。浣紗。請小姐出來。〔浣紗請介〕

〔一翦梅〕〔旦上〕睡起東風數物華。暗惜年華。暗惜春華。停雲數點雨催花。前

夜燈花今日梅花。〔見科老〕兒。鮑四娘來與隴西李十郎求親。你意下何如。〔旦〕說他則甚。

〔繡帶兒〕掩春心坐羅幃繡榻。羞人喚作渾家。想仙姬不是蘭香。笑漁郎空問桃花。非誇冰清到底無別話。守定着香閨這答。〔啼科〕娘和女僇仃可嗟。形影相依。怎生撇下。

〔前腔〕〔老旦〕年華爲甚的雲寒月寡。守着一搦香娃。兒就明姑仙子。也有人間之情。看羅敷早配玄都。恨玉蘭空孕蓮花。仙查天宮織女。猶自嫁銀河畔鵲橋親踏。今日呵。男共女兩家兒一家。分付與東君。畢罷了老娘心下。

〔前腔〕〔浣〕休嗟。嬌花女教人愛殺。恨不早嫁東家。你憐老夫人麼。只怕柘枝兒兩頭繫絲。到大來貪結桃花。〔背介〕哄咱。青春不多也。二一八。少不得籠窗動闥。好和歹這些時破瓜。便道是白玉無瑕。青春有價。

〔前腔〕〔鮑〕喧嘩。把媒人似絲鞭兒。擘打得你半口甜茶。卻爲甚俊灑多才。尙沒個襯裙人家。湊咱。士女愁春沒亂煞。母親行白忙閒話。真和假那些禁架。你

不信看玉燕釵頭。玉梅花下。〔老〕正是這釵是小姐香奩中物。何因得落他家。〔旦作羞介老旦問浣〕這是怎的來。

〔太師引〕〔浣〕元宵夜放了觀燈假。轉迴廊梅疎月華。臨去也墜釵斜挂急尋着被他翠袖籠拿。〔老〕便是那李秀才麼。〔浣〕但逢着書生不怕偏絮刮。俺小姐有些嬌怯。〔老〕那生說甚來。〔浣〕說他青春大會無室家。是禁不得他賺玉留香多霎。〔老〕小姐說甚來。

〔前腔〕〔浣〕聽說他能風雅。想不着良宵遇他。虧了俺籠燈倚月聽才子佳人打話。他把釵兒接下那歡恰。俺小姐淡月隱梅花。〔老〕卻怎的。〔浣〕嬌波抹道有心期那些。〔老〕因何。〔浣〕知怎生呵。一笑相逢緣法。〔老笑問〕玉兒可是也。

〔三三學士〕〔旦低聲科〕是俺不合向春風倚暮花。見他不住的嗟呀。知他背紗燈暗影着蛾眉畫。還咱箇插雲鬢分開燕尾斜。猛可的定婚梅月下。認相逢一笑差。

〔前腔〕〔老〕你百歲姻緣非笑耍。關心事兒女由他。知他肯住長安下。怕燕爾翻飛碧海涯。輕可的定婚梅月下。怕相逢一線差。

〔前腔〕〔鮑〕玉姐呵。翠氣生香春一把。那書生也將相根芽。接了你嵌成寶玉雙飛燕。難道是飛入尋常百姓家。俺可也定婚梅月下。敢把這好姻緣一對誇。

〔浣〕老夫人成就了罷。

〔前腔〕〔浣〕這是那月夜春燈搖翠霞。武陵溪蘸出胡麻。才郎呵。可有乘龍一騎青絲馬。配上咱插燕雙飛綠鬢鴉。你可也定婚梅月下。好姻緣一世誇。〔老〕片語相投。拾釵爲定。天也天也。

〔尾聲〕你問乘龍那日佳。俺這裏畫堂簫鼓安排下。〔鮑〕他還有白璧成雙錦上花。

偶語風前一笑回。

月籠燈影袖籠釵。

如今好取釵頭燕。

飛向溫家玉鏡臺。

第九齣 得鮑成言

〔思越人〕〔生上〕好是觀燈透玉京。如魂如夢見飛瓊。留連步障笙歌隱。彷彿遺釵笑語明。春淡淡。玉真真。幾時真個作行雲。閒來欲試花間手。盼殺行媒月下人。俺心事托鮑娘爲媒。恰好怕老夫人古撇也。

〔鶯集林春〕恰燈前得見些些。悄向迴廊步月。漏點兒丁東長歎徹。似悔墜釵輕去瑤闕。儘來回花露影。念渠嬌小點點愛清絕。漾春寒愁幾許。懨懨心事。自共素娥說。

〔前腔〕不准擬恁情深。邂逅低鬟笑歇。恍月下聞鶯歸去也。天淡曉風明滅也。應他難遇惺惺。解憐才有意須教徹。人近遠。幾重花路。比武陵源較直截。

〔四犯鶯兒〕愛的是女嬌奢。怕的他娘生劣。近新來時勢把書生瞥。無分周遮。有數奇絕。不應恰恁相逢別。不爲淫邪。非貪貲篋。眼裏心頭要安頓得定迭。

〔前腔〕但憑咱書五車。甚處少紅一捻。只他乍相逢相愛無言說。釵頭枝葉。和

媒人根節。錦春梭擷定鶯兒舌。咱望眼天斜。幽懷暗咽。去了多時早那人來也。

〔懶畫眉〕〔鮑上〕碧雲天外影晴波。看罷了春燈景色和。咱曉鬢偷出睡雲窩。

〔見科生〕有勞四娘。那人心事諧否。〔鮑〕他口兒不應心兒可可。道人在春風喜氣多。〔生〕他可道來。

〔前腔〕〔鮑〕道你個題橋彩筆蘸晴波。傅粉人才豔綺羅。道是你舊家門第識人多。湊的個釵頭玉燕天和合。成就你玉鏡臺前去畫翠蛾。〔生〕那人真個如何。

〔鮑〕俺去。正逢他睡起也。

〔醉羅歌〕睡覺睡覺嬌無那。梳洗梳洗着春多。露春纖彈去了粉紅澹。半捻春衫。彈香津微搵。碧花凝唾。芙蓉暗笑。碧雲偷破。春心一點眉尖閣。休唐突。儘阿那書生有分和他麼。

〔前腔〕〔生〕停妥停妥有定奪。歡倖歡倖早黏合。拚千金買得春宵着。受用些兒個。傷春中酒。輕寒自覺。人兒共枕。春宵煖和。算花星捱的孤鸞過。三日後。五

更過十紅拖地送媒婆。〔鮑〕十郎。花朝日好成親。看你好不寒酸。那樣人家。少不的金鞍駿馬。着幾個伴當去。〔生〕領教。

〔尾聲〕〔鮑〕論你一品人才真不弱。趁風光俊煞你個令閣。十郎呵。還辦取拭雨黏雲半帖羅。〔下〕

〔生弔場〕四娘說咱寒酸。不免請韋崔二兄。代求人馬光輝也。

月姊釵頭玉。

冰人線腳針。

傳來烏鵲喜。

占得鳳凰音。

第十齣 回求僕馬

〔秋鴻上〕世情貪點染。所事看施爲。人馬一時俊。門戶兩光輝。俺李相公人才出衆。天湊良姻。只少人馬扶助。去請崔韋二位商量。好不精細也。

〔玩仙燈〕〔生上〕人物似相如。少個畫堂車騎。秋鴻。已請崔韋二位相公議事。這早晚可來也。

〔小蓬萊〕〔韋崔上〕春意漸回沙際。風流長聚京都。終南韋曲。博陵崔氏。瀟灑吾徒。〔見科崔〕拾釵芳信如何。〔生〕花朝之夕。已注佳期。只有一段工夫。及二兄幫襯。〔崔〕願聞。〔生〕

王門貴眷。禮須華重。客裝寒怯。實難壯觀。聽小弟道來。

〔駐馬聽〕出入惟驢。實少銀鞍照路衢。待做這乘龍快婿。騏驎才郎。少的駟馬高車。花邊徒步。意躊躇。嘶風弄影知何處。〔合〕後擁前驅。教一時光彩生門戶。

〔崔〕十郎。你不曾同姓爲婚。怎生巫馬期以告。要馬我崔家儘有。〔韋〕崔子弒齊君。是陳成子有馬十乘。崔家那裏有一匹兒。我韋家到有。〔崔〕怎見得。〔韋〕卻不道魯韋昌馬。〔崔〕休閒說。長安中有一豪家。養俊馬十餘匹。金鞍玉轡。事事俱全。當爲君一借。

〔前腔〕不說駘駑。有個翩翩豪俠徒。許你一鞍一馬。做個馬上郎君。少不的坐下龍駒。驚香欲到錦屠蘇。銀鞍繡帕須全具。〔合前生〕有了馬。還敢求一事。

〔前後〕冷落門閭。只合樵青伴釣徒。今日過門呵。少不得要步隨鞭鐙。手捧衣裳。背負琴書。花星有喜不爲孤。身宮所恨慳奴僕。〔合前崔〕你不曾之子于歸。先要宜其

家人使不得。邦君之妻曰夫人。夫人自稱曰小童。但帶幾個俊童。怕新人喫醋。若要家童。有顏色梅樹雕幾個去。〔韋〕怎見得。〔崔〕百家姓要江童顏郭。梅盛林刁。〔生〕取笑取笑。〔韋〕這樁也在那豪士家。有綠鞵文幘。妝飾非常。

〔前腔〕〔韋〕自有豪奴。不羨秦宮馮子都。不用吹簫僮約。結柳奴星。有翦髮胡雛。好教你垂鞭接馬。玉童扶衣箱。別有平頭護。〔合前〕

〔尾聲〕〔韋崔〕你逞精神去坦東牀腹。那些兒幫襯工夫。成親看喜也。只願你人馬平安穩坐了黃金屋。

本色更何如。

攢弄要工夫。

定須騎駿馬。

誰待使癡奴。

第十一齣 妝臺巧絮

〔番卜算〕〔旦上〕屏外籠身倚。睡覺脣紅退。暈纖蛾。暗自領佳期。珍重花前意。
〔菩薩蠻〕天穿過了還穿地。枕痕一線搖紅睡。春色襯兒家。羞含荳蔻花。裙腰沾幘子。暗地心頭喜。

越近越思量。懸愁花燭光。日昨已許李郎定親。佳期蚤晚。好悶人也。

〔五供養〕相逢有之。這一段春光分付伊誰。他是個傷春客。向月夜酒闌時。人乍遠。脈脈此情誰識。人散花燈夕。人盼花朝日。着意東君也。自怪人冷淡蹤跡。〔前腔〕夢兒中可疑。記邂逅分明還似那迴時。玉釵風不定。爲誰閒撚花枝。道甚重簾不捲。燕子傳消息。隨意佳期緩。爭信人心急。不如嫁與。受他真個憐惜。〔金瓏璫〕〔鮑上〕綠枝么鳳拍。香痕暗沁莓苔。畫堂春暖困金釵。不捲珠簾誰在。〔見介旦〕花氲蝶翅頻敲粉。〔鮑〕柳颺蜂腰促報衙。〔旦〕翠掩重門春睡懶。〔鮑〕一天新喜教兒家。

〔旦〕何喜見教。〔鮑〕教你個喜字來。新婚那夜呵。

〔玉交枝〕燭花無賴。背銀缸暗擘瑤釵。待玉郎回抱相偎揣。顰蛾掩袖低迴。到花月三更一笑回。春宵一刻千金換。挽流蘇羅幃顫開。結連環紅襦懊解。

〔前腔〕鸞驚鳳駭。誤春纖搵着檀腮。護丁香怕拆新蓓蕾。道得個荳蔻含胎。他犯玉侵香怎放開。你凝雲覺雨堪瀟灑。喫緊處花香這回。斷送人腰肢幾擺。洞

房中所事堪停當也。

〔沈醉東風〕你把鴛鴦襯裙兒剪裁。指領上繡緘憑在。勾春睡小眠鞋。要一領汗衫兒。就待那其間半葉輕羅試采。你把羞眸兒半開。斜燈兒半開。試顯出你做夫妻們料材。〔旦〕罷了。〔鮑〕可罷了也。

〔前腔〕帶朝陽下了楚臺。起窺妝照人無奈。暗尋思顰眉簇黛。把餘紅偷覷還猜。防人見侍兒們拾在。賀新人美哉。賀新郎美哉。顯的你做夫妻們喜來。〔旦〕謝了。老夫人請你講話也。

〔尾聲〕〔鮑〕咱去來說與你個明白。選成親花朝好在。折莫你這幾日呵葫蘆提較害。

一搨女兒身。

齊眉作婦人。

人生初見喜。

花草一年春。

第十二齣 僕馬臨門

〔秋鴻上〕主人性愛秋鴻。身居奴僕同宮。從今脫了主顧。以前布下了春風。自家秋鴻便是。只因人物粗通。伏事李郎客中。一年半載。好不乾淨。如今配上了霍家小姐。主不顧僕了。叫做失了主顧。雖然如此。霍府少甚丫鬟。東人念舊。少不得秋鴻也。配上一個。叫做俺有春風。他有夏雨。這都不在話下了。昨日相公轉託韋崔借人借馬。榮耀成親。分付到時好生安頓。可知道哩。奴要白飯。馬要青芻。都不備一些子。叫俺管頓。好不頹氣也。且看門外如何。〔雜豪家剪髮胡奴一人牽馬一匹上〕白面兒郎宜俊馬。洞簫才子借髯奴。昨有韋崔二先生借俺豪家人馬。與個隴西李十郎往那家去。這是他寓所。高叫一聲。〔鴻〕好好。人馬一齊到。馬少一匹。〔雜〕因何。〔鴻〕俺家十郎配那家主兒。俺也同這吉日。配上那家一個俊不了的穿房。因此多要一匹。〔雜〕好命也。纔脫了人騎。就要騎馬。早哩。〔鴻〕也罷。看你馬。馬去得。再看人。〔笑介〕原來你前身是馬。〔雜〕怎見得。〔鴻〕馬剪鬃。人也剪鬃。馬老子黑。你們臉通黑。知馬是你前身。〔雜惱介〕呀。你家借馬借人。白飯青芻不見些兒。倒來罵俺。好打這廝。〔打介〕

〔玩仙燈〕〔生上〕擇吉送鸞書。儘今夜孤眠坦腹。呀。人馬借來是客。秋鴻這狗才恁般

輕薄。列位管家恕罪。〔雜〕叩頭介。不敢請相公看馬何如。〔生〕好馬好人。〔雜〕敢問相公那家去。

〔孝順歌〕〔生〕是霍王府呵。招鳳侶。配鸞雛。借鴛鴦。白馬光戶閭。這馬呵。鬧色紫茸鋪。壓胯黃金鍍。真個飛香紅玉。稱兩袖風生。一鞭雲路。阿對前頭。要幾個人兒護。你們到那家答應放精細些。須別透。要通疏。那人家多禮數。〔雜〕知道了。

〔前腔〕你是名家子。冠世儒。這馬呵。配春風美人。堪畫圖。俺豪門體態殊。風流慣相助。李相公。你跨金鞍駿駒。擁綠鞵蒼奴。到瑣牕窺處。那時小的們不敢說。只怕相公酒後呵。也不着支吾。坦露了東牀腹。只一件來。馬要好料。奴要好酒。相公也要多喫些。大家掙出精神來。和你高控轡。響傳呼。顯風光。賽尋俗。〔生〕多謝了。今夜且安歇。

雕胡人當酒。

莖薦馬爲芻。

坐憑金駿裏。

走置錦流蘇。

第十二齣 花朝合巹

〔鵲橋仙〕〔旦同浣上〕珠簾高捲。畫屏低扇。曙色寶奩新展。絳臺銀燭吐青烟。熒

熒的照人靦腆。〔好事近〕紅曙捲牕紗。睡起半拖羅袂。〔浣〕何似等閒睡起。到日高還未。〔旦〕催

花陣陣玉樓風。樓上人難睡。〔浣〕有了人兒一個。在眼前心裏。〔旦〕早晚佳期。鮑四娘還不見到。

〔臘梅花〕〔鮑上〕花燭爐香錦繡筵。屏山霧抹鸞初偃。紅線結姻緣。探花人到。

百花高處會雙仙。〔見介〕仙郎一時就到。且同郡主鳳簫樓一望。〔做望介鮑〕你看那是勝業坊。

這的是曲頭。這是你府門首。〔旦〕呀。四娘。一個騎馬官兒來也。〔鮑〕呀。望南頭來了。〔生騎馬胡奴

秋鴻三四人跟上〕

〔翠地錦襠〕春紅帶醉袖籠鞭。壓鞦歲蕤照水邊。美人香玉豔藍田。遙望秦樓生翠烟。〔下旦驚喜介〕四娘。你看那生走一灣馬呵。風情似柳。有如張緒少年。迴策如縈。不減王家

叔父。真個可人也。

〔掉角兒〕是誰家玉人水邊。斗驕驄碧桃花旋。坐雲霞飄飄半天。惹人處行光一片。猛可的映心頭。停眼角。送春風迎曉日。搖曳花前。青袍粉面。儂家少年得娘憐。抵多少宋玉全身。相如半面。〔鮑〕這樓早則望夫臺也。好下樓去。請老夫人迎接新郎。

〔做下介〕須教翡翠聞王母。無奈鴛鴦噪鵲橋。

〔瑞鶴仙〕〔老旦上〕有女正芳妍。繫綠蘿千里紅絲一線。春深景明媚。正玉漏穿花。金屏合箭。芳信呢喃。早則是玉釵歸燕。關心兒女。齊眉夫婦。今日如願。李郎早到也。浣紗賓贊那裏。〔賓贊上〕有有有色與禮孰重。新郎色上緊。禮與食孰重。小子食上緊。堂上唱禮只好觀。牀上唱禮偏好聽。〔鮑〕牀上怎生唱。〔賓〕俯伏鞠躬跪一般。興不唱興唱做興。〔鮑〕牀上怎不唱拜。〔賓〕新郎點頭就是拜。唱了拜時敗了興。〔生上〕

〔寶鼎兒〕玉驄鞭韉。正綺羅門戶。笙歌庭院。冉冉飛絳臺雲細。深深處繡簾風軟。〔旦上〕且喜玉釵雙燕穩。還似玉梅初見。〔合〕對寶鼎香濃。芳心暗祝。天長

地遠。〔賓贊贊云〕拜天地。天地交通泰。水火倒既濟。今年生個小蒙童。明年生個大歸妹。拜老夫人。

拜謝金王母。領取碧霞君。今年封內子。明春長外孫。夫妻交拜。今日成雙後。富貴天然偶。一個附鳳攀龍。一個祝雞養狗。〔鮑譚介〕好個豪家婆也。〔賓〕禮畢。新郎新人就位。人從叩頭。〔秋鴻胡奴見介鴻〕的的親親的小秋鴻叩頭。〔老〕那些人從都是李家麼。〔鴻〕不是李家是桃家。〔老〕那個桃

家。〔雜〕豪家。〔老〕那個豪家。〔雜〕李家做了豪家。〔老〕好好。原來李郎豪家子也。馬可是李家。〔鴻〕不是李家是桃家。〔老〕怎生又是桃家馬。〔生〕不是桃家馬。是桃花馬。〔老〕李郎。好一個桃之天天。浣紗。請這賓相一班騎從別館筵宴。〔雜〕好。咱們喫酒去。戶外碧潭春洗馬。樓前紅燭夜迎人。〔下老〕看酒。〔生〕小生還有藍田白玉一雙。文錦十疋。少致筐篚之敬。〔老〕小女領下。李郎。素聞才調風流。今見儀容雅秀。名下固無虛士。小女雖拙教訓。顏色不至醜陋。得配君子。頗爲相宜。〔生謝介〕拙鄙庸愚。不意顧盼。幸垂錄采。生死爲榮。〔生把酒介〕

〔錦堂月〕繡幙紅牽。門楣綠遶。春色舊家庭院。煙霧香濛。笑出乘鸞低扇。似朝陽障袂初來。向洛浦凌波試展。〔合〕神仙眷。看取千里佳期。百年懽燕。

〔前腔〕〔旦〕幸然。王母池邊。上元燈半。縹緲銀鸞映現。一飲瓊漿。藍橋試結良緣。吹簫侶天借雲迎。飛瓊珮月高風轉。〔合前〕

〔前腔〕〔老〕堪憐。自小嬋娟。從來靦腆。未許東風一面。鳳曲將雛。占得和鳴天遠。倚青鸞玉鏡妝成。對孔雀金屏中選。〔合前〕

〔前腔〕〔衆〕暄妍。翠氣生煙。紅妝豔日。小令合懽歌遍。喜才子佳人。雙雙錦瑟華年。銀燭影河漢。秋光碧桃浪。武陵春片。〔合前〕

〔醉翁子〕〔老〕堪羨。好韶華長則把紅絲兒繾綣。怕寒宮桂影高。洛陽花賤。〔生〕不淺。似底漾深恩。何處春光買翠鈿。〔合〕持歡勸。但記取月下花前。玉釵雙燕。〔前腔〕〔旦〕閒辨。畫眉人蘸了筆花飛硯。趁三星在天。五雲低殿。〔生〕如願。穩倩取鸞封。一對夫妻畫錦圓。〔合前〕

〔倅倅令〕燈花紅笑顫。高燭步生蓮。且喜闌夜。口脂香碧唾。環影耀金蟬。愛少年。

〔前腔〕顏酡春暈顯。花月好難眠。無奈斗轉。銀瓶催漏悄。翠袖裊鬢偏。待曉天。〔尾聲〕錦帳流香度百年。作夫妻天長地遠。恰這是受用文章花月仙。

春花春月兩相輝。

千里良緣一色絲。

盼到洞房花燭夜。

圖他金榜挂名時。

第十四齣 狂朋試喜

〔浣紗上〕曉幄流蘇春意長。花頭彈動雨初香。紗窗細拂蛾眉了。斜斂輕軀拜玉郎。好笑好笑。郡主配了李郎。俺做浣紗的在牀背可睡也呵。那李郎甚麼心情。俺郡主許多門面。俺也聽不得了。如今日勢向午。纔起新妝。〔旦上〕

〔探春令〕合歡新試錦衾重。羅帳春風。〔浣扶介旦〕嬌倩人扶。笑嗔人問。沒奈多情種。〔荷葉杯〕枕席夜來初薦。膽顫鬟亂四肢柔。泥人無語怎擡頭。羞麼羞。羞麼羞。〔浣笑介〕喜也。郡主。苦也。郡主。呀。素設設帕兒早發變也。

〔鶯啼序〕〔浣〕眉州小錦新退紅。汗粉漬。勻嬌瑩。他幾曾花事春容。早印透春痕一縫。苦也。碎嬌啼。窈裏聞鶯。緊摺葉沁成么鳳。春如夢。整一片雨雲香重。

〔阮郎歸〕〔生上〕綠紗窗外曉光催。神女下蛾眉。細看他含笑坐屏圍。倚新妝。半晌嬌橫翠。〔見介〕學畫蛾眉翠淡濃。遠山春色在樓中。須臾日射胭脂頰。一朵紅酥旋欲融。小

玉姐。初見你時。一室之中。若瓊林玉樹。交枝皎映。轉盼之間。精采射人。聽你言敘溫和。詞旨宛媚。解

羅衣之際。態有餘妍。到得低幃暝枕。極甚歡愛。小生自忖。巫山洛浦不如也。〔旦含笑介〕惶愧惶愧。
〔生〕我有友人韋夏卿崔允明。約來相賀。須是酒餚齊備。〔旦〕理會得。

〔鵲橋仙〕〔韋崔上〕紅壁窺鶯。銀塘浴翠。着處自成春意。秦樓簫史鳳初飛。望雲氣十分濃媚。〔進撞見介〕正好正好。請新郎新人賀喜。才子佳人。可是人間天上也。筆花新展畫眉才。仙女吹笙學鳳臺。〔生日〕天上忝成銀漢匹。人間恭喜客星來。〔生〕看酒。〔浣持酒上〕生香聞舊酒。熟客見新人。酒到。〔生日把酒介〕

〔玉山兒〕〔生〕畫堂客至。整襟裳鸞鶴低飛。銀荷上絳燭飛輝。寶爐內篆煙沈細。〔旦〕對舊遊新喜。不由暗羞眉半聚。裏手拈鸚嘴。〔生日合〕溜釵垂。倚郎微拜。渾覺自嬌癡。

〔前腔〕〔崔〕露華朱邸。自生成玉葉金枝。印春山半暈新眉。破朝花一條輕翠。〔韋〕畫梁初日。一片美人雲氣。世上能多麗。〔韋崔合〕是便宜。尋常花月。偏是你遇仙時。

〔前腔〕〔生〕幾年排比。背長廊月下尋梅。見佳人獨自徘徊。恰好事恁相當對。
〔旦〕是前生分例。儘百媚天應乞與。消得多才藝。〔生旦合〕遂心期。紅顏相向。
直是好夫妻。

〔前腔〕〔韋〕可人風味。近軒庭晝漏遲遲。瑞香風吹引仙姬。牡丹春襯成多麗。
〔崔〕俺狂儔怪侶。來盼問雨香雲迹。向荳蔻梢頭翠。〔崔韋合〕早些時。宜男開
放。休辜負碧桃棲。〔韋〕罷酒。小弟一言。君虞既壻王門。眠花坐錦。郡主宜效樂羊之職。助成玄豹
之文。休得貪權。有竊大事。

〔朱奴兒〕〔韋〕好男兒芙蓉俊姿。傍嫦娥桂樹寒棲。〔崔〕勸取郎腰玉帶圍。休
只把羅裙對繫。〔合〕書齋榻舉案齊眉。穩倩取花冠紫泥。〔旦〕二君在上。李郎自是富
貴中人。只怕富貴時撇了人也。

〔前腔〕〔旦〕婚姻簿是咱爲妻。怕登科記註了別氏。〔崔〕十郎不是這樣人。肘後香
囊半尺絲。想不是薄情夫壻。〔合前崔〕君虞。二人中你到有了鳳凰巢。俺二人居然窮鳥。不

論靡家靡室。兼之無衣無食。如何活計。〔生〕小弟在此。從容圖之。

〔尾聲〕〔崔〕相女配夫雙第一。〔韋〕論相夫賢女也得今無二。〔合〕眼看的吹簫樓上一對鳳凰飛。

客賀新婚飲半酌。

勸郎遠志莫蹉跎。

酒逢知己頻添少。

話若投機不厭多。

第十五齣 權夸選士

〔越調蠻牌令〕〔衆擁盧太尉上〕獨坐掌朝樞。出入近乘輿。君王詔乘春令。殿前兵馬洛陽都。指鸞旗暫此東巡遊。駐大比年。怕試期耽誤。詔就此開科選俊儒。咱怎生閉塞了賢門戶。西賓東主帝王家。行幸中都止翠華。才子來攀春月桂。君王垂問洛陽

花。自家乃盧太尉是也。盧杞丞相是我家兄。盧中貴公公是我舍弟。一門貴盛。霸掌朝綱。今年護駕東遊洛陽。怕春選誤期。卽于洛陽行省挂榜招賢。思想起俺有一女。年將及笄。不如乘此觀選高才爲婿。左右那裏。〔堂候跪介淨〕聽分付。說與禮部。凡天下中式士子。都要參謁太尉府。方許註選。正

是近水樓臺先得月。向陽花木易爲春。〔下〕

第十六齣 花院盟香

〔浣紗上〕意態精神畫亦難。花枝實個好團圓。曲囀新聲銀甲暖。酒浮香米玉蛆寒。自家浣紗是也。郡主配了李十郎。將秋鴻賞了浣紗。秋鴻伶俐知書。卻被十郎使得東去西去。到不如俺家烏兒。配了櫻桃。兩口鎮日竈前竈後。正是乖的走碌碡。贏得眼前熟。癡的不出屋。夜夜皮穿肉。俺看李郎和郡主十分相愛。今早又分付花園遊魚。俺取了白玉碾花鱗。盛了碧桃新釀。剛紅矮几擺着菓葉碗數十枚。且是郡主絃管之暇。雅好詩書。筆牀墨硯。多是王家舊物。都帶巾箱伺候。一對兒早到也。

〔旦上〕

〔憶秦娥〕深深院。弄晴時候東風軟。東風軟。晝長無那。暖鶯初囀。〔浣〕夢餘口喚添香篆。畫眉一線屏山遠。〔合〕屏山遠。捲簾花氣。夜來深淺。〔春光好〕〔旦〕紗窗淺。畫屏深。意沈沈。春着裙腰。無力暗知音。〔浣〕燕尾剪裁羅勝。翠茸點綴花簪。小姐呵。你一點春攢無限事。小眉心。〔旦〕浣紗。眉心有甚事來。〔浣〕小姐未遇李郎時。打鞦韆。擲金錢。賭荔枝。拋紅豆。

常自轉眼舒眉。到李郎上門。鎮日紗窗裏眉尖半簇。敢自傷春也。〔旦〕春香呵。咱怎比做女兒時。由得自家心性那。〔浣〕可是成人不自在哩。〔生上〕

〔夜遊宮〕宿雨朝陽館。鬆花控柳烟初滿。幽懽何妨日日展。擁溫柔。恨夜來寒頓淺。〔浣溪紗〕〔生〕輕打銀箏落燕泥。暖絲高冑畫樓西。〔旦〕花冠閒上午牆啼。〔生〕眉色暗深芳草徑。鬢花輕綻碧桃溪。〔旦〕個人何事閉深閨。〔生〕娘子說何事閉深閨。與你春遊半日。〔旦〕酒籠衣箱。俱已齊備。請行。〔行介生〕名園春色正相宜。〔旦〕夫婿前行少婦隨。〔生〕竹裏登樓人不見。

〔旦〕花間覓道鳥先知。〔浣〕這是百花園門首哩。

〔畫眉序〕〔生〕花裏喚神仙。幾曲園林芳逕轉。〔旦〕正春心滿眼。桃李能言。鋪翠陌平莎茸嫩。拂畫簷垂楊金偃。〔到門介合〕春成片。無人見。平付與鶯捎燕剪。咱遶花行一遭也。

〔黃鶯兒〕〔生〕偷眼豔陽天。帶朝雲暮雨鮮。〔旦拈花介〕一枝低壓宜春院。芳心半點。紅妝幾瓣。和鶯吹折流霞茜。糝香肩。春纖袖口拈插鬢雲邊。〔生送酒介〕

〔皂羅袍〕尊酒把玉人低勸。背東風立穩。微笑花前。斜簪拋出金縷懸。步香埃
窄地凌波見。〔旦作醉介生〕湘裙皺鞞。晴絲翠煙。粉融香潤。拚驕恣妍。眞珠幾滴
紅妝面。

〔啄木兒〕〔旦〕狂耍堵。遊戲仙。豈惹圖中春數點。開心性皺花呵展。繡工夫葡
萄幾線。卻怎的半踏長裙香逕遠。和你向銀塘照影分嬌面。怕溜閃了釵頭髮
影偏。〔浣〕天雨哩。〔作避雨介〕

〔玉交枝〕〔生〕催花雨片。度池亭草氣薰傳。點蜻蜓撇去驚飛燕。趁泥香掠水
盤旋。咱兩個一逕行來一字肩。同行覆着同心扇。停半霎瀟湘畫闌。坐一答繡
墩金線。〔生坐秋鴻上〕洛下才人貪折桂。秦中美女好觀花。稟相公。天子留幸洛陽。開場選士。京兆

府文書起送。即日餞程。不得遲誤。〔生〕如此。快安排行李。渭河登舟也。〔鴻〕明日放參京兆府。春風
催馬洛陽橋。〔下旦〕新婚未幾。明日分離。如何是好。李郎。你看我爲甚宮樣衣裳淺畫眉。只爲曉鶯
啼斷綠楊枝。春閨多少關心事。夫婿多情亦未知。妾本輕微。自知非匹。今以色愛。託其仁賢。但慮一

旦色衰。恩移情替。使女蘿無託。秋扇見捐。極歡之際。不覺悲生。〔泣嘆介生〕平生志願。今日獲從。粉骨碎身。誓不相捨。小玉姐何發此言。請以素縑。著之盟約。〔旦〕浣紗。箱盒裏取烏絲闌素段三尺。和墨筆硯來。〔浣〕烏紗闌在此。〔生作寫介〕寫完呈覽。〔旦讀介〕水上鴛鴦。雲中翡翠。日夜相從。生死無悔。引喻山河。指誠日月。生則同衾。死則共穴。李郎。此盟當藏寶篋之內。永證後期。

〔玉胞肚〕心字香前酬願。鎮同衾心歡意便。碎心情眉角相偎。趁光陰巧笑無眠。絮香囊宛轉。把烏絲闌翰墨收全。向一段腰身好處懸。〔生〕小生這點心呵。

〔玉山頽〕你精神桃李。天生的溫香膩綿。惹嬌音春思無邊。倚纖腰着處堪憐。佳期正展。爲甚的顰輕笑淺。教青帝長如願。鎮無言。一春心事。輕可的付啼鶯。

〔旦拜介〕李郎有此心。奴家謝也。

〔川撥棹〕情何限。爲弱柳。擡青眼。怕只怕箋煤字殷。怕只怕箋煤字殷。道得個海枯石爛。囑付你輕休越。好花枝留倚闌。李郎。看看日勢向晚。〔回介〕

〔憶多嬌〕〔合〕春色黯。香徑晚。怯栖鴉啼向鳳城單。乘倒景暮光殘。染殘霞衣

袖鞦。春興闌珊。春興闌珊。忙歸去階苔翠班。〔旦作跌介〕

〔月上海棠〕〔合〕蓮三寸。重臺小樣紅偏綻。怕逗了朱門。半約花關。這一番遊

滿春山。較添得許多嬌眼。人影散。鞦韆外花陰裏扣響銅環。〔浣紗持燭上開門介〕

〔尾聲〕一簾春色如雲鞦。咱高燒銀燭到更殘。怎說起送你個趁春風遊上苑。

銀缸斜映晚妝紅。

且照離情今夜中。

夫唱婦隨長自好。

青春明月不曾空。

第十七齣 春闈赴洛

〔秋鴻上〕日暖鶯聲麗。風輕馬足先。主人能及第。童僕也登天。昨日相公分付今日赴科。這早還未起來。叫浣紗。〔浣上鴻〕請相公起程。京兆府有人伺候。正是才子功名易。佳人離別難。〔下旦上〕

〔十一時〕何時春草草。正銷凝未了。燕爾歡遲。鴛班赴早。枕屏山夢斷魂遙。強起愁眉翠小。銀瓶瀉水促朝裝。淚燭紅銷影曙光。卻怪滿身珠翠冷。無人偎暖醉紅鄉。奴家與十

郎爲夫婦幾日。不想行幸洛陽。彼中開選。李郎要赴京兆府起送秀才。雖則半月之程。亦自牽人愁

緒早已拜辭了老夫人也。〔生上〕

〔遶地遊〕青雲路有。賦就凌雲奏。望朝雲徘徊意久。〔旦〕李郎真個起程也。

〔黃鶯兒〕紅袖溼天桃。乍驚回雲雨朝。浪桃香二月春雷早。你去後呵。雲橫樹杪。雨餘芳草。畫眉人去走章臺道。望迢迢。金鞭惜與誰分玉驄驕。

〔前腔〕〔生〕休恁淚鮫綃。爲朝陽停鳳簫。乘龍人試把龍門跳。向黃金榜標披。香殿朝洛陽才子爭年少。望迢迢。歸來攜手衫袖御香飄。〔鴻上〕稟知船在渭河也。

〔琥珀墜〕〔旦〕年少麗春園接受了求賢詔。飲御酒三杯休醉了。也不管咱朱門悄待泥金報。英豪你趁着春水船兒天上坐了。

〔前腔〕〔生〕韻高多應我詩成奪錦袍。沈香亭捧硯寫清平調。也則怕你愁望的酥胸拍漸銷。多嬌還你個夫人縣君七香車載了。〔鴻上〕稟相公。京兆府催請餞程也。

〔尾聲〕〔旦〕去也呵不多時斷續鶯聲小。還立盡暮雲芳草。李郎你去京兆府

呵學一個京兆眉兒向畫錦描。

遊子帶天香。

閨人戀夕陽。

明知半月別。

要使兩情傷。

第十八齣 黃堂三言錢

〔番卜算〕〔府尹上〕黃屋去東巡。紫詔來西尹。桃花春片起魚鱗。直上龍門峻。洛

陽開榜喚羣英。老拙承恩尹漢京。視草天書中祕出。插花春酒秀才行。下官京兆府尹是也。聖駕幸洛陽。開場選士。俺京兆府長安縣單起送李益秀才一人。早晚到也。

〔好事近〕〔生上〕京兆選才人。起送向長安灞津。飄飄獻賦欲凌雲。領取上林

春信。〔報見介〕李益請拜見老先生。〔拜介〕披雲纔見日。〔尹〕翰墨久聞香。〔生〕雅度憐鸚鵡。〔尹〕

高飛看鳳凰。左右看酒。

〔長拍〕紫詔皇宣。少年英俊。青衫上墨香成陣。李秀才。你此去呵。龍蛇硯影筆
生花。遶殿晴熏。今日呵。吉日良辰。醉你個狀元紅浪桃生暈。只望你烏帽宮花

斜插鬢。軟帶垂袍挂綠雲。臨上馬御酒三盃盡。喧滿六街塵。香風細。妬殺遊人。

〔生〕小生量淺。告行。〔尹〕未也。少年中了探花郎。還有好處哩。

〔短拍〕翰苑風清。蓬萊天近。御香浮滿眼。氤氳視草玉堂人。紫荷囊。金魚佩。那
些風韻。到大來管掌着紫薇堂印。少不的人向鳳池頭立穩。越富貴。越精神。〔尹

送生介〕

〔尾聲〕俺京兆尹送賢臣。送你上朝班。玉筍有精神。做得個畫凌雲第一人。

爐中九轉煉初成。

舉主看時亦自驚。

唯有太平方寸血。

今朝盡向隗臺傾。

第十九齣 節鎮登壇

〔點絳脣〕〔衆將官上〕塞草烟寒。旗門天半紅雲綻。疊鼓凝旛。大將人懽看。塞上

經春氣色新。關西纔換護羌軍。堂堂上將登壇日。笳鼓驚飛一片雲。列位請了。咱們都係玉門關內
將官。今日新節鎮劉爺升帳。伺候則個。〔衆擁劉上〕

〔西地錦〕意氣鳳凰霄漢。身當虎豹雄關。坐擁貔貅三十萬。錦袍玉帶朱顏。

〔鷓鴣天〕曉風蕭瑟獵旌竿。畫戟油幢劍氣攢。九姓羌渾隨漢節。六州蕃落拜戎鞍。穿塞尾。出雲端。

二月天西玉帳寒。何事連營歌吹發。漢家飛將舊登壇。自家扶風劉公濟是也。叨承將種。慣握兵機。

初當塞北擒胡。今拜關西節制。日吉魁罡。走馬升帳。分付衆將官放參。〔衆將官參見介〕恭賀老爺。

封侯萬里。〔劉〕起來。關西事近日如何。〔衆〕聖日長輝。邊塵不起。十分平安。漢家開四郡。斷匈奴右

臂。大唐分界西羌。爲大河西小河西二國。近被吐番鈴哄生心。兩面之羌。誠恐將來有妨邊計。〔劉〕

如此。須當演兵征討。〔衆〕領鈞旨。〔演兵介〕

〔山花子〕〔劉〕大唐朝素號天可汗。河西臂斷呼韓。問何如參差吐番。怒冲冠

帶挺獅蠻。〔合〕點旌旗風傳玉關。倚空同長劍天山。外望河源臨風把星宿彈。

萬里封侯。圖畫凌烟。衆將官。俺關西鎮少個參軍。如今吐番爭戰。河西軍書冗急。咱已寫下榜

文。請一位新科翰林來作軍咨。兼爲記室。河西一軍。旌旗生色矣。〔衆〕領鈞旨。

〔前腔〕〔劉〕長鎗隊裏也要毛錐站。軍咨記室優閒。羽書飛奏檄凱還。須詞鋒

筆陣瀾翻。〔合前〕

〔尾聲〕衆將官。你豎牙旗打點刀環。轅門外鼓角鳴霄漢。還看取投筆新參他。做個定遠班。

大將從天陣捲雲。

虎符初出塞西門。

參謀到日飛書去。

定報生擒吐谷渾。

第二十齣 春愁望捷

〔金瓏瓏〕〔旦浣上〕風日洗頭天。綠影暗移鴛鴦。陡陰餘薄衫寒透。泥香燕子柔。

水碧鴉嬌皺。一簾花雨溼春愁。〔惜分飛〕春愁無緒拖金縷。夢裏餘香不去。〔浣〕故故驚人

睡。悶來彈鵲心兒喜。〔旦〕飄飄奏就凌雲賦。會是兒家夫婿。〔合〕望極波凝翠盼。花邊立馬泥金字。

〔旦〕浣紗。李郎赴舉。知得意何如。好悶也。

〔傍妝臺〕傍妝樓。日高花榭懶梳頭。咱不曾經春透。早則是被春愁。暈的個臉兒烘。哈的個眉兒皺。鳴鳩乳燕。青春正幽。游絲落絮。東風正柔。這些時做不得。

悔教夫壻覓封侯。

〔前腔〕〔浣〕謾凝眸。他可在杜鵑橋上數歸舟。你合的是夫妻樂。他分的是帝王憂。怎做得尋常般兒女儔。蟲蟻樣雌雄守。他是西京才子。教他罷休。洛陽春老。知他逗遛。只願他插花筵上。占定酒頭籌。

〔前腔〕〔旦〕錦袍穿上了御街遊。怕有個做媒人闌住紫驂騮。美人圖開在手。央及煞狀元收。等閒便把絲鞭受。容易難將錦纜抽。笙歌晝引。平康笑留。烟花夜擁。俺秦樓訴休。恁時節費人勾管。爭似不風流。

〔前腔〕〔浣〕你好似一眉新月上簾鉤。百年人帖不上半年週。雨雲香猶自有。絲蘿契急難丟。你夜香不冷花前呪。他晝錦還歸月下遊。你花冠領取。因何恁憂。香車穩載。因何恁愁。少不的卿卿榮耀。占住了小紅樓。

〔尾聲〕泥金喜。畫堂幽。印押的鸞封紅耀手。只這些時燈花閒弄玉釵頭。

長安此去無多地。

鬱鬱蔥蔥佳氣浮。

良人得意正年少。

今夜醉眠何處樓。

第二十一齣 杏苑題名

〔天下樂〕〔文武官上〕玉署春光紫禁烟。青雲有路透朝元。三天日色黃圖外。四海雲光綠字前。列位請了。今日殿試放榜。聖旨親點了隴西李益書判拔萃。堪爲狀元。早到五鳳門外恭候也。〔生上〕

〔卜算子〕鸞鳳遶身翻。奏徹祥雲見。姓字香生紫陌喧。日近君王面。〔衆〕請狀元謝恩。〔生謝恩介〕

〔滴溜子〕聖天子。聖天子。萬壽臨軒。賢宰相。賢宰相。入柱擎天。人中選出神仙。總送上蓬萊殿。宮袍賜宴。謝皇恩。今朝身惹御爐烟。〔衆〕請狀元赴宴。〔行介〕

〔前腔〕笑從前。笑從前。文章幾篇。喜今日。喜今日。笙歌上苑。十里珠簾盡捲。纔認得春風面。祥雲一片。浪桃香。曲江人醉杏花筵。

〔尾聲〕鈴索一聲花滿院。這清高富貴無邊。多和少留些故事與人傳。

紫陌萬人生喜色。

曲江千樹發仙桃。

青雲已是酬恩處。

莫惜芳時醉錦袍。

第二十二齣 權嗔計貶

〔一落索〕〔盧上〕劍履下朝堂。平步星辰上。春風桃李遍門牆。敢有一枝兒直強。隻手擎天勢獨尊。錦袍玉帶照青春。洛陽貴將多陪席。魯國諸生半在門。自家盧太尉。長隨玉輦。協

理朝綱。聖駕洛陽開試。咱已號令中式士子都來咱府相見。昨日開榜。有個隴西李益中了狀元。細查門簿。並無此人姓名。書生狂妄如此。可惱可惱。咱有一計。昨日玉門關節度劉公濟一本奏討參軍。我就奏點李益前去。永不還朝。中吾計也。堂候那裏。〔堂候上〕玉班丞相府。花事洛陽春。稟老爺。有何分付。〔盧〕天下士子俱到太尉府。可怪新狀元李益獨不到吾門。俺有表薦他玉門關外參軍。你去文書房說知。

〔風帖兒〕你說他書生筆陣堪爲將。編修院無他情況。那劉節鎮呵。表求個參軍選人望。〔合〕須停當。奏兵機特地忙。〔堂候〕知道了。〔盧〕還分付你。

〔前腔〕你說玉關西正干戈廝嚷。寫勅書付他星夜前往。官兒催發不許他向家門傍。〔合前〕

堪笑書生直恁愚。

教他性氣走邊隅。

人從有理稱君子。

自信無毒不丈夫。

第二十三齣 榮歸燕喜

〔喜遷鶯〕〔旦浣上〕鵲語新晴。奈初分燕爾參差。上苑聞鶯。雲近蓬萊。烟消洛浦。正春風十里柔情。怎愁隨繡線初迴。夢遶香絲欲住。春困也。紅妝向晚。歸來莫誤卿卿。蓋世文章金馬門。京西才子洛陽春。東風不捲珠簾面。待向花邊得意人。昨夢兒夫洛陽中式。奴家梳妝赴任。好喜也。

〔二郎神〕憑闌定。正東風人在洛橋花影。試着春衫鬆扣頸。幾迴纖手薰徹金猊燼冷。好是舊香荀令。語僇停。趁新妝遊畫省。夢忪惺。背紗窗教人幾番臨鏡。〔前腔〕重省。別時呵衫袖兒翠膩酒痕香迸。〔浣〕十郎終日遊街耍子哩。〔旦〕想應他

也爲我懨懨病。日高慵起。長是託春醒未醒。〔浣〕蛛絲兒早喜也。〔旦〕恁雨絲烟映。弄蟾蛛兒晴。逗風光展翠眉相領。正銷凝。好流鶯數聲堪聽。〔老旦上〕

〔玩仙燈〕車馬正喧迎。新狀元花生滿徑。兒京兆府接新狀元將至。說是李郎也。快備簫

鼓迎宴。

〔喜遷鶯〕〔衆擁生上〕御道塵銷春晝永。彩雲簫史門庭。飛蓋妨花。停驄襯草。此

日風流獨勝。〔見介〕獻賦已成龍化去。除書親得鳳銜來。花明驛路胭脂煖。山到秦樓罨畫開。

〔老〕狀元及第。恭承晝錦之榮。賀喜賀喜。〔生〕指日長安。闕奉泥金之報。慚愧慚愧。〔老〕浣紗看酒。

〔浣上〕袍香宮裏綠。春色狀元紅。酒到。

〔畫眉序〕〔老〕花暖洛陽城。似獻賦河陽舊風景。喜吹噓送上。九天馳騁。探一

枝春色歸來。帶五彩祥雲飛映。〔合〕跳龍門此日門楣應。簫鼓畫堂歡慶。

〔前腔〕〔旦〕曾中雀金屏。你是個入彀英雄愛先逞。趁仙郎年少。把縣君親領。

舊相如有駟馬前言。新京兆穩畫眉清興。〔合前〕

〔前腔〕〔生〕曾傍玉梅清。報春色江南未孤冷。喜素娥親許。暗香相並。展漢宮
帽壓花枝。映月殿釵橫梅影。〔合前〕

〔前腔〕〔浣鴻〕春滿玉蓬瀛。寶燭籠紗篆烟鼎。看宮袍袖惹。翠翹花勝。雨露恩
天上碧桃。春風燕日邊紅杏。〔合前使客上〕客路朝朝換。鶯啼處處闌。報知金馬客。參佐玉

門關。下官盧太尉帳下。徑來報李狀元。除了劉節鎮關西府內參軍事。早晚催赴邊關。此處便是。

〔通報見介生〕久領朝命。容下官數日起程。〔使〕使得。咱在灞亭西相候也。〔下旦驚問介〕門外那
官兒。報狀元那裏去。〔生低云〕朝命催俺去玉門關。參謀劉節鎮軍事。不久便回。

〔滴溜子〕〔老〕謾說道三千丈風雲路徑。乍歸來且把十二西樓月映。趁韶華
入歡娛佳境。便似尋常喜氣近門闌。也盼煞迴鸞影。兀的真個乘龍怎生不並。

〔生〕醉了也。

〔鮑老催〕〔旦扶遊介〕從天喜幸。綠衣郎近得紅妝敬。與郎醉扶起玉山凭。休酩
酊。宜豪興。當歌詠。守得你探花人到留春賸。你向天街上遊衍把香風趁。合懽

樹今端正。

〔雙聲子〕〔衆〕門庭興。門庭興。遊書錦。春光凝。非僥倖。非僥倖。郎君福。夫人命。真相稱。真相稱。皇恩盛。皇恩盛。羨夫榮。妻貴。永久歡慶。

〔尾聲〕從今後一對好夫妻。出入在皇都帝輦行。謝皇恩。瞻天仰聖。〔生〕則怕少不得綠暗紅稀出鳳城。

朱衣頭踏引春驄。

歸到蓬壺書錦濃。

果稱屏開金孔雀。

休教鏡剖玉盤龍。

第二十四齣 門楣絮別

〔步步嬌〕〔老旦上〕彩雲欲散秦簫徹。向御溝頭流水別。嬌啼暗幽咽。去馬驚香。征輪遶月。風暈的塞塵遮。好門楣作了陽關疊。〔謁金門〕留不得。留得也應無益。小玉

窗前紅袖滴。鳳臺人半刻。乍團欒。底拋擲。柳色灞橋。今日忍看鴛鴦三十六。孤鸞還一隻。自家鄭六娘。女兒小玉。招得李十郎。名魁春榜。官拜翰林。便差去西鎮參軍。聽得關西吐番軍情緊急。〔悲介〕

我的女兒也。

〔醉扶歸〕合歡衾覆着纔停帖。連心枕結得好周遮。踰雙絲半步不離些。亂花風擺亞金泥蝶。郎馬兒站不了七香車。關山點破香閨月。

〔前腔〕〔浣〕恰好的鳳鸞簫雙吹向漢宮闕。怎教他旗影裏把筆陣掃龍蛇。小
姐呵。昨宵燈兒下打貼的翠波斜。今朝車輪上踰碎的柔腸絕。杜鵑來了好
咨嗟。知後會甚時節。〔鮑上〕乍雨乍晴春自老。閒愁閒悶日偏長。細聽鶯語移時立。似怨楊花

別路忙。聞得李十郎高中還鄉。從軍遠去。特取一分春色。相看萬里征人。〔見介鮑〕鄭夫人。你爲十
郎遠征。眼梢兒啼得好苦也。〔老〕咱娘兒命薄也。

〔女冠子〕〔生上〕離愁滿目。還雌雄劍花偷覷。漸魂移帶眼。夢飄旗尾。玉驄嘶
緊。畫鸞飛豎。〔旦上〕鏡臺紅淚雨。送江左參軍。洛陽才子。〔衆合〕遶屏山舊路。
幾許驩娛。少年羈旅。〔老見哭介〕李郎。真個生別離呵。苦殺老娘也。〔生〕四娘也在此。

〔古女冠子〕〔老〕覷得着新狀元爲女壻。正喜氣門闌懽聚。一盃春酒王孫路。

看不足怎教去。〔生〕便歸。好生護着家門也。〔老〕深閨淑女何須疑慮。便待你侯封絕塞奇男子。咱身是當門女丈夫。〔合〕別離幾許。省可也薄情分付。

〔前腔〕〔生〕妻你須索不捲珠簾。人在深深處。踏着這老夫人行步。老夫人呵。愧仙郎傍不着門楣住。冷落你鳳將雛。〔老〕李郎早回。妾身老年人也。〔生〕瑤池西母。把絳桃深護。咱把壽山的岳母向遙天祝。愛海的閨娃窄地呼。〔合前〕

〔前腔〕〔旦〕人去也。知他此恨平分取。淚閣着斷雲殘雨。更無言語空相覷。老夫人直恁苦。看女配夫。等閒離阻。咱夫妻覆不着桐花鳳。子母空啼桂樹烏。

〔合前〕

〔前腔〕〔鮑〕畫堂前訴定個花無主。似人家燕子妻夫。儘商量止不住他鵬程路。說得個儒冠誤。便去待何如。留他怎住。怕猿聞離別堪腸斷。便蟻大功名也。索拚命趨。〔合前將官上〕上將程期在。灞陵難久羈。快請參軍起行。〔生拜辭介〕老夫人呵。

〔一撮棹〕你慈闈冷。好溫存你個鳳女孤。〔老〕李郎。你邊關苦。好將息你化龍軀。

〔生〕鮑四娘。他娘女伊家早晚間好看戲。〔鮑〕深領取。還是你早回車。〔旦〕眼見的拋人去。有訴不盡的長亭語。〔合〕真去也。早和晚索盼取幾行書。〔老〕李郎幾時回來。〔生〕多則一年。

〔哭相思尾〕最苦是筍條兒。嬌婿生離拆。女娘們苦也。〔老悶倒介〕生旦下鮑。老夫人休憂。他萬里封侯。歸來正好。

門楣不久去關西。

綠窗嬌女隱愁眉。

流淚眼隨流淚水。

斷腸人折斷腸枝。

第二十五齣 折柳陽關

〔金瓊璫〕〔旦浣上〕春纖餘幾許。繡征衫親付與男兒。河橋外香車駐。看紫騮開道路。擁頭踏鳴笳芳樹。都不是秦簫曲。〔好事近〕〔旦〕腕枕怯征魂。斷雨停雲時節。〔浣〕忍聽御溝殘漏。迸一聲悽咽。〔旦〕不堪西望卓香車。相看去難說。〔合〕何日子規花下。覩舊痕啼血。〔旦〕浣紗。這灞橋是銷魂橋也。〔衆擁生上〕

〔北點絳脣〕逞軍容出塞榮華。這其間有喝不倒的灞陵橋。接着陽關路。後擁前呼。百忙裏陡的個雕鞍住。旌旗日暖散春寒。酒溼胡沙淚不乾。花裏端詳人一刻。明朝相

憶路漫漫。左右頭踏停灞陵橋外。待夫人話別也。〔見介生〕出門何意向邊州。〔旦〕夫。你匹馬今朝不少留。〔生〕極目關山何日盡。〔旦〕斷腸絲竹爲君愁。李郎今日雖然壯行。難教妾不悲怨。前面灞陵橋也。妾待折柳尊前。一寫陽關之思。看酒過來。

〔北寄生草〕怕奏陽關曲。生寒渭水都。是江干桃葉凌波渡。汀洲草碧黏雲漬。這河橋柳色迎風訴。〔折柳介〕柳呵。纖腰倩作綰人絲。可笑他自家飛絮渾難住。

〔生〕想昨夜歡娛也。

〔前腔〕倒鳳心無阻。交鴛畫不如。袞窩宛轉春無數。花心歷亂魂難駐。陽臺半霎雲何處。起來鸞袖欲分飛。問芳卿爲誰斷送春歸去。〔旦〕有淚珠千點沾君袖也。

〔前腔〕這淚呵。慢頰垂紅縷。嬌啼走碧珠。冰壺迸裂薔薇露。闌干碎滴梨花雨。珠盤濺溼紅銷霧。怕層波溜折海雲枯。這袖呵。瀟湘染就斑文筋。〔生〕只恁啼得苦

也。

〔前腔〕不語花含悴。長顰翠怯舒。你春纖亂點檀霞注。明眸謾蹙回波顧。長裙
皺拂行雲步。便千金一刻待何如。想今宵相思有夢歡難做。〔旦〕夫。玉關向那頭去。
〔前腔〕路轉橫波處。塵飄淚點初。你去呵。則怕芙蓉帳額寒凝綠。茱萸帶眼圍
寬素蕖。荷燭影香銷炷。看畫屏山障彩雲圖。到大來靡蕪怕作相逢路。李郎。你可
有甚囑付。

〔前腔〕〔生〕和悶將閒度。留春伴影居。你通心紐扣蕤蕤束。連心腰綵柔柔護。
驚心的襯褥微微絮。分明殘夢有些兒。睡醒時好生收拾疼人處。〔旦〕聽這話。想
不是輕薄的。只是眼下呵。

〔解三醒〕恨鎖着滿庭花雨。愁籠着蘸水烟蕪。也不管鴛鴦隔南浦。花枝外影
踟躕。俺待把釵敲側喚鸚哥語。被疊慵窺素女圖。新人故。一霎時眼中人去。鏡
裏鸞孤。〔生〕俺怎生便去也。再看酒。

〔前腔〕倚片玉生春乍熟。受多嬌密寵難疎。正寒食泥香新燕乳。行不得話提壺。把驕驄繫軟相思樹。鄉淚迴穿九曲珠。鎖魂處。多則是人歸醉後。春老吟餘。

〔旦〕你去教人怎生消遣。

〔前腔〕俺怎生有聽嬌鶯情緒。全不着整花朵工夫。從今後怕愁來無着處。聽郎馬盼音書。想駐春樓畔花無主。落照關西妾有夫。河橋路。見了些無情畫舸。有恨香車。〔生〕妻則怕塞上風沙。老卻人也。

〔前腔〕比王粲從軍朔土。似小喬初嫁東吳。正才子佳人無限趣。怎棄擲在長途。三春別恨調琴語。一片年光攬鏡噓。心期負。問歸來朱顏認否。旅鬢何如。

〔旦〕李郎。以君才貌名聲。人家景慕。願結婚媾。固亦衆矣。離思縈懷。歸期未卜。官身轉徙。或就佳姻。盟約之言。恐成虛語。然妾有短願。欲輒指陳。未委君心。復能聽否。〔生驚怪介〕有何罪過。忽發此辭。試說所言。必當敬奉。〔旦〕妾年始十八。君才二十有二。逮君壯室之秋。猶有八歲。一生懽愛。願畢此期。然後妙選高門。以求秦晉。亦未爲晚。妾便捨棄人事。剪髮披緇。夙昔之願。於此足矣。

〔前腔〕是水沈香燒得前生斷續。燈花喜知他後夜有無。記一對兒守教三十許。盟和誓看成虛。李郎。他絲鞭陌上多奇女。你紅粉樓中一念奴。關心事。省可的翠銷封淚。錦字挑思。〔生作涕介〕皎日之誓。死生以之。與卿偕老。猶恐未愜素志。豈敢輒有

一二三。固請不疑。端居相待。

〔前腔〕咱夫人城傾城怎遇。便到女王國傾國也難模。拜辭你個畫眉京兆府。那花沒豔酒無娛。怎饒他真珠掌上能歌舞。忘不了你小玉窗前自嘆吁。傷情處。看了你暈輕眉翠。香冷脣朱。〔韋崔上〕

〔生查子〕才子跨征鞍。思婦愁紅玉。芳草送鶯啼。落花催馬足。早聞得李君虞起

行。到日午還在紅亭儂懣也。〔見介崔〕李君虞。軍中簫鼓喧喧。良時吉日。早行早行。〔生〕實不相瞞。小玉姐話長。使人難別。〔韋〕昔人云。仗劍對尊酒。恥爲離別顏。李君虞。男兒意氣。一何留戀如此。郡主。俺兩人還送君虞數程。回來便有平安寄上。軍行有程。未可滯他行色。正是長旗掀落日。短劍割離情。〔下內作簫鼓介生〕妻。你聽笳鼓喧鳴。催我行色匆匆。密意非言所盡。只索拜別也。

〔鷓鴣天〕掩殘啼回送你上七香車。守着夢裏夫妻碧玉居。〔旦〕李郎不索回送。但願你封侯遊畫錦。不妨我啼鳥落花初。〔衆擁生下旦〕他千騎擁萬人扶。富貴英雄美丈夫。浣紗送語參軍。教他關河到處休離劍。驛路逢人數寄書。

一別人如隔彩雲。

斷腸回首泣夫君。

玉關此去三千里。

要寄音書那得聞。

第二十六齣 隴上題詩

〔金錢花〕〔衆上〕渭城今雨清塵。清塵。輪臺古月黃雲。黃雲。催花羯鼓去從軍。枕頭上別情人。刀頭上做功臣。列位請了。俺看參軍夫人離別。好不疼人也。一點紅旛。參軍

早上〔生上〕

〔滿庭芳〕路糝長楊。魂銷折柳。畫橋水樹陰勻。玉堂年少。何事拂征塵。爲問綠窗紅淚。芳尊冷袍袖香分。留不得。灞陵高處。猶自帝城春。城頭日出使車來。古戍花

深馬埒開。忽聽鳴笳兼畫角。聲聲思入古輪臺。恨殺陌頭楊柳色。綰定青衫留不得。思婦空啼渭水

南。征夫早向交河北。昨去香閨。灞橋折柳。非不縈我心曲。其奈畏彼簡書。只得收淚長辭。麾軍上路。左右起行。

〔朝元歌〕〔衆〕風氳馬塵。曉色籠驂鞞。河濱彩輪。綠水隨流軫。黑隊奔蛇。文旗畫隼。電轉星流一瞬。疊鼓揚鉦。南庭朔方知遠近。草色伴王程。皇華勞使臣。

〔合〕遊韁帶緊。早趁封侯鵠印。

〔前腔〕〔生〕回首長安日近。東方送使君。南陌恨閨人。雪嶺燕支。陽臺翠粉。去住此情難問。短劍防身。胡沙彫顏吹旅鬢。蕩子去從軍。恩榮變苦辛。〔合前衆〕稟

爺。前面隴頭水。一支入漢。一支入胡。〔生〕這分流水是斷腸流也。隴上題梅。杏無便使。咱口占一首。綠楊着水草如烟。舊是胡兒飲馬泉。幾處吹笳明月夜。何人倚劍白雲天。從來凍合關山道。今日分流漢使前。莫遣行人照容鬢。恐驚憔悴入新年。

〔前腔〕〔衆〕隴上謾尋芳信。顧恩不顧身。還自想羅裙。古戍笳鳴。關山笛引。也不管梅花落盡。立馬逡巡。流水聲中無定準。飲馬斷腸津。思鄉淚滿巾。〔合前鎮

西軍鼓吹上。鎮西府官校迎接參軍。

〔前腔〕〔衆〕落日長城隱隱。星芒拂陣雲。月點照花門。谷口旗迴。烽亭樹引。轉過西河上郡。氣色河源。天街旄頭猶未郟。長笑立功勳。邊城麴米春。〔合前〕

心期紫閣山中月。

身過黃堆峯上雲。

年髮拚從書劍老。

戎衣今作李將軍。

第二十七齣 女俠輕財

〔月兒高〕〔旦上〕嫌單愛偶。迭的腰肢瘦。離愁動頭。正是愁時候。首夏如秋。這冷落誰生受。君知否。池塘綠皺。雙鴛鎮並頭。〔卜算子〕花月湊新懽。弄雨晴初愜。夫婿不

風流。取次看承妾。去去怎回頭。路轉屏風摺。一點在眉心。懶蘸花黃帖。浣紗相公去了幾日也。〔浣紗〕好幾日了。〔旦〕崔韋二秀才說李郎出境回音。還不見來。想起當初呵。

〔銷金帳〕花燈會偶。驀地情拋受。短金釵斜鬢溜。姻緣那般輻輳。那般圓就。不枉了一對靈心兒聚頭。翠淺紅深。揉定花間手。看他取次。取次兒偎融個透。

〔浣背唱〕

〔前腔〕他雲嬌雨弱。倚定個陽臺岫。唱陽關春事休。看他那般迤逗。那般僂僂。逞纖腰暮雨暮雨。河橋折柳。帶結同心。翠溼了啼痕袖。少不得一聲去也。去也。摧攢的勾。〔旦〕浣紗。咱夜夢見也。

〔前腔〕心情宛舊。遠定咱身前後。咱低聲問還去否。問他這般不湊。那般不抖。〔低介〕便待窗前窗前推枕兒索就。呀。回首空牀。斜月疎鐘後。猛跳起人兒不見。不見枕根底扣。〔浣〕小姐。且向相公書房中閒走散心。〔行介〕

〔前腔〕〔旦〕綠窗塵覆。硯中琉璃漚。〔浣〕怎生秋鴻遺下這文房四寶哩。〔旦〕行箱內他自有。瑣窗兒都是嫩苔也。看他那邊鋪皺。這邊縈繡。不信蒼苔蒼苔比情較厚。浣紗。想有人來也。〔低〕楊影明窗。曾和他書齋後。〔浣〕有人來。〔旦作慌介〕猛擡頭聽窗外。窗外啼鶯一晝。浣紗。書窗外半枝青梅。好摘下也。〔虛避介韋崔上〕

〔前腔〕長安盡頭。送別個儒林秀。怕斷腸人倚樓。兩個一時懽湊。一時愁就。則

爲個些個些兒香溫膩柔。呀。門兒裏可是小玉姐走閃也。見客人來。襪剗金釵溜。和羞走也。走也。撚青梅做嗅。〔旦〕浣紗。來的韋崔二先生。問他送李郎何處。有甚回言。

〔前腔〕知他去後。個底思量否。長相見還怕舊。禁約真個開頭。真個丟手。便送了他幾個長亭。出秦關訴休。有的情詞。寄上俺妝臺右。這幾日孤單單教人快瘦。

〔風入松〕〔韋崔〕浣紗。你聽俺道來。俺送他一鞭行色照河洲。伴皇華。兩三宿。見他向彩雲斷處頻回首。青衫上閣淚偷流。拜上郡主。待寫萬金書。別來未久。囑付你千金體免離憂。〔浣〕還有甚話。〔崔〕秋鴻叫你個浣紗姐。不要胡行亂走。〔浣〕啐。帶脚的不飛勾

了。〔旦歎介〕原來李郎回音。叫俺將息。俺霍府偌大家門。李郎去了。他可有甚房分在這長安。央他一個來看守家門到好。你請韋崔二先生外坐。俺這裏問他。〔浣請韋崔外坐介〕韋崔〔郡主欲問何事〕〔旦〕李郎去住匆匆。妾身未得細詢家世。二位交遊既久。知他更有何人。〔崔〕郡主。敢是怕十郎有前夫人麼。

〔前腔〕他從來鰥處。比日不曾瞅。〔旦〕不爲此。問他身傍帶有甚麼人。〔崔〕只有秋鴻小斷。問前魚何處有。〔旦〕不爲此。問他骨肉有何人。〔韋〕他身星照定無骨肉。儘四海爲家浪遊。〔旦〕也可憐他。少年才子。恁的孤窮。〔崔〕也是他奇遇。看藍橋遇仙是有。平白地顯風流。〔旦自云〕原來如此。且住。俺家也無以次人丁。便要訪問李郎消息。也沒個人。前日李郎說他與二人至厚。兼他客中貧窘。咱家少甚麼來。不如因而濟之。以收其用。浣紗請二位秀才聽俺道來。

〔前腔〕鳳拋凰去。孤冷了鵲巢鳩。既無眷屬。二位先生便是嫡親相看也。緩急要個鵲。鵲兒答救。〔崔〕二生客中貧忙。怕沒工夫看管。〔旦〕這個不妨。衣食新葛。咱家支分。尋常金幣不着你求。咱家私要的是有。毛詩云。丈夫之友。將雜佩以贈之。雜佩因何贈投。望看承報瓊玖。〔韋〕既承委托。凡有所聞。托崔兄轉聞。〔崔〕使得。〔韋〕

〔前腔〕你凝妝穩坐在鳳簫樓。有甚事。教浣紗姐傳示便了。〔崔〕付青雀傳言他卽溜。俺二人不便頻來。怕外觀不雅往來稠。專打聽遠信邊州。〔韋〕是則是弟兄朋友。閨門裏要你自持籌。浣紗姐拜上郡主。咱二人去也。

〔尾聲〕生涯牢落長安走。向朱門領取閒愁。這女子賢哉。女俠叢中他可也出的手。〔下浣〕兩個窮酸。貼他怎的。

只因夫婿遠參軍。

急難之中也要人。

正是禮從人意起。

何須財出齊家門。

第二十八齣 雄番竊霸

〔點絳脣〕〔淨吐番將上〕生長番家。天西一架。撐犁大。家世零逋。番帳裏收千馬。

塞外陰風捲白蘆。金衣瑟瑟氣豪粗。邏娑一望無邊際。殺氣飄番小拂廬。咱家吐番大將是也。吐番熟路穿心七千餘里。生羌殺手二十萬人。橫行岷崙嶺西。片片雪花吹鐵甲。直透赤濱河北。雄雄星宿立鑕刀。休在話下。所有小河西大河西二國。原屬咱吐番部下。近日唐憲宗皇帝中興。與俺相爭。要彼臣服。那大河西出葡萄酒。小河西出五色鎮心瓜。正用搔擾時節。不免喚集把都們號令一會。

〔衆上〕

〔水底魚〕白雁黃花塵飛黑海涯。番家兒十歲能騎馬。鳴笳皮帽兒夥着黑神

鴉風聲大。撞的個行家。鐵里溫都答喇。〔見介淨〕俺國年年收取大河西國葡萄酒。小河

西國進五色鎮心瓜。如今正是時候。點起部落們去搶他一番。〔衆應介〕

〔清江引〕皮囊氈帳不着家。四面天圍野。漢兒防甚秋。塞草偏肥夏。一弄兒把都們齊上馬。〔作嗅香介〕

〔前腔〕葡萄酒熟了香打辣。凹鼻子寒毛乍。醉了咬西瓜。剗起雪山花。趲行程番鼓兒好一會價打。

初夏草生齊。

番家馬正肥。

射飛清海上。

傳箭玉關西。

第二十九齣 高宴飛書

〔一枝花〕〔劉上〕牙旗翻翠葆。彈壓燕支道。轅門金甲。偃閒吟眺。玄鬢初驚坐。聽新蟬噪。大樹將軍老。柳色槐陰。偏稱羽扇綸巾清嘯。〔臨江仙〕河漢千年鳳舞。烟

沙萬里龍荒。封侯只愛酒泉鄉。關山瞻漢月。戈劍宿胡霜。紫塞夜搖風角。薇垣曉動星芒。翩翩書

記舊河梁。幕中邀謝鑒。麾下得周郎。自家劉公濟是也。承天子命拜朔方河西二道節鎮。近移軍玉門關外。奏准聖旨。親點狀元李益參軍。乃吾故人也。報說今日到任。已分付各邊城。旌旗號令。精整一番。堂候官備酒。〔內鼓吹介〕

〔滿江紅〕〔生衆擁上〕寶馬嘶雲。青絲鞚。籠鞭袖裊。河橋聽鳴笳。疊鼓暮山欲噪。玉帳門前歌吹動。戍樓嶺上紅旛遶。〔衆〕風烟河畔引王孫。青青草。〔見介〕詞場

第一名。〔生〕軍事得參卿。〔劉〕客冠三台坐。〔生〕人依萬里城。〔劉笑介〕李君虞。今日劉公濟可是喜也。左右看酒。〔堂候〕日永篆香宜畫軸。風清繡幙好投壺。酒到。

〔梁州序〕〔劉〕玉堂年少。日華天表。共仰雍容廊廟。何緣關塞。逢迎仙旆。飄搖似你。三千禮樂。十萬甲兵。百二山河小。自來帷幄裏。夢賢豪。萬里雲霄一羽毛。

〔合〕清和候。烟塵道。展營門細柳平。安報軍中宴。鎮懽笑。

〔前腔〕〔生〕非熊奇貌。臥龍風調。綠鬢朱顏榮耀。長城萬里。君侯坐擁幢旄。快覩軍容出塞。將禮登壇。冠世英雄表。金湯生氣象。迴銅標。圖畫在麒麟第一高。

〔合前劉〕參軍到此。卽有軍中一大事請教。玉關之外。有小河西大河西二國。自漢武皇開西域四郡。隔斷匈奴。這兩國年年貢獻大漢。大河西獻葡萄酒。送在酒泉郡賜宴。小河西獻五色鎮心瓜。送在北瓜州犒賞。到大唐初年。舊規不改。近自吐番挾制。貢獻全疎。意欲興兵。相煩草奏。〔生〕容下官措思。

〔前腔〕〔劉〕碧油幢燕雀風高。金字旗龍蛇雲遶。聽單于吹徹。平安烽早深感主恩鄭重。軍令分明。你筆陣狼烟掃。試揮毫倚馬西飛插羽翹。〔合前生〕老節鎮

在上。河西貢獻不至。與兵主見不錯。但是四五月間晴雨不常。天氣未便。下官叨以筆墨從事。願草咫尺之書。先寒二國之膽。更容下官分兵戍守回中。受降城外。綴吐番之路。使他不致空國而西。則酒泉不竭于唐。甘瓜復延于漢矣。〔劉〕參軍高見。此乃王粲登樓之才。李白嚇蠻之計也。左右取大觥進酒。

〔前腔〕〔生〕染宮袍來附金貂。總戎陣未妨魚鳥。拚花邊簇馬。風前欹帽。憶西清別騎。東府君侯。不信邊頭好。侍雄豪。書劍從軍敢告勞。〔合前衆上〕整頓舞衣雲

出塞。動搖歌扇月臨邊。〔衆旦樂介〕

〔節節高〕金花貼鼓腰。一聲敲。紅牙歌板齊來到。龜茲樂。于闐操。花門笑。怕人間譜換伊梁調。甘州入破橫雲叫。〔合〕酒灑西風茜征袍。軍中且唱從軍樂。〔前腔〕〔衆旦舞介〕裁停碧玉簫。陣花飄。河西錦帶翩翩耀。風前掉。掌上嬌。盤中俏。胭脂山下人年少。紅氍毹裏華燈照。〔合前〕

〔尾聲〕聽鳴笳芳樹篇篇好。小梁州宴罷人長嘯。單則是玉門關外老班超。

軍中高宴夜堂開。

城上烏驚探馬來。

火照墨花飛草檄。

衆傳君負佐王才。

〔劉弔場〕叫中軍官。明早到參軍府領下檄文二道。矯詔宣諭大小河西。責其貢獻。不服之時。興兵未遲。正是鞍馬不教生髀肉。檄書端可愈頭風。〔下〕

第三十齣 河西款檄

〔粉蝶兒〕〔大河西回回粉面大鼻鬚鬚上〕撒采天西。泥八喇相連葛刺。咱占定失蠻

田地馬辣酥。拌飲食。人兒肥美。花蕊布纏匝。胸臍骨碌碌。眼凹兒滴不出胡桐
半淚。自家大河西國王是也。天時葡萄正熟。東風起釀酒。貢獻吐番。今又聞得大唐天子起兵把定
玉門關。要咱國伏降。咱國無定。先到者爲大。咱便釀下葡萄酒。看大唐吐番誰先到也。〔番卒上〕報
報報。大唐使臣到。〔內呼介〕使臣到。大唐皇帝詔諭大河西王跪聽宣讀。昔漢西域說開葡萄歸漢。
今遣劉節鎮李參軍鎮定大河西。可從節制。不服者與兵誅之。叩頭謝恩。〔番王起介〕請大唐使臣
喫馬桐宴。〔內應介〕卽往小河西。不可久停。請了。〔番王〕俺國降唐也。自古河西稱大國。從今北斗
向中華。〔下小河西回回青面大鼻鬚鬚上〕

〔新水令〕火州西撒馬兒田地。大狻猊降伏了。覆着纒旃兒做坐席。恰咬了些
達郎古賓蜜。澡了些火敦惱兒水。鑛鐵刀活伶俐。燒下些大尾子羊。好不攪人
的鼻。自家小河西國王是也。先年臣伏大唐。近來貢奉吐番。到瓜熟時吐番便來蹂踐一番。若再來
擾。到不如降了大唐也。〔內呼介〕詔使到。大唐皇帝詔諭小河西王跪聽宣讀。皇帝念小河西絕遠。
今遣劉節鎮李參軍撫之。逆者與兵誅討。叩頭謝恩。〔番王起介〕請大唐使臣喫了燒羊尾巴去。

〔內應介〕使臣便往回中受降城。斷絕吐番西路。不得遲留。請了。〔番王〕咱降唐罷。正是詔從天上下。嚇殺小河西。〔下〕

〔一枝花〕〔吐番將黑臉領衆上〕當風白蘭路。避暑黃楊渡。槍槩兒剔透在三門豎。閃閃風沙。陣脚紅旗布。打一聲力骨碌。俺帽結朝霞。袍穿璽魯。劍彈金縷。天西

靠着悶摩黎。回鶻龜茲拜舞齊。只有河西雙鷓子。西風吹去向南飛。自家吐番大將。起了部落。搔擾大小河西。好景致也。〔行路打圍介〕

〔端正好〕旗面日頭黃。馬首雲頭綠。草萋迷遮不斷長途。大打圍領着番土魯。繞札定黃花谷。

〔滾繡毬〕風吹的草葉低。甚時節青疎疎柳上絲。聽的咿呀呀雁行鴉侶。吱晰晰野雉山狐。急張拘勾的捧頭獐。赤溜出律的決口兔。戰篤速驚起些罕格落的豪豬。咕叭喇喝番了黑林郎雕虎。急迸咯啞的順邊風。幾捧攔腰鼓。溼溜颯喇的是染塞草。雙鷓濺血圖。錦袖上模糊呀。到大河西了。問葡萄酒熟麼。〔內應介〕大唐

使臣到此。俺國降唐了。〔番將怒云〕呀。大河西降了唐也。

〔倘秀才〕呆不鄧的大河西受了那家們制伏。滿地上綻葡萄亂熟。醞就了打辣酥兒香碧綠。你獻了呵。三盃和萬事。降唐呵也。依樣畫葫蘆。罵你個醉無徒。把都們且搶殺他一番。〔作走殺介〕呀。前面小河西了。問他鎮心瓜熟麼。〔內應介〕大唐使臣到此。已降唐了。〔番將怒介〕呀。小河西又降了唐也。

〔倘秀才〕些娘大的小河西生性兒撒古。東瓜大的小西瓜瓢紅子烏。刺蜜樣香甜冰雪髓。小河西你獻咱瓜呵。省可了咱心煩暑。不獻瓜呵。分你國土。敢待何如。〔內〕大唐分兵去截你歸路了。你國敢怕唐朝也。〔番將〕說大唐麼。

〔尾聲〕暫回去放你一線降唐路。咱則怕大唐家做不徹。拔刀相助。咱不道決撒了呵。有日和你打幾陣戰。河西得勝鼓。

番家射獵氣雄粗。

去向河西嘴骨都。

似倚南朝做郎主。

可知西域怕匈奴。

第三十一齣 吹臺避暑

〔西地錦〕〔劉上〕西地涼州無暑。有中天冰雪樓居。一時勝事誇河朔。看他小飲如無。〔一落索〕畫戟垂楊吹幕府。臺館新成。燕雀窺簷語。珠簾暮。涼州唱徹人無暑。參佐風流時一聚。閒學如才鸚鵡。雨洗燕支路。且須高宴凝歌舞。俺劉公濟鎮守關西。李君虞參吾軍事。可謂翮翮記室。且喜征塵路淨。避暑筵開。近報得河西納款。早則喜也。〔內作樂介生上〕

〔番卜算〕六月罷西征。燕幙風微度。雅歌金管按投壺。將軍多禮數。〔相見介劉〕避暑新成百尺臺。〔生〕軍中高宴管絃催。〔劉〕知君不少登樓賦。〔生〕正爾初逢袁紹杯。〔劉〕參軍。俺二人以八拜之交。同三軍之事。西事匆匆。未遑高宴。今茲天氣炎暑。小飲涼臺。左右看酒。〔堂候上〕臺高欲下陰山雪。晝永堪銷沈水香。酒到。

〔惜奴嬌〕〔劉〕萬里長驅。喜軍中高宴。正屬吾徒。邊塵靜。日永放衙休務。正午。槐展油幢。苔臥沈槍。花催羯鼓。難度。六月裏染征雲。怎不向吹臺歌呼。

〔前腔〕〔生〕男兒坐擁銅符。喜繡旗風偃。晝檠雲舒。涼州路。日遠炎蒸不住。正

爾羽扇綸巾。據牀清嘯。圍棋賭墅。凝佇看燕寢。恁幽香時裊。碧窗烟霧。〔卒捧酒

甕上〕水色清浮竹葉。霧華香沁葡萄。稟老爺。酒泉郡。獻大河。西國葡萄酒。〔劉〕此酒參軍之功也。

堂候行酒。

〔鬪寶蟾〕香浮頓遜醍醐。鎮葡萄亂潰。鴨頭新綠也。索向酒泉移封。把涼州換取。〔生〕清醕。想一年風色阻。千日凍花敷。暈珍珠。醅盡酸甜。留下水晶天乳。

〔卒捧瓜上〕北斗高如南斗。西瓜大似東瓜。稟老爺。瓜州獻小河西國鎮心瓜。〔劉〕此亦參軍之功也。堂候進瓜。

〔前腔〕清虛冰井沈餘。等半輪青破。一襟涼貯。鎮紫瓢浮動。素津流注。〔生〕冰筋甘垂承掌露。寒濺泣盤珠。沁肌膚。迸玉綻紅。跳顯出個人風度。〔劉〕好上望京

樓一望也。〔生〕望京有甚好處。

〔錦衣香〕〔劉〕關樹鋪濃陰護。水萍紆微風度。飛樓外望京何處。〔生〕怕乘鸞烟去鳳臺孤。邊聲似楚。雲影留吳。據胡牀三弄影扶疎。嘯欹樓柱。聽胡笳悲切。

訴似訴年光流欲去。正遶鵲休枝。驚蟬墜露。

〔漿水令〕〔合〕家何在畫屏烟樹。一天關山夢餘。研光盃影醉蟾蜍。便待敲殘玉唾。擊碎珊瑚。心未愜髻先素。慢尋河影斷長安路。樽俎內風雲才聚。旗門外。旗門外河漢星疎。

〔尾聲〕〔劉〕參軍呵。和咱沈李浮瓜興不俗。你要受降城也。早則秋風別哨關南路。則怕你要噓檄還朝賦子虛。〔生〕下官感公侯知遇。口占一詩。〔劉笑介〕請教。〔生吟介〕

日日醉涼州。

笙歌卒未休。

感恩知有地。

不上望京樓。

第三十二齣 計局收才

〔夜行船〕〔盧上〕一品當朝橫玉帶。姍連外戚。勢遊中貴。世事推呆。人情起賽。

可嗔那書生無賴。兵權掌握勢爲尊。奉詔移軍鎮孟門。獨倚文章傲朝貴。賈生空遇聖明君。自家盧太尉。三年前因李益恃才氣高。計遣參軍西塞。聽見李生有詩獻劉鎮帥。感恩知有地。不上望京

樓。卽當奏知。怨望朝廷。只是一件。咱方奉命把守河陽孟門山外。召回劉節鎮暫掌殿前諸軍。咱將計就計。今早奏准聖人。加李君虞祕書郎。改參孟門軍事。不必過家。看他到咱軍中。情意如何。招他爲婿。如再不從。奏他怨望未晚。已遣人請他朋友京兆人韋夏卿商量。早來也。〔韋上〕

〔薄倖〕暑色初分。秋聲一派。看長安馳道。秋風冠蓋。天涯有客。幾時能會。俺消停處。見畫檠朱門橋外。好參謁中朝太尉。〔見介盧〕好客勞西笑。〔韋〕人雄鎮北軍。〔盧〕折簡求三益。〔韋〕旌旄謁使君。〔盧〕韋先生。你是李君虞好友。俺今移鎮孟門。奏改他參吾軍事。可好麼。〔韋〕李君虞三年在邊。資當內轉。今又參卿軍事。恐非文人所堪。〔盧〕他有詩劉鎮帥。怨望朝廷。又何必強他入朝。咱招賢館勝如望京樓也。

〔鑼鼓令〕他朝中文章後輩。曾喜他相見。只尋常到來。知他性兒。那些魍魎。〔韋〕都是些少年情態。怎知的千金賦。今人不買。枉了筆生災。題鸚鵡教誰喝采。〔盧〕咱無文的太尉。何禁怪。只可惜賈長沙。干死了洛陽才。〔合〕他鄉歲月。遠水樓臺。今朝領旨。知他便回。相逢到此。好佳懷。秋江寂寞也。自放花開。

〔前腔〕〔盧〕當初也浪猜。咱移軍把着孟門去來。參軍事請他優待。〔韋〕文章士自有廟堂除拜。作參軍知幾載。〔盧〕孟門喜非邊塞也。〔韋〕便做道非邊塞。曾如站立在白玉階。〔盧〕咱軍容將禮好不雄哉。早難道古來書記都不是翰林才。

〔合前韋〕既將軍厚待。李君虞自有國士之報。小生告行。

〔餘文〕爲交情一笑來。〔盧〕須知吾意亦憐才。韋先生休道俺少禮數的將軍做不的招賢宰。〔韋下盧弔場〕可笑可笑。韋生豈知俺計也。候旨官兒怎的不見到來。〔堂候上〕微

聞禁漏穿花遠。獨詔邊機出殿遲。稟爺聖旨已下。李益以祕書郎改參孟門軍事。即日離鎮。不許過家。〔盧笑介〕書記在吾算中矣。分付諸軍起行。

孟門關外擁羆貅。

打鳳撈龍意不休。

但得他來府門下。

那時誰敢不低頭。

第三十二齣 巧夕驚秋

〔念奴嬌序〕〔旦同浣上〕梧桐乍雨。正碧天秋色。霧華烟暝。浴罷晚妝凝望立。簾

漾玉鉤風定。〔浣〕別院吹笙。高樓掩鏡。泛灩銀河影。〔合〕幽期無限。佩環聲裏人靜。〔臨江仙〕〔旦〕炎光初洗。輕塵雨。飛星寄恨迢迢。〔浣〕金風玉露翠華搖。暫停鮫泣翠。相看鵲填橋。〔旦〕占得歡娛今夜好。一年幽恨平消。〔浣〕綵樓人語暗香飄。〔合〕不知誰得巧。空度可憐宵。

〔旦〕浣紗。今當七月七夕。織女渡河。香燭瓜果。已備樓中。去請老夫人鮑四娘。同會綵筵。可早到也。

〔老旦上〕

〔似娘兒〕閨閣露華零。感佳期愁絕惺惺。聽機中織女啼紅迸。望牽郎河漢。烏飛涼夜。鬢染秋星。兒請俺怎的。〔旦〕母親萬福。今逢巧夕。母親同鮑四娘消遣一回。〔老〕鮑四娘可待來麼。〔鮑上〕

〔遶地遊〕綵樓清迥。燭閃紅妝靚。笑年年乞巧誰贖。〔見介〕鄭夫人郡主萬福。今夕香燭果筵。莫非穿鍼故事乎。〔老〕咱老人家乞巧何用。正爲兒女相邀。四娘同此。〔鮑〕從來乞巧。凡有私願。只許在心。不許出口。但看蟾子縈盤。便是人間巧到。老夫人。你我心中暗祝。同拜雙星便了。

〔拜介〕烏鵲橋成上界通。千秋靈會此宵同。綵盤花閣無窮意。只在遊絲一縷中。〔老〕此夕真佳景。

也。

〔念奴嬌〕人間天上。數佳期新近。秋容太液波澄。院宇黃昏。河正上。幾看清淺。閒庭輝映。雲母屏開。水晶簾捲。月微風細。淡烟景。〔合〕同看取。千門影裏。誰似雙星。

〔前腔〕〔旦〕河影層波夜炯。怕空蒙霧染機絲。翠花寒凝。一水仙郎。遙望處。脈脈此情誰證。俟幸喜極慵妝。歡來罷織。倚星眸。曾傍暗河行。〔合前〕

〔前腔〕〔鮑〕還倩那些縹緲銀鸞。參差烏鵲。斷虹低處。翠橋成。清佩隱。似溼雲含雨。流聲清興。按戶斜窺。凌波微步。一天秋色。今宵勝。〔合前〕

〔前腔〕〔浣〕端正步障停雲。眉梁瀉月。一年情向此中傾。清虛處。微茫香霧盈盈。私聽百子池邊。長生殿上。〔內作笑介〕便風中微語笑分明。〔合前〕

〔古輪臺〕〔老〕夜雲輕。秋光銀燭畫圍屏。水沈細縷香生鼎。〔鮑〕綵樓低映。問誰許宵征。鈿合金釵私慶。似恁幽歡十分清。把人間私願一時并。〔旦〕商量不

定。暗風吹羅帶輕縈。柔情似水。佳期如夢。碧天瑩淨。河漢已三更。〔浣〕良宵耿。算此時誰在迴廊影。

〔前腔〕〔鮑〕含情。若是長久似深盟。又豈在暮暮朝朝。歡娛長並。〔旦悲介〕玉漏無聲。恨浥西風不盡。忍顧河西人遠。斷河難倩。重歸向舊鴛機上。拂流螢殘絲再整。〔合〕想牽郎還望。俦停。鮫綃幾尺。淚花猶瑩。臨河私贈。時有墮釵橫。便道是天河永。他年年風浪幾時生。

〔意不盡〕明朝烏鵲到人間。境試說向青樓薄倖。你可也臥看牽牛織女星。

阿母天孫恨幾端。

九微燈影佇青鸞。

誰尋仙客乘槎路。

且伴佳人乞巧盤。

第三十四齣 邊愁寫意

〔北點絳脣〕〔衆邊將上〕紫塞飛霜。平沙月上。旌旗晃。劍戟排牆。擁定銅符帳。一

聲參佐發蘭州。萬火屯雲映綠油。邊鋪恐巡旗盡換。山城欲過館重修。咱們是朔方劉節鎮部下。因

李參軍分兵回樂峯受降城。斷截吐蕃西路。今夜巡塞各城堡。守瞭軍人嚴緊伺候。〔衆應介衆鼓吹燈籠擁生上〕

〔金瓏璫〕萬里逐龍荒。擁弓刀千騎成行。刁斗韻悠揚。畫角聲悲壯。錦盤花袍袖生涼。纔起點報星霜。邊霜昨夜墮關榆。吹角當城片月孤。無限塞鴻飛不度。秋風吹入小單

于。自家本用文墨起家。翻以弓刀出塞。既有三軍之事。豈無一夕之勞。分付將官軍士。用心巡守。

〔衆應介生〕將帳門捲上。一望塞外風烟。

〔一江風〕碧油幢捲上牙門帳。步上嚴城壯。漢旌旗數點燈前。掩映紗籠絳。遠

望火光。可是胡兒夜獵也。〔衆〕非關獵火光。〔又〕是平安報久常。玉門關守定這封

侯相。回樂峯前了。

〔前腔〕〔生〕那邊廂。淡素鋪平敞。堆積的淒寒狀。敢是下雪也。〔衆〕是沙也。是氤氳

幾塚平沙。似雪紛彌望。瑤池在瀚海傍。〔又〕〔衆〕梁園在古戰場。築沙堤等不得

沙河將。是受降城也。

〔前腔〕〔生〕冷清光。氣色霏微漾。暈影兒朦朧晃。敢是霜也。〔衆〕是月亮。〔生〕步寒宮。認得分明。不道昏黃相。衣痕上辨曉霜。〔又〕〔衆〕是嫦娥在女牆。照愁人白髮三千丈。俺坐一會也。

〔前腔〕據胡牀。沙月浮清況。〔內吹笛介〕猛聽的音嘹亮。〔衆〕何處吹笛也。這吹的是關

山月也。是思歸引也。〔衆作回頭望鄉介指云〕那不是俺家鄉洛陽。那不是俺家鄉長安。那不是他

家鄉隴頭。〔生亦作望鄉掩泣衆〕被關山橫笛驚吹。一夜征人望家山在那方。〔又〕

離情到此傷。斷腸聲淚譜在羅衫上。〔王哨上〕龍吟塞笛空橫淚。雁足吳箋好寄書。稟參

軍爺。小卒是京師盧太尉府中王哨兒便是。因來劉節度軍中採取軍情回京。可有平安書寄。〔生〕

正好相煩。情書不盡。暫將屏風數摺。對此清光。畫出邊城夜景。見咱淒涼也。秋鴻取畫筆丹青聽用。

〔鴻上〕王會圖中開粉本。陽關曲裏寄丹青。紙屏風蛾墨在此。〔生做畫介〕

〔三仙橋〕陽關落照儘斷烟衰草。河流一線那更鴻縹緲。邊城上着幾點漢旌搖。盼胡天恁遙呀。俺提起潤生綃。拂拭些三情淚落。還倚着路敷分斜。隨着素毫。

展風沙蘸的個墨花淡了。屏風呵。一遞遞短長城。做不出疊巫山清曉。待畫這沙似雪。月如霜。

〔前腔〕卻怎生似雪樣偎沙迴杳。一抹兒峯前回樂。則道是拂不去受降城上清霜。看則是永夜征人。沙和月長恁照也。影飄飄碧濛濛把關河罩。幕寒生夜悄。四下裏極目暗魂銷。清寒似寂寥。這幾筆兒輕勾淡繞。撇綽的暮光浮。隱映的朦朧曉。屏風呵。恁路數兒是分明。可引的夢沙場人到。待畫着征人間笛望鄉也。

〔前腔〕一笛關山韻高。偏起着月明風裊。把一夜征人。故鄉心暗叫。齊回首鄉淚閣。並城堞兒相偎靠。望眼兒直恁喬。想故園楊柳。正西風搖落。便做洗邊城霜天乍曉。也心似塞雲飄。衝入遍梁州未了。屏風呵。比似俺吹徹梅花。怎遞送的倚樓人知道。畫完。題詩一絕。回樂峯前沙似雪。受降城外月如霜。不知何處吹蘆管。一夜征人盡望鄉。詩已題下。王哨兒寄去也。〔哨〕自有回報。

〔尾聲〕做不得李將軍畫漢宮春曉。俺這裏捲不去的雪月霜沙映白描。趁着

這一天鴻雁秋生早。〔哨下走報人上〕烏鵲南飛終是喜。馬首西來知爲誰。自家長安門走報的便是。來報李參軍轉官。不免徑入。〔見介〕恭喜老爺。新奉聖旨。加祕書省清銜。改參盧太尉孟門軍事。卽日起程。〔生〕何因有此。先賞報人去。便寫書謝了劉節鎮起程。〔報〕節鎮劉爺也欽取還朝。總管殿前諸軍事。〔生〕呵。原來如此。

西塞東歸總戰塵。

畫屏風裏獨沾巾。

閨中只是空相憶。

若見沙場愁殺人。

第二十五齣 節鎮還朝

〔寶鼎兒〕〔衆擁劉節鎮上〕旗門占氣色。鳳尾雲飄。旄頭宿落。匣劍老。轆轤繡澀。

邊烽冷。兜笳苔臥。共仰清時留節鎮。萬里關河紫邏。〔合〕正簫鼓鳴秋。牙幢清

晝。貂蟬遶座。獨攜堂印坐西州。一劍霜飛雁影秋。卻笑班超容易老。焉知李廣不封侯。自家劉公

濟。鎮守玉門關外。推轂幾年。拓地千里。落日已收番帳盡。長河流入漢家清。昨奉聖旨。着下官還朝。

總管殿前諸軍事。李君虞加祕書郎。改參盧太尉孟門軍。早晚參軍書到也。〔卒持書上〕雲沈老上

飛鴻去。日落回中探馬還。〔叩頭介〕參軍爺有書。〔劉笑念書介〕參軍李益頓首劉節鎮開府麾下。愚生書劍西征。拜瞻台座。三載于茲。恩禮兼至。袁本初書記時有優渥之言。王仲宣從軍。不無思鄉之感。意難遙別。道阻回長。所深幸者。君侯膺歸袞之期。賤子附遷鶯之役。風期未遠。存問非遙。虎變龍蒸。風雲自愛。不宣。益再頓首。呀。李君虞早向孟門去也。下官既受君命。不俟駕行。堂候官請征西大將軍金印出來。交與副將軍權領。即日起行。〔副將領衆上〕關西諸將謁容光。曾入甘泉侍武皇。今日路傍誰不羨。功業汾陽異姓王。恭賀老爺還朝。〔劉〕老夫有何功績。得此臯宣。

〔啄木兒〕心雖赤。鬢欲皤。意氣當年漢伏波。念少游歸興如何。相憐我得遂婆娑。〔舉手介〕忝元戎多暇勞參佐。甚西風別去情無那。〔淚介〕吹起袍花淚點多。

〔衆〕老爺呵。

〔前腔〕你倚天劍。迴日戈。一卷陰符萬揣摩。洗兵風坐挽銀河。比陵烟漢將功多。〔跪拜〕詔東歸少不的齊聲賀。〔衆淚介〕這懽聲有淚向悲笳墮。再不見尊俎投壺聽雅歌。〔劉〕就此別了。〔衆〕願攀留信宿而行。盡邊關父老降附蕃戎之意。〔劉〕京營務重。

不敢稽延。俺所佩平西大將軍金印。權交副將軍收掌。好珍重也。〔交印介〕

〔三段子〕〔劉〕黃金斗大。肘間懸龜紋綬花。權時未挂。臥內前牀兒護他。有如
姬要。不的他閒偷把。朱司農用不着那橫文打。怕漏使模行。軍機怎耍。〔將〕敢問
老爺。軍機那一件最大。〔劉〕漢置四郡。斷匈奴入羌之路。今當護羌。使吐番不得連和。陽關內外可
無事矣。

〔前腔〕甘涼以下。望長安天涯海涯。爲甚屯田建牙。斷番戎羌家漢家。〔將〕兵

法願一指授。〔劉〕聽老夫八個字兵法。銷兵日久休頽塌。生羌歲久防奸詐。八個字。

奈苦同甘。信賞必罰。起行。諸軍將不許離信地遠送。〔內報介〕受降城外諸夷長送老爺。〔劉〕

不須遠送。只一心事唐便了。〔行介〕

〔歸朝歡〕歸朝去。歸朝去。萬里胡沙。秦川雨。杜陵花。關山路。關山路。畫角鳴笳。
送將歸。兩鬢華。秋光塞上人如畫。黃宣去把團營押。看細柳春風大將牙。

秦時明月漢時關。

繡纛人看上將還。

但使龍城飛將在。

不教胡馬度陰山。

第三十六齣 淚展銀屏

〔菊花新〕〔旦浣上〕舉頭驀見雁行單。無語秋空頻倚闌。寒花蘸雨班。應將我好

景摧殘。〔河滿子〕露冷蓮房墜粉。霜清竹院餘香。偏照畫堂秋思朗。垂簾半捲瀟湘。幾回斷鴻影裏。

無言立盡斜陽。奴家自別李郎。三秋杳無一字。正是叢菊兩開人不至。北書不寄雁無情也。〔浣〕早

晚佳音。不須煩惱。

〔桂枝香〕〔旦〕水雲天淡。弄妝晴晚。映清虛倚定屏山。暢好處被閒愁占斷。減

香溫一半。減香溫一半。洞房清歎。影闌珊。幾般兒夜色無人玩。着甚秋光不奈

看。〔浣〕上鳳簫樓望一回也。

〔前腔〕〔旦〕捲簾無限。山明水遠。殘霞外烟抹晴川。淡霜容葉橫清漢。正關山

一點。正關山一點。遙望處平沙落雁。倚危闌。淚來溼臉還誰見。愁至知心在那

邊。〔哨持小屏風上〕

〔賺〕塞上飛馳。報與朱門人自喜。〔旦〕試聽晚妝慵。那重門深閉。知他甚底。悶把珠簾輕揭起。〔哨叫介〕澆〕寂靜堂前。數聲兒客至。迴廊半倚閒窺覷。是誰。〔哨〕陽關哨卒來傳示。〔旦驚喜介〕你可曾從事李參軍。俺這裏寒衣未寄。〔哨出屏介〕怕寄平安書不的。小屏風上傳詩意。〔旦〕這書封幾夜霜華脆。雁足寒飛遠月枝。黃花酌酒相勞你。〔澆出酒飲哨介〕哨〕主公威令難遲滯。〔澆〕夫人鄭重留人醉。〔旦〕主公是誰。〔哨〕盧太尉。〔旦〕太尉何人。〔哨〕乃當朝丞相盧杞之弟。穿宮盧中貴老公公之兄。第一富貴人家也。〔旦〕且問你參軍甚時可回。〔哨〕小的在關西聽的參軍爺題詩與劉節鎮說。不上望京樓了。〔旦惱介〕哨〕不須煩惱。俺歸到中途聞聖旨。別有差除疾和遲。少不得榮歸故里。踏階前拜酒忙回去。〔下旦〕二年一字二千里。非同容易。非同容易。〔金索挂梧桐〕寒鴉帶晚暉。喜鵲傳新霽。遠水凝眸。折盡層波翠。〔開屏風介〕夫你二年沒紙書。難道短相思。屏風呵。爲甚封了重封出落的呈妝次。李郎。你感劉君恩遇。不上望京樓呵。你只知紅妝夜宴軍中美。可也回首望京樓上覷。風塵起。

千尋落葉離不的花根裏。〔合〕知他是何日歸期。且接着平安喜。歸意可知。且展畫屏詩句一玩呀。原來十郎手自丹青也。〔詠詩介〕回雁峯前沙似雪。受降城外月如霜。不知何處吹蘆管。一夜征人盡望鄉。你看幾疊屏山。詩中有畫。畫中有詩。滿目邊愁也。

〔前腔〕沙如雪。靄微。月似霜華積。月杳沙虛。冷淡傳蹤跡。俺不會到萬里短長城。這幾疊畫屏兒。寫陽關只少個瀟湘對。夫。俺這裏平沙瀚海把圍屏指。你那裏落月關山橫。笛吹心兒記。夢魂中有路透河西。〔合前浣〕小姐。三年李郎不歸家門。漸次零落也。

〔梧桐花〕是綺羅叢春富貴。儘花月無邊受用美。如今金谷田園誰料理。把這舊家門戶空禁持。老夫人一段傷心難寄與。〔合〕算只有歸來是。〔旦〕道甚家資。可

惜秋光也。

〔前腔〕你道爲甚呵。勾引的黃昏淚。向蓮葉寒塘秋照裏。偷把胭脂勻注喜。這其間芳心泣露許誰知。俺待寫半幅秋光還寄與。〔合前〕

〔意不盡〕連天衰草砧聲起。〔浣〕他還鄉早晚不索寄寒衣。〔合〕盼得他錦繡團圓真是美。

邊月胡沙泣向君。

畫屏紅粉漬氤氳。

明年若更陽關戍。

化作西飛一片雲。

第二十七齣 移參孟門

〔番卜算〕〔盧上〕秋草塞門烟。河上西風偃。洛陽才子赴招賢。鼓吹軍中宴。一家何止十朱輪。兄弟雙飛秉大鈞。獨向河陽征戰淨。今朝開閣引詞人。自家盧太尉。鎮守孟門關外。奏准李君虞參我軍事。報說今日走馬到任。左右營門伺候。〔生衆上〕

〔神仗兒〕河西路轉。〔又〕赴河陽幕選。〔又〕〔王哨叩頭〕參軍爺到來。前日萬金家報。是小軍送上夫人。〔生〕勞你。夫人安否。〔哨〕平安。只是望爺過家。〔生〕取一錠花銀賞他。哨兒。你是咱故人。以後太尉爺差你長安帶書往來。也不慢你。〔哨〕當得當得。〔生〕報平安陣前飛雁。便玉人無恙。怎生排遣。只怕這磨旗門盼不到吹笙院。〔見介盧〕聞君西域奏詞鋒。〔生〕天

柱山高大華東。〔盧〕鴛鴦好歸仙仗裏。〔生〕熊熊還在禁庭中。〔盧〕參軍洛下一見至今懷仰。何幸得參吾軍。看酒。〔堂候上〕幕府求才子。將軍作主人。酒到。

〔瑣寒窗〕〔盧〕倚風塵萬里中原。大將登壇尺五天。孟門關外。少華峯前。遶旌旗萬點。河流一線。還倚仗詞鋒八面。〔合〕難言。人生遇合總情緣。且須高宴留連。

〔前腔〕〔生〕筆花梢慣掃狼烟。誰待吹噓送上天。改河陽贊佐。塞上回旋。便相如喻檄。終軍乘傳。也不似恁般蓬轉。〔合前盧〕聞參軍有詩。不上望京樓。然否。〔生〕醉後餘談。何勞遠聽。〔淨笑介〕

〔前腔〕你佩恩華意氣成篇。不把望長安心事懸。君虞休嫌文官武職。看參軍楚楚。書記翩翩。有賦河清鮑照。登樓王粲。總不礙禁庭清選。〔合前盧〕參軍可有夫人

在家。〔生〕秀才時已贅霍王府中。〔盧〕原來如此。古人貴易妻。參軍如此人才。何不再結豪門。可爲進身之路。〔生〕已有盟言。不忍相負。

〔前腔〕淚花彈袍袖香殷。數遍秋花人少年。〔盧〕可有平安信。〔生〕下官進轅門時。老太尉麾下。一人二年纔傳得一信。〔盧〕受命在君。何戀戀兒女乎。〔生〕晚風砧杵。夜月刀環。正尋常歸燕。幾行征雁。怎隔斷關河別怨。〔合前生〕請罷酒。〔盧〕軍中一日一宴也。

〔尾聲〕爲憐才子聲光遠。〔生〕自是將軍禮數寬。〔合〕指日呵文武朝班歸漢苑。〔生下盧弔場〕衆將官查那一個傳李參軍家信。〔哨〕是小的。〔盧〕拿去綁下。〔哨乞饒介盧〕且記着。許你將功贖罪。差你京師慶賀劉節鎮還朝。便到參軍家。說他咱府招贅。好歹氣死他前妻。是你功也。〔哨〕理會得。

八柱擎天起畫樓。

一般才子要低頭。

非關鬼蜮含沙影。

自要蛟龍上釣鉤。

第二十八齣 計哨訛傳

〔薄倖〕〔鮑上〕翠館雲閒。陽臺雨過。正夕陽閃淡。秋光無那。鏡中略約。年華多大。君知麼。夢不斷梧桐金井。雨偏打閒愁獨坐。〔西江月〕舊日長裙廣袖。如今窄襖弓

鞋。朝花冷落暮花開。不唱賣花誰買。時學養娘催繡。閒陪幼婦題詞。春絲盡也絡秋絲。心緒啼痕似此。俺鮑四娘。數日伴小玉姐消遣。聞道朝廷將取李郎回家。竟無消息。終日翠減香消。俺因自想青樓時節。伴着五陵年少。今日獨自。好恓惶也呵。

〔羅江怨〕無奈這秋光老去何。香消翠譌。聽秋蛩度枕沒膽那。數秋螢團扇暗消磨。也怎生個芭蕉夜雨閒吟聒。燈兒和咱麼。影兒和咱麼。好一個恓惶的我。

〔王哨兒上〕去爲撈酒客。來作拗花人。小軍王哨兒便是。主公盧太尉差往長安霍府行事。只是俺老爺招贅李參軍。要暗死那前位夫人。太尉不將心比心。小兒待將計就計。前日與李爺寄書。那夫人待我不輕。正要說知。未可造次。打聽得這曲頭有個鮑四娘。走動他家。且向他一問。〔見介〕老娘有漿水喫一碗與行路人。〔鮑〕客官何來。〔哨〕李參軍帳下。〔鮑驚介〕參軍在那裏。〔哨〕正待朝廷取歸。被當朝盧太尉奏點孟門關外參軍去了。〔鮑〕可就回來。〔哨〕早哩。敢要就了盧太尉小姐也。〔鮑〕怎麼說。〔哨〕敢招贅在盧家了。〔鮑〕十郎好薄倖也。

〔香遍滿〕秀才無賴。死去也不着骸。越樣風流賽。真個難猜。不道將人害。是佳

人命薄。慣了些呆打孩。咱橫枝兒聽着。也不分把闌干拍。你同俺去他家說個端詳。定不慢你。〔哨〕使得。

〔前腔〕〔鮑〕幾分消息。輕可的洩漏些。帶的個愁來也。怎一個愁字兒了得。今番夜。倩你教喫敲才。好歹將意兒團弄他。歸來時待扭碎花枝打。

〔尾聲〕這段情詞真也假。〔哨〕不假。你爲咱順西風傳與小窗紗。〔合〕只怕斷腸人聽不起這傷情話。

秋風遠信雁鴻低。

春色天邊鶯燕疑。

雪隱鷺鷥飛始見。

柳藏鸚鵡語方知。

第二十九齣 淚燭裁詩

〔望遠行〕〔旦上〕寒鬢寶釵猶挂。倚秋窗數點黃花。扶頭酒醒爐香燧。墮淚妝殘柳暈斜。西風涼似夜來些。〔好事近〕簾外雨絲絲。淺恨輕愁碎滴。玉骨西風添瘦。趁相思

無力。小蟲機杼隱秋窗。黯淡煙紗碧。落盡紅衣池面。苦在蓮心葯。自從十郎屏風寄後。轉忽經秋。欲

寄迴文。曾無使使。好不傷感人也。浣紗這幾日。鮑四娘都不見來。卻爲何的。正是秋風滿院無人見。怕到黃昏獨倚門。

〔眼兒媚〕〔鮑上〕匆匆消息報君家。繡鞋兒陡的未寬些。想他暮雲樓畔。悶拈簫管。憔悴烟花。〔見介旦〕幾日不來隨喜。卻是因何。〔鮑〕偶爲貧忙。有乖清候。敢問十郎去幾年了。〔旦〕將次三秋。〔鮑〕如今早則喜也。〔旦驚介〕知他甚喜。〔鮑〕你猜來。

〔紅衲襖〕〔旦〕莫不是掃南蠻把謫仙才御筆拿。莫不是定西番把洛陽侯金印挂。莫不是虎頭牌先寫着秦關驛駐皇華。莫不是鳳尾旗緊跟上他渭河橋。敲駿馬。得他個俊參軍功級多。少不得把咱小縣君封號加。可知是喜早些兒傳下也。這些時挑燈衙弄花。

〔前腔〕〔鮑〕則道他顯威風拄倒了崑崙北海涯。則道他凱歌聲喧動了長安西日下。則道他覓封侯時運底有甚巧爭差。受皇宣道途中有些閒踏答。怎知他做官兒不着家。比似你做縣君喬坐衙。其間就裏有話難提也。則怕你猜得

來愁悶煞。〔旦〕你怎生又道是喜也。

〔前腔〕莫不是玉門關拘的俊班超青鬢華。莫不是望鄉臺站的個老蘇卿紅淚灑。莫不是他戰酣了落日摧寒甲。莫不是客犯了災星墜漢槎。十郎夫。若是你走陰山命不佳。俺擦壞了長城哭殉他。不然你死丟下了玉鏡臺也。恁孤鸞偏照咱。

〔前腔〕〔鮑〕你怕他胭脂山血淚花。你怕他拂雲堆魂墜馬。他原來斷腸流別賺了個香羅帕。磨旗峯轉添上些紅臂紗。他則待要豔湖陽窺宋家。你拚了個錦迴文學竇娥。待不信呵有個人兒傳示也。慢消詳尋問咱。〔哨兒上〕好作事因尋

浪子。怕將消息惱山兒。夫人叩頭。〔旦〕是去歲寄屏風的王哨兒。〔哨〕夫人眼裏出水。〔鮑〕胡說。

〔哨〕是是是秋波。秋波。〔旦〕太尉爺幾個女兒。招了參軍爺做女婿。〔哨〕只是這個小姐。十分才貌。參軍爺相隨太尉爺移鎮孟門。郎才女貌。四眼相顧。因此上商量這門親事。〔旦〕就了麼。〔哨〕敢待就也。〔旦泣〕李郎薄倖呵。

〔泣顏回〕提起淚無涯。憶相逢淡月梅花。天應錯與風萍露柳榮華。等閒招嫁。劣身奇賺上了他虛脾話。便今朝死待何如。分薄書生奚落奴家。〔老旦上〕無事護窗紗。嬌看萼綠華。沈香熏小像。楊柳伴啼鴉。原來鮑四娘在此。這個軍兒何處來。爲甚小姐悲啼不止。〔鮑〕這是前度寄屏的王哨兒。報說李郎議親盧府。因此傷心。〔老〕那個盧府。李郎好不小覷了人家哩。

〔前腔〕如花俺幾年培養出牡丹芽。春風一度有甚年華。幾曾消乏。您般時節滿堂如畫。做門楣不成低亞。待余生分付青鸞。你玉鏡臺又過送了誰家。〔哨〕天晚告行。〔旦〕浣紗。張上燈來。俺寄一詩去也。〔浣持燈上旦寫介〕

〔榴花泣〕驚魂蘸影飛。恨遶螻蟻。咱也曾記舊約點新霜。被冷餘燈臥。除夢和他。知他們和夢呵。也有時不作。這答兒心情你不着些兒個。是新人容貌爭多。舊時人嫁你因何。〔老〕詩可寫就了。〔作看詩介〕藍葉鬱重重。藍花石榴色。少婦歸少年。光華自相得。愛如寒爐火。棄若秋風扇。山岳起面前。相看不相見。春至草亦生。誰能無別情。殷勤展心素。見

新莫忘故。遙望孟門山。殷勤報君子。既爲隨陽雁。勿學西流水。

〔么篇〕你可非烟染筆是那畫眉螺。蘸的秋痕淚點層波。佩香囊翦燭親封過。

〔鮑〕你端詳待他。望夫臺詩句也則斟量和。〔老〕便分明說與如何。雨雲場

幾大風波。

〔漁家犯〕〔旦〕俺爲甚懶腰肢似楊柳線欹斜。暈眉窩似紅蕉心窄狹。有家法拘當得才子天涯。沒朝綱對付的宰相人家。比似你插金花招小姐。做官人自古有偏房正榻。也索是從大小那些商度。做姊妹大家懽恰。

〔么篇〕〔老〕你則待錦迴文烟冷了窗紗。淚封書烘破了銀蠟。是他弄簫臺把雲影重遮。〔指鮑介〕你個定昏店把月痕偷掐。〔鮑〕只怪得定雙飛釵燕插。便和那引同夢的花燈恰。知他厭了家雞挑鳳。背了鴛鴦打鴨。

〔撲燈蛾〕〔旦〕書生直恁邪。見色心兒那。把他看不上。早則吞他不下。也是風流儒雅。沒禁持做出些些。也則索輕輕憐輕罵。說他知咱小膽兒見了士女爭夫。

怕。

〔前腔〕〔老〕天教有日逢。不道無言罷。〔鮑〕他當初相見咱直恁眉梢眼抹也。等閒回話。費了幾餅香茶。又不是路牆花朵。則問他怎生奚落好人家的女嬌娃。〔哨叩頭作去介旦〕哨兒。

〔意不盡〕你說與他把烏絲闌詩句冷吟哦。從今後悶增多。長則是鬼胡由摸不上心頭可。

雖言千騎上頭居。

一世生離恨有餘。

葉下綺窗銀燭冷。

含啼自草錦中書。

第四十齣 開箋泣玉

〔生上〕幾樹好花間白晝。滿庭芳草易黃昏。心隨岳色留秦地。夢逐河聲出禹門。自家一從玉關移鎮。參軍孟門。聽的盧太尉有招親之意。俺這裏只作不知。呀。怎忘的我小玉妻也。

〔刮鼓令〕閒想意中人。好腰身似蘭蕙薰。長則是香衾睡懶。斜粉面玉纖紅襯。

和嬌鶯枕上聞。乍起向鏡臺新。似無言桃李。相看片雲。春有韻。月無痕。難畫取容態盡天真。

〔前腔〕無事愛嬌嗔。沒伊邊少個人。當初擬畫屏深寵。又誰知生暗塵。他獨自個易黃昏。將咱身心想伊情分。則他遠山樓上費精神。舊模樣直恁翠眉顰。

〔王哨上〕愁眠客舍衣香滿。走渡河橋馬汗新。俺王哨兒奉太尉命。去傳播招親之事。與李參軍前妻。到替他梢一首詩來。此是參軍別館。不免進見。〔生〕是王哨兒從何而來。〔哨〕俺前日爲帶夫人平安信。太尉惱了。近遣俺京中慶賀。問到霍府中看看。悄的帶有夫人家信也。〔叩頭送詩上介〕生原來是小玉姐詩也。〔作念詩介〕藍葉鬱重重。藍花石榴色。少婦歸少年。光華自相得。愛如寒爐火。棄若秋風扇。山岳起面前。相看不相見。春至草亦生。誰能無別情。殷勤展心素。見親莫忘故。遙望孟門山。殷勤報君子。旣爲隨陽雁。勿學西流水。

〔三換頭〕鶯猜燕忖。疊就綵鸞清韻。稱吳牋膩粉。啼紅嬌暮雲。雁來成陣。這其間訴不盡。有片影橫秋雙未穩。一種心頭悶。書中說幾分。〔合〕且報平安。怎只

把閒愁來殢人。哨兒你敢在夫人前講甚話來。〔哨〕沒有。〔生〕詩意蹻蹻。〔哨〕是是是。那日遞家報與參軍爺。太尉要拷打小的。說俺府裏待招贅參軍。你敢再傳他家信。小的見夫人。依實說了。〔生〕好不胡說也。

〔前腔〕太尉呵。他杯中笑言。花邊閒論。尋常風影。你怎生偏認真。無端要人生分。夫人呵。這其間也索問個詳因。難憑口信。一摺詩兒也。九迴腸怕損。〔合前〕

河陽不似舊關西。

夜夜城南夢故妻。

坐想寒燈挑錦字。

紅綿粉絮裊妝啼。

第四十一齣 延媒勸贅

〔字字雙〕〔堂候官上〕陞官圖上沒行頭。堂候鬚鬚上挂鼻膿頭。怪臭。老爺說話耳根頭。最厚。精銅響鈔尋事頭。儘勾。自家太尉府中堂候官便是。官雖無一品二品。錢到有九分十分。俺太尉爺在京管七十二衛。在外管六十四營。每日各衛府營討些分例。私衙買辦刻些等頭。說事過錢。偷功摸賞。從早到夜。爛鐵精銅。約有一紗帽回去。〔內〕可不發迹了你。〔堂〕你不知

紗帽破了。漏去了些。遠遠聽得傳呼。太尉爺升帳。〔盧上〕

〔一疋布〕倚君王。爲將相。勢壓朝綱。三台印信都權掌。誰敢居吾上。身居太尉勢傾朝。有女盧家字莫愁。選得鳳凰飛不偶。可堪鴛鴦意難投。盧太尉從孟門召取還都。仍管太尉府事。又賜俺勢刀銅鍔一副。凡都城內外着俺巡緝。有不如意的。都許先斬後奏。單生一女。未逢佳婿。我一心看上了李參軍。可恨此人性資奇怪。一味撇清。在孟門關外年餘。都未通說。昨日還朝。恐他回去。安置他招賢館內。分付把門官校。不許通其出入。要他慣見俺家威勢。自然從允。雖然如此。還須請他朋友韋夏卿勸他。可知來也。

〔寶鼎兒〕〔韋上〕太尉勢傾朝堂。何事書生相訪。〔見介韋〕寒儒久別威嚴。復覩台顏。拜揖。〔盧〕秀才暫須免禮。近前有事端詳。〔韋〕老太尉有何分付。〔盧〕

〔瑣窗兒〕李參軍蓋世文章。俺家中有淑女正紅妝。夏卿呵。你和他好友。借重你商量。要他坦腹不須強項。夏卿知俺家威勢否。俺撈龍打鳳由他撞。怎脫得這羅網。〔韋背介〕原來太尉要招贅李君虞。怕不孤了那小玉姐一段心事。俺且告稟他知。

〔前腔〕論攀高貴壻非常。有一言須代稟試參詳。他有了頭妻小玉。盟誓無雙。怕做不得負心喬樣。〔盧笑噴介〕說甚麼小玉。便大玉要粉碎他不難。〔韋背介〕李郎。這太山只好作冰山傍。怕難做這冰相。〔堂候低云〕韋先生。俺太尉爺小姐招人。托先生贊相。誰敢不從。

〔前腔〕他領鴛班勢壓朝廊。招女壻要才郎。威籠翡翠。勢鎖鴛鴦。你把絲鞭領取美言加上。〔韋〕也不須領絲鞭作官媒。只用朋情勸他便好。〔回身合〕婚姻簿上看停當。但勸取由他想。

金屋藏嬌錦繡叢。

定須才子作乘龍。

饒他別插鴛鴦翅。

難出天羅地網中。

第四十一齣 婉拒強婚

〔小蓬萊〕〔生上〕憔悴尋常風月。甚拘留咫尺關山。花無人問。酒無人勸。醉也無人管。〔南鄉子〕一去幾驚秋。淚老西風只暗流。夢裏也知歸去好。遲留。咫尺秦簫不自由。準上望

京樓。望得伊家見始休。還怕那人知道了。悠悠自鎖重門一段愁。自家李十郎。從孟門關外還朝。卽擬還家。與小玉姐歡聚。不料太尉倚着威權。館俺別宅。不放閒遊。知他主甚意兒。早晚堂候官來。探知分曉也。

〔喜相逢〕〔韋同堂候上〕風流誰絆。知他相府池蓮。怕無端引起綠窗紅怨。〔見介生〕別館驚逢韋夏卿。〔韋〕參軍此日見交情。〔生〕歸心紫塞二千里。〔韋〕君虞。你薄倖青樓第一名。〔生〕夏卿。怎說俺青樓薄倖也。〔韋〕且住。有堂候在此。〔堂候見介生〕夏卿。說俺薄倖何事。〔韋〕君虞。今日全不想着賀新郎席上情詞。〔生〕怎生忘了。

〔雁魚錦〕俺想風前月下人倚闌。這些三時秋色芙蓉綻。恨造次春殘香夢遠。家在秦樓。人上雕鞍。〔韋〕有書報平安否。〔生〕俺寫雲屏好寄平安。他也回文淚錦斑。〔韋〕今日早已雁來也。〔生〕早難道俺獨館孤眠慣。雁兒呵。恰正恁時尋伴好愁煩。〔韋〕今日送個伴來。〔生驚問〕送誰。

〔前腔〕〔韋〕朱顏有分孤單。怎把雲雨騰那再勻香汗。〔生〕誰家有此。〔韋〕太尉

有一小姐。央小弟爲媒。你可把東牀再坦。做嬌賓貴婿。也無輕慢。〔生歎介〕罷了。這恩愛前慳後慳。這姻緣左難右難。我就裏好胡顏。〔韋低問〕你就此親受用也。〔生低語〕夏卿。李君虞何處不討得受用。豈須于此。只此人兄弟將相。文武皆拜其下風。既有此情。不可驟然觸忤。承顧眷。只說俺多愁緒成病。看看堂候官。看俺出塞。星霜鬢影殘。盧小姐呵。他正是畫梁曉日朝雲盼。肯向咱客舍秋風暮雨闌。

〔前腔〕〔堂〕丘山。他勢壓朝班。只爲憐才肯把仙郎盼。你怎推辭。只怕就裏一段風波。到爲雲雨摧殘。〔低語云〕參軍爺。豈不知太尉威福齊天。你且從權機變。暫時應諾。再取次支吾脫綻。〔韋〕堂候此言有理也。你不是倦遊司馬朝參懶。俺只怕丞相嗔來炙手難。

〔前腔〕〔生〕無端。宦興歸期晚。沒緣故掙着雙眼。自投羈絆。〔悲介〕誤嬋娟幾年。俺萬千相思。重門阻人離恨關。堂候。你爲我多多拜上老太尉呵。中情一點愁無限。全仗你這其間作方便。看天上人間。〔堂〕俺小人自能回話。參軍不可固辭。〔生〕怎忘得

他探燈醉玉釵頭煖。誓枕餘香袖口寒。

〔前腔〕〔堂〕愁煩。待把佳期緩。也須咱言語轉旋。〔韋〕此事堂候回報。不須小生再行。

〔對堂候低介〕天賜好姻緣。看仙郎有意。和俺對腹難言。〔生〕撥不斷的紅絲

怎纏。這紅鸞且求他寬限。〔堂辭介生〕堂候且住呵。逢好事望周全。夏卿兄。俺在此花

陰月色難驅遣。你去呵。柳影風聲莫浪傳。〔韋〕可知道。請了。〔生〕故人相見話匆匆。〔韋〕自

有新人富貴叢。〔堂〕有緣千里能相會。〔生〕無緣對面不相逢。〔下韋弔場〕嫦娥不見影沈沈。儘把

閒愁占伏吟。畫虎畫皮難畫骨。知人知面不知心。俺夏卿怎生道這幾句。當初李十郎花燈之下。看

上鄭家小玉姐。拾釵定盟。拈香發誓。擬待雙眠雙起。必須同死同生。一旦征驂。三年斷雁。現留西府。

還推無可奈何。聽說東牀。全不見有些決斷。言來語去。盡屬模糊。移高就低。總成繾綣。看來世間癡

心女子。反面男兒也。我且在此評跋他一番。

〔金井梧桐〕才子忒多才。才子多人愛。插上了短金釵。又繆上個同心帶。看他

呵。心兒裏則弄乖。口兒裏則道白。李生一句分明罷了。卻又囑付我柳影風聲莫浪傳。呀。

這段風聲也不索燕猜鶯怪。說與崔允明去。小玉姐呵。送紅顏這一段腌臢害。

半吞半吐話周章。定是青樓薄倖郎。

大鵬飛上梧桐樹。自有傍人說短長。

第四十三齣 緩婚收翠

〔望江南〕〔盧太尉上〕倚天家甲第擬雲臺。有女如花新粉黛。向朝班玉筍選多才。紅葉上秋階。劍佩秋風擁漢宮。芙蓉吹綻錦雕闌。生成女子爲蛇虺。配得才人似鳳鸞。俺盧太

尉富貴已足。只少個佳婿。已央韋夏卿同堂候官去。招轉李參軍爲婿。衙門多遠。還不見到來。〔堂候上〕聽罷紫鸞人縹緲。語傳青鳥事從容。稟老爺。小的與韋秀才同去招賢館說親。李參軍不敢推辭。只說從容再論。韋秀才着小的稟復。

〔剗鍬兒〕說他有恩山義海朝花在。盟山誓海曾把夜香排。〔盧笑介〕他知俺愛他

麼。〔堂〕感得相公愛。紅蓮命乖。〔合〕佳期要諧。合婚有待。到裏團圓。從頭插戴。

〔前腔〕〔盧〕少甚麼相門出相男文采。他敢道俺將門出將女麤材。〔堂〕他怎敢。

〔盧〕怎不低眉拜。辱沒他鏡臺。〔合前〕

〔前腔〕〔堂〕驚風鳥去辭林快。慢水魚終自上鉤來。好事須寬耐。嗔他秀才。〔合

前盧〕俺看中了他。少不得在俺門下。小姐將次上頭。五色玉釵齊備方好。

〔前腔〕那小姐呵。如花早晚要頭花蓋。上頭時幾對鳳頭釵。好玉多收買。憑他價裁。〔合前堂〕稟老爺。有個老玉工侯景先鋪。常有人將珠翠現成寄買。〔盧〕有精巧的着他進來。

美玉釵頭珠翠濃。

紅絲繫足好從容。

羈縻鸞鳳青絲網。

牢落鴛鴦碧玉籠。

第四十四齣 凍賣珠釵

〔薄倖〕〔旦上〕虛閣籠烟。小簾通月。倚香篝清絕。弄梅花寒玉。稱黃沙雁影。寄

來橫幅。愁凝睩。秦雲黯。待成飛絮。誰說與玉肌生粟。〔訴衷情〕捲簾呵手拂烟霜。病起

怯殘妝。一段梅花幽意。雲和雪。費商量。催短影。念餘香。病成傷。寒鴉色斂。凍雁聲悽。一寸柔腸。奴家

府中。一自李郎去後。家事飄零。望他回來。從新整理。誰知他議婚盧府。一去不還。我展轉尋思。懷疑

未信。知他還歸京邸。還在孟門。已曾博求師巫。遍詢卜筮。果有靈驗。何惜布施。一向賂遺親知。使求消息。尋求既切。費用屢空。前着浣紗將篋中服玩之物。向鮑四娘家寄賣。還未到來。天呵。苦自愁煩。有何音耗。〔尼持籤筒上〕

〔水底魚〕一點凡胎。到了九蓮臺。相思打乖救苦的那些。自家水月院中小尼姑。便是。久聞鄭小玉姐爲夫遠離。祈求施捨。不免奉此靈籤。哄他幾貫鈔使。又一道姑來也。〔道姑拿畫軸小龜上〕

〔前腔〕冠兒正歪。人道小仙才。這龜兒俊哉。前去打光來。〔尼惱介〕光頭儘你打。

〔道〕不是。吾乃王母觀道姑。聞得鄭小玉姐尋夫施捨。要去光他。一光。〔尼〕要龜兒畫軸何用。〔道〕畫上有悲歡離合故事。看龜兒所到。定其吉凶。〔尼〕這等同進去。〔旦見介〕姑姑何來。〔尼〕水月觀音院小尼便是。〔道〕小尼住持西王母觀。兩人聽得夫人爲官兒遠去。尋訪祈求。各請神香。來憑信願。〔旦〕既蒙神香下降。奴家敬求籤卦。少效虔誠。〔尼〕請先拜了觀世音。〔道惱介〕我西王母娘娘有丈夫。絕會保得夫妻相見。你觀世音一個赤脚老寡婦。有甚神通。〔尼惱介〕呸。你西王母有了東

王公又搭上個周穆王老頭兒。這等做神道不識羞。拜他怎的。〔旦〕一樣西方美人。還讓觀音居長。
〔拈香拜觀音介〕

〔江兒水〕十指纖纖拜。白蓮花根裏來。離恨天看不見人兒在。相思海摸不着。鍼兒怪。救苦的慈悲活在。〔尼請抽籤介〕好好得夫妻會和上籤。討緣簿來。〔旦寫介〕水月道場助三十萬貫。信女鄭小玉爲求見夫主拜施。〔合〕說甚凡財。早償了尊神願債。〔道〕也到俺王母娘娘顯靈顯聖了。

〔前腔〕〔旦拈香拜王母介〕青鳥銜書去。他何曾入駿來。怎得似東王公相守到頭花白。怕李夫人看不見蟠桃核。誤了俺少年顏色。〔道〕沒籤。看這畫軸上龜兒卦。

〔捉龜兒錯走譚介〕好好。龜兒走在破鏡重圓故事上。不久團圓。請寫施簿。〔旦寫介〕瑤池會香錢三十萬貫。信女鄭小玉拜題。〔合前尼〕俺們謝了。〔旦〕有勞了。但得兒夫意回。還有報心在後。正是題緣簿證烟花簿。頂禮香催盟誓香。〔尼道下日吊場〕好也。兩位娘娘都許我夫妻團圓。待浣紗賣錢來也。〔浣上〕白玉郎君連歲去。珍珠小娘何處來。郡主賣錢得七十餘萬在此。〔旦〕好了。就將六

十萬貫了其香願。留餘以度歲寒。春來李郎回也。金界暫酬香火祝。門楣還望藁砧歸。〔崔允明上〕
〔亭前柳〕半壁舊樓臺。風裏畫屏開。凍雲飛不去。長白黯青苔。俺傳消息。須
擔帶。把從頭訴與那人來。〔敲門相見介〕浣〔崔秀才〕這幾時可聽得十郎消息。〔崔〕正來傳與
郡主知道。

〔一封書〕曾經打聽來。他離孟門好一回。〔浣〕可徑到這裏來。〔崔〕他何曾經歸。到
盧家居外宅。〔浣驚介〕回在太尉府了。同在都城中。怎不同步。是誰見來。〔崔〕是韋夏卿見來。報
道青娥有意相留待。則怕烏鵲傳言也浪猜。〔浣〕當真了。〔合〕怪從來。心性乖。飽
病難醫。是這窮秀才。〔浣說與旦驚介〕王哨兒傳言。尤恐未的。聽崔君之談。他真個有了人家
也。〔崔〕夫人且休惱。盧太尉高拱侯門。十郎深居別宅。夏卿傳言。仍恐未的。爲感夫人看禮。故此報
知。〔旦〕更煩到盧府求一眞信。〔崔〕寒酸如何去得。〔旦〕適纔浣紗賣典。餘有青蚨三百。少佐君酒。
日後諸費。更容賣釵相補。〔崔〕惟憐十二金釵客。剩有三百青銅錢。〔下旦〕浣紗薄倖郎。到了太尉
府。容易打聽。只是少貲財。及人也。看妝臺。摘下玉燕釵。去賣百萬錢。盡用爲尋訪之費。〔浣〕這是

聘釵。如何頓賣。〔旦〕他既忘懷。俺何用此。

〔羅江怨〕提起玉花釵。羞臨鏡臺。內家好手費雕排。上頭時候送將來也。落在天街。那拾的人何在。今朝釵股開。何年燕尾回。鎮雙飛閃出這妝奩外。

〔前腔〕知他受分該。纖纖送來。舊人頭上價難裁。新人手裏價難擡也。落在誰邊。他笑向齊眉戴。將他去下財。將他去插釵。知他後來人不似俺前人賣。〔浣〕俺去也。〔旦哭介〕

〔香柳娘〕看釵頭玉燕。〔又〕嘴翅兒活在。銜珠點翠堪人愛。雙飛玉鏡臺。〔又〕當初爲此諧。一旦將他賣。〔合〕好擎奇此釵。〔又〕裏定紅絲。還把香奩試蓋。〔浣〕俺去也。〔旦〕俺再囑付你。燕釵呵。

〔前腔〕燕釵梁乍飛。〔又〕舊人看待你。休似古釵落井差池壞。倘那人到來。〔又〕百萬與差排。贖取你歸來戴。〔合前〕

〔尾聲〕少錢財使費恨多才。玉釵無分有分戴。荆釵俺只怕沒頭興的東西遇。

不着個人兒買。

從此賣花釵。

蛛絲冒鏡臺。

憑誰招薄倖。

還與拾釵來。

第四十五齣 玉工傷感

〔縷縷金〕〔浣紗捧盒盛釵上〕螺髻點畫眉纖。衣衫氣脂粉麝。醋茶鹽玉釵金盒。

子。絨絲襯帖。向誰家妝閣燕穿簾。做不出牙婆臉。搥薪斜皓腕。吹火弄朱唇。可憐羅襪步。更作賣釵人。且看前面來的。像是玉工侯景先老兒。咱且在勝業坊裏隱着。待他商量。俺女丫頭。怎去賣釵也。〔候上〕

〔番卜算〕切玉小刀銛。刻盡崑山琰。年來袖手粲霜髯。眼看繁華厭。眼復幾時暗。

耳從前月鬢。平章金落索。編檢玉玲瓏。〔浣〕老侯那裏來。〔候〕小娘子有幾分面善。到忘了。可是誰家。〔浣〕我且把一件東西來你認。〔出釵介侯〕這是紫玉釵一雙。俺曾那裏見來。〔細看介〕

〔太師引〕把水色規。雙鉤兒咭。玲瓏煞珠嵌翠黏。呀。是俺老侯做就的。曾記取玉

雞冠豔。倍工夫碾琢操箝。〔浣〕老侯。你那討這手段。〔侯〕是老手擅場非僭。你看穿花鳥分明堪驗。〔浣〕你做的釵。可記得爲誰。〔侯〕這到忘了。敢問小娘子誰家出來的。〔浣〕霍府出來的。〔侯〕是了。昔歲霍王小姐將欲上鬟。令我做此。酬我萬錢。可得忘懷。長留念。春寒玉纖。釵頭上那般喜愜紅暈翠眉尖。〔浣〕着了。俺小姐卽霍王女也。〔侯〕此玉釵價值萬鎰。怎生把出街來。〔浣〕要賣。〔侯〕帝種王孫。芳年豔質。何至賣此。〔浣〕家事破散。迥不同前了。〔侯〕小玉姐敢配人了。

〔前腔〕〔浣〕招的個秀才欣將風月占。〔侯〕好了。嫁得個秀才。〔浣〕誰知他形飄影潛。〔侯〕呀。丟他去了。〔浣〕孤另的青樓冷冷。〔侯〕門戶大。〔浣〕折倒盡朱戶炎炎。〔侯〕守麼。〔浣〕他心字香誓盟無玷。〔侯〕還奢華麼。〔浣〕怎奢華十分寒儉。〔侯〕還待怎生。〔浣〕還在賣珠典衣。賂遺于人。使求音信。貲妝欠珠釵賣添。〔侯〕小姐訪得到那人時罷了。若訪不得時。可知道紅顏薄命都則是病懨懨。〔作泣介〕貴人男女。失機落節。一至于此。我殘年向盡。見此盛衰。不勝感傷也。

〔鐻兒〕你王家貴嚴。生長在花濃酒醖。少甚朝雲畫棟暮雨珠簾。因何自掘斷烟花塹。把長籌短簽。小娘子。俺老侯看盡許多豪門。似小玉姐這般零落呵。〔合〕窮不贍。病怎兼。提起賣釵情事淚痕淹。想的他啼紅萬點。小娘子請行。小老兒去哩。〔浣歎〕少不得女兒家沿街撞戶。送此輕華之物也。

〔前腔〕把金釵盒掩。捧起意慵心歎。怎走的街塵鬧雜。有甚觀瞻。怯生生抱玉向重門險。高低遠嫌。〔住介〕老侯。賠你個小心也。〔拜介〕非笑詔。有事沾。提起賣釵情事淚痕淹。好看承俺雙尖半點。〔侯〕老人家看你鞋尖兒中甚用。〔浣〕脚小。走不得也那。

〔前腔〕〔侯〕看你眉低意甜。會打價彈牙笑拈。〔浣〕非拈。說小玉姐賣釵。也辱沒了王家體面。〔侯〕動說到王家體面。教俺好會沈潛。〔背介〕到好一個丫頭。小妮子非拋閃。知羞識廉也罷。領了去把妝盒檢。繡線擗。提起賣釵情事淚痕淹。略效軀勞半點。〔浣〕老侯。休貶了價也。

〔前腔〕你看珠釵點染。燕雙雙棲香鏡奩。好飛入阿嬌金屋。頭上窺覘。老侯。便

要交錢過手也。怕煞干風欠。要青蚨白拈。老侯着緊些。離寶店。向畫簷。提起賣釵情事。淚痕淹。望斷他愁眉一點。俺去也。賣價回來相謝。〔侯〕且住。說與俺那薄倖是誰。俺一面賣釵。一面尋訪。可不兩便。〔浣〕你這老兒。俺教你出個招子。帖在長安街上。某年某月某日。有霍王府小玉姐。走出漢子一名。李益派行十郎。隴西人也。官拜參軍。年可二十多歲。頭戴烏紗冠帽。身穿紫羅袍。腰繫鞞金寶帶。脚踏倒提雲一線粉朝靴。身中材。面團白微鬚。有人收得者。謝銀一錢。報信者銀二錢。〔侯〕忒輕薄了。〔浣〕俺浣紗昔年跟人走失了一次。也是這般招帖。酬謝也只是一錢二錢。〔侯〕骨頭輕重不同。〔浣〕儘這釵兒贖了他罷。憑在玉人雕說去。但求金子倒迴來。〔下侯弔場〕獻玉要逢知玉主。賣金須遇買金人。小玉姐托身非人。家門零落。不惜分釵之費。求全合璧之歡。只是一件。紫玉釵工費價須百萬。急節難遇其人。尋思起來。誰家最好。有了。數日前盧太尉堂候哥來說。盧小姐成婚。要對紫玉釵。舉頭一望。朱門畫棨。便是他府。堂候哥有麼。〔堂候上〕不畏金吾杖。誰敲銅獸環。原來是老侯。紫玉釵有麼。〔侯〕恰好一對。小姐早則喜也。〔堂〕誰家之物。〔侯〕不好說。〔堂〕來處不明。別衙去。〔侯〕實不相瞞。霍王府中之物。〔堂〕是他家小姐出賣。〔侯〕怪事怪事。你

怎得知。〔堂〕老侯。你一向夢裏。他先招了俺府裏參軍李爺。新近李爺招在俺府。正是俺家太尉小姐新婚。要紫玉釵用。你今日來得正好得價也。〔侯〕敢別是一人。〔堂〕是隴西人。叫做李十郎。〔侯〕是了是了。他家到處找尋。怎知在這裏做女婿。央你引我見那喬才一面。〔堂〕府門深遠。怎生見的。他也發誓不歸了。〔侯〕聽得他和前妻也發了誓。〔堂〕你休要閒管。在此待俺取錢還他。〔侯〕一對釵兒百萬錢。〔堂〕牙錢要分取十三千。〔侯歎介〕這般一個薄情人。也唱個曲兒罵他。

〔清江引〕籠花撇柳不透風兒颭。知他火死要絕了燄。逐廟裏討靈籤。卦上早陰人占。李十郎。李十郎。怕你一處無情處處情兒欠。〔堂捧錢上〕這百萬釵價。這十萬牙錢。快去。太尉爺升帳了。〔侯〕這也罷了。俺且閒問。李參軍怎生發付那前妻。〔堂〕有甚發付。教他生寡不成。

秦樓咫尺似天涯。

雙雙釵燕落誰家。

寄語紅顏多薄命。

莫怨東風當自嗟。

第四十六齣 哭收釵燕

〔風馬兒〕〔盧上〕兵符勢劍玉排衙。春色照袍花。千官日擁旗門下。當朝第一人家。欲作江河惟畫地。能迴日月試排天。人生得意雖如此。卻笑書生強項前。我盧太尉嫁女。豈無他士。只爲李參軍作挺。偏要降伏其心。早晚收買玉釵。與我女兒上頭之用。還未整齊。堂候官好沒用也。〔堂候上〕屏畫彩鸞金帖尾。鏡描紅燕玉搔頭。稟老爺買得侯景先紫玉釵一對在此。〔盧〕好精工也。景先從何得此。〔堂〕說來可憐。便是參軍爺先位夫人霍王府中之物。家貧零落。賣此爲生。〔盧作沈吟介〕俺正思一計。牢籠李君虞。此事諧矣。問堂候官。霍家有甚女流往來。〔堂〕聽得王哨兒說。有個鮑四娘往來。〔盧〕你可去請參軍到此敘事。中間教你妻子扮作鮑四娘之姊鮑三娘來獻此釵。說他前妻有了別人。將此棄賣。待李郎見惱。自然棄舊從新。你就請李參軍去。正是暗施刻燕釵頭計。明要乘龍錦腹猜。〔堂候下生上〕

〔霜天曉角〕春明翠瓦。戶戟門如畫。徘徊青蓋拂烏紗。寶鐙雕牀下馬。〔堂候通報見介盧〕客館提春興。〔生〕軍麾拜下風。〔盧〕江山養豪傑。〔生〕禮數困英雄。〔盧笑介〕好一個禮數困英雄。且請坐談。下官有一小女及笄。昨請韋先生爲媒。願配君子。說有前夫人在此。乃不忘

舊也。不知當初何以招贅王門。〔生〕容訴來。

〔東甌令〕人兒那。花燈妮。淡月梅橫釵玉挂。拾釵相見迴廊下。一面許招嫁。恩深發得誓盟大。的的去時話。〔盧〕容易成婚。不爲美重也。

〔前腔〕相逢乍。忒沾惹。燈影裏挑心非正大。墜釵兒納采真低亞。就裏有此三怕。易相交必定意情雜。容易撇人下。〔丑鮑三娘持釵盒上〕注嘴凸來紅一寸。粉腮回去白三

分。假作鮑四娘姊妹都相像。則怕端不的紅靴脚太尊。〔見介〕太尉爺。老婦人叩頭。〔盧〕你是誰家。

〔丑〕鮑家。〔盧〕因何而來。〔丑〕聞公相家小姐要紫玉釵。有見成的獻上。〔盧〕正好。取釵來看。〔堂候取釵上介盧同生細看介盧〕好精細。小燕穿花。誰家的。把紅絲繫了。好一個細金絲盒兒。〔生

作驚背云〕這釵似曾見來。他說姓鮑。敢認得鮑四娘。就問霍家消息。〔回身問介〕賣釵的婆子姓

鮑。敢有姊妹麼。〔丑〕有七姊妹。老婆子第三。〔生〕可有鮑四娘。〔丑〕是俺妹子。他談諧會作媒。老婆子性直。做些小交易。〔生〕這釵何來。〔丑〕是婆子的。〔生〕看你衣妝。不似有此釵。〔丑〕實不相瞞。是

妹子鮑四娘央我賣的。〔生〕何從得此。〔丑〕賞元宵拾來的。〔生〕

〔獅子序〕來何處。是誰家。猛然間提起賞元宵歲華。嘆墜釵人遠。還記些些。甚來由向靈心兒撇打。多則是雲髻懶。月梳斜。鏡臺邊那年留下。〔丑〕李老爺好俊俏眼哩。〔生驚介〕終不然霍府來的。〔看釵介〕覷了他兩行飛燕。一樣銜花。〔悲介〕此釵緣何到此。

〔太平歌〕別他三載。長是泣年華。眼見得去後人亡將物化。〔丑〕活在。〔生〕終不然舊家門戶恁消乏。沿門送上金釵價。〔丑〕那裏討舊家門戶哩。〔生〕終不然到嫁了人。那裏有彩鳳去隨鴉。老鸛戲彈牙。〔丑〕李老爺這般傷感。敢認的他家。老婆子若說起。一發可憐。這府裏有個郡主。招了個丈夫。一去不來。有個甚麼章秀才。報說他丈夫誰家招贅了。不信。訪得明白。整呪了一個月日。又是我妹子爲媒。招了個後生相伴。因此賣了這釵。〔生哭介〕我的妻呵。〔丑驚介〕原來就是參軍爺夫人。老婆子萬死萬死。〔生悶倒扶起介〕妻呵。是俺負了你也。

〔賞宮花〕是真是假。似釵頭玉筍芽。便做道釵無價。做不得玉無瑕。〔丑〕參軍爺。夫人忘了你去哩。〔生〕妻呵。你去卽無妨誰伴咱。他縱然忘俺依舊俺憐他。〔丑〕好

個參軍爺念舊。〔生再提釵看介〕

〔絳黃龍〕冤家真個無差。好些三時肉跳心驚。這場兜答。妻呵。常言道配了千個。不如

先個。你聽後夫說。賣了釵。有日想李十郎來。要你悔也。妻。那人怎麼。記當年曾愛西家。

〔盧〕參軍。婦人水性。大丈夫何愁無女子乎。昨遣韋夏卿相勸。今霍家既去。此天緣也。〔生〕休嗒。

俺見鞍思馬。難道他是野草閒花。小玉姐。痛殺我也。氣咽喉。恨不得把玉釵吞

下。〔盧〕不消如此。噎死了人身難得。參軍不如且收此釵。百萬價府中自還。〔生謝尉收釵介〕

〔大聖樂〕懷袖裏細捧輕拿。似當初梅月下。還記他齊眉舉案斜飛插。枕雲橫

惜着香肩壓。〔盧〕便倩鮑二娘爲媒。將此玉釵行聘小女如何。〔生〕早難道釵分意絕由他

罷。少不得鈿合心堅。要再見他。〔盧〕待咱敲斷了這釵。〔生〕伊閒刮。您玉釵敲斷鎮

淚珠盈把。〔盧〕堂候。送參軍館中去。〔堂候送生介〕

〔哭相思〕〔生〕蚤則枉了咱五百年遇釵人也。〔下盧弔場〕叫堂候的妻子上來。分付你

不許漏洩。事成。賞你丈夫一個中軍官。〔丑叩頭謝介〕

秋風紅葉不成媒。

分付春庭燕子知。

好去將心託明月。

管勾明月上花枝。

第四十七齣 怨撒金錢

〔行香子〕〔旦作病上〕去也春光。月地花天。相思影瘦的。不成模樣。爲伊蹤跡。費盡思量。〔浣〕歸來好。空迷戀。有何長。〔集句〕〔旦〕蕙帳金爐冷。篆烟寶釵分股。合無緣。菱花塵滿。慵將照。多病多愁。損少年。浣紗紫玉釵頭。是咱心愛。幾時賣去呵。好悶也。

〔玉山鶯〕玉釵拋樣。上頭時。縈紅膩香。爲冤家物在人亡。這幾日。意迷神恍。每早起呵。窺妝索向。還疑在枕邊牀上。又似在妝奩響。猛思量。原來賣了。空自搵啼妝。

〔前腔〕如今可賣了也。賣釵停當。喜孜孜。誰家豔陽。那插釵人。溫存的。依前還價。遇着那一等呵。笑窮婦人。無分承當。擡高價。作他喬樣。俺霍小玉。一眼看上李十郎。今日賣了釵也。路傍諠講。道當初墜釵情況。自把前程颺。爲誰行。斷簪殘髻。留伴鏡中。

霜。〔侯景先上〕杜鵑花暖碧桃稀。兩處紅妝一處悲。個裏囊中忒羞澀。他邊頭上有光輝。自家侯景先便是。替霍家郡主賣釵。得百萬錢。在店中半年多月。沒人取去。老子親送來。內有人麼。〔浣〕老侯到了。待咱通報。〔見介旦〕賣釵得價了。

〔桂花鎖南枝〕〔侯〕咱登時發付珠釵兩股。舊時價不減些兒。任姹女把金錢細數。〔浣數錢介〕是百萬了。牙錢那家有。〔旦〕問他賣在那家。〔侯〕是當朝太尉姓盧。玉傳停上頭須此。〔旦驚介〕浣紗。問他到盧府裏。可打聽來。〔侯〕且喜且喜。有個李參軍。你這裏尋故夫。他那邊衝新婿。〔旦〕當真了。〔侯〕府門外久躊躇。是他堂候官親說與。〔旦

泣介〕天下寧有是事乎。霍小玉釵頭。到去盧家插戴也。〔悶倒介侯〕玉翦江魚尋老手。釵分海燕泣春心。〔下〕

〔小桃紅〕〔旦〕俺提起曉妝樓上玉纖閒。他斜倚妝奩盼也。則道鏡臺中長則。是兩相看。閒吟嘆。把玉釵彈人去後。香肩韞。畫眉殘。將他來斜撥爐香篆也。又誰知誓冷盟寒。空擲斷釵頭玉。雙飛燕不上俺雲鬢。〔浣〕這錢愛殺俺也。〔旦〕要錢何

用。

〔下山虎〕一條紅線。幾個開元。濟不得俺閒貧賤。綴不得俺永團圓。他死圖個子母連環。生買斷俺夫妻分緣。你沒耳的錢神聽俺言。正道錢無眼。我爲他疊盡同心把淚滴穿。覷不上青苔面。〔撒錢介〕俺把他亂灑東風。一似榆莢錢。〔浣〕怎生撒去。可是撒漫使錢哩。

〔醉歸遲〕〔旦〕那其間成宅眷。俺不是見錢兒熱賣圖長便。誰承望這一對金釵胡串。青樓信遠。知他向紅妝啼箋。他雖然能掇綻。慣賠錢。你敢也承受俺貫熟的文鴛。又蘸上那現成釵燕。想着那初相見。長安少年。把俺似玉天仙花邊笑嫣。滿着他含笑拾花鈿。終不然那一霎兒燈前幾年。到如今那買釵人插妝鬢儼然。俺賣釵人照容顏慘然。知他是別樣嬋娟。也則是前生分緣。〔崔上〕旅舍貧儒閒踏草。高樓思婦怕看花。這幾日不曾問霍府李郎消息。取幾貫錢使用。裏面甚事悲誼。徑入則個。〔見錢撒地作驚介〕浣紗姐。俺書生終日奔波覓錢。如何亂撒滿地。〔浣〕你不知。要找訪李郎。

貲費乏絕。將玉釵倒與玉工。正賣向盧太尉府中。果然百萬錢買去。盧小姐插戴。與李郎成親了。
〔崔〕真個了。李君虞。你可也有時遇着俺崔允明數落你一番。怕你不動頭也。〔旦〕果如所言。崔君
清客。浣紗將錢奉上。薄爲酒費。容奴拜懇也。〔拜介〕

〔憶多嬌〕借美言。續斷緣。斷續姻緣須問天。〔崔〕滿眼春愁花樹邊。要得團圓。
〔又〕還似巧相逢那年。

〔哭相思〕〔旦〕俺心中人近人心遠。說教他心放心邊。他錢堆裏過好日。俺釵
斷處惜華年。〔崔辭介旦〕加婉轉。促留連。看落花飛絮是俺命絲懸。若得他心香
轉作迴心院。抵多少買賦千金。這酒十千。真成薄命久尋思。夢見雖多覺後疑。買斷人間
不平事。金錢還自有圓時。〔下崔弔場〕好花期客客不至。病鳥依人人自憐。看來小玉姐爲尋訪李
郎。破散家貲百萬。俺三年間受之惶愧。要徑造李郎。他又被盧府拘制。早朝晚歸。不放參謁。怎生是
好。〔想介〕有了。崇敬寺今春牡丹盛開。約韋夏卿酒館商量。去請李郎玩賞。酒中交勸。或肯乘興而
歸。正是欲見夫妻一片心。須聽朋友三分話。〔下〕

第四十八齣 醉俠閒評

〔老旦酒保上〕遊人醉殺牡丹時。立誓無賒挂酒旗。一斗十千教滿腹。十分一盞卽開眉。自家乃崇敬寺前大街頭一個有名酒館小二哥便是。恭喜今年牡丹盛開。約有半月日。看花君子往來遊賞。須索在此守候。凡有喫寡酒的。喫案酒的。賒酒去的。包酒來的。咱都不誤主顧。正是有物任教攜酒去。無人不道看花來。遠遠一個活神道來也。〔豪士輕紗巾黃衫挾弩彈騎馬跟從數人打獵上〕

〔鎖南枝〕風光粲雲影搖。矯帽輕衫碧玉縵。花襯着馬蹄驕。俠骨天生傲。自家埋名豪客是也。春歸花落草齊。彈鳥一會呀。前面是個大酒店。胡雛叫酒保。可有淡黃清數十瓶。待俺打鳥回來飲唱也。〔保〕知道了。〔豪〕你把珍珠茜滴幾槽。待俺打圍歸醉花鳥去也。

〔下崔上〕

〔前腔〕春多少紅樹梢。長安看花愁思敲。一步步倚斜橋。詩打就殘紅稿。酒保哥有麼。〔保上崔〕你把冷燒刀不用的熬。水晶蔥鹽花兒搗。俺有朋友章夏卿來此講話。案酒排幾個來。〔保〕請裏面坐。〔崔自飲介韋上〕

〔前腔〕青旗上酒字兒飄步轉東風尋故交。原來崔允明先在此。〔見介〕崔笑介。如此春光十分。怎生不醉也。〔韋〕你窮暴的不鑿糟。忖沙恁還俏。〔崔〕酒保取酒來。聽提壺喚春色澆。免把俺老明經乾渴倒。〔韋〕允明兄。敢待商量李君虞一事。〔崔〕便是。聞得崇敬寺牡丹盛開。小弟要將小玉姐所贈金錢作酒。邀請李君虞吟賞。席上使幾句攢聒得他慌。不由不回頭也。〔韋〕你不知盧太尉當朝權勢。出入有兵校挾着。分付有說及霍府事者。以白梃推之。且盧家刺客布滿長安。好不精細哩。〔崔〕得人錢貫。與人消算。盡你我一點心也。

〔前腔〕把他孤鸞賺去鳳招。受了他殷勤難暗消。俺二人呵。似接樹老花妖。惜樹憐枝好。〔韋〕只怕他冷心會作喬。苦了俺熱肝腸替煩惱。〔崔〕此事就煩這酒家做酒三筵。明後日崇敬寺牡丹花下。就煩他去盧府下請書。催請李參軍赴宴。〔保〕門上難進。怕他生疑。〔韋〕俺有一計。只做無相禪師請他便了。〔保〕知道了。二位與俺再倒一壺。〔豪上〕

〔前腔〕流鶯巧翡翠嬌。彈珠兒打來雲漢高。金鐙寶鞭敲。旗亭外把銀瓶弔。呀。兩個秀才在此。忍耐不住。教他迴避便了。那魯兩生可也不伏嘲。困黃梁是這邯鄲。

道。〔作舉手介〕請了。〔韋崔作辭避介〕高樓後客催前客。深院新人換舊人。請了。崇敬寺相候也。〔下〕
豪笑目送二生云。何處擺出兩個大酸俵。〔從〕這兩個秀才好生眼熟。似三年前一個借鞍馬的
韋先兒。一個求俊僮的崔先兒。〔豪〕借人馬何用。〔從〕李十郎就親霍府。借去風光也。〔豪問保〕兩
個酸俵到此許久。〔保〕好一會了。〔豪覷殘骸笑介〕這盤中何所有。〔保〕是五香豆豉。〔豪〕那盤中。
〔保〕十樣錦豆腐。〔豪作笑介〕這狗才。幾縷兒豆腐皮。做出這十樣錦。去哄弄那窮酸。可憐人也。兩
個消了你幾大瓶酒。〔保〕每人倒了一瓶。〔豪看壺介〕呀。是夾鐵壺。人不上五六小盃。有甚商量。消
停許久。〔保〕爲那隴西李十郎贅了盧府小姐。棄了前妻。那前妻害的懨懨。病待不起。兩人商量。俺
家包了酒。到崇敬寺。請李十郎去賞牡丹。勸他回心轉意。又怕盧府威勢。不敢深說。說起那前妻。好
不恓惶人也。〔哭介豪〕原來有此不平之事。酒保且將酒過來。〔酒到介豪〕近間可有名姬喚來。
〔保〕對門有王大姐。隔壁有劉八兒。都好。〔豪〕這怎生使得。都是些菜瓜行院也。

〔前腔〕掀黃袖拂鬢毛。看花的紅塵飛大道。無過是李和桃。好共朱顏笑。紅一點酒千瓢。是雄豪喜長嘯。〔保〕動問怎生喚做雄豪。〔豪〕雄豪二字。不是與你們講的。〔保〕小

人不認得雄豪。認得個雌豪。〔豪〕怎喚雌豪。〔保〕這京兆府前。有個鮑四娘。揮金養客。韜玉擲身。如常富貴。不能得其歡心。越樣風流。纔足回其美盼。可不是雌豪也。〔豪〕久聞其名。可請相見。〔保〕兀的不是鮑四娘來也。〔鮑上〕

〔前腔〕欵紅袖。彈翠翹。聽子規窗前啼不了。覷了那病多嬌。淚向王孫草。〔保出接介〕鮑四娘。小堂有客相請。〔鮑作打覷介〕覷他丰神俊。結束標。料多情非惡少。〔保〕識貨識貨。〔豪作見介〕他便是鮑四娘。名不虛傳。

〔前腔〕他是閨中俠錦陣。豪聞名幾年還未老。他略約眼波瞧。咱驀地臨風笑。人如此興必高。〔回身介〕指銀瓶共傾倒。〔揖鮑介〕久聞鮑四娘女中俠氣。纔一見也。〔菩薩蠻〕赤闌橋盡香街直。牡丹風外垂楊碧。〔鮑〕疊損縷金衣。相逢憔悴時。〔豪〕黃衫騎白馬。日日青樓下。〔鮑〕金彈惜流鶯。留他歌一聲。〔豪笑介〕咱悶弓兒打不上老鶯也。爲咱歌來。

〔繡帶兒〕〔鮑進酒介〕金盃小。把偌大的閒愁向此消。多情長似無聊。暗香飛何處。青樓歌韻遠。一聲蘇小。含笑倚風無力還自嬌。好些時吹不去。綵雲停着。

〔白練序〕〔豪〕妖嬈恁還好。花到知名分外標。恨不得逐日買花簪帽。暗香消。年來覺。咱四海無家。有二毛。更着甚錦鞍呼妓。金屋藏嬌。

〔醉太平〕〔鮑〕休喬。有如許風韶。便敲殘玉鳳。換典金貂。風雲事業。忍負尊前談笑。閒眺。綠楊風老。雉媒嬌。古道獵痕青燒。一般兒草綠裙腰。花紅繡口。殘春恁好。

〔白練序〕〔豪〕虛囂。那年少。曾赴金釵會幾宵。如天杳。江南一夢迢遙。酒醒後思量着。折莫搖。斷了吟鞭碧玉梢。從誰道。兀的是渭水西風殘照。四娘踏草何來。

〔鮑〕看霍王府小玉姐病來。〔豪〕因何病害。〔鮑〕貪了才子李十郎。因而招嫁。十郎薄倖。就親盧太尉府中。再不回步。小玉姐病染傷春。敢待不起也。〔豪〕可也有了人麼。〔鮑〕謹守誓言。有死而已。

〔豪〕世間怎有這不平之事。家貲如何。

〔醉太平〕〔鮑〕多嬌。一種情苗。貪看才子。致令家計蕭條。把珠釵折賣。訪問薄情音耗。他病癆。鎮薰香帕裏鬢雲喬。枕伏定把淚花彈卻。〔豪〕病可好。〔鮑〕多應

不好。〔豪〕那人可回。〔鮑〕再休提薄倖。咱爲他煩惱。〔豪作惱介〕

〔絳黃龍〕心憔悴難聽他綠慘紅銷。爲他半倚雕闌。恨妬花風早。四娘。飲一大盃何

如。倩盈盈衫袖。〔又〕灑酒臨風。決住這英雄淚落。〔豪作醉鮑扶介豪〕還勞你把

玉山扶着。恁多情似伊個中絕少。胡雛。取紅綃十匹與四娘。作爲纏頭之費。暮雲飄。寸

心何處。一曲醉紅綃。

〔尾聲〕你淒淒切切愁色冷金蕉。只俺臂鷹老手拈不出鳳絃膠。〔舉手介〕四娘

一笑相逢咱兩人心上曉。〔鮑下豪弔場〕冷眼便爲無用物。熱心常爲不平人。花前側看千金

笑。醉後平消萬古嗔。俺看李十郎這負心人爲盧府所劫。使前妻小玉一寒至此。此乃人間第一不

平事也。俺不拔刀相救。枉爲一世英雄。叫蒼頭。你將金錢半萬。送與霍府。叫他明後日作大酒筵。他

問設酒因何。你只說到時自有分曉。〔雜〕稟主翁。畢竟爲何。〔豪〕不須閒問。明後日人馬整齊妝束。

跟俺崇敬寺賞牡丹花去。正是立拔寶刀成義士。坐敲金盞勸佳人。〔並下〕

第四十九齣

曉窗圓夢

〔一江風〕〔旦病浣扶上〕睡紅姿。夢去了多迴次。爲思夫愁病死。侍兒扶花裊風絲。把不住香魂似。〔內作鸚鵡叫介〕姐姐可憐。〔浣〕好個鸚哥兒。叫道姐姐可憐也。〔旦〕鸚鵡會心慈。〔又〕狂夫不轉思。悶悠悠記不起花前事。〔集句〕花恨紅腮柳恨眉。形同春後牡丹枝。綠窗孤寢難成寐。說與傍人未必知。浣紗。俺自聞李郎盧氏之事。懷憂抱恨。周歲有餘。羸臥空閨。遂成沈疾。如何是好。〔浣〕郡主。你日夜悲啼。都忘寢食。期一相見。竟無因由。冤憤益深。委頓牀枕。依浣紗愚見。想李郎素心。當初懇切盟言。未必拋殘至此。倘期後會。且自寬懷。

〔集賢賓〕〔旦〕道相看三十言在耳。做夫妻到此無詞。別後無書。知不美。沒來由折了身奇。陪了家計。博得那一聲將息。堪憔悴。不傷心也是舊時相識。〔作嘔介〕

〔前腔〕〔浣〕你愛寒酸嘔出些黃淡水。唾花中怕見紅絲。你瘦盡了腰肢。愁不起女兒家折盡便宜。更賠閒氣。偏會假尋尋覓覓。如何的。且恁消除。把翠紅排比。〔浣〕郡主。將管絃消遣一會也。〔旦〕與我拿過一邊去。

〔前腔〕無情無緒搗甚的。任朱絃網遍塵絲。妬女爭夫因甚起。偏兒家沒個男兒。不成夫婿。不死時。偌長的日子。傷心事。花燈下一時難悔。

〔前腔〕〔浣〕你可也自把千金軀愛惜。少年人生寡難爲。你蘸住紅顏圖後會。也須是進些茶食。穩些眠睡。好在翠圍香被。儻然是夢中來故人千里。〔旦〕也

說得是。待我睡些時。〔浣〕待我收拾茶飯來。〔下鮑上〕才郎薄倖愁回首。美女傷春病捧心。咱鮑四娘。貧忙數日。不知小玉姐病體如何呀。原來孤眠在此。浣紗何處也。〔旦驚醒介〕四娘來幾時也。

〔黃鶯兒〕正好夢來時。戶通籠一覺回。〔鮑〕可夢到好處。〔旦〕陽臺暮雨愁難做。

〔鮑〕李郎可來夢中。〔旦〕咱思量夢伊。他精神傍誰。四娘。咱夢來。見一人似劍俠非常。遇着黃衣。分明遞與一輛小鞋兒。〔鮑〕鞋者諧也。李郎必重諧連理。

〔前腔〕此夢不須疑。是黃神喜可知。一尖生色鞋兒記。費金貲訪遺。卜金錢禱祈。惹下這劍天仙託上金蓮配。賀郎回。同諧並履。行住似錦鴛齊。〔末豪奴持錢

上〕世上無名客。天下有心人。拔劍誰無義。揮金卻有仁。俺主翁乃是埋名豪客。分付將錢十萬。送

霍府廣張酒筵。知他主甚意兒。已到門首。內有人麼。〔浣上〕是誰。〔末〕俺家主翁要借尊府會客。送錢十萬。求做酒筵。〔旦〕差矣。這不是包酒人家。何得如此。〔末〕敢借花竹亭臺一座。〔旦〕鮑四娘。你說俺家近日不同了。昔日梁園多種竹。歲久無人森似束。舞榭傾欹樹少紅。歌臺黯淡苔攢綠。塵埋粉壁舊花鈿。鳥啄風箏碎珠玉。至今簾影反挂珊瑚鉤。指似傍人堪痛哭。咱家做不得也。〔末〕到頭自有分曉。知音那用推辭。〔下浣〕這斷是何主意也。

〔簇御林〕〔旦〕非親故。甚意兒。無名錢。天上至。〔浣〕似金錢。夜落花容易。恁青衣童子來傳示。〔合〕轉堪疑。舊家零落。何客賜光輝。

〔前腔〕〔鮑〕咱來圓夢。覺有奇。送金錢。甚所爲。〔旦〕怕又是買釵的妬女來調戲。可便似文君新寡。惹這閒車騎。〔合〕事難知。不速之客。或是好因依。〔鮑〕浣紗。且扶小姐裏面睡。咱去也。

〔尾聲〕〔旦〕四娘。你看咱病身軀送不的你。薄倖呵共長安。又不隔千山萬水。甚意兒教人不恨個死。

心病除非心藥醫。

繡鞋猶有夢來時。

何人詔此金錢會。

喜鵲烏鴉總未知。

第五十齣 玩釵疑歎

〔金瓏璫〕〔生上〕鶯語記丁寧。訴春心空回雁影。人去眼未分明。錢落手還僥倖。正覩物懷人對景。到此若爲情。〔鷓鴣天〕薄命情知怨負深。個中消息費沈吟。能存鏡裏

纖纖玉。那得釵頭豔豔金。思往昔。辨來今。上頭時候鏡初臨。分明認得還疑錯。袖向青衫淚滿衿。咱

李十郎。爲因盧家勢壓。霍府情疏。不知小玉姐存亡。忽見賣釵情事。使人氣傷咽倒。今日閒坐無聊。

秋鴻開箱。取那燕釵端詳。一回也。〔鴻持釵上〕衣箱正合金魚袋。鈿合斜分玉燕釵。稟老爺。釵在此。

〔江頭金桂〕〔生〕提起燕釵相並。向紫玉啼痕柱欲冰。更碧蔥纖指。紅絲纏定。

怕分飛要孤另。早知他要孤另。怎教前生相承相應。偏他兩條紅潤。一片清冷。

雙清妙手制作精。向晚妝時候。〔又〕朝雲初映畫眉輕。看他立定釵猶顫。妝成

鏡越清。〔鴻〕釵有甚好處。這般看承他。

〔前腔〕〔生〕這釵好助情添興。壓半朵棠梨風裊擊。係玉牌花勝。翠點絲縈。步玲瓏插端正。俺和他日暖吹笙。人間對鏡。和他看花笑笑。踏草停停。柔情一種畫不成。向晚妝時候。〔又〕暮雲低映鳳燈凝。笑摘下釵頭燕。待嬌回枕上鶯。〔鴻〕不想下得賣了這釵也。

〔前腔〕〔生〕難道紅顏薄命。你正好樓心看月明。爲問玉人何處。雲鬢偷並。好姻緣看忒輕。虧你別弄簫聲。再填河影。是誰做了領頭鳳史。接脚的牛星。你全然忘卻那會情。想他賣釵時候。〔又〕翠殘香賸恣胡行。雖然背後成千里。也在你跟前往一程。〔鴻〕爺看甚釵。就了盧府親罷。

〔前腔〕〔生〕難道俺多才薄倖。俺這裏無情還有情。料他兩層招嫁。一時乘興。冷思量閒記省。他所事精靈。自心盟證。怎肯因而奚落。遂爾飄零。想來莫是他魂夢境。記墜釵時候。〔又〕十分僥倖美前程。縱然他水性言難定。俺則怕風聞事欠明。〔鴻〕這事不的猶可。當真時節。連俺那浣紗也跟了人去也。

〔大趺鼓〕〔生〕他千金肯自輕。玉樓無恙。伴侶飛瓊。若不是誥命夫人正。怎惜得添香侍女清。〔合〕持取釵頭。再作證盟。秋鴻。想家門寒落難堪也。

〔前腔〕便桑田似海傾。要嫦娥斟酌。耐冷娉婷。妻。你敢疑我招了盧府也。你那知俺客舍閒風景。常則怕幽閨欠老成。〔合前老酒保送請書上〕來邀帥府風流客。去看空門富

貴花。小子是酒肆人家。明日爲崔韋二秀才置酒崇敬寺。請李參軍爺賞牡丹。來下請書。怕他門下有人隄防。只說老和尚請他便了。〔把門軍校上〕哇。誰人行走。〔保〕崇敬寺無相長老。請參軍爺隨喜片時。〔校〕敢邀那裏去。〔保〕老禪師有何處去。〔校通報介生取書看介〕知道了。禪師與我有舊。明日就來。〔校〕太尉爺分付。參軍爺所在行動。着軍校十數人白梃護從。〔生〕這也使得。

侯門春色苦相禁。

暫話塵緣一散心。

從此山頭似人石。

丈夫形狀淚痕深。

第五十一齣 花前遇俠

〔翠地錦襠〕〔外老僧上〕色到空門也著花。佛桑春老散香霞。買栽池館意無涯。

看到子孫能幾家。自家乃是崇敬寺中一個無相法師。便是坐禪出定。偶見牡丹盛開。必有冠蓋遊賞。不免叫弟子們出來支對。弟子何在。〔末丑弟子上〕

〔前腔〕僧家亦有芳春興。鼻觀偷香色塵映。試看清池與明鏡。何曾不受花枝影。師父問訊了。師父牡丹折一枝。膽瓶中供佛也好。〔外〕那枝色相兒好。〔丑〕大紅。桃紅。粉紅。紫紅。百十餘種。老師父要插時。第一是醉楊妃。肉西施。花頭兒好。〔外〕胡說。〔末〕白淨的是觀音面。佛頭青。可好。〔外〕使得。名花盛發。俗眼爭看。你兩人在此支持。咱去入定也。正是生香世界錦爛斑。天雨曼陀照玉槃。一朵官黃微拂掠。鞞紅髻紫不須看。〔下丑〕兄弟。冠蓋來賞牡丹。有費迎接。你看那崔韋二秀才張筵設席。請盧府李參軍去了。俺們不如鎖上禪堂。別處隨喜。正是酒駐賞心客。花催行脚僧。〔下韋崔上〕

〔西地錦引〕〔崔〕豔萼奇葩翠捧。剪裁費盡春工。〔韋〕徑尺平頭。幾重深影。一片雲紅。〔崔〕夏卿兄。這寺中酒筵已設。李郎早晚到來。好盛的牡丹也。

〔高陽臺引〕〔兵校數人持白棍擁生上〕芳月融晴。禁烟熏煖。金界瑞光巒嶸。靄靄

霏霏未怕宿醒寒中。綺門御陌啼鶯午。恰來舊約賓從。望花宮。翠霧連帷。彩霞
飛棟。〔見介〕韋崔笑介。君虞久別也。一春幾許閒空。恁錦城香國。蜂浮蝶冗。羅綺笙
歌。春光無奈嬌縱。〔生〕宮袍荏苒花間意。倩東風盡日傳送。〔韋崔合〕倚新妝沈
香亭畔。那年供奉。〔衆揖介〕崔燕歸巢後。卽離羣。〔韋〕吟倚東風怯晚春。〔生〕獨坐侯家正惆悵。
〔合〕牡丹時候一逢君。〔崔〕十郎自別秦川。數年不見。好忘舊也。〔韋〕今日請十郎花前玩賞。是話
休提。且看酒來。〔校〕韋相公怎生替了和尚作東。〔韋〕你不知。這和尚喚作見花羞。〔酒保上〕佛座
竟聞香世界。豪遊須結醉因緣。稟相公酒到了。〔韋崔送酒介〕

〔高陽臺〕〔韋〕翠蓋籠嬌。青貌裊韻。綴壓枝頭春重。繡轂晴雷。飛斷六街塵鞞。
懽闋倚妝深色。如有意。怕春去未禁攔縱。齊解逞千層一捻。殿住春紅勒迸。

〔前腔〕〔生〕誰種。鶴頂移鞞。檀心倒暈。旋瓣重瓢爭聳。渲紫生緋。袍帶壽安圍
擁。晴弄絳羅高捲。春正永。渾自倚玉樓香夢。須護取錦帳流蘇。映日飄搖螭
〔前腔〕〔崔〕珍重。駝褐霏烟。鵝黃漾日。都不似翠苞凝鳳。暮雨朝雲。紅香醉來

幾甕閒詠。司花疑與根別染。依約傍九霞仙洞。誰分許精神萬點。長則是花王出衆。

〔前腔〕〔生〕清供赤玉盤。欵錦絲毬簇。百寶雕闌低控。絕豔濃胭。轟轟彩雲飛。潏還用。嫣然宜笑。花片裏。指痕上。粉香彈動。趁靈心袖籠輕翦。翦下斷紅偷送。

〔前腔〕〔韋〕吟弄向孔雀圖中。流鶯隊裏。多麗恣妖迎寵。近紅藥天階。衣香夜染扶從。正恐謔花士女閒贈取。還應羨洛陽舊種。春老也。怎得名花傾國。一尊長共。

〔崔〕君虞。胭紅粉紫。誰不玩賞。只那幽廊絕壁之下。有白牡丹一株。素色清香。無人瞰採。好可憐也。

〔前腔〕心痛素色鸞嬌。青心鳳尾。別自玲瓏一種。悵瑤臺月下初歸。東風倚闌誰共。

〔韋〕相諷。他閒庭一枝橫似水。便雲想衣裳何用。

〔合〕李郎。他無限恨。斷魂欲語。兀自幽香遙送。

〔韋〕君虞。今日玩賞。就將牡丹聯成一絕如何。

〔生〕正好。

〔崔〕君虞請先。

〔生〕長安年少惜春殘。

〔崔〕爭認慈恩紫牡丹。

〔韋〕待小弟湊成。別有玉盤承露冷。無人起就月中

看〔生作嘆息介〕崔君虞爲甚沈吟。再向迴廊外散心也。〔行介〕豪士黃衫帶翦髮胡奴捧劍上豪笑介〕好不盛的牡丹也。羯鼓催敲一捻痕。豔高堪領百花尊。紅羅一尺春風髻。翠袖三生日暮魂。自家埋名豪客便是。聽得負心漢李參軍在此賞花。沒些時酒闌何處也。

〔新水令〕俺則爲這牡丹風吹起鬢邊絲。抵多少會賓堂酒牌金字。須不是宴慈恩塔上題。又不是和靈隱月中詞。兩三個細酸俵在茲。消受些喫。一看二拿三說四。猛想起來。咱要誅了這無義漢何難。只是惜樹怕拿斧。愛花須築避風臺。且跟那些聽說甚來。

〔南步步嬌〕〔崔〕提起可憐人是鄭家子。〔生低問〕近日如何。〔韋〕他鎮日裏啼紅漬。流光去幾時。子母孤貧。靠你成何事。〔生嘆介〕道他有個人了。〔崔〕他甘心爲你守相思。怎生棄置。他在空房死。〔校上〕崔先兒。你說甚麼相思死。你管閒事。一個黃衫人來也。〔折桂令〕〔豪〕暗端相典雅風姿。怪不的有了舊人湊上新知。漢相如似此情詞。怎尋覓卓文君瑕疵。早則是有情人教他悶死。惜花人心事憐慈。聽他勿頸

交切切。憇憇。惹的俺斷腸人急急孜孜。再聽他一會也。

〔江兒水〕〔生〕接葉心如刺。看花淚欲滋。〔韋〕風光甚麗。草木榮華。傷哉鄭君。銜冤空室。

恨嬌香他只爲多情死。〔生泣介〕二君定不知我。因盧太尉恩禮。宛轉支吾。那會就親盧府。誓

盟香那得無終始。傍權門取次看行止。〔崔〕君虞乘興一見鄭君何如。〔生嘆介〕怎敢造

次便去也。〔韋〕那人早晚待君永訣。足下終能棄置。實是忍人。〔韋崔合〕好爲思之。丈夫不

宜如此。〔校上〕韋先兒管閒事。黃衫人又來也。〔豪士上〕俺聽說了多時也。列公請了。公非李十郎

者乎。某族本山東。姻連外戚。雖乏文藻。心嘗樂賢。仰公聲華。常思覲止。今日幸會。得覩清揚。某之敝

居。去此不遠。亦有聲樂。足以娛情。妖姬八九人。駿馬十數匹。惟公所要。但願一過。〔韋崔〕有這繁華

所在。且往領盛意。美酒笙歌。放懷爲妙。〔豪〕在下有馬數匹。揀一匹駿氣的背上李郎。二君緩來。

〔崔韋〕請了。且逐金丸去。高嘶寶馬來。〔下豪〕胡奴快取兩匹追風駿馬來。〔胡奴二人做馬嘶上〕

〔雁兒落〕〔豪〕有幾匹駿雕鞍。是俺家雪花獅。有幾個俊蒼頭。是俺家花鳥使。

馬呵消得你一鞭兒。奴呵做得你三分事。馬呵三花乍翦絡青絲。奴呵雙眉如

畫粉紅姿。咱呵甚意兒把良馬思君子。將紅粉贈男兒家貲。咱那裏金谷園難似此。你辭也麼辭。看咱點鞭頭雲外指。〔校惱介〕又一個管閒事的人也。你不聽得俺盧

府威風。參軍爺待做俺府裏東牀。引他那裏去。看我手中白棍兒麼。

〔僥僥令〕摩娑起手底棍兒打這廝。棍兒上有盧字。〔豪笑介〕有字怎的。〔校〕明寫着。你肉眼迷廝。逞搗查強死。參軍呵。他坦腹乘龍衣金紫。好不受用也。你有銅斗兒家貲你自家使。

〔收江南〕〔豪〕呀。禁持的李學士沒參差。盧太尉甚娘兒比。似俺將你老東牀去了也那廝。和你家小姐對情詞。〔做拔劍介〕看劍兒雄雌。不甫你一個來一個兒死。〔校收棍做怕介〕和你耍哩。提刀怎的。難道殺人不償命。看你家金谷園去。管俺們一個醉。

〔豪〕叫胡奴挾李十郎上馬。〔並馬行介〕前路相似勝業坊。〔又行問介〕前面望見曲頭。〔又行介〕將次是霍王府哩。〔豪〕問他怎麼。〔生私云〕怎認得這所在也。

〔園林好〕似曾相識。這花驄和小廝。〔奴〕參軍爺好眼哩。〔生〕轉前坊舊家兒在茲。

承相招。可有別路到潭府。〔豪〕徑須從此。〔生〕迤邐驀然來至。過他們甚意兒。〔又〕〔豪〕這不妨。坊門多有似也。

〔沽美酒〕穩着你個鎖鞍鞵花外嘶。〔又〕夾着你黑崑崙海山使。這些時那一個不醉染紅香弄晚颺。是誰家美人獨自。是誰家門巷偏似。我呵心知肚知。萍水契相知幾時。烟花擔嗟咨怎辭。呀。比似你逞精神。長則在醉紅鄉逗人閒事。

〔生〕天晚。小生薄有事故。改日奉拜。〔作鞭馬欲回豪控生袖介〕敝居咫尺。忍相棄乎。

〔尾聲〕問你個賞花人有甚麼窮薄事。則待拘雙飛撇馬多回次。可也要會人情。把似你秀才家性兒使。〔下〕

第五十二齣 劍合釵圓

〔怨東風〕〔浣上〕去去春難問。翠屏人不穩。添香侍女費精神。悶悶悶。卜筮無憑。仙方少驗。求神未準。自家浣紗便是。奉侍郡主。懨懨一病經年。又逢春盡。多少遊春士女。日永風暄。只俺家守着病多嬌。長似淒風短日。料應不久。扶他出來消遣一回。〔浣請介旦扶病上〕

〔前腔〕鬼病懨懨損。落花風片緊。多應無分意中人。恨恨恨。夢淺難飛魂。搖欲墜。人扶越困。浣紗。俺病症多應不好也。扶我起來怎的。〔浣〕幾年春色凋零。今歲名花盛發。郡主。你消遣些兒。〔旦〕浣紗。你看孤禽側畔。千鶯曉。病樹前頭。萬木春。教咱怎生消遣也。

〔山坡羊〕冷清清。遭值這般星運。鬧氤氳。攪人的方寸。虛飄飄。耽捱了己身。軟哈哈。沒個他丰韻。浣紗呵。病的昏。問你個春幾分。睡也睡不穩。過眼花殘。斷頭香盡。傷神。病在心頭。一個人。消魂。人似風中一片雲。

〔前腔〕〔浣〕他瘦厓厓。香肌消盡。味蚩蚩。眼波層困。怯設設。聲息兒一絲。惡不。不嘔不出。心頭悶。他脫了神。當時畫的人。猛然間。想起今難認。一會兒。精靈。一會兒。昏暈。花神。多則是殘紅送了春。東君。你早辦名香爲反魂。〔旦作昏介。鮑上〕

〔玩仙燈〕淑女病留連。憔悴煞落花庭院。俺鮑四娘。數日未知小玉姐病體若何。呀。原來又睡在此。老夫人何在。〔老旦上〕若無少女憑花老。爲有嫦娥怕月沈。四娘。看俺孩兒病體若何。

〔旦醒介〕俺娘□□了也。四娘幾時到來。

〔山桃紅〕彩雲輕散。好夢難圓。是前生姻緣欠。又揀了今生命填。魂縹緲風裏殘霞。你把俺火燒埋向星前。暮烟多管香早寒。玉早塵除卻寸靈心還活現也。待他淚滴成灰。還和他夢裏言。〔合衆哭介〕忍淚灑落花片。惺惺可憐。等不的薄倖人兒和你做個長別筵。〔老〕還有甚話也。兒。〔旦〕娘叫俺道個甚來。特爲俺把多才拜上。

〔前腔〕教他看俺萱堂一面。半子前緣。叫浣紗。若秋鴻回來。你夫妻好生看覷奶奶。待拜

你呵。〔作跌介〕你當了嫡親眷。替俺看他老年。鮑四娘。早晚也來看覷奶奶。當初是你作媒。以後見那薄倖呵。教他好生兒看待新人。休爲俺把懽情慘然。倘然他念舊情過墓邊。把碗涼漿灑也。便死了呵。也做個蝴蝶單飛向紙錢。〔合前衆背介老〕李郎

不到。怎生區處。〔鮑〕覷他形骸死瘦。眉氣生黃。敢待變症也。〔浣〕則管昏上來哩。〔摩介老〕李郎好薄倖也。〔鮑〕小玉姐好薄命也。〔旦醒介〕咳。娘。你孩兒好些了。李十郎到來哩。〔老〕那討這話來也。

兒。〔旦〕咱待起來。娘替咱梳洗哩。〔老〕兒久病之人。心神惑亂。且自安息。〔旦〕娘不信呵。四娘扶咱。〔尾聲〕一邊梳洗不妨眠。聽呵那馬蹄聲則俺心坎兒上打盤旋。浣紗。敢踏着

門那人來不遠。〔並下豪與生並馬羞不肯行豪家奴數人擁扯生馬上〕

〔不是路〕〔豪〕路轉橋灣。勝業坊西迤逗間。花如霰。似武陵溪上舉桃丹。暮光
闌。你怎生乘興人空返。陡住你花驄去住難。〔生掩面介〕羞殺俺也。含羞眼。舊家門
戶誰曾盼。怕人偷喚。〔又〕

〔前腔〕〔豪〕玉碎香慳。爲你怒冲冠把劍彈。朱門限。幾年山上更安山。秀才不是
請你到俺家去。是請你到你家去。好傷殘。你騎着俺將軍戰馬平心看。抵多少野

草閒花滿日斑。〔生〕則怕盧太尉害了人也。〔豪〕怎生這般畏之如虎。〔生〕足下不知。小生當初

玉門關外參軍。受了劉節鎮之恩。題詩感遇。有不上望京樓之句。因此盧太尉常以此語相挾。說要
奏過當今。罪以怨望。所畏一也。又他分付。但回顧霍家。先將小玉姐了當。無益有損。所畏二也。白梃
手日夜跟隨。廝禁反傷朋友。所畏三也。因此沈吟去就。不然。小生豈是十分薄倖之人。今日相見。怎
生嘴臉也。〔豪〕結髮夫妻。賠個小心便了。盧太尉俺自有計處。不索驚心。無危難。把雕鞍勒

住胡奴喚。亂敲門瓣。〔又〕〔奴扣門介〕

〔前腔〕〔老浣同上〕燕子凋殘。王謝堂中去不還。誰清盼。聽重門閉了響銅環。

〔奴〕舊門闌。多應是昨夜燈花燦。好事臨門。你可也不等閒。〔老浣〕人喧亂。

多應客赴金錢宴。啓門偷看。〔又〕〔豪衆作擁生馬進門豪指生問老云〕認得此人否。〔老驚

哭介〕薄情郎。何處來也。〔豪〕且下了馬。請小玉姐來對付他。〔老〕小女沈綿日久。轉側須人。不能

自起。〔旦作在內介〕娘。你孩兒起的來也。〔鮑扶旦上〕

〔哭相思〕待飛殘一枕香魂。誰向窗前喚轉。〔見介豪〕鮑四娘在此。小玉姐可認得這秀

才。〔生見哭介〕我的妻。病得這等了。〔旦斜視掩面長嘆介豪〕真個可憐人也。

〔不是路〕看他病倚危闌。似欲墜風花幾陣寒。斜凝盼。眼皮兒也應不似舊時

單。小玉姐。俺將薄倖郎交付與你。病到這般呵。命多難。李郎。我聞東方朔先生云。惟酒可以消憂。咱

已送金錢辦酒。酒呵。能消鬱塊忘憂散。只一味。〔指生介〕當歸勾七還。俺去也。〔生〕

感足下高義。杯酒爲謝。何去之速也。〔豪〕某非爲酒而來。〔生〕願留姓名。書之不朽。〔豪笑介〕休

也。英雄眼。偶然蘸上你紅絲綻。爲誰羈絆。爲誰羈絆。〔豪舉手介〕請了。〔衆〕花邊

馬嚼金環去。報上人回玉筯看。〔下生〕豪士之言有理。將酒來爲小玉姐把一杯。〔送酒與旦旦作嘆介〕我爲女子。薄命如斯。君是丈夫。負心若此。韶顏穉齒。飲恨而終。慈母在堂。不能供養。綺羅絃管。從此永休。微痛黃泉。皆君所致。李君李君。今當永訣矣。〔作左手握生臂擲盃于地長歎數聲倒地悶絕介老做扶旦倒于生懷哭介〕憑十郎喚醒也。

〔二二郎神〕〔生〕年光去。辜負了如花似玉妻。嘆一線功名成甚的。生生的無情似翦。有命如絲。妻呵。別的來形模都不似你。〔作扶旦不起介〕怎擡的起這一座望夫山石。〔合〕尋思起。你恁般捨得死別生離。

〔前腔〕〔旦作醒介〕昏迷知他何處。醉裏夢裏。纔博的喂郎君一口氣。俺娘呵。怕香魂無着。甚東風把柳絮扶飛。〔生〕是我扶你。〔旦〕扶我則甚。那生不面死時偏背了你。活現的陰司訴你。〔合前旦〕唱別陽關時節。多少話來。都不提了。

〔轉林鶯〕〔生〕陽關去後難提起。畫屏無限相思。轉孟門太尉參軍事。動勞你翦燭裁詩。〔旦〕詩可到麼。〔生〕到來。那裏有斷雲重係。都則是風聞不實。〔旦〕是韋夏

卿爲媒。崔允明報信。還是風聞。〔合〕等虛脾。只看俺啼紅染遍羅衣。

〔前腔〕〔旦〕盧家少婦直恁美。教人守到何時。他得到了一日。是一日。我過了一歲無了一歲。要你兩頭迴避。不如死一頭伶俐。〔生〕死則同穴。〔旦〕誰信你。〔合前

旦〕賣釵你可知俺家貧了。看釵子不上。〔生〕說那裏話。

〔啄木鷗〕釵兒燕不住你頭上棲。那釵脚兒在俺心頭刺。〔旦〕新人插釵可好。〔生〕誰曾送玉鏡妝臺。從那裏照斜插雙飛。〔旦〕釵呵。可知新人惱了。賞那釵頭去了。〔生〕甚

麼話。那賣釵人還說的你好哩。

說伊家忘舊把釵兒棄。咱堅心不信俏地籠將去。

〔旦〕籠去怎麼。〔合生〕

翠巍巍許多珍重。記取上頭時。你病勢定了些。待咱尋個人兒。

〔作尋介旦〕尋個甚的。〔生〕鮑三娘賣釵。說你又有了了一個後生。〔旦惱介〕好不羞。那裏有鮑三娘。是玉工候景先哩。甚麼後生。都是你先坐下俺一個罪名兒。

〔前腔〕你爲男子不敬妻。轉關兒使見識。到底你看成甚的。〔生〕怎又討氣。〔旦〕不如死。他甚的淘閒氣。既說我忘舊。取釵還我。〔生〕要還不難。〔旦〕是了。還了咱家。討個明白。

去。他妝奩厭的餘香膩。待拋還別上個新興髻。你還咱也好。〔合前老〕也罷。此事問秋鴻。〔鴻上〕盧府親事。真個不會成。

〔啼鶯兒〕那太尉呵。籠鶯打翠真是奇。家主爺呵。背東風不願于飛。〔浣〕爺不願。怎生不回。〔鴻〕俺爺呵。雖有嫌雲妬雨心期。他可有立海飛山權勢。正怕觸了那些併累咱府。要圖美滿春光保全。因此上受羈縲。把風波權避。〔合〕聽因依。玉花釵燕。他長在袖中攜。〔鮑〕參軍爺。也不念咱舊媒人了。〔鴻〕你家做媒又做牙。賣釵人便是你家姐姐。

〔鮑〕俺家有許多姐姐。〔鴻〕都是太尉倒鬼。

〔前腔〕〔老〕他大風要吹倒桐樹枝。喜到頭依舊連理。〔鮑〕想起黃衫豪客也。女伴們袖手傍觀。英雄拔刀相濟。郡主呵。顯靈心黃衫夢奇。果應口同諧。臥起。〔合前〕

〔旦〕也罷。釵可帶來。〔生做袖中出釵介旦〕真個在你袖中也。〔拈釵喜介〕

〔玉鶯兒〕玉釵紅膩。尙依然紅絲繫持。磊心情幾粟明珠。點顏色片茸香翠。側鬢兒似飛。懶妝時似頰。病懨懨怎插向菱花對。〔合〕事真奇。相看領取。還似墜

釵時〔老〕浣紗。取鏡奩脂粉。從新插戴。〔生〕作扶旦笑介。看你羸質嬌姿。如不勝致。更覺可人也。〔旦

作插釵顫介〕〔浣溪沙〕〔生〕正是淺畫香膏拂紫綿。〔老〕牡丹花瘦翠雲偏。〔鮑〕手扶釵顫並郎

肩。〔旦〕李郎。俺病起心情終是怯。困來模樣不禁憐。〔合〕今生重似再生緣。

〔前腔〕〔生〕燕釵重會。與舊人從新有輝影。差池未漬香泥。翅陪魏尚縈織蕊。

壓雲梳半犀。嫋風鬟半絲。恨呢喃訴不出從頭事。〔合前老〕俺一家兒感的是豪客。

〔旦〕似那年元夜會他來。

〔尾聲〕李郎。夢還真敢是那黃衫子。病玉腰肢你着意偎。十郎。不要又去也。再替俺

燒一炷誓盟香。寫向烏絲闌湊尾。

薄命迴生得俊雄。

感恩積恨兩無窮。

今宵剩把銀缸照。

猶恐相逢是夢中。

第五十二齣 節鎮宣恩

〔憶多嬌〕〔崔韋上〕花事催。酒力微。歌吹風光在水西。他昨夜燈花今夜喜。向朱

門報知。〔又〕褒封節義五口皇旨。天下多有不平事。世上難遇有心人。俺們生受小玉姐許多錢鈔。到惹起黃衫豪客來與這段烟花結了公案。真乃是大家吃酒一家還錢。事不偶然。〔韋〕只一件。十郎既就了霍府。那盧太尉怎肯干休。他輕輕地下手。都成齏粉。卻如之奈何。〔崔〕你不知道。那黃衫豪士雖係隱姓埋名。他力量又能暗通宮掖。他近日探得主上因盧府專權。心上也忌他了。他有人在主上前行了一譖。聖上益發忿怒。如今盧府着忙。不暇理論到此事。那黃衫豪士隨有人竄掇言官。將小玉姐這段節義上了。又見得盧府強婚之情。蒙主上褒嘉。遣劉節鎮來處分。怕甚麼事。〔韋〕原來如此。妙哉快哉。我們先去報喜賀喜。

〔長命女前〕〔老生日上〕春風轉新婚。久別重相見。〔見介〕便是崔韋二兄。依然舊客來庭院。〔崔作笑云〕小玉姐。不空費了你金錢也。劉節鎮奉詔處分來此。快備香案迎接。〔劉節鎮

奉詔書上〕加冠進職君臣禮。合鏡還珠夫婦恩。聖旨已到。跪聽宣讀。皇帝詔曰。朕惟伉儷之義。末世所輕。任俠之風。昔賢所重。每觀圖史。在意斯人。若爾參軍李益。冠世文才。驚人武略。不婚權豔。甚曉夫綱。可封賢集殿學士。鸞臺侍郎。霍小玉憐才誓死。有望夫石不語之心。破產回生。有懷清臺衛

足之智。可封太原郡夫人。鄭氏相夫翦桐葉而王。擇壻顯桃夭之女。慈而能訓。老益幽貞。可進封榮陽郡太夫人。盧太尉徒以勢壓郎才。強其奠雁。幾乎威逼人命。碎此團鸞。宜削太尉之銜。以申少婦之氣。其黃衣豪客。拔釵幽淑女。有助綱常。提劍不平人。無傷律令。可遙封無名郡公。嗚呼。凡贊相于王風。皆揚名于白日。受茲勅命。欽哉。謝恩。〔生衆作謝恩介劉〕君虞。別來久矣。紫玉釵一事。細說一番。

〔催拍〕〔生〕是當年天街上元。絳籠紗燈前一面。兩下留連。兩下留連。幸好淡月梅花。拾取釵鈿。將去納采牽紅。成就良緣。〔合〕今日紫誥皇宣。夫和婦永團圓。

〔前腔〕〔旦〕梳妝罷春遊翠園。人別去觀花上苑。他衣錦言旋。他衣錦言旋。怎知他簫歇秦樓。唱斷陽關。別去鸞儔。曾歸到鴛斑。〔合前〕

〔前腔〕〔老〕只道你幽懽別憐。幾年間未蒙清盼。看看的門戶凋殘。看看的門戶凋殘。爲尋訪多情。費盡金錢。賣到珠釵。苦恨難言。〔合前〕

邯

鄆





目錄

第一齣 標引

第二齣 行田

第三齣 度世

第四齣 入夢

第五齣 招賢

第六齣 贈試

第七齣 奪元

第八齣 驕宴

第九齣 虜動

第十齣 外補

第十一齣 鑿陝

第十二齣 邊急

第十三齣 望幸

第十四齣 東巡

第十五齣 西諜

第十六齣 大捷

第十七齣 勒功

第十八齣 閨喜

第十九齣 飛語

第二十齣 死竄

第二十一齣 讒快

第二十二齣 備苦

第二十三齣 織恨

第二十四齣 功白

第二十五齣 召還

第二十六齣 雜慶

第二十七齣 極欲

第二十八齣 友歎

第二十九齣 生寤

第三十齣 合仙



邯鄲記

明 湯顯祖 箸

第一齣 標引

〔漁家傲〕〔末上〕烏兔天邊纔打照。仙翁海上驢兒叫。一霎蟠桃花綻了。猶難道。仙花也要閒人掃。一枕餘甜昏又曉。憑誰撥轉通天竅。白日殢西還是早。回頭笑。忙忙過了邯鄲道。

何仙姑獨遊花下。

呂洞賓三過岳陽。

俏崔氏坐成花燭。

蠢盧生夢醒黃梁。

第二齣 行田

〔破齊陣〕〔生上〕極目雲霄有路。驚心歲月無涯。白屋三間。紅塵一榻。放頓愁腸不下。展秋牕腐草無螢火。盼古道垂楊有暮鴉。西風吹鬢華。〔菩薩蠻倒句〕客

驚秋色山東宅。宅東山色秋驚客。盧姓舊家儒。儒家舊姓盧。隱名何借問。問借何名隱。生小誤癡情。

情癡誤小生。小生乃山東盧生是也。始祖籍貫范陽郡。士長根生。先父流移邯鄲縣。村居草食。自離母穴。生成背厚腰圓。未到師門。早已眉清目秀。眼到口到。心到。於書無所不窺。時來運來。命來。所事何件不曉。數什麼道理。繭絲牛毛。我筆尖頭一些些都筭的進挑的出。怕那家文章龍牙鳳尾。我錦囊底一樣樣都放的去收的來。呀。說則說了百千萬般。遇不遇兮二十六歲。今日才子。明日才子。李赤是李白之兄。這科狀元。那科狀元。梁九乃梁八之弟。之乎者也。今文豈在我之先。亦已焉哉。前世落在人之後。衣冠欠整。稂不稂。莠不莠。人看處面目可憎。世事都知。啞則啞。聾則聾。自覺得語言無味。真乃是人無氣勢精神減。家少衣糧應對微。所賴有數畝荒田。正直秋風禾黍。諒後進難攀先進。誰想這君子也。如用之。學老圃。混着老農。難道是小人哉。何須也。到九秋天氣。穿扮得衣無衣。褐無褐。不湊膝短裘敝貂。往三家店兒。乘坐着馬非馬。驢非驢。略搭腳青駒似狗。呀。雖則如此。無之奈何。不免鞦韆上蹇驢。散心一會。〔鞦韆驢鳴介〕我此驢也相伴多年了。再不能勾駟馬高車。年年邯鄲道上也。〔行介〕

〔柳搖金〕青驢繫跨。霜風漸加。克膝的短裘。揞不住沙塵刮。空出噪晚鴉。牛背

上夕陽西下。秋風古道。紅樹槎牙。槎牙。唱道是秋容如畫。日已向晚。且西村暫住。明日再田上去。

返照入閭巷。

憂來共誰語。

古道少人行。

秋風動禾黍。

第二齣 度世

〔扮呂仙褶葫蘆枕上〕

〔集唐〕蓬島何曾見一人。披星帶月斬麒麟。無緣邀得乘風去。迴向瀛

洲看日輪。自家呂巖。字洞賓。京兆人也。忝中文科進士。素性飲酒任俠。曾於咸陽市上。酒中殺人。因而亡命。久之貧落。道遇正陽子鍾離權先生。能使飛昇黃白之術。見貧道行旅消乏。將石子半斤。點成黃金一十八兩。分付貧道仔細收用。貧道心中有疑。叩了一頭。稟問師父師父。此乃點石爲金。後來仍變爲石乎。師父說。五百年後。仍化爲石。貧道立取黃金拋散。雖然一時濟我緩急。可惜悞了五百年後遇金人。師父啞然大笑。呂巖呂巖。一點好心。可登仙界。遂將六一飛昇之術。心心密證。口口相傳。行之三十餘年。忝登了上八洞神仙之位。只因前生道緣深重。此生功行纏綿。性頗混塵。心存

度世。近奉東華帝旨。新修一座蓬萊山門。門外蟠桃一株。三百年其花纔放。時有皓劫剛風。等閒吹落花片。塞礙天門。先是貧道度了一位何仙姑來此。逐日掃花。近奉東華帝旨。何姑證入仙班。因此張果老仙尊又着貧道駕雲騰霧。於赤縣神州再覓一人。來供掃花之役。道猶未了。何姑笑舞而來也。〔何仙姑持帚上〕好風吹起落花也。

〔賞花時〕翠鳳毛翎札帚叉。閒踏天門掃落花。你看風起玉塵砂。猛可的那一層雲下。抵多少門外卽天涯。〔見介〕洞賓先生何往。〔呂〕恭喜你領了東華帝旨。證了仙

班。果老仙翁誠恐你高班已上。掃花無人。着我再往塵寰。度取一位。敢支分殺人也。〔何〕洞賓先生大功行了。只此去未知何處度人。蟠桃宴可趕的上也。

〔么〕你休再劍斬黃龍一線差。再休向東老貧窮賣酒家。你與俺高眼向雲霞。洞賓

呵。你得了人早些兒回話。遲呵。錯教人留恨碧桃花。〔下呂〕仙姑別去。不免將此磁

枕裙袂駕雲而去也。枕是頭邊枕。磁爲心上慈。〔下丑上〕我這南湖秋水夜無煙。奈可乘流直上天。

且就洞庭賒月色。將船買酒白雲邊。〔內笑介〕小二哥發誓不賒。又賒了。〔丑〕賒的賒一月。買的

買一船。小子在這岳陽樓前開張個大酒店。因這洞庭湖水多。酒都扯淡了。這幾日賒也沒人來。好笑好笑。〔內叫介〕小二哥。那不是兩個賒的來了。〔丑〕請進請進。〔扮二客上〕一生湖海客。半醉洞庭秋。小二哥買酒。〔丑應介客看壺介〕酒壺上怎生寫着洞庭二字。〔丑〕盛水哩。〔客笑介〕也罷。拚我們海量。吞你幾個洞庭湖。〔丑〕二位較量飲。〔一客〕小子鄱陽湖生意。飲八百杯罷。〔一客〕小子廬江客。飲三百杯。〔丑〕這等消我酒不去。八百鄱陽三百焦。到不得我這把壺一個腰。〔客〕好大壺嘴哩。〔做飲唱隨意介丑〕又一個帶卜鼻子的來了。

〔中呂粉蝶兒〕〔呂上〕秋色蕭疎。下的來幾重雲樹。卷滄桑半葉淺蓬壺。踐朝霞。乘暮靄。一步捱一步。剛則背上葫蘆。這淡黃生可人衣服。

〔醉春風〕則爲俺無挂礙的熱心腸。引下些有商量來的清肺腑。這些時蹬着眼下山頭。把世界幾點兒來數數。這底是三楚三齊。那底是三秦三晉。更有找不着的三吳三蜀。說話中間。前面洞庭湖了。好一座岳陽樓也。

〔紅繡鞋〕趁江鄉落霞孤鷺。弄瀟湘雲影蒼梧。殘暮雨。響菰蒲。晴嵐山市語。煙

水捕魚圖。把世人心閒看取。邊旁放着一座大酒店。店主有麼。〔丑應介〕請進請進。〔作送

酒介〕

〔迎仙客〕〔呂〕俺曾把黃鶴樓鐵笛吹。又到這岳陽樓將村酒沽。好景好景。前面

漢陽江。上面瀟湘蒼梧。下面湖北江東。請了。〔丑〕請什麼子。〔呂〕來稽首是有禮數的

洞庭君主。〔丑〕鬼話。〔內雁叫介呂〕聽平沙落雁呼。遠水孤帆出。這其中正洞庭

歸客傷心處。趕不上斜陽渡。〔呂作醉介〕酒是神仙造。神仙喫。你這一班兒也知道喫什麼

酒。〔二客惱介〕哎也哎也。可不道一品官。二品客。到不高如你。我穿的細軟羅緞。喫的細料茶食。

用的細絲鏢錠。似你這般。不看你喫的。看你穿的哩。希泥希爛的。醒眼看醉漢。你醉漢不堪扶。〔呂

笑介〕

〔石榴花〕俺也不和他評高下。說精粗。道俺個醉漢不堪扶。偏你那看醉人的
醒眼不模糊。則怕你村沙勢比俺更俗。橫死眼比俺更毒。〔二客云〕野狐騷道。出

口傷人。還不去。還不去。扯破他衣服。〔呂〕爲什麼扯斷絲帶。抓破衣服。罵俺作頑涎

騷道野狐徒。〔客〕好笑好笑。便那葫蘆中。那討些子藥物都是燒酒氣。

〔鬪鶴鶉〕〔呂〕你笑他盛酒的葫蘆。須有些不着緊的信物。硬擎着你七尺之

軀。俺老先生看汝。〔客〕看什麼子。無過是酒色財氣。人之本等哩。〔呂〕你說是人之本等。則

見使酒的爛了脅肚。〔客〕氣呢。〔呂〕使氣的腆破胸脯。〔客〕財呢。〔呂〕急財的

守着家兒。〔客〕色呢。〔呂〕急色的守着院主。

〔上小樓〕〔呂〕這四般兒非親者故。四般兒爲人造畜。〔客〕難道人有了君臣。纔

是富貴。有兒女家小。纔快活。都是酒色財氣上來的。怎生住的手。〔呂〕你道是對面君臣。

一胞兒女。帖肉妻夫。則那一口氣不遂了心。來從何處來。去從何處去。俺替你

愁。俺替你想。敢四般兒那時纔住。〔客〕一會子先生一些陰陽晝夜不知。〔呂笑介〕你

可知麼。

〔么〕問你個如何是畢月烏。〔客〕月黑了就是。〔呂〕如何是房日兔。〔客想介〕醉

了房兒裏吐去。〔呂〕你道如何是三更之午。十月之餘。一刻之初。〔客〕聽他什麼。只

噏酒。〔呂笑介〕問着呵。則是一班兒嘴禿速。難道偏則我出家人有五行攢聚。

〔衆瞧介〕包兒裏是個磁瓦枕。打碎他的。〔呂〕怎碎的他呵。〔客〕是什麼生料。碎不的他。

〔白鶴子〕〔呂〕是黃婆土築了基。放在偃月爐。封固的是七般泥。用坎離爲藥物。〔客〕怎生下火。

〔么〕〔呂〕扇風囊。隨鼓鑄。磁永料。寫流珠。燒的那粉紅丹色樣殊。全不見枕根頭一線兒絲痕路。〔客笑介〕枕兒兩頭大窟弄。先生害頭風出氣的。

〔么〕〔呂〕這是按八風。開地戶。憑二曜。透天樞。〔客〕到空空的亮。〔呂〕有甚的空籠樣枕江山。早則是連環套通心腑。列位都來盹上一會麼。〔客〕寡漢睡的。〔呂笑介〕

到不寡哩。

〔么〕半凹兒承姘女。並枕的好妻夫。〔客〕有甚好處。〔呂〕好消息在其中。但枕

着都有個回心處。〔客〕難道有這話。我們再也不信。〔呂〕此處無緣。列位看官們請了。

〔快活三〕不是俺袖青蛇膽氣粗。則是俺憑長嘯海天孤。則俺朗吟飛過洞庭

湖。度的是有緣人人何處。〔下衆笑介〕那先生被我們囉啾的去了。我們也去罷。相逢不飲空歸去。洞口桃花也笑人。〔衆下呂上〕好笑好笑。一個大岳陽樓。無人可度。只索望西北方迤邐而去。

〔鮑老兒〕這是你自來的辛苦。一口氣許了師父。少不得逢人問渡。遇主尋塗。是不是口邊着道詞。一路的做鬼粧狐。呀。一道清氣。貫於燕之南趙之北。不免捩轉雲頭。順風而去。

〔滿庭芳〕非關俺妄言禍福。怎頭直上非煙非霧。脚踏下非楚非吳。眼抹裏這非赤也非烏。莫不是青牛氣函關直豎。莫不是蜃樓氣東海橫鋪。沒羅鏡分金指度。打向假隨方認取。呀。卻原來是近清河邯鄲全趙那邊隅。仔細看來。是邯鄲

地方。此中怎得有神仙氣候也。

〔耍孩兒〕史記上單注着會歌舞邯鄲女。俺則道幾千年出不的個藺相如。卻怎生祥雲氣罩定不尋俗。滿塵埃他別樣通疎。知他蘆花明月人何處。流水高

山客有無。俺到那有權術。偷鞭影看他驢。下探竿識得龍魚。

〔尾聲〕欠一個蓬萊洞掃花人。走一片邯鄲城尋地主。但是有緣人。俺盡把神仙許。則這熱心兒。普天下遇着他都姓呂。

日月祕靈洞。

雲霞辭世人。

爲結同心侶。

遙下碧空。

第四齣 入夢

〔丑上〕

北地秋深帶早寒。白頭祖籍住邯鄲。開張村務黃梁飯。是客都談處世難。小子在這趙州

橋北開一個小小飯店。這店前店後田莊。半是范陽鎮盧家的。他家往來歇脚。在我店中。也有遠方客商。來此打火。目今點心時分。看有甚人來。〔呂背褡袱枕笑上〕一粒粟中藏世界。半升鎗裏煮

乾坤。貧道打從岳陽樓上。望見一縷青氣。竟接邯鄲。迤邐尋來。原來此氣落在邯鄲縣趙州橋西盧生之宅。貧道卽從人中觀見盧生。相貌精奇古怪。真有半仙之分。便待引見而度之。則爲此人沈障久深。心神難定。因他學成文武之藝。未得售於帝王之家。以此落落其人悶悶而已。此非口舌所能

動也。〔想介〕則除是如此如此。纔有個醒發之處。俺先到店窩兒候他也。

〔鎖南枝〕青蛇氣。碧玉袍。按下了雲頭離碧霄。驀過趙州橋。蹬上這邯鄲道。

〔內雞鳴犬吠介呂〕好一座村莊。犬吠雞鳴。頗堪消遣。〔丑見介〕客官請坐。〔呂〕俺把擔

囊放。塵榻高。比那岳陽樓近多少。〔丑〕道丈何來。〔呂〕我乃回道人。借坐一會。〔背介〕

那人騎一匹青驢駒來也。〔嘿訣介〕那驢兒雞兒犬兒和那塵世中一班人物。但是精靈合用的。

都要依吾法旨聽用。不得有違。勅。

〔前腔〕〔生短裘鞭驢上〕風吹帽。裘敝貂。短秃促青驢。鞵斷了稍。〔丑〕盧大官人。

〔生〕叮瞳裏。一週遭。那轆軸畔誰相叫。原來邸舍中主人。我且坐一會去。驢繫這椿檝上。

喫些草。〔丑〕知道了。〔生見呂介〕輕提手。當折腰。但相逢這面兒好。〔生〕店主人。

這位老翁何處。〔丑〕回回國來的。〔生〕老翁容貌。不像回回。〔呂〕貧道姓回。從岳陽樓過此。

足下高姓。〔生〕小子盧生是也。久聞的個岳陽樓。景致何如。〔呂〕有岳陽樓記一篇。略表白幾

句你聽。夫巴陵勝狀。在洞庭一湖。啣遠山。吞長江。浩浩蕩蕩。橫無際涯。朝暉夕陰。氣象萬千。此則岳

陽樓之大觀也。北近巫峽。南極瀟湘。仙客騷人。多會於此。覽物之情。得無異乎。若夫霖雨霏霏。連月不開。陰風怒號。濁浪排空。日星隱曜。山岳潛形。商旅不行。檣傾楫摧。薄暮冥冥。虎嘯猿啼。登斯樓也。則有去國懷鄉。憂讒畏譏。滿目瀟然。感極而悲者矣。至若春和景明。波瀾不驚。上下天光。一碧萬頃。沙鷗翔集。錦鱗游泳。岸芷汀蘭。郁郁青青。而或長煙一空。皓月千里。浮光躍金。靜影沈璧。漁歌互答。此樂何極。登斯樓也。則有心曠神怡。寵辱皆忘。把酒臨風。其樂洋洋者矣。「生」好景致也。老翁記的恁熟。諷誦如流。可到了幾次。「呂」不多。三次了。有詩爲證。朝遊碧落暮蒼梧。袖有青蛇膽氣粗。三過岳陽人不識。朗吟飛過洞庭湖。「生」老翁好吟咏也。則朝遊碧落暮蒼梧。蒼梧在南楚地方。碧落在那裏。「呂」若論碧落路程。眼前便是。「生笑介」老翁哄弄莊家哩。「呂」這等。且說今年莊家如何。「生」謝聖人在上。去秋莊家一畝打七石八斗。今歲整整的打勾了九石九哩。「呂」這等你受用哩。「生笑介」可是受用了。「生忽起自看破裘嘆介」大丈夫生世不諧。而窮困如是乎。「呂」觀子肌膚極臙。體胖無恙。談諧方暢。而嘆窮困者何也。

〔前腔〕你身無恙。生事饒。旅舍裏相逢如故交。暢好的不妝喬。正用歡言笑。因

何恨不自聊。嘆孤窮還待怎生好。〔生〕老翁說我談諧得意。吾此苟生耳。何得意之有。〔呂〕

此而不得意。何等爲得意乎。〔生〕大丈夫當建功樹名。出將入相。列鼎而食。選聲而聽。使宗族茂

盛而家用肥饒。然後可以言得意也。

〔前腔〕俺呵。身遊藝。心計高。試青紫當年如拾毛。到如今呵。俺三十算齊頭。尙走這田間道。老翁有何暢叫俺心自聊。你道俺未稱窮還待怎生好。〔生作癡介〕

我一時困倦起來了。〔丑〕想是饑乏了。小人炊黃梁爲君一飯。〔生〕待我榻上打個盹。〔睡介〕

少個枕兒。〔呂〕盧生盧生。你待要一生得意。我解囊中贈君一枕。〔開囊取枕與生介〕

〔尾聲〕看你困中人無智把精神倒。你枕此枕呵。敢着你萬事如期意氣高。店主

人。你去煮黃梁要他美甘甘清睡個飽。〔呂下生作睡不穩介看枕介〕

〔懶畫眉〕這枕呵。不是藤穿刺繡錦編牙。好則是玉切香雕體勢佳呀。原來是磁州燒出的瑩無瑕。卻怎生兩頭漏出通明罅。〔抹眼介〕莫不是睡起瞢瞪眼挫

花。〔瞧介〕有光透着房子裏。可是日光所照。

〔前腔〕則這半間茅屋甚光華。敢則是落日橫穿一線斜。須不是俺神光錯摸眼麻查。待我起來瞧着。〔起向鬼門驚介〕緣何卽留卽漸的光明大。待俺跳入壺中

細看他。〔做跳入枕中枕落去生轉行介〕呀。怎生有這一條齊整的官道。〔行介〕好座紅粉高牆。

〔朝天子〕一徑香風軟碧沙。粉牆低轉處有人家。門開在這裏。待我驀將進去。閃銅環。呀的轉簷牙。滿庭花。重重簾幙鎖煙霞。甚公侯貴衙。甚公侯貴衙。門簾以內。深院大宅了。門兒外瞧着。前面太湖石山子。堂上古畫古琴。寶鼎銅雀。碧珊瑚。紅地衣。

〔前腔〕堂院清幽擺設的佳。似有人朱戶裏小牕紗。〔內叫介〕什麼閒人行走。快拿

快拿。〔生慌介〕急迴廊怕的惹波查。〔內叫介〕掩上門。快拿快拿。〔生慌介〕怎生好。

門又閉了。且喜旁邊有芙蓉一架。可以躲藏。省喧譁。如魚失水旱蓮花。且低回首自家。且低回首自家。〔老旦上叫介〕那人何處也。小姐早上。

〔不是路〕〔旦引貼上〕浪影空花陌上香魂不住家。仙靈化。差排門戶粉胭搽。

〔旦〕奴家清河崔氏之女是也。這兩個一個是老媽。一個是梅香。住這深院重門。未有夫君。誰到

簾櫳之下。走藏何處也。〔老〕影交加。那人呵多應躲在芙蓉架。〔叫介〕那漢子還不
出來。拿去官司打折了他。〔生作怕慌上介〕休要拿。小生在此。〔老〕甚麼寒酸。還不低頭。
〔捉生低頭跪介老〕俺這朱門下。窮酸恁的無高下。敢來行踏。敢來行踏。〔旦〕問
漢子何方人氏。姓甚名誰。

〔前腔〕〔生〕黃卷生涯。盧姓山東也是舊家。閒停踏。偶然迷悞到尊衙。〔旦〕家
中有甚麼人。〔生〕自嗟呀。也無妻小無爹媽。長則是向孤燈守歲華。〔老〕你沒
有妻子。在這裏狗頭狗腦。〔生〕小生怎敢。須詳察。書生老實知刑法。敢行調達。敢行
調達。〔旦〕叫那漢子擡頭。〔生〕不敢。〔老〕小姐恕你擡頭。〔生瞧介〕原來是個女郎。〔老〕
咄。

〔前腔〕〔旦〕俺世代榮華。不是尋常百姓家。你行奸詐。無端窺竊上陽花。〔生〕
不敢。〔旦〕梅香和俺快行拿。〔貼〕沒有索子。〔旦〕鞦韆索子上高懸掛。〔貼〕沒
甚麼行杖。〔旦〕搗杖鼓的鞭兒和俺着實的搗。〔生〕苦也苦也。〔老〕要饒麼。〔生〕

可知道要饒。〔老〕這等漢子叩頭告饒。〔旦〕非奸卽盜。天條一些去不的。老媽媽則問他私休

官休。私休不許他家去。收他在俺門下。成其夫妻。官休送他清河縣去。〔老對生介〕替你告饒了。

小姐分付。官休私休。私休不許你家去。收留你在這裏。與小姐成其夫妻。官休送你清河縣去。〔生

情願私休。〔老〕一讓一個肯。〔回介〕稟小姐。秀才情願私休。〔旦〕這等。恕他起來。〔老〕小

姐放你起來。〔生起笑旦看羞介〕老媽快下了簾兒。俺好看他不上。酸寒煞。你引他去。迴

廊洗浴更衣罷。再來回話。再來回話。〔老〕秀才。小姐分付。迴廊外香水堂洗澡去。〔生笑

介〕好不措人。旣在矮簷下。怎敢不低頭。〔下〕

〔前腔〕〔老引生上〕這香水渾家。把俺滌爪修眉刷淨了牙。〔老〕便道是你渾家。還

早哩。相擡刮。這階前跪下手兒叉。〔生拱立老回話介〕稟小姐。那漢子洗浴更衣了。〔旦

那人怎麼。〔老〕儘風華。衣冠濟楚多文雅。〔旦低問介〕內才怎的。〔老低笑介〕便

是那話兒郎當。你可也逗着他。〔旦笑介〕休胡哈。梅香捲簾。〔貼捲簾介旦〕俺盈盈

暮雨。快把這湘簾掛。〔生跪旦扶起介〕男兒膝下。男兒膝下。〔旦〕盧生盧生。奴家憐

君之貧。收留你爲伴。無媒奈何。〔老〕老身當媒。佳期休誤。〔內鼓樂老贊拜介貼〕新人新郎進合歡之酒。〔旦把酒介〕

〔賀新郎〕羞殺兒家。早蓮腮映來杯罌。驟生春滿堂如畫。人瀟灑。爲甚麼閒步天台看晚霞。拾的個阮郎門下。低低笑。輕輕哈。逗着文君寡。〔合〕雲雨事休驚怕。

〔前腔〕〔生〕三十無家。邯鄲縣偶然存割。坐酸寒。衣衫蕞苴。粧聾啞。誰承望顛倒英雄在絳紗。無財帛。單鎗入馬。能粗細。知高下。你穩着心兒把。〔合前老旦〕好夫妻進洞房花燭。〔行介〕

〔節節高〕崔盧舊世家。兩韶華。偶逢狹路通情話。教洗刮。沒爭差。無喇塌。帽兒抹的光光乍。燈兒照的嬌嬌姹。崔家原有舊根牙。盧郎也不年高大。

〔前腔〕天河犯客槎。猛擒拿。無媒織女容招嫁。休計掛。沒嗟呀。多喜洽。檀郎蘸眼驚紅乍。美人帶笑吹銀蠟。今宵同睡碧牕紗。明朝看取香羅帕。

〔尾聲〕果然是春無價。盼暮雨爲雲初下榻。〔旦〕盧郎呵。這是俺和你五百歲因緣到了家。

偶然高築望夫臺。

俵俵書生走入來。

今夜不須磁作枕。

輕抽玉臂枕郎腮。

第五齣 招賢

〔霜天曉角〕〔外蕭嵩美髯上〕江南雲樹冷落青門庶。萋萋芳草似憐予。有路長安怎去。〔集唐〕千秋萬古共平原。生事蕭條空掩門。試問酒旗歌板地。有誰傾蓋待王孫。小生蘭陵

蕭嵩。字一忠。梁武帝蕭衍之苗裔。宋國公蕭瑀之曾孫。只因岸谷遷移。滄桑變改。文武之道頓盡。琴書之興猶存。且是美于鬚髯。儀形偉麗。有人相我。爵壽雙高。這不在話下了。有個異姓兄弟。叫做裴光庭。乃金牙大總管。封聞喜縣公。裴行儉之晚子。兼是當朝武三思之女壻。古今典故。深所諳知。但此弟長有一點妬心。也是他平生毛病。幾日不見。想待到來。

〔前腔〕〔末裴光庭袖詔旨上〕插架奇書將相吾門戶。袖中天子詔賢書。瞞着蕭郎

前赴。自家裴光庭是也。從來飽學未遇。幸逢黃榜招賢。自揣可中狀元。則怕蕭兄奪取。心生一計。將這紙黃榜袖下了。不等他知。一徑辭他前去。〔見介外〕兄弟。我近來情懷耿耿。有失款迎。〔末〕你兄弟心事匆匆。特來告別。〔外〕呀。有何緊急至此。〔末〕天大事都可說與仁兄。只這些是小弟機密事。不敢告聞。請了。〔外〕賢弟袖中簌簌之聲。何物也。〔末〕沒有甚的。〔外扯看介〕是黃紙。〔末笑介〕是本疏頭。〔外扯看介〕奉天承運皇帝詔曰。天下文士。可於本年三月中旬。赴京殿試。朕親點取。無遲呀。原來一紙招賢詔書。爲何賢弟袖着。〔末〕實不瞞兄。此榜文御史臺行下本學。學裏先生把與愚弟看。愚弟想來。別的罷了。仁兄才學蓋世。聽的黃榜招賢。定然要去。因此悄悄的袖了這詔旨。瞞兄往京。單填小弟名字銷繳了。〔外笑介〕可有此話。秀才無數。何在我一人。

〔皂羅袍〕〔末〕提起書生無數。俺三言兩句。壓倒其餘。那蒼生一郡。眼無珠。則你春風八面人如玉。哥。你兄弟才學。要中頭名狀元。你去之時。把我綽下第二了。〔外笑介〕原來如此。〔末〕嫦娥所愛。無過兩儒。將來並比。端然一輸。因此上裴航要閃住你。

蕭郎路。

〔前腔〕〔外〕不道狀元難事。但一緣一命。未委何如。你把招賢榜作寄私書。遮天袖掩賢門路。別的罷了。賢弟。在場屋中。我筆尖可以饒讓些。俺把筆花高吐。你真難展舒。俺把筆尖低舉。隨君掃除。便金階對策也好商量做。〔末〕這等多承了。店中飲一杯狀元紅去。

〔尾聲〕〔外〕狀元紅吸不盡兩單壺。俺和你雙雙出馬長安路。兄弟呵。則這些三時把月宮花談笑取。

王孫公子不豪奢。

雪案螢窗守歲華。

但是學成文武藝。

都堪貨與帝王家。

第六齣 贈試

〔遶地遊〕〔旦上〕偶然心上。做盡風流樣。懶粧成。又偎人半晌。〔老貼笑上〕營勾了腰肢通籠繡帳。聽得來愁人夜長。〔醜奴兒〕〔旦〕紅圍粉簇清幽路。那得人遊。〔老〕

天與風流。有客窺簾動玉鉤。〔貼〕探香覓翠芙蓉架。官了私休。〔合〕此處人留。蝶夢迷花正起

可。〔老〕姐姐天上吊下一個盧郎。〔貼〕不是吊下盧郎。是個驢郎。〔旦〕蠢丫頭說出本相思

想起我家七輩無白衣女婿。要打發他應舉。你道如何。〔老〕好哩。姐夫得官回。你做夫人了。

〔卜算子〕〔生上〕長宵清話長。廣被風情廣。似笑如顰在畫堂。費盡佳人想。〔見

介旦〕〔集唐〕盧郎。你不羨名公樂此身。〔生〕這風光別似武陵春。〔旦〕百花仙醒能留客。〔生〕

一面紅粧惱煞人。〔旦〕盧郎。自招你在此。成了夫婦。和你朝歡暮樂。百縱千隨。真人間得意之事

也。但我家七輩無白衣女婿。你功名之興卻是何如。〔生〕不欺娘子說。小生書史雖然得讀。儒冠

誤了多年。今日天緣。現成受用。功名二字。再也休提。〔旦〕咳。秀才家好說這話。且問你會過幾場

來。

〔朱奴兒〕〔生〕我也忘記起春秋幾場。則翰林苑不看文章。沒氣力頭白功名

紙半張。直那等豪門貴黨。〔合〕高名望。時來運當。平白地爲卿相。〔旦〕說豪門貴

黨。也怪不的他。則你交遊不多。才名未廣。以致淹遲。奴家四門親戚。多在要津。你去長安。都須拜在

門下。〔生〕領教了。〔旦〕還一件來。公門要路。能勾容易近他。奴家再着一家兄相幫引進。取狀元如反掌耳。〔生〕令兄有這樣行止。〔旦〕從來如此了。

〔前腔〕〔旦〕有家兄打圓就方。非奴家數白論黃。少他呵。紫閣金門路渺茫。上天梯有了他氣長。〔合前生〕這等小生到不曾拜得令兄。〔旦〕你道家兄是誰。家兄者錢也。

奴家所有金錢。儘你前途賄賂。〔生笑介〕原來如此。感謝娘子厚意。聽的黃榜招賢。盡把所贈金資。引動朝貴。則小生之文字珠玉矣。〔旦〕正當如此。梅香取酒送行。

〔雁來紅〕〔送酒介〕寬金盞。瀉杜康。緊班雕送陸郎。他無言覷定把杯兒偷。再四重斟上。怕濕羅衫這淚幾行。〔合〕凝眸望。開科這場。但泥金早傳唱。

〔前腔〕〔生〕葫蘆提。田舍郎。仗嬌妻有志綱。贈家兄送上黃金榜。握手輕難放。少別成名恩愛長。〔合前〕

〔尾聲〕〔拜介〕指定衣錦還鄉似阮郎。此去呵。走章臺再休似前胡撞。俺留着這一對畫不了的愁眉待張敞。

開元天子重賢才。

開元通寶是錢財。

若道文章空使得。

狀元曾值幾文來。

第七齣 奪元

〔夜行船〕〔淨宇文融上〕宇文後魏留支派猶餘霸氣。遭逢聖代。號令三臺。權衡十宰。又領着文場氣概。〔集唐〕猶得三朝托後車。普將雷雨發萌芽。中原駿馬搜求盡。誰道門生隔絳紗。下官乃唐朝左僕射兼檢括天下租庸使宇文融是也。性喜奸讒。材能進奉。日昨黃榜招賢。聖人可憐見。着下官看卷進呈。思想一生。專以迎合朝廷。取媚權貴。卷子中間有個蘭陵蕭嵩。奇才。奇才。雖是梁武帝之後。異代君臣。管我不着。又有個聞喜裴光庭。正是前宰相裴行儉之子。武三思之婿。才品次些。我要取他做個頭名。蕭嵩第二。早已進呈。未知聖意若何。早晚近侍到來。可以漏洩聖意。左右。門外伺候。

〔粉蝶兒〕〔老旦高力士上〕綠滿宮槐。隨意到棘闈簾外。〔丑報介〕司禮監高公公到門。〔淨慌走接介淨〕早知老公公俯臨。下官禮合遠接。〔老〕老先過謙了。日下看卷費神思哩。

〔淨〕正要修一密啓。稟問老公公。未知御意進呈第一可點了誰。〔老〕有點了。〔淨〕是裴光庭麼。〔老〕還早。〔淨〕是蕭嵩。〔老〕再報來。〔淨〕後面姓名。下官都不記憶了。〔老〕可知道。

〔一封書〕都經御覽裁。看上了山東盧秀才。〔淨想介〕山東盧秀才。〔老〕名喚盧生。知他甚手策。動龍顏。含笑孩。〔淨〕老公公看見當真點了他。〔老〕親看御筆題紅在待翦宮袍賜綠來。〔合〕御筵排榜花開。也是他際會風雲直上台。〔淨〕奇哉奇哉。這等裴蕭二人第幾。〔老〕蕭第二。裴第三。

〔前腔〕〔淨背介〕卷首定蕭裴。怎到的寒盧那狗才。〔回介〕是他命運該。遇重瞳。着眼擡。〔老〕老先不知也。非萬歲爺一人主裁。他與滿朝勳貴相知。都保他文才第一。便是本監也。看見他字字端楷哩。〔淨〕可知道了。他的書中有路能分拍。則道俺眼內無珠做總裁。〔合前老〕告別了。明日老先陪宴。

〔尾聲〕杏園紅你知貢舉的須陪待。〔淨〕還要請老公公主席纔是。〔老笑介〕我帶上了穿宮入殿牌。則助的你外面的官兒御道上簪花那一聲采。〔下〕

〔宇文吊場〕可笑可笑。咱看定了的狀元。誰想那盧生以鑽刺搶去了。偏不鑽刺於我。

如此朝綱把握難。

不容怒髮不衝冠。

則這黃金買身貴。

不用文章中試官。

第八齣 驕宴

〔丑廚役頭巾插花上〕小子光祿寺廚役。三百名中第一。刀砧使得精細。作料下得穩實。饅頭摩的光泛。線麵打得條直。千層起的潑鬆。八珍配得整飭。何止五肉七菜。無非喫一看十。喫了的眠思夢想。但看的垂涎咽液。休道三閣下堂餐。便是六宮中也是我小子尙食。這開元皇帝最喜我葱花灌腸。太真娘娘喜我椒風扁食。止因御湯裏抓下個虱子。被堂上官打下小子革役。虧的過房外甥營救。叫小子依舊更名上直。〔內問介〕外甥是誰。〔丑〕是當今第一名小唱。在高公公名下秉筆秉筆。你問我今日爲何頭上插花。來做新進士瓊林宴席。前路是半實半空案果。後面是帶熟帶生品食。那裏有壽祭牛肉。那裏討宣州大栗。一碟菜五六根黃薺。半瓶酒三兩盞醋滴。官廚飯一兩匙兒。邊傍放着些半夏法製。〔內問介〕爲甚來。〔丑〕你不知秀才們一個個飽病難醫。待與他燥

些脾胃。說便說了。今日天開文運。新狀元賜宴曲江池。聖旨就着考試官宇文老爺陪宴。前面頭踏早來也。

〔謁金門前〕〔淨上〕風雲定。恩賜御筵華盛。我也曾喫紅綾春宴餅。年華堪自省。我宇文融。今日曲江陪宴。可奈新科狀元乃是落後之卷。相見好沒意兒。後生意氣。且自趨奉他。

二。叫光祿寺祇候人。筵宴可齊。〔丑叩頭介〕都齊了。只有教坊司未到。〔旦衆上〕折桂場中開

院本。插花筵上喚官身。稟老爺。女妓叩頭。〔淨〕報名來。〔貼〕奴家珠簾秀。〔旦〕奴家花嬌秀。

〔老貼〕我叫做鍋邊秀。〔淨〕怎生這般一個名字。〔丑〕小的知他命名的意兒。妓女們琵琶過

手曲過喚。家常飯到只伸掌。只這名叫做鍋邊秀。便是小的光祿寺廚役竈下養。〔淨〕原來是個

火頭哩。〔丑〕着了。來和老爺退火。〔淨〕哇。狀元已到。妓女們遠遠迎接。

〔謁金門後〕〔生外末引隊子上〕走馬御街遊趁。鴈塔標題名姓。〔旦衆接介〕教坊

司女妓們迎接狀元。〔生衆笑介〕起來起來。〔生〕勞動你多嬌來直應。遶花鶯燕請。

〔淨迎介〕列位狀元請進。〔拜介〕應圖求駿馬。驚代得麒麟。白日來深殿。青雲滿後塵。〔淨〕恭

喜三公高才及第。老夫不勝榮仰。〔生〕叨蒙聖恩。〔外末〕皆老師相進呈之力。〔淨〕御賜曲

江喜筵。真盛事也。〔生〕敢問往年直宴。止是幾個老倒樂工。今日何當妙選。〔淨〕今日狀元乃

聖天子欽取。以此加意而來。〔生〕原來如此。〔淨〕看酒。〔丑〕花開上林苑。酒對曲江池。

〔降黃龍〕〔淨送酒介〕天上文星。唱好是金殿雲程。玉堂風景。皇封御酒。玳筵中
如醉日邊紅杏。〔生〕崢嶸想像平生。這一舉成名天幸。〔外末〕拚歡娛。酒淹衫
袖。帽斜花勝。

〔前腔〕〔衆旦〕難明。天若無情。怎折桂人來。嫦娥送影。人間清興。是紅裙怎不
把綠衣郎敬。低聲。我待侍枕銀屏。迤逗的狀元紅並。但留名。平康到處。也堪題

咏。〔淨〕狀元。這妮子要請狀元。老夫爲媒。〔生笑介淨〕官妓。狀元處乞珠玉。〔生〕使得。題向那

裏。〔貼〕奴家有個紅汗巾兒在此。〔生題詩淨表白介〕香飄醉墨粉紅催。天子門生帶笑來。自

是玉皇親判與。嫦娥不用老官媒。〔衆〕狀元好染作也。〔淨〕則就中語句有些奚落老夫哩。〔外〕

盧年兄未必有此。〔末〕官妓再看酒。

〔黃龍袞〕同登學士瀛。滿把瓊漿領。是虎爲龍。都是風雲慶。爲誰奚落。爲誰俟幸。遶雁塔。共題名。瞻清景。〔扮報子上〕報報報。盧爺奉聖旨。欽除翰林學士。兼知制誥。蕭爺

裴爺俱翰林院編修。着教坊司送歸本院。〔淨〕恭喜了。

〔前腔〕詩題翰墨清。鐙撤雕鞍逞。風暖笙歌。笑語朱簾映。生成濟楚。昂然端正。便立在鳳樓前。人索稱。

〔尾聲〕〔淨〕三公呵。御樓高接着帽簷平。撇靴尖走上頭廳。也不枉了你誤春雷十年窗下等。〔衆下淨吊場笑介〕好笑好笑。世間乃有盧生。中了狀元。爲因不出我門下。談容

高傲。我好趨奉他。嫦娥有意。老夫可以爲媒。乞其珠玉。他題詩第二句。天子門生帶笑來。明說不是我家門生。這也罷了。第四句。嫦娥不用老官媒。呵呵。有這般一個老官媒。不用麼。待我想一計打發他。他如今新除。中了聖意。權待他知制誥。有些破綻之時。尋個題目處置他。

書生白面好輕人。

只道文章穩立身。

直待朝中難站立。

始知世上有權臣。

第九齣 虜動

〔北點絳脣〕〔淨末番將相上〕沙塞茫茫。天山直上。三千丈。龍虎班行。出將還留相。〔末〕吾乃吐番丞相。悉那邏是也。〔淨〕吾乃吐番大將。熱龍莽是也。贊普升帳。在此伺候。

〔前腔〕〔外番王引衆上〕白草黃羊。千廬萬帳。歸吾掌。氣不降唐。穩坐在泥金炕。

〔見介〕青海灣西駕駱駝。白蘭山外雪風多。一枝金箭催兵馬。占斷兒家綠玉河。自家吐番贊普是也。我國始祖禿髮烏孤。曾爲南涼皇帝。家母金城公主。來作西番贊婆。種類繁昌。部落強盛。與唐朝原以金鵝爲誓。奈邊將長以鐵馬相加。正待宣你兩人。商量起兵一事。〔末淨〕我國東接松涼。西連河鄯。南吞婆羅。北抵突厥。勝兵十萬。壯馬千羣。〔末〕臣那邏調度國中。〔淨〕臣龍莽攻略境外。逢城則取。遇將而擒。唐朝不足慮也。〔外〕進兵何地爲先。〔末〕先取河西。後圖隴右。〔外〕這等就着龍莽將軍徑取瓜沙。丞相從後策應。衆把都們聽令而行。〔衆應介〕

〔清江引〕普天西出落的番回將。大將熱龍莽。番鼓兒緊緊幫。番鏡的點點當。汗呼呼海螺螭吹的響。

〔前腔〕倒天山靠定了那邏相。就裏機謀廣。令旗兒打着羌。刀尖兒點着唐。錦繡樣江山做一會子搶。

十萬生兵不可當。
剗騎單馬射黃羊。

陰山一片紅塵起。
先取涼州作戰場。

第十齣 外補

〔七娘子〕〔旦引貼上〕狀元郎拜滿了三年限。猛思量那日雕鞍。又早春風一半。

展妝臺獨自撚花枝嘆。〔好事近〕無路入天門。買斷金錢誰說。〔貼〕逗得翰林人去。送等閒

花月。〔旦〕夢回鴛枕翠生寒。始悔前輕別。〔貼〕一種崔徽情緒。爲斷鴻愁絕。〔旦〕梅香。我家

深居獨院。天賜一位夫君。歡心正濃。忽動功名之興。我將家資打發他上京取應。一口氣得中頭名

狀元。果中奴之願矣。只爲聖恩留他。單掌制誥。三年之外。方許還鄉。奴家相思。好不苦呵。

〔針線箱〕沒意中成就嬌歡。儘意底團筓弄盞。問章臺人去也如天遠。小樓外

幾曾拋眼。早則是一簾粉絮鶯梢斷。十里紅香燕語殘。纔凝盼。閒愁閒悶被東

風吹上眉山。〔丑報子上〕報報報。狀元到。〔下旦驚喜介〕兒夫錦旋。快安排酒筵。

〔望吾鄉〕〔生引隊子上〕翠蓋紅茵。香風染細塵。花枝笑插宜春鬢。驕驄上路人。偏俊。盼望吾鄉近。揮鞭緊。問路頻。崔家正在這清河郡。〔見介旦〕盧郎榮歸了。〔生〕

夫人喜也。一鞭紅雨促歸程。〔旦〕不忿朝來喜鵲聲。〔生〕官誥五花叨聖寵。〔旦〕名揚四海

動奴情。〔旦〕聞的你中了狀元。留你中書三年掌制誥。因何便得錦旋。〔生〕你不知。小生因掌

制誥。偷寫下了夫人誥命一通。混在衆人誥命內。朦朧進呈。僥倖聖旨都准行了。小生星夜親手捧
着五花封誥。送上賢妻。瞞過了聖上來也。〔旦〕費心了。盧郎。你因何得中了頭名狀元。〔生〕多

謝賢卿將金貲廣交朝貴。竦動了君王。在落卷中番出做個第一。〔旦〕哎也。險些第二了。

〔玉芙蓉〕〔生〕文章一色新。要得君王認。插宮花。酒生袍袖春雲。春風馬上有
珠簾問。這夫婿是誰家第一人。你夫人分有花冠告身。記當初伴題橋捧硯。虧
殺卓文君。

〔前腔〕〔旦〕你天生巧步雲。早得嫦娥近。乍相逢。門兒掩着成親。秋波得似掩

花前俊。暗裏絲鞭打着人。俺行夫運。夫人縣君。只這些三時爲思夫長。是翠眉顰。

〔內〕報報報。差官到。〔淨官上〕東邊跑的去。西頭走得來。常差官見。〔見介〕稟老爺。躑蹠了。原

來老爺朦朧取旨。馳驛而回。被宇文老爺看破了。奏上。聖旨寬恩免究。此去華陰山外。東京路上。有座陝州城。運道二百八十里。右路不通。聖旨就着老爺去做知州之職。鑿石開河。欽限走馬到任。不許停留。〔生日〕有這等事。快備夫馬。夫妻們陝州去也。

〔尾聲〕則道咱書生祿米幾粒。太倉陳。要平白地支管看河陽運。兩人呵。也則索寶馬香車一路兒引。

三載暮登天子堂。
一朝衣錦晝還鄉。

催官後命開河路。
食祿前生有地方。

第十一齣 鑿陝

〔普賢歌〕〔淨委官上〕陝州城下水波波。運道上乾焦石落碣。州官來開河。工程一月多。點包兒今朝該到我。小子麻哈人氏。考中京營識字。偶遇疏通事宜。加納陝州幕職。陝

州一條官路。二百八十八里頑石。東京運米西京。費盡人牛脚力。轉搬多有折耗。顛倒刻減顧直。人戶告理難當。上官議開河驛。州裏盧爺詳允。動支無礙工食。工程一月有餘。並不見些兒涓滴。小子當蒙鈞委。特來點比工役。諸餘作手都可。到是甲頭老賊。推呆賣老不來。來時打的他一直。

〔字字雙〕

〔丑扮甲頭拿紙錢上〕

我做甲長管十家。十甲開河人役暗分花點開。

排門常例有些些。喇雜管工官又把甲頭搶沒法。〔見介淨惱介〕這咱時狗俵子孩

兒還不來伺候。〔丑叩頭介〕小的不敢。〔淨〕工程一月有餘。還不見你一點水。〔丑〕不敢哩。

水是地下的血。難道小的身上尿。〔淨〕狗奴管水喫水。你推的沒有。〔丑〕小人有罪。權送一分紙

錢。〔淨惱介〕狗才。紙錢是這紙錢。〔丑〕這是盧大爺因水道不通。領了衆夫甲三步一拜。將次

到這禹王廟來了。這紙錢是禹王老爺用的。難道老爺到用不的。〔淨慌介〕哎也。原來大爺行香。

這狗才不早通報。快去點香鋪席。

〔縷縷金〕

〔生領衆上〕

山磊磊。石崖崖。鋤鋤流汗血。工食費民財。〔淨接生介〕灑

掃神王廟。親行禮拜。要他疏通泉眼。度船簰。再把靈官賽。〔淨〕香紙齊備。〔生拜介〕

〔雙調江兒水〕禹王如在。吏民瞻拜。石頭路滑倒把糧車兒礙。要鑿空河道引江淮。〔合〕叫山神早開。河神早來。國泰民安似海。

〔前腔〕〔衆拜介〕長途石塊。轉搬難耐。領官錢上役真慳。偷工買懶。一樣費錢財。〔合前〕〔生〕祭完了。分付十家牌。一人管十。十人管百。搥鼓僱工。不許懈怠。〔衆應介內鼓外作介〕

〔桂枝香〕〔生〕則爲呵太原倉窄。臨潼關隘。未說到砥柱三門。且掘斷蘆根一

帶。看泥沙石髓。看泥沙石髓。便陰陽違礙。也無如之奈。好傷懷。〔衆〕這辛苦男女

們當得的。〔生〕滴水能消得民間費血財。〔內鼓介衆驚介〕好了好了。稟老爺。東頭水

來了。〔生喜介〕真個洞洞的水聲哩。

〔前腔〕〔衆〕黃河過脈。澗池分派。自從公主河西。直引到太陽橋外。看涓涓碧

水。看涓涓碧水。此時蒙昧。定然滂沛。好開懷。〔生〕還有前山未開哩。〔衆〕望梅且

止。三軍渴。逢靖權消一滴災。〔衆作歛鑿不動介〕呀。怎的來下不得銑。〔看介〕稟老爺。前面

開的山是土山石皮。這兩座山透底石。一座喚名雞脚山。一座熊耳山。銑他不入的。〔生背想介〕雞

脚山熊耳山麼。昔禹鑿三門。五行並用。〔回介〕雞脚和熊耳。你道鐵打不入。俺待鹽蒸醋煮了他。〔衆笑介〕怕沒這等大鍋。〔生〕不用的鍋。州裏取幾百擔鹽醋來。〔衆應下扛鹽上介〕鹽醋在此。〔生〕取乾柴百萬束。連燒此山。然後以醋澆之。着以鍬椎。自然頑石擘裂而起。後用鹽花投之。石都成水。〔衆笑介〕有這等事。〔放火介〕

〔大趂鼓〕燒空儘費柴。起南方火電。霹靂摧崖呀。山色燒煤了。〔生〕快取醋來。〔衆鼓醋介〕料想山神前身爲措大。又逢酸子措他來。這樣神通教人怎猜。〔衆笑介〕怪哉怪哉。看這雞脚跟熊耳朵。都着酸醋煮糶了。〔生〕快下鍬斧。成其河道。〔衆鼓鋤介〕

〔前腔〕〔生〕鸛嘴啄紅崖。似鱗皴甲綻。粉裂烟開。一面撒鹽生水也。〔衆鼓撒鹽介〕知他火盡青山在。好似雪消春水來。〔鑿介驚介〕河頭水流接來了。〔衆笑介〕水鳥初飛。通船引簾。〔生〕百姓們。功已成矣。河已通矣。當鑄鐵牛於河岸之上。以輓重舟。頭向河南。尾向河北。一面催僂入關糧運。兼以招引四方商賈奇貨。聚於此州。一面奏知聖上。東遊觀覽勝景。也不枉陝州百姓之勞。〔衆〕多謝老爺。男女們插柳沿河。以添勝景。

〔尾聲〕還把清陰垂柳兩邊栽。奏明主東遊氣概。〔衆〕大河頭鑄一個鐵牛兒
千萬載。

省盡人牛力。

恩波鑄鐵牛。

傳聞聖天子。

爲此欲東遊。

第十二齣 邊急

〔西地錦〕〔外扮老將引衆上〕踏破冰凌海浪。撞開積石河梁。馬到擒王。旗開斬

將。袍花點盡風霜。坐擁貔貅膽氣豪。玉門關外陣雲高。白頭未掛封侯印。腰下長懸帶血刀。自家

涼州都督羽林大將軍王君奐是也。瓜州常樂縣人氏。平生驍勇。善騎射。蒙聖恩以戰功累陞今職。

隴右河西。聽吾節制。長城一線。控隔吐番。近聞番兵大舉入寇。兵鋒頗銳。不知他大將爲誰。待俺當

頭出馬。俺好不粗雄也。

〔山花子〕老河魁福國安邦將。羽林軍個個精芒。按星宮頓開旗五方。陣團花

太歲中央。〔內鼓介合〕鼓轟天如雷震。張鎗刀甲盔如日光。馬噴秋如雲飛戰場。

倚洪福如天大展邊疆。〔扮報子上〕報報報。吐番有個大將熱龍莽殺過來了。〔外〕快整兵前去。〔行介〕

〔清江引〕大唐家有的是驍雄將。出馬休攔擋。軍兒走的慌。陣兒擺的長。定西番早擒下先鋒熱龍莽。〔下淨扮龍莽領衆上唱前清江引普天西出落的云云外衆上打話

介淨〕吾乃番將熱龍莽是也。你是何小將。敢來迎戰。〔外〕吾乃大將王君奐是也。出馬在此。早降。〔戰介番將佯敗外衆追下介末扮那邏領衆唱前清江引倒天山靠定了云云上〕吾乃吐番丞相悉那邏是也。領兵策應龍莽將軍。日前有書教他佯輸詐敗。唐兵必追。吾以生兵遶出其後。破之必矣。把都們。一齊殺過關南轉西。以擒唐將。〔衆應下淨上外追戰介末衆上叫介〕王君奐。王君奐。且歇一馬。咱吐番丞相救兵在此。〔外慌介〕呀。中計了。中計了。三軍死戰。〔淨末夾戰外敗被殺介淨末相見介淨〕多承國相遠來。得此全勝。〔末〕唐軍戰敗。大將陣亡。便乘此威風。搶進玉門關去。不可有遲。

加鞭哨馬走如龍。

斬將長驅要立功。

假饒一國長空闊。

盡在吾家掌握中。

第十二齣 望幸

〔梨花兒〕〔淨扮驛丞上〕陝州喏大的新河驛。老宰今年六十七。承差之時二十一。嚙。巴到尙書還要百個十。小子陝州新河驛驛丞。生來祖代心靈。幼年充縣門役。選去察院。祇承。也是其年近貴。那一位察院爺有情有情。賞我背褡一個。與我承差一名。差到東西兩廣。不說南北二京。承差的威風休論。役滿赴考銓衡。選中了吏部火房。幹事又犯了些不了事情。三年飛天過海。偷選了陝州新河驛驛丞。驛係潼關出口。錢糧津貼豐盈。幾領轎。幾擡扛。幾匹驢頭。律令般的紙牌勘合。十斤肉。十鍾酒。十個雞子。膿血樣的中火下程。本等應付少。也要落幾段。折色分例多。則是沒一成。因此往來公役。常被他唬嚇欺凌。真乃一報還了一報。承差慣打驛丞。幾番要逃要死。貪些狗苟蠅營。各處送來徒犯。便是送我幾個門生。入門有拜見之禮。着禁有賣免之情。不完月錢打死。費一張白紙超申。縱有查盤點視。除了刺字替身。日久上司官到。搖船擺站缺人。到頭天樣大事。撞着一個老太歲遊神。〔內介〕老爺。是那位過往官到。〔淨〕哎也。你道是誰。當今開元皇帝。不安本

分開行。又不用男丁擺檣。要一千個裙釵唱着采菱。本州太爺親選了九百九十八個。少了的是押殿脚的頭稍二名。老驛丞無妻。少女尋不出。逼出了人的眼睛。遲誤了欽依當耍小子。有計了。西頭梁斷處一條性命爛繩。〔吊頸介〕貼丑扮囚婦出救介。怎麼了。本官老爺縱不爲螻蟻前程。也爲這條狗性命麼。〔淨醒介〕便是這條狗命。說甚麼蟻役前程。〔叩頭介〕你二位不是乾娘義妹。怎生這救苦難觀世音。〔貼丑〕奴家兩人都是本驛囚婦。〔淨〕哎。有這等姿色的囚婦。一向躲在那裏。不來參見本官。且問你丈夫那裏去了。〔貼〕我丈夫叫短包兒。剪絳去了。〔淨〕怎麼說。〔貼〕是老爺放他去。好還月錢。〔淨〕多承了。〔丑〕我丈夫是胡哈兒。吊雞去了。〔淨〕好生意哩。〔丑〕也是老爺教他去。〔淨〕我要雞怎麼。〔丑〕下程中火呢。〔淨〕罷了。早是不會選着你。搖九龍舟去。若見老皇帝。說知此事。那皇帝連我的雞都怕喫了。話分兩頭。且問二位仙鄉何處。〔貼丑〕江南人氏。〔淨〕會打歌兒哩。〔貼丑〕也去的。〔淨〕一發妙。如今萬歲爺到來。九龍舟選下一千名殿脚菱歌女。止欠二名。恰好你二人運到。勞你打個歌兒。將月兒起興。歌出船上事體。每句要彎彎二字。中兩句要打入帝王二字。要個尾聲兒有趣。〔貼〕使得。〔貼歌介〕月兒彎彎貼子天。新河兒彎彎住子眠。手兒彎彎抱子帝王。

頸。脚頭彎彎搭子帝王肩。帝王肩。笑子言。這樣的金蓮大似船。〔淨〕歌的好。歌的好。中子君王之意。〔向丑介〕你要四個尖尖。中間兩句也要帝王二字。也要個梢尾聲兒。〔丑〕污耳了。〔歌介〕月兒尖尖照見子鈔。鐵釘兒尖尖纂子篙。嘴兒尖尖好貫子帝王耳。手兒尖尖摸子個帝王腰。帝王腰。着甚麼喬。天上船兒也要俺地下搖。〔淨〕妙妙妙。就將你兩人答應老皇帝。則怕生當些觸誤了聖體。要演習演習纔好。〔貼丑〕沒個演習所在。〔淨〕便把我當老皇帝演一演何如。〔丑笑介〕使得。〔淨〕我唱口號二句。你二人湊成。〔歌介〕俺驛丞老的似個破船形。抹入新河子聽水聲。〔貼丑歌介〕一棹搖時一棹子睡。則怕掘篙子撐不的到大天明。〔內嚮道介淨〕快走快走。州裏太爺來了。

〔西地錦〕〔生引隊子上〕峽石翻搖翠浪。茅津細吐金沙。打排公館似仙家。晝夜

瞻迎鸞駕。〔淨見生介〕〔西江月〕〔生〕鸞駕即時巡幸。新河喜得完成。東都留守報分明。祇候都

須齊整。〔淨〕一要錢糧協濟。諸般答應精靈。普天之下。一人行。怎敢因而失敬。稟爺。萬歲爺爺若起岸而行。住何宮館。〔生〕原有先年造下綉嶺宮。三宮六院。見成齊備。扈從文武。俱有公館。帳房人役錢糧。也有東京七十四州縣津分帖濟。則有一千名棹歌女子。急切難全。怎生是好。〔淨〕止欠二名。

驛丞星夜家中搬取嫡親姊妹二名。教他打歌搖櫓。已勾一千之數。〔生〕驛丞費心了。〔衆稟介〕驛官謊爺。是兩名囚婦。〔生〕好打。〔淨叩頭介〕雖則囚婦。頗有姿色。又能唱歌。急忙難討這等一對。〔生〕也說得是。驛丞聽我分付。

〔一封書〕東來是翠華。要曲柄紅羅繖一把。〔淨〕驛裏到沒有這一件。〔生〕綉嶺宮鸞駕庫裏借來。御筵排怎麼遶龍盤。盡插花。〔淨〕則怕珍羞不齊。老皇帝也只得隨鄉入俗了。〔生〕我自有象牙盤上膳千品。外間所獻。預備賞賜而已。〔淨〕還怕扈駕文武老爺管接不周。文武官員猶自可。有那等勢燄的中貂。怎奈他。〔生〕不妨。有個頭。有個頭兒高公公。我已差人送禮。他自能約束。則我這裏要精細哩。休當耍。莫爭差。喫不盡。直駕將軍一個瓜。還一事。分付各路糧貨船千百餘艘。着以五方旗色。編齊綱運。逐隊寫着某路白糧。某州奇貨。每船上焚香。奏其本地之樂。〔淨應介〕官走上報介。稟爺。掌頭行的老公公到了。聖駕已駐三百里之外。〔生忙介〕快看馬來。迎駕去。

地脈二河接。

天臨萬乘通。

有星皆拱北。

無水不朝東。

第十四齣 東巡

〔太常引〕〔字裴引隊上〕天廻地遶。聖躬勞。春色曉雞號。日華遙上赭黃袍。蓮花
仙掌雲霄。〔字〕下官御史中丞平章軍國大事宇文融是也。〔裴〕下官中書少監裴光庭是也。中書
監蕭年兄在京監國。我二人扈駕東行。這是臨潼關外行宮。前面將次陝城了。州守乃是盧年兄也。
〔字笑介〕盧生在此三年。新河一事。未經報完。好難的題目哩。〔裴〕此君之才。下官所知。河工必成。
當受上賞。〔字〕河成不成。到彼便見。〔內傳呼聖上升殿〕

〔遶地遊〕〔上引高力士衆上〕黃輿左轟。又出三門道。聽行漏玉雞春曉。扇影全高。
日華初照。〔合〕錦江山都廻環聖朝。〔衆叩頭呼萬歲介上〕黼帳天臨御路開。離宮清蹕暫
徘徊。曠曠谷暗千旗出。洶洶山鳴萬乘來。寡人唐玄宗皇帝是也。車駕東巡洛陽。駐蹕潼關之外。今
已早膳。高力士傳旨起駕。〔高傳旨行介〕

〔望吾鄉犯〕電轉星搖。旌旗出陝郊。仙公河上誰傳道。三生帝女人悲杳。萬乘

親巡到。〔生跪伏介〕知陝州事前翰林院學士兼知制誥臣盧生。領合州官吏百姓男女迎駕。〔上問介〕那知州可是前日狀元盧生。〔裴〕是。〔上〕平身。〔生〕萬歲萬歲萬萬歲。〔上〕前面高聳聳的是何物。〔生〕出關路險。搭有天橋。〔上〕天橋麼。天將風雨。〔生〕所謂雨師灑道。風伯清塵。〔上笑介〕趨行。〔合〕看砥柱。望石橋。山川天險出雲霄。離宮渺。帳殿遙。二陵風雨在西嶠。〔上〕傳旨且住。避雨片時。問陝州有何行殿。〔生〕有萬歲巡行綉嶺宮。〔上〕怎見的。〔生〕有詩爲證。〔上〕可奏來。〔生〕臣謹奏。春日遲遲春草綠。野棠開盡飄香玉。綉嶺宮前鶴髮翁。猶唱開元太平曲。〔上〕聽此詩。昔年遊幸。如在眼前。〔生〕萬歲。喜天開日朗。鸞駕可行。〔上〕傳旨迤邐而進。

〔絳都春〕播鼓鳴捎。望山程險處。過了天橋。則這些截斷了河陽京兆。早捱過了臨潼跣蹬的遙。大華如夢杳。似蓮嬌。倒映的這關門窄小。〔生〕臣盧生謹奏。聖駕已出潼關。到了河口。請登龍舟。〔上〕朕記此間舊是石路。何用龍舟。〔生〕臣已開河三百餘里。以備聖駕東遊。〔上笑介〕有此奇異之事。朕往觀之。〔望介〕呀。真乃水天一色也。龍輿瞻眺。真乃是山色水光相照。〔內鼓吹上衆登舟介上〕下了龍舟。〔生〕臣已選下殿脚采女千人。能爲棹歌。

〔采女叩頭棹歌介〕

〔出隊子〕君王福耀。謝君王福耀。鑿破了河關一線遙。翠絲絲楊柳畫蘭橈。酒滴向河神吹洞簫。好搖搖。等閒平地把天河到了。〔上〕美哉棹歌之女也。

〔鬧樊樓〕說甚麼如花殿脚多奇妙。那菱歌起處卻也魚沈鴈落。似洛浦凌波照。甚漢女明粧笑。在處裏有嬌嬈。也要你臣子們知道。新河站偏他粧的恁好。

〔內奏樂介生〕臣之妻清河崔氏。備有牙盤一千品獻上。〔上笑介〕准卿奏。〔生進酒介〕臣盧生謹上千秋萬歲壽。

〔鶯畫眉〕金盞酌仙桃。滴金莖湛露膏。臣膝行而進臨天表。牙盤獻水陸珍肴。菱歌奏洞庭天樂。〔上笑介合〕今朝有幸。雲霄裏得近天顏微笑。〔上〕牙盤所進。分

賜護從人等。卿平身。〔生呼萬歲起介上〕前面船隻數千隊奏樂器。是什麼船。〔生〕此皆江南糧餉。各路珍奇。逐隊焚香。奏他本土之樂。

〔滴滴金〕〔上笑介衆〕看幾千艘排列的無喧鬧。一隊隊軍民。齊跪着頂香爐。咄

着細樂。各路的貨郎兒分旗號。白糧船到了。有那番舶上回回跳。江漢來朝。都到這河宗獻寶。〔上〕二卿知昔日陝州之路乎。石嶺崎嶇。江南運糧至此。驅馳車載。萬苦千辛。因此祖宗以來。遇糧運稍遲。俺君臣們巡狩東都就食。不想今日有此盧生也。

〔啄木兒〕〔上〕他時路。石徑喬。糧運關中車輓勞。怕乾枯了走陸地蛟龍。誰撥轉個透海金鰲。〔生〕臣謹奏。這新河望萬歲賜以新名。〔上〕可賜名永濟河。〔生〕萬歲。〔上〕是開元天子巡遊到。新河永濟傳徽號。穩倩取歲歲江南百萬漕。〔上〕前岸屹然而立。頭

向河南。尾向河北者。何物也。〔生〕鐵牛。以鎮水災。〔上〕宣裴光庭卿。長於文翰。可作鐵牛頌。以彰盧生之功。〔裴〕萬歲。臣謹奏。〔上〕可奏來。〔裴〕天元乾。地順坤。元一元而大武。順百順而爲牛。牛其春物之始乎。鐵乃秋金之利乎。其爲制也。寓精奇特。壯趾貞堅。首有如山之正。角有不崩之容。至乃融巨冶。炊洪蒙。執大象。驅神功。遂爾東臨周畿。西盡虢略。當函關之路。望若隨仙。近桃林之塞。時同歸獸。昔李冰鎮蜀。立石咒於江流。張騫鑿空。飲牽郎於漢渚。蓋金爲水火既濟。牛則山川舍諸。所謂載華岳而不重。鎮河海而不洩。其在茲與。臣光庭作頌。頌曰。杳冥精兮混元氣。爐鞴椎牛載厚地。巨靈

西撐角岩巒。馮夷東流吼滂沛。堅立不動神之至。層隄顧護人所庇。帝賜新河名永濟。玉帛朝宗千萬歲。〔上笑介〕奇哉頌也。盧生刻之碑銘。汝功勞在萬萬年。不小也。〔生〕萬歲。

〔二段子〕〔上〕河源恁高。動天河。江湖海潮。詞源恁豪。翦文章。金刀筆刀。盧卿呵。這柳堤兒。敢配的甘棠召。裴卿呵。你金牛作頌。似河清照。〔衆跪介合〕禹鑿鴻碑也。只感帝堯。〔內馬聲〕望介。岸上走馬。有何事情緊急哩。〔小卒上〕星忙來路遠。火速報君知。宇文爺報子叩頭。〔字〕有甚軍情。緩緩說來。

〔鬪雙雞〕〔卒〕邊關上。邊關上。番軍來炒。〔字〕有大將王君奐在哩。〔卒〕君奐將。君奐將。就中難道。〔字〕難道是殺了。〔卒〕刻下風聞非小。〔字〕有玉門關哩。〔卒〕敢撞進了玉門關。那邊兒不要。〔字〕不要那邊。難道要這邊。〔卒起介〕便要。不的這邊廂也。商量怎了。〔下字奏介〕臣宇文融啓萬歲。有邊報緊急。吐番殺進長城。王君奐抵敵不過。伏乞聖裁。〔上驚介〕這等怎生處分。

〔上小樓〕虛囂。非常震擾。去長安路幾遙。急忙問扈駕的難差調。酸溜溜的文

官班裏誰誦過兵書去戰討。〔字背笑介〕開河到被盧生做了一功。恰好又這等一個題目處置他。〔回奏介〕臣與文班商量。除是盧生之才。可以前去征戰。〔上〕卿言是也。〔生〕兵凶戰危。臣不敢任。〔上〕寡人知卿。卿不可辭。卽拜卿爲御史中丞。兼領河西隴右四道節度使。掛印征西大將軍。星夜起程。無得遲誤。朕有御衣戰袍一領。賜卿御前穿挂了。謝恩。〔生應起介〕內鼓吹生換戎裝上。謝恩介。〔新陞御史中丞兼領河西隴右四道節度使臣盧生見駕叩頭。〕〔上〕平身。卿去。朕無西顧之憂矣。

〔耍鮑老〕邊關事多應難料。且把個錦將軍裝束的俏。你頭插了侍中貂。也只索從征調。〔裴〕汗馬功勞。比尋河外國那辛勤較。〔字〕俺這裏玩波濤。臨潼鬪寶。你可也展雄樣。逞英豪。〔合〕遵欽限把陽關唱好。是你封侯道。〔內鼓吹開船介上〕
盧生盧生。

〔尾聲〕我暫把洛陽花遶一遭。專等你捷音來報。那時節呵。重疊的蔭子封妻。恩不小。〔下生跪伏呼萬歲起介〕分付衆將官。既然邊關緊急。欽限森嚴。就此起程。不辭夫人而去。

了。正是昔日饑寒驅我去。今朝富貴逼人來。〔下旦貼上〕本來銀漢是紅牆。隔得盧家白玉堂。誰與王昌報消息。盡知三十六鴛鴦。咱和梅香尋相公去來。呀。怎不見了相公也。

〔賽觀音〕我兒夫知何際。記不起清河店兒。拋閃下博陵崔氏。〔合〕一片無情。直恁水流西。〔貼問介〕一河兩岸老哥。見太爺那裏去了。〔內〕唐明皇央及太爺跨馬征番去了。

〔旦哭介〕原來如此。

〔前腔〕爲征夫添憔悴。平沙處關河鴈低。楊柳外夕陽烟際。〔合〕聽馬嘶聲。還似在畫橋西。梅香。咱們趕上。送他一程。〔走介〕

〔人月圓〕跌着脚叫我如何理。把手的夫妻別離起。等不得半聲將息。跨馬征番直恁急。〔合〕征塵遠。空盈盈淚眼。何處追隨。〔貼〕趕不上。且回州去。再作區處。

〔前腔〕去則去。要去誰闌你。便婦女軍中頽甚氣。咱回家今夕你何州睡。割不斷夫妻一肚皮。〔合〕淒涼起。除則是夢中和你些兒。

河功就了去邊州。

人不見兮水空流。

山上有山何處望。

一天明月大刀頭。

第十五齣 西諜

〔淨外扮將軍上〕臺上霜威凌草木。軍中殺氣傍旌旗。我們河西節度使府中副將是也。大都督盧爺升帳。在此伺候。

〔金瓏璵〕〔生引衆上〕河隴逼西番。爲兵戈大將傷殘。爭些兒撞破了玉門關。

君王西顧切。起關東掛印登壇。長劍倚天山。〔集唐〕三十登壇衆所尊。紅旗半捲出轅門。

前軍已戰交河北。直斬樓蘭報國恩。我盧生自陝州而來。因河西大將王君彝與吐番戰死。河隴動搖。朝廷震恐。命下官掛印征西。兵法云。臣主和同。國不可攻。我欲遣一人往行離間。先除了悉那邏丞相。則龍莽勢孤。不戰而下。此乃機密之事也。訪的軍中有一尖哨。叫做打番兒漢。講得三十六國番語。穿回入漢。來去如飛。早已喚來也。

〔北絳都春〕〔旦扮小軍插旗上〕莽乾坤一片江山。千山萬水分程限。偏我這產西涼。直着邊關。也是我野花胎。這頭分瓣。〔見介生〕呀。你便是打番兒漢。你可打的番通的。

漢。

〔混江龍〕〔旦舞介〕打番兒漢。俺是打番兒漢。哨尖頭有俺的正身迭辦。〔生〕祖

實是羌種漢兒種。〔旦〕祖貫南番。到這無爺娘田地甘涼畔。順風兒拜別了悶摩山。你收了這小番兒在眼。一名支數口糧單。小番兒身才輕巧。小番兒口舌闌

番。小番兒會到羊同黨項。小番兒也到那昆侖白闐。小番兒會吐魯渾般骨都

古魯。小番兒會別失巴的畢力班闐。小番兒會一留咖喇的講着鐵里。小番兒

也會剔溜禿律打的山丹。但教俺穿營入寨無危難。白茫茫沙氣寒。將一領荅

思叭兒頭毛上按。將一個哨弼力兒脣綽上安。敢則是夜行晝伏。說甚麼水宿

風餐。〔生〕養軍千日。用在一朝。我今日有用你之處。你可去得。〔旦〕止不過敲象牙。抽豹尾。

有甚麼去不得也那顏。〔生〕如今吐番國悉那邏丞相足智多謀。爲我國之害。要你走入番中。

做個細作。報與番王。只說悉那邏丞相因番王年老。有謀叛之意。好歹教那番王害了他。你去得去

不得。〔旦〕這場事大難大難。你着俺行反間。向刀尖劍樹萬層山。你教俺趟

也不越。頑也不頑。太師呵。你教俺沒事的話人反。將何動憚。着甚麼通關。〔生〕

但逢着番兵。三三兩兩傳說去。悉那邏丞相謀反。自然彼中疑惑。要甚麼通關呢。〔旦〕天也你

教俺兩片皮把鎮胡天的玉柱輕調侃。三寸舌把架瀚海金梁倒放番。俺其實有口難安。〔生〕既然流言難布。我有一計。千條小紙兒寫下悉那邏謀反四大字。到彼中遍處黏貼。

方成其事。〔旦〕此計可中。則將這紙條兒紙條兒窳地的莊嚴看。呀。一千個紙條兒拿

着怎好。〔生想介〕便是俺有計了。打聽番中木葉山下。一道泉水。流入番王帳殿之中。給你竹籤兒

一片。將一千片樹葉兒。刺着悉邏謀反四個字。就如蟲蟻蛀的一般。上風頭放去。流入帳下。他只做

天神所使。斷然起疑。此乃御溝紅葉之計也。〔旦〕妙哉妙哉。須不比知風識水俏紅顏。倒

使着寒江楓葉丹。你道灘也麼灘。透燕支山外山。小番兒去也。〔生〕賞你一道紅。十角

酒。三千貫响鈔。買乾糧。饑饉去。成事賞你千戶告身。〔旦〕懷揣着片醉題紅錦囊出關。撲

着口星去。星還。到木葉河灣。則願遲共疾。央及煞有商量的流水潺顏。好和歹

掇賺他沒套數的番王着眼。〔生〕你道葉兒上寫甚來。

〔北尾〕無筆仗指甲裏使着木刀鑽。有靈心似蟲蟻兒。猛把書文按。怎題的漢宮中無端士女愁。則寫着錦番邦。悉那邏丞相反。〔下生〕番兒去的猛。此事必成。但整理兵馬。相機而進。

賢豪在敵國。

反間爲上策。

目睹捷旌旗。

耳聽好消息。

第十六齣 大捷

〔一枝花〕〔淨扮龍莽上〕殺過賀蘭山。血染燕支塞。展開番主界。踏破漢兒牌。氈氍登臺。繡帽獅蠻帶。與中華鬪將材。三尺劍秋水摩楷。七圍帳蓮花寶蓋。自家熱龍莽。吐番稱大將。撞破玉門關。把定了銅符帳。俺便待長驅甘涼。進窺關隴。則爲俺國裏悉那邏丞相。他智勇雙全。一步九算。已差人商議去了。俺想自古有將必有相。一手怎做得天大事也。

〔北〕一犯江兒水。悉邏相國。想起那悉邏相國。他生的有人物在。論番朝無賽。蓋有胸懷。好兵書。好戰策。他和俺答的來。我有他展的開。一個邊臺。一個朝階。

合着這兩條龍翻大海。〔衆〕可也怕唐家江山廣大。人物乖巧。〔淨〕漢兒恁乖。也不見漢兒恁乖。唐家多大。搶着看唐家多大。則俺恨不的展天山打破了漢摩崖。〔番卒插令箭上〕吉力煞麻尼撒里哈麻赤報復元帥。悉那邏丞相謀反。被贊普爺殺了。〔淨驚介〕怎麼說。〔丑再說介淨〕誰見來。〔丑〕菩薩見。〔淨〕怎生菩薩見。〔丑〕元帥不知。本國有木葉山水泉。直透我王宮帳。流下有千片葉兒。蟲蛀其上有悉邏謀反四大字。國王爺見了。差人出山巡視。並無一人。國王爺說道。天神指教了。請丞相爺喫馬乳酒。腦背後銅鎚一下。腦漿迸流。〔淨驚介〕這等丞相可死了。〔丑〕可不死了。〔淨哭介〕俺的悉邏丞相。天也天也。〔扮報子上〕報報報。唐家盧元帥大兵殺過來了。〔淨〕這等怎了怎了。

〔北尾〕急翻身撇馬營門外。猛鞞鞞番鼓陣旗開。天呵。可前勾金蹬上馬敲重奏的凱。〔下生引衆唱前清江引大唐家有的是驍云云上〕自家奉詔征番。用智殺了丞相悉那邏。此時番將勢孤。可擒也。三軍前進。〔下淨引衆唱前清江引普天西出落的云云上見介淨〕來將何人。〔生〕大唐盧元帥。〔淨〕認得咱龍莽將軍麼。〔生〕正爲認的你。纔好拿你哩。〔淨〕你有王君奩那

斷手段麼。〔生笑介〕你家悉那邈那斷何在。〔戰介番敗下介又上戰番敗下介生領衆殺上〕呀。熱龍莽敗走了。我軍星夜趕去。遇城收城。遇鎮收鎮。殺出陽關以西。正是饒他走上。燄磨天。也要騰身趕將去。

〔北調脫布衫〕〔莽領敗兵走上〕想當初壯氣豪淘。把全唐看的忒虛囂。到如今戰敗而逃。可正是一報還一報。把都們孩兒怎了也。

〔中呂小梁州〕〔哭介〕折沒煞萬丈旄頭氣不銷。鬼哭神號。明光光十萬甲兵。刀成拋調。殘箭引弓梢。〔內鼓噪報介〕漢兵到也。〔莽〕走走走。那來的休得追趕。

〔么〕兔窩兒敢盼得番兵到。錦江山亂起唐旗號。閃周遭。天數難逃。血雨漂。兵風噪。難憑國史說。咱是漢天驕。罷了罷了。千里之外。便是祈連山。乃胡漢之界。待我想一計來。〔內雁叫介〕有計了。不免裂帛爲書。繫於雁足之上。央他放我一條歸路。萬一回兵。未可知也。天天。只可惜死了那邈丞相呵。

〔耍孩兒〕從來將相難孤弔。一隻手怎生提調。如風捲葉似沙漂。死淋侵無路。

奔逃。真乃是玉龍戰敗。飄鱗甲。野獸驚回。濕羽毛。及煞孤鴻。叫一兩句中腸。打動千萬個大國求饒。

〔煞尾〕南朝那一敲。西番這一囂。老天天望不着。咱那窠兒到。吐魯魯羞煞咱。百十陣的功勞。這一陣兒掃。

走上天山一看。

殺氣無邊無岸。

做了跌彈班鳩。

說與寄書胡雁。

第十七齣 勒功

〔夜行船引〕〔生引衆上〕紫塞長驅飛虎豹。擁貔貅萬里咆哮。黑月陰山。黃雲白草。是萬里封侯故道。日落轅門鼓角鳴。千羣面縛出番城。洗兵魚海雲迎陣。秣馬龍堆月照營。

我盧生總領得勝軍十萬。搶過陽關。一面飛書奏捷。一面乘勝長驅。至此將次千里之程。深入吐番之境。但兵法虛虛實實。且龍莽號爲知兵。恐有埋伏。不免一路打圍而去。直拿到了龍莽。方爲罕也。

〔衆應介行介〕

〔惜奴嬌序〕大展龍韜。看長城之外。沙塞飄搖。〔衆〕將軍令驟雨驚風來到。迢迢千里邊城。到處插上了大唐旗號。不小。看圖畫上秦關漢塞。廣長多少。〔小卒上〕報報報。前面黑坳兒內飛雅驚起。恐有伏兵。〔生〕是也。上有黑雲。下有伏兵。快搜勦前去。〔小番將領衆上〕煞嘛嘛。克喇喇。〔戰介番敗走下介生〕此賊幾乎中他之計。〔衆〕諒他小小。何足道哉。

〔黑麻序〕難饒。點點腥臊。費龍爭虎鬪。一番搜勦。看風飛草動。殺的他零星落

雹。〔生〕蕭條。血染了弓刀。風吹起戰袍。〔雁叫介生射介〕雁雲高。寶雕弓扣響。風前

橫落。〔衆喝采介〕呈上將軍。雁足之上。帶有數行帛書。〔生看介〕此地是天山。天分漢與番。莫教飛

鳥盡。留取報恩環。〔生笑介〕諸軍且退後。〔背介〕此詩乃熱龍莽求我還師。莫教飛鳥盡。留取報恩

環。是了。飛鳥盡。良弓藏。看來龍莽也是一條好漢。且留着他。〔回介〕此山名爲何山。〔衆〕是天山。

〔生〕玉門關過來多少。〔衆〕九百九十九里。〔生〕怎生少一里。〔衆〕天山上。一片石占了一里。〔生〕

從來有人征戰至此者乎。〔衆〕從古未有。〔生笑介〕怪的古詩云。空留一片石。萬古在天山。吾今起

自書生。仗聖主威靈。破虜至此。足矣。衆將軍。可磨削天山一片石。紀功而還。〔衆應磨石介〕

〔園林好犯〕頭直上天山那高。打摩崖。創鉏剡。向中間平治了一道。山似紙。筆如刀。把元帥高名插九霄。〔生〕待我題名。〔念介〕大唐天子命將征西。出塞千里。斬虜百

萬。至於天山。勒石而還。作鎮萬古。永永無極。開元某年某月某日。征西大元帥邯鄲盧生題。〔放筆笑介〕衆將軍。千秋萬歲後。以盧生爲何如。〔衆應介〕是。

〔忒忒令犯〕〔衆〕上題着大唐年開元聖朝。下題着大元帥征西的爵號。直接上了祈連一道。折抹了黃河數套。雖則這幾行題一片石。千椎萬鑿。這壁廂唐家盡頭。那壁廂番家對交。萬千年天山立草爲標。〔生〕題則題了。我則怕莓苔風雨。石

裂山崩。那時泯沒我功勞了。〔衆〕聖天子萬靈擁護。大將軍八面威風。自然萬古鮮明。千秋燦爛。

〔雙蝴蝶〕便風雨莓苔的氣不消。一字字雁行排天際遙。也未必蚤晚間山移石爆。長則在關河上星迴日耀。但望着題名記神驚鬼叫。便做到沒字碑。也磨洗認前朝。〔報上〕故國山河闊。新恩日月高。稟老爺。聖上看了捷書。舉朝文武大宴三日。封老爺定

西侯食邑三千戶。欽取還朝。加太子太保兵部尙書同平章軍國大事。聖旨差官迎取已到。望老爺
即便班師。〔衆賀介生〕聞此聖恩。便當不俟駕而回。但塞外之事。須處置停當。自天山至陽關。千里
之內。起三座大城。墩臺連接。無事屯田養馬。有事聲援策應。不許有違。

〔沈醉東風〕守定着天山這條。休賣了盧龍一道。少則少千里之遙。須則要號
頭明。烽瞭遠。常川看好。〔衆跪介〕承教。現放着軍政司條例分毫。但欽依小將們
知道。〔生〕這等就此更衣了。〔內捧幞袍上更衣介〕

〔錦花香〕〔生〕你既然承托。我敢違宣召。好此三時夢魂飛過了午門橋。〔嘆介〕
拜辭這金戈鐵馬。卸下了征袍。和你三載驅勞。一時拋調。慘風烟淚滿陽關道。
〔行介〕

〔錦水棹〕陽關道。來回到。長安道。難輕造。便做我未老得還朝。被風沙也朱顏
半凋。從軍苦也從軍樂。聽了些孤雁橫秋。畫角連宵。金鈺奏。金鈺奏。畫鼓。敲嘶
風戰馬把歸鞍躡。人爭看霍飄姚。留不住漢班超。〔鼓吹介〕

〔鴛鴦煞〕滿轅門播鼓回軍樂。擁定個出塞將軍入漢朝。〔生〕列位將軍休要得忘了俺數載功勞。把一座有表記的天山須看的好。

許國從來徹廟堂。
連年不爲在疆場。

將軍天上封侯印。
御史臺中異姓王。

第十八齣 閨喜

〔桃源憶故人〕〔旦引老旦上〕盧郎未老因緣大。贅居崔氏清河。夫貴妻榮堪賀。忽地把人分破。〔合〕問天天方便。此三兒箇。歸到畫堂清安。〔長相思〕博陵崔。清河崔。昔

日崔徽今又徽。今生情爲誰。去關西。渡河西。你南望相思。我向北相思。丁東風馬兒。姥姥。一從盧郎征西。杳無信息。不知彼中征戰若何。〔老〕仗皇帝福力。必然取勝。則是姐姐消瘦了幾分。

〔擲破金字令〕〔旦〕不茶不飯。所事情粧裏。〔老〕他是爲官。〔旦〕爲官身跋涉。把令政成拋躲。〔老〕遠路風塵。知他是怎麼。〔旦〕則爲他人才得過。聰明又頗好功名。兩字生折磨。〔合〕春光去了呵。秋光卽漸多。扇掩輕羅。淚點層波。則爲他着人

兒那些三情意可。

〔夜雨打梧桐〕〔旦〕拈整翠鈿窩。悶把鏡兒呵。〔貼〕後花園走走跳跳。〔旦〕待騰那和你花園遊和。〔行介〕做一個寬擡瘦玉。慢展凌波。霎兒間蹬着步怎那。〔旦住介

老〕似這水紅花也囉。不爲奴哥花也因何。〔合〕甚情呵。夏日長猶可。冬宵短得麼。〔老〕梅香。取排簫絃子鼓弄一番。和姐姐消遣。〔貼衆吹彈介旦〕歇了。

〔擲破金字令〕砌一會品簫絃索。燥的人沒奈何。少待我翠屏深坐。靜打磨陀。這好光陰閒着了。我。〔貼〕看你營勾了身奇。受用了情哥。還待恁般尋索。特地吟哦。有一般兒孤寡教怎生過。〔合〕春光去了呵。秋光卽漸多。扇掩輕羅。淚點層波。則爲他着人兒那些三情意可。

〔夜雨打梧桐〕〔旦〕盼雕鞍你何日歸來和我。渺關河淡烟橫抹。〔老〕懶去後花園。

向前門而望。儻有邊報。亦未可知。〔旦〕正是正是。〔行介內打歌介〕雖咱青春傷大。幽恨偏多。聽青青子兒誰唱歌。〔貼〕略約倚門賸。翠閃了雙蛾。擡頭望來。兀自你鳳釵

微躡。〔合〕甚情呵。夏日長猶可。冬宵短得麼。〔扮將官上〕羽檄飛三捷。恩光下九重。報上夫人。老爺用兵得勝。飛奏朝廷。萬歲十分歡喜。着大小文武官員宴賀三日。封老爺爲定西侯。食邑三千戶。馬上差官欽取還朝。掌理兵部尙書。加太子太保同平章軍國大事。蚤晚見朝也。〔旦〕這等謝天謝地。

〔尾聲〕〔旦〕喜珠兒頭直上下。弔到裙拖。天來大喜音。熱壞我的耳朵。則排比十里笙歌。接着他。

去時兒女悲。

歸來笳鼓競。

借問行路人。

何如霍去病。

第十九齣 飛語

〔秋夜月〕〔淨引衆上〕四馬車纜下的這東華路。但是官僚多俯伏。有一班兒不睹事難容恕。〔笑介〕敢今番可圖。敢今番可圖。〔淨〕深喜吾皇聽不聰。一朝偏信宇文融。今生不要尋冤業。無奈前生作耗蟲。自家宇文融。當朝首相。數年前。狀元盧生不肯拜我門下。心常

恨之。尋了一個開河的題目處置他。他到奏了功。開河三百里。俺只得又尋個西番征戰的題目處置他。他又奏了功。開邊一千里。聖上封爲定西侯。兼兵部尙書。還朝同平章軍國事。到如今再沒有第三個題目了。沈吟數日。潛遣腹心之人。訪緝他陰事。說他賄賂番將。佯輸賣陣。虛作軍功。到得天山地方。雁足之上。開了番將私書。自言自語。卽刻收兵。不行追趕。〔笑介〕此非通番賣國之明驗乎。把這一個題目下落他。再動不得手了。我已草下奏稿在此。只爲近日蕭嵩同平章事本上。要連他簽押。恐有異同。我已排下機謀。知他可到。

〔西地錦〕〔蕭上〕同在中書相府。平章兩字何如。〔笑介〕喜盧生歸到握兵符。和咱雙成玉柱。〔蕭〕平明登紫閣。〔淨〕日晏下彤圍。〔蕭〕擾擾朝中子。〔淨〕徒勞歌是非。〔蕭〕老平章。是非從何而起。〔淨〕你不知滿朝說盧生通番賣國。大逆當誅。若不奏知。干連政府。〔蕭〕怎見得。〔淨〕你說他爲何到得天山。竟然轉馬。原來與番將熱龍莽交通賄賂。接受私書。〔蕭〕盧生是有功之臣。未可造次。

〔八聲甘州〕〔淨笑介〕他欺君賣主。勾連外國。漏洩機謨。〔蕭〕怕沒有此事。此乃番將

聞風遠遁。成此大功也。〔淨笑介〕那龍莽呵佯輸詐敗。就裏都難料取。既不呵。兵臨虜穴。乘勝取。爲甚天山看帛書。〔合〕躊躇。這事體非小可之圖。

〔前腔〕〔蕭〕有無。這中間情事。隔邊庭弔遠。要審個真虛。〔淨〕千真萬真。既不呵。得了番書。合當奏上。〔蕭〕那將在軍中呵。隨機進止。況收復了千里邊隅。〔淨怒介〕你朋黨欺君。〔蕭〕我甘爲朋黨相勸阻。肯坐看忠臣受枉誅。〔合前淨笑介〕原來你爲同年。不爲朝廷。這事我已做下了。有本稿在此。你看。〔蕭看念介〕中書省平章軍國大事臣宇文融。同平章事門下侍郎臣蕭嵩一本。爲誅除奸將事。有前征西節度使今封定西侯兼兵部尙書同平章軍國事盧生。與吐番將熱龍莽交通獻賄。龍莽佯敗而歸。盧生假張功伐。到於天山地方。擅接龍莽私書。不行追勦。通番賣國。其罪當誅。臣融臣嵩頓首頓首謹奏。呀。這等重大事情。老平章不先通聞。盡知朦朧具奏。雖然如此。也要下官肯押花字。〔淨怒介〕蕭嵩。你敢教三聲不押花字麼。〔蕭叫三聲不押介淨笑介〕好膽量。教中書科取過筆來。添你一個通同賣國四字。待你伸訴去。〔蕭背嘆介〕同刃相推。俱入禍門。此事非可以口舌爭之。下官表字一忠。平時奏本花押。草作一忠二字。今日使

些智術。於花押上一字之下。加他兩點。做個不忠二字。向後可以相機而行。〔回介〕老平章息怒。下官情願押花。〔押介淨笑介〕我說你沒有這大膽。明日蚤朝。齊班奏去。

功臣不可誣。

奸黨必須誅。

有恨非君子。

無毒不丈夫。

第二十齣 死竄

〔堂候官上〕鐵券山河國。金牌將相家。自家定西侯盧老爺府中堂候官便是。我家老爺掌管天下兵馬數年。同平章軍國事。文武百官。皆出其門。聖恩加禮。一日之內。三次接見。看看日勢向午。將次朝回。不免伺候。早則夫人到來也。〔旦引老旦貼上〕奴家崔氏是也。俺公相領謝天恩。位兼將相。欽賜府第一區。朱門畫戟。紫閣雕簷。皆因邊功重大。以致朝禮尊隆。休說公相。便是爲妻子的。說來驚天動地。奴家是一品夫人。養下孩兒。但是長的。都與了恩蔭。真是罕稀也。〔內作瓦裂聲介旦驚介〕老嫗嫗。甚麼響。〔老旦看介〕是堂簷之上一片鴛鴦瓦。碎下來了。〔旦驚介〕呀。鴛鴦瓦爲何而碎。〔貼望介〕哎喲。一個金彈兒。拋打烏鴉。因而碎瓦。〔旦嘆介〕聖人云。烏鴉知風。蟲蟻知雨。皮肉跳而

橫事來。裙帶解而喜信至。鴛鴦者夫婦之情也。烏鴉者晦黑之聲也。落彈者失圓之象也。碎瓦者分
飛之意也。天呵。眼下莫非有十分驚報乎。

〔賞花時〕俺這裏戶倚三星展碧紗。見了些坐擁三臺立正衙。樹色遶簷牙。誰
近的鴛鴦翠瓦。金彈打流鴉。〔內响道介旦〕公相朝回。看酒伺候。〔生引隊子上〕下官盧生。在
聖人跟前平章了幾樁機務。喫了堂飯。回府去也。

〔么〕俺這裏路轉東華倚翠華。佩玉鳴金宰相家。新築舊堤沙。難同戲耍。春色
御溝花。〔見介旦〕公相朝回。奴家開了皇封御酒。與相公把一杯。〔生〕生受了。〔內奏樂介〕俺先與

夫人對飲數杯。要連聲叫乾。不乾者多飲一杯。〔旦〕奉令了。〔生飲介〕夫榮妻貴酒。乾。〔旦看介〕公
相乾了。到奴家喚。夫貴妻榮酒。乾。〔生笑介〕夫人欠乾。〔旦笑飲介〕這杯到乾了。正是小槽酒滴珍
珠紅。〔生笑介〕夫人。你的槽兒也不小了。〔內鼓介〕報報。聽說人馬鎗刀。打東華門出。未知何故也。

〔生〕由他。俺與夫人唱乾飲酒。〔旦飲介〕妻貴夫榮酒。乾。〔生〕夫人倒在上面了。這杯乾的緊。待我
喚。妻貴夫榮酒。乾。〔旦〕公相有點了。〔生〕夫人。這是酒瀉金莖露涓滴。〔旦笑介〕相公。你的莖長是

涓的。〔生笑介〕內鼓介堂候官上介。報報。外面人馬自東華門出來。填街塞巷。好不喧鬧也。〔生〕且由他。俺與夫人叫第三乾。〔兒子走上哭介〕老爺。老夫人。人馬鎗刀。濟濟排排。將近府門來也。〔生驚起介〕

〔北醉花陰〕這些時直宿朝房夢喧雜。整日假紅圍翠匝。鈴閣遠。靜無譁。是潭潭相府人家。敢邊廂大行踏。〔聽介內呼喝叫拿拿介〕生。不住的叫拿拿。敢是地方走了賊。反了獄。既不呵。怎的响刀鎗人鬩馬。〔衆扮官校持鎗索上叫衆軍圍住介〕貼老旦驚走生。惱介。誰敢無禮。

〔南畫眉序〕〔衆〕聖旨着擒拿。〔生〕是駕上差來的。請了。〔衆〕奏發中書到門下。〔生慌介〕門下爲誰。〔衆〕竟收拿公相。此外無他。〔生怕介〕原來是差拿本爵。所犯何罪。〔衆〕中書丞相奏老爺罪重哩。這犯由不比常科。干係着重情軍法。〔生〕有何負國。而至於斯。

〔官〕下官不知。有駕票在此。跪聽宣讀。〔生日跪官念介〕奉聖旨。前節度使盧生。交通番將。圖謀不軌。卽刻拿赴雲陽市。明正典刑。不許違誤。欽此。〔生日叩頭起哭天介〕波查禍起天來大。怎

泣奏當今鸞駕〔生〕這事情怎的起呵。

〔北喜遷鶯〕走的來風馳雷發。半空中沒個根芽。待我面奏訴冤。〔衆〕閉上朝門了。

〔生〕爭也麼差。着俺當朝闌駕。你省可的慢打。商量咱到晚衙。〔衆〕有旨不容退

衙。〔生哭介〕夫人。夫人。吾家本山東。有良田數頃。足以禦寒餒。何苦求祿。而今及此。思復衣短裘。乘

青駒。行邯鄲道中。不可得矣。取佩刀來。顛不喇自裁刮。〔生作刎旦救介衆〕聖旨不准自裁。要

明正典刑哩。〔生〕是了是了。大臣生也明白。死也明白。夫人。牽這些業畜。午門前叫冤。俺市曹去也。

遲和疾剛刀一下。便違聖旨。除死無加。〔下高力士上〕吾爲高力士。誰救老尙書。今日爲

斬功臣。閉了正殿。看有甚麼官員奏事來。〔旦同兒上〕相公市曹去了。俺牽兒子午門叫冤去。十步

當一步。前面正陽門了。〔叫介〕萬歲爺爺。冤苦哪。〔高〕萬歲爺爲斬功臣。掩了正殿。誰敢囉唆。〔旦〕

奴家是盧生之妻。誥封一品夫人。崔氏。領這一班兒子。來此叫冤呵。〔高背嘆介〕滿朝文武。要他妻

兒叫冤。可憐人也。〔回介〕盧夫人麼。有何冤枉。就此鋪宣。〔旦叩頭介〕萬歲萬歲。臣妾崔氏伸冤。

〔南畫眉序〕宿世舊冤家。當把盧生活坑煞。有甚駕前所犯。喫幾個金瓜。把通

番罪名暗加。謀叛事關天當要。〔合〕波查禍起天來大。怎泣奏當今鸞駕。〔高哭介〕可憐可憐。你在此候旨。俺爲你奏去。〔旦〕在此搦土爲香。禱告天地。〔拜介〕崔氏在此叫冤。天。撥轉聖人龍威。超拔兒夫狗命呵。這許多時。還未見傳旨。〔高同裴光庭上〕聖旨到。既盧生有冤。着裴光庭領赦。往雲陽市。免其一死。遠竄廣南崖州鬼門關安置。卽刻起程。謝恩。〔高哭介〕可憐可憐。唳鶴無情聽。啼鳥有赦來。〔下內鼓介衆綁押生囚服裏頭上〕

〔北出隊子〕〔生〕排列着飛天羅刹。〔扮劊子尖刀向前叩頭介生〕甚麼人。〔劊〕是伏事老爺的劊子手。〔生怕介〕嚇煞俺也。看了他捧刀尖勢不佳。〔劊〕有個一字旗兒。稟老爺插上。

〔生看介〕是個甚麼字。〔衆〕是個斬字。〔生〕恭謝天恩了。盧生只道是千刀萬劊。卻只賜一個斬字兒。領戴領戴。〔下鑼下鼓插旗介生〕蓬席之下。酒筵爲何而設。〔衆〕光祿寺擺有御賜囚筵。一樣插花茶飯。〔生〕是了。這旗呵。當了引魂旛。帽插宮花。鑼鼓呵。他當了引路笙歌。赴晚衙。這席面呵。當了個施豔口的功臣筵。上鮓。〔衆〕趁早受用些。是時候了。〔生〕朝家茶飯。罪臣也喫勾了。則黃泉無酒店。沽酒向誰人。罪臣跪領聖恩一杯酒。〔跪飲介〕怎咽下也。

〔么〕暫時間酒淋喉下。還望你祭功臣。澆奠茶。〔衆〕相公領了壽酒行罷。〔生叩頭介〕罪臣謝酒了。〔衆〕咦。看的人一邊些。誤了時候。〔生綁行介〕一任他前遮後擁。鬧嘈嘈。擠的俺前合後偃。走踢踏。難道他有甚麼劫場的人。也則看着耍。〔衆叫鑼鼓介生問介〕前面旛竿何處。〔衆〕西角頭了。

〔南滴溜子〕旛竿下。旛竿下。立標爲罰。是雲陽市。雲陽市。風流洒角。〔衆〕休說老爺一位。少甚麼朝宰功臣這答。套頭兒不稱孤。便道寡。用些膠水摩髮。滯了俺一手吹毛。到頭也沒髮。〔生惱介掙斷綁索介〕

〔北刮地風〕呀。討不的怒髮衝冠。兩鬢花。〔劊做摩生頸介〕老爺頸子嫩。不受苦。〔生〕咳。把似你試刀痕。俺頸玉無瑕。雲陽市好一抹凌烟畫。〔衆〕老爺也曾殺人來。〔生〕哎也。俺曾施軍令。斬首如麻。領頭軍該到咱。〔衆〕這是落魄橋了。〔生〕幾年間回首京華。到了這落魄橋下。〔內吹喇叭介劊子搖旗介〕時候了。請老爺生天。〔生笑介〕則你這狠夜叉也閒吊牙。刀過處生天直下。哎也。及你斷頭話。須詳察。一時刻莫得要爭。

差把俺虎頭燕領高提下。怕血淋浸展污了俺袍花。〔衆〕老爺跪下。〔生跪受綁劊磨刀介內風起介劊〕好風也。刮的這黃沙。哎喲。老爺的頸子在那裏。〔摩介〕有了。老爺挺着。〔生低頭劊子輪刀介內急叫介〕聖旨到。留人留人。〔裴領旨同日急上〕

〔南雙聲子〕天恩大。天恩大。鳴冤鼓由人打。皇宣下。皇宣下。雲陽市告了假。省刑罰。省刑罰。耽驚嚇。耽驚嚇。一刻絲兒。故人刀下。聖旨到。盧生罪當萬死。朕體上天好生之德。量免一刀。謫去廣南鬼門關安置。不許頃刻停留。謝恩。〔放綁介生倒地叩頭萬歲介〕生受聖人大恩了。來者是誰。〔裴〕是小弟裴光庭。〔生〕賢弟賢弟。俺的頭可有也。〔裴〕待我瞧瞧了。〔拍介〕老兄好一個壽星頭。

〔北四門子〕〔生〕猛魂靈寄在刀頭下。荷荷荷還把俺嶮頭顱手自抹。裴年兄。俺開口相問。奏本秉筆者宇文公也。要蕭年兄肯畫知。〔嘆介〕要題知斬字下連名。他相伴着中書怎押花。〔裴〕敢蕭年兄也不知。〔生〕難道難道。則怕老蕭何也放的下。這淮陰勝。〔風起嘆介〕看了些法場上的沙。血場上的花。可憐煞將軍戰馬。〔裴〕老兄與嫂

嫂在此敘別。小弟回聖上話去。小心煙瘴地。回頭雨露天。請了。〔下旦哭介〕怎生來話兒都說不出來。奴家有一壺酒。一來和你壓驚。二來餞行。〔生〕卑人見過那些御囚茶飯。早醉飽也。〔旦〕兒子都在午門叩頭去了。等他來瞧一瞧去。〔生〕由他由他。他來徒亂人意。夫人。不要他來相見罷了。〔旦哭介〕俺的天呵。也把一杯酒。略盡妻子之情。

〔南鮑老催〕唏唏嚇嚇。〔酒杯驚跌介旦啜介〕戰兢兢把不住臺盤滑。撲生生遍體上寒毛乍。吸廝廝也哭的聲乾啞。〔內鼓介內〕盧爺快行快行。有旨着五城催促不可久停。〔末小旦扮兒子哭上〕我的爹呵。〔旦〕這都是你兒子。怎下的去也。〔生〕是你婦人家。不知朝廷說我圖謀不軌。如今安置我在鬼門關外。罪配之人。限時限刻。天呵。人非土木。誰忍骨肉生離。則怕累了賢妻。害了這幾個業種。到爲不便。〔兒扯要同去介生〕去不得也。兒。〔同哭介〕眼中兒女空鈎搭。腳頭夫婦難安割。同死去做一榻。〔旦悶倒生扯介〕

〔北水仙子〕呀呀呀哭壞了他。扯扯扯起他。且休把望夫山立着化。〔衆兒哭介生〕苦苦苦苦的這男女煎喳。痛痛痛痛的俺肝腸激刮。我我我瘴江邊死

沒了渣。你你你做夫人權守着生寡。〔旦〕你再瞧瞧兒子麼。〔生〕罷罷罷。兒女場中替不的咱。好好好。這三言半語告了君王假。我去請了。〔旦哭介〕相公那里去。〔生〕去去去。去那無雁處。海天涯。〔虛下旦哭介〕兒子回去罷。難道爲妻子的不送上他一程。

〔南雙鬪雞〕君恩免殺。奴心似剛。沒個人兒和他和他把包袱打。大臣身價。說的來長業煞。〔生上見介〕夫人。你怎生又趕上來。〔旦〕爲你沒個伴當。放心不下。我袖了半截銀鏢子。你路上顧覓。〔生〕罪人誰敢相近。我獨自覓食而行。你還拿這半截鏢子回去。買柴糴米。休的苦了兒女呵。

〔北尾〕罪人家顧不出個人兒罷。我還怕的有別樣施行咱。夫人夫人。你則索小心兒守着我萬里生還也朝上馬。

十大功勞誤宰臣。

鬼門關外一孤身。

流淚眼觀流淚眼。

斷腸人送斷腸人。

第二十一齣 讒快

〔縷縷金〕〔宇文笑上〕口裏蜜。腹中刀。奸雄誰似我逞英豪。來的遵吾道。那般癡老。一萬重烟瘴怎生逃。家門盡休了。學生讒臣宇文融便是一不做。二不休。盧生那廝開河三百里。開邊一千里。可謂扶天翊聖大功臣矣。被我奏他通番謀叛。押斬市曹。可恨他妻子清河崔氏奏免其死。竄居海南煙瘴地方。那里有個鬼門關。怎生活的去。中吾計也。中吾計也。則那崔氏雖一婦人。留在外間。還怕有他蕭裴同年撥置生事。我昨密奏一本。崔氏乃叛臣之妻。當沒爲官婢。其子叛臣之種。俱應竄去遠方。聖旨准奏。其子隨便居住。崔氏沒入外機坊織作。得了此旨。我卽刻差京城巡捉使。星夜將崔氏囚之機坊。將他兒子撚出京城去。好來回話也。〔大使上〕兼充五城使。未入九流官。稟老爺回話。〔宇〕拿崔氏到局坊去了。〔使〕容稟。

〔黃鶯兒〕半老尙多嬌。聽拘拿。粉淚漂。我穿通駕上人驚倒。家私盡抄。兒女盡逃。則一名犯婦今收到。〔合〕好輕敲。把冤家散了。長是樂陶陶。〔宇〕你這個官兒到能事。記你一功。送吏部紀錄去。〔使叩頭謝介〕

殺人須見血。

立功須要徹。

都是會中人。不勞言下說。

第二十二齣 備苦

〔淨扮賊上〕臉上幾根毛。僭號鬼頭刀。小子連州人。一生翦徑。這幾日空閒。有個兄弟在古梅村。尋他幹事去。〔行介〕兄弟在家麼。〔丑扮賊上〕半生光浪蕩。混名下剔上。〔淨〕怎生叫做下剔上。〔丑〕但是討寶。沒有的。不管死活。從頰下一剔剔上去。〔淨〕快當快當。兄弟這幾日空過怎好。〔內虎吼介丑〕虎來了。和哥哥前路等人去。誰知虎狼外。更有狠心人。〔下生傘上〕行路難。行路難。不在山。朝承恩。暮賜死。行路難。有如此。我盧生身居將相。立大功勞。免死投荒。無人敢近。一路乞食而來。直到潭州。州守同年。偷送一個小廝。小名呆打孩。背負而來。過了連州地方。與廣東接界。只得拚命前去。那小廝也走動些麼。〔叫介〕呆打孩。呆打孩。〔童擔上〕走乏了。秀才挑了去。〔生〕你再挑一程兒麼。〔行介〕

〔江兒水〕眼見得身難濟。路怎熬。凌雲臺畫不到這風塵貌。玉門關想不上匡州道。〔童〕腦領上黑碌碌的一大古子來了。〔生〕禁聲。那是瘴氣頭。號爲瘴母。〔嘆介〕黑碌碌瘴

影天籠罩。和你護着嘴鼻過去。〔走介〕好了。瘴頭過了。〔童〕又一個瘴頭。〔生〕怎了怎了。這裏有天難靠。北地裏堅牢。偏到的南方壽夭。〔內虎嘯介童哭介〕大蟲來了。走不動。〔生〕着了瘴麼。有甚麼大蟲。〔童〕那不是大蟲。〔虎跳上生驚介〕天也天也。

〔忒忒令〕是不是山精野貓。觀模樣定然爲豹。古語云。刀不斬無罪之漢。虎不食無肉之人。咱盧生身上無肉也。〔童〕呆打孩一發瘦哩。〔生〕瘦書生怎做得這一餐東道。賽得過撲趙盾小神獒。〔虎跳介生〕怎生不轉額前來跳。意兒不好。虎有三步打。待咱張起傘來。〔張傘作鬪介內叫〕畜生不得無禮。〔虎咬童下生哭介〕大蟲拖去呆打孩了。且獨自行去。〔行介〕我閒想起來。朝中黃羅涼傘。不能勾遮護我身。這一把破雨傘。到遮了我身。滿朝受恩之人。不能替我的命。到是呆打孩替了我命。看來萬物有緣哩。〔丑淨持刀趕上〕漢子那裏去。〔生驚介〕往海南的。〔丑〕討寶來。討寶來。〔生〕貧子有甚麼寶。

〔五供養〕雨衣風帽。念盧生出仕在朝。〔淨〕在朝一發有寶了。〔生〕此三須曾有寶。盡被虎狼贖。〔丑〕難道老虎連金銀都喫去了。討打討打。〔刀背打介生〕不要打。小生也是個有意思。

的人〔丑〕要你有意思做甚麼。〔生〕小生是個有功勞之人。〔丑〕功勞甚麼用。討寶來。〔生嘆介〕咳。我想諸餘不要。則買身錢荷包在腰。誰人知意思。何處顯功勞。罵你一聲黑心賊盜。〔丑〕沒有寶。又罵我賊。下剔上宰了。〔殺生介生作死介丑〕前生有今日。來歲是周年。〔下生醒介〕哎喲。這頸子歪一邊去。濕淋侵怎的。〔看介〕是血哩。誰在我頸頰下抹了一刀。喜的不曾斷喉。且把頸子端正起來。〔蹣起正頭叫疼介〕呀。原來大海子。〔望介疼介〕恰好一隻船兒也。〔舟子上〕何來血腥氣。觸污海潮風。漢子。救你一命。〔衆不許生上介舟子勸上介〕

〔玉卮子〕〔衆〕是烏艚還是白艚。浪崩天雪花飛到。〔內風起介衆〕颶風起了。惡風頭打住蓬梢。似大海把針撈。浮萍一葉希。帶我殘生浩渺。〔生〕好了。前面青山一帶。是海岸了。〔舟〕哎喲。鯨魚曬翅黑了天。這船人休了。〔衆哭介〕

〔江神子〕則道晚山如扇插雲高。怎開交。遇鯨鰲。則他眼似明珠攝攝的把人瞧。翅邦兒何處落。纔一閃。命秋毫。〔內普魯空空聲介衆〕壞了。〔船覆衆下介生得木板漂走哭上介〕哎喲。天妃聖母娘娘。一片木板兒。中甚用呵。〔風起介〕好了好了。一陣颶風來。前面是

岸。儘力跳上去。〔跳介〕謝天謝地。〔內大風吼介生抱頸介〕哎。緊巴着這頸子。可吹不去呢。〔風吼哭介〕吹去頸子怎好。靠着石亭子倒了去也。〔倒介扮衆鬼上各色隨意舞弄介末扮天曹上〕衆鬼不得無禮。呀。此人有血腥氣。〔看介〕原來頰下刀傷。將我一股髭鬚。替他塞了刀口。〔鬼替搯鬚塞口譚介天曹〕盧生聽吾分付。二十年丞相府。一千日鬼門關。〔下生醒介〕哎。喲。好不多的鬼也。分明一人將髭鬚塞了頰下刀口。又報我二十年丞相府。一千日鬼門關。呀。真個長下鬚子了。〔扮二樵夫黑臉蓬頭繩扛打歌上〕打柴打柴打打子柴。萬鬼堂前一樹槐。〔生驚介〕又兩個鬼來了。〔樵〕是黑鬼。〔生〕一發嚇殺我也。〔樵〕我們是這崖州蠻戶。生來骨髓都黑。因此州裏人都叫做黑鬼。我是砍柴的。〔生〕原來這等。你這裏白日有鬼。〔樵〕你不看亭子大金字。〔生看念介〕呀。盧生到了鬼門關。眼見無活的也。〔樵〕你是何等人。自來送死。〔生〕我是大唐功臣。流配來此。〔樵〕州裏多見人說。有大官宦趕來。不許他官房住坐。連民房也不許借他。〔生〕好苦。〔樵〕可憐可憐。我碓房住去。〔生〕怎生叫做碓房。〔樵〕你是不知。這鬼門關大小鬼約有四萬八千。但是颶風起時。白日裏出跳。則是鬼矮的離地三寸。高的不上一丈。下面住鬼打攪得荒。我們山崖樹杪架些排欄。夜間護

着個四德狗子睡。〔生〕怎生叫四德狗子。〔樵〕他一德咬賊。二德咬野獸。三德咬老鼠。四德咬鬼。

〔生〕罷了罷了。沒奈何護着狗子睡了。則我被傷之人。礮不上去。〔樵〕繩子擡罷。〔擡介〕

〔清江引〕狗排欄架造無般妙。個裏難輕造。山崖斗又高。棘刺兒尖還俏。黑碌碌的回回直上到杪。

〔前腔〕八人擡盆煞那團花轎。這樣還波俏。草繩繫着腰。黑鬼兒梭梭跳。這敢是老平章到頭的受用了。

逃得殘生命。

鷓鴣寄一枝。

情知不是伴。

事急且相隨。

第二十二齣 織恨

〔末扮機坊大使官上〕平生不作皺眉事。天下應無切齒人。自家京城巡捉使。爲抄劄盧家有功。

超升外織作坊一個大使。此乃當朝宰相宇文老爺之恩也。老爺還要處置盧家。但是他夫人織造粗惡。未完事件。都要起發他一場。想起來也是個一品夫人。大使官多大。去凌辱他。〔想介〕有計了。

督造太監將到。攛掇他去凌辱便了。在此伺候。〔丑扮內官上〕本是南內押班使。帶作西頭供奉官。吾乃掌管織造穿宮內使。便是。好幾個月不會下局。大使何在。〔末見介〕公公下局。小官整備茶飯伺候。〔丑〕你知近日朝廷有大喜事麼。〔末〕不知。〔丑〕乃是吐番國降順中華。帶領西番一十六國侍子來朝。所費錦段賞犒不貲。故來催攢。你可知事。〔末〕小官知事。只是外機坊錢糧有限。無可孝敬公公。〔丑惱介〕不孝敬公公麼。多大孫孫子哩。〔末〕不敢說。有一場大孝敬。只要老公公消受得。〔丑〕怎麼大孝敬。〔末〕老公公半年不到此間。有個織婦。係盧尙書妻小。那尙書積貫通番。得些寶玉珍珠。都在那妻子手裏。〔丑〕難道他雙手送來。〔末〕馬不弔不肥。人不弔不招。弔將起來就招了。

〔丑〕我內家人心慈。〔末〕小官打耳眯子。〔丑〕着。憑仗太監公公。欺負盧家媽媽。〔下旦貼抱錦上〕

〔破齋陣〕一日內家奴婢。十年相國夫人。零落歸坊。淋漓當戶。織處寸腸挑盡。怎禁得。呀。軋機中語。待學個回環錦上文。殘啼雙翠顰。〔帶人嬌〕小織機坊。煙鎖幾

重簾箔。挑燈罷。停梭夢着。流人江嶺。半夜歸來飄泊。宮牆近也。又被啼烏驚覺。望斷銀河心緬邈。恨蓬首居然織作。天寒翠袖。試綵鴛雙掠。正脈脈秦川。迴文淚落。奴家盧尙書之妻清河崔氏。兒夫罪

投煙瘴。奴家沒入機坊。止許梅香一人相隨。暗想公相在朝。夫榮妻貴。府堂之內。奴婢數百餘人。奴有金貂。婢皆文繡。誰知一旦時事變遷。這也不在話下了。只是夫離子散。好不傷心呵。

〔漁家傲〕機房靜。織婦思夫痛子身。海南路。嘆孔雀南飛。海圖難認。〔貼〕到宮譜宜男雙鴛處。怕鈿愁暈。梅香呵。昔日個錦簇花園。今日傍宮坊布裙。〔合〕問天天。怎舊日今朝。今朝來是兩人。〔旦〕在此三年。滿朝仕宦。沒個替相公表白冤情。〔貼〕好苦好苦。

〔攤破地錦花〕〔旦〕大冤親。把錦片似前程判。一謎謎塵。白日裏黑了天門。待學蘇妻織錦迴文。〔合〕奏明君。倘然間有見日分。〔貼〕夫人。織錦迴文。獻上御覽。召還相公。亦未可知。筆硯在此。先填了詞。好上樣錦。〔旦寫介〕宮詞二首。調寄菩薩蠻。待我鋪了金縷朱絲。梅香班織。〔貼〕是如此。〔旦鋪錦上織介〕

〔剔銀燈〕無情緒。絲頭亂廝引。無斷倒挑絲兒廝認。一縷縷金襯着一絲絲柔腸恨。一字字詩隱着一層層花毬暈。〔合〕迴文玉纖拋損。一溜溜梭兒攬過淚。

墨痕〔內喝介貼〕催錦的官兒將到。夫人趨起些。

〔麻婆子〕織就織就官錦。上辭兒受苦辛。蟋蟀蟋蟀天將冷。停梭悵遠人穿花錦。滴淚眸昏。一勾絲到得天涯盡。〔內喝介合〕促織人催緊。愁殺病官身。〔末同丑

响道上〕

〔粉蝶兒〕帽帶餛飩。高帶着牙牌風韻。〔末〕已到機坊。〔丑〕還不見機戶迎接。可惡可惡。

〔貼慌介〕督造內使來到。夫人患難之中。只索迎接。〔旦〕我乃一品夫人。有體面的。你去便了。〔貼

應跪接介〕機戶迎接公公。〔丑笑介〕好好起來起來。你就是盧夫人哩。〔貼〕機戶叫做梅香。

〔丑問末介〕怎麼叫做梅香。〔末〕梅香者丫頭之總名也。春間討的是春梅。冬天討的是冬梅。頭上

害喇驢的叫做喇梅。不知是盧尙書那一時討的。總名梅香。〔丑笑介〕梅香梅香。有甚香處。〔末〕梅

香者暗香也。都在衣服裏下半截。〔低介〕弔起那一陣陣香。滿屋竄來。〔丑低〕你纔說珠寶一事。這

丫頭可知。〔末〕他是盧尙書的通房。怎生不知。〔丑嘆介〕則他便是盧尙書通房。其實欠通。〔末〕不

要管他。只聽我說一句。你發作一番便了。〔丑〕領教了。〔見介〕盧家的那裏。〔旦〕公公少禮。

〔丑惱介〕哎喲。你是管下的機戶。不磕頭。卻教公公少禮。難道做公公的你處磕頭不成。且擡犒賞夷人的錦段來瞧。〔末〕千字文編號。有個八段錦。犒賞夷人字號。宣威沙漠。臣伏戎羌。每個字號該錦八疋。八八六十四疋。〔丑〕呈樣來。〔貼呈錦介〕這宣威沙漠的樣錦。〔末耳語介丑〕呀。錦文囂薄。不中不中。〔貼又呈錦介〕這是臣伏戎羌的錦。〔末耳語介丑〕忒軟了。〔貼〕公公是不知。這宣威沙漠字號的錦。就要沙一般薄。臣伏戎羌的錦。就要絨一般軟軟的。都是欽降錦樣兒。〔丑問末介〕敢是欽降的。〔丑〕你去點數來。〔末點介〕只有七七四十九疋。少造了八八六十四疋。〔丑惱介〕好打哩。〔做打介貼遮旦哭介〕

〔普天樂犯〕錦官院把時光儘。織作署風雷迅。〔末耳語介丑〕是哩。這錦上絲文長是斷的。且不打正身。打這丫頭傷春懶慢。〔旦〕他作官身甚傷春。到是俺縷金絲腸斷。懷人。〔末耳語介丑〕是哩。懷人便是傷春。傷春便是懷人。好打好打。〔旦背哭介〕織錦字字繁方寸。怎覷的一絲絲都是淚痕滾。〔回身指末介〕恨無端。貝錦胡云。〔指錦介〕似這官錦如雲。甚干忙要巴巴。羯羯你這內家人。〔末背嘴介〕婦人罵老公公哩。罵你巴。又罵你

羯狗好發作了。〔丑惱介〕呀。偏我巴你不巴。我羯你不羯。本待不尋思你。不怕不尋思你。待我親自問他。那囚婦過來。聽見你丈夫交通番回。有寶玉珍珠多少。拿送公公鑲帽頂鬧粧鸞帶可好。〔旦〕家私都打沒了。那討哪。〔末耳介丑〕是了。馬不弔不肥。人不打不招。先把梅香弔起來。〔弔介末假救介〕老公公休打他。他自招來。〔丑打貼不伏介〕哎喲。寶貝都沒有了。珍珠到有些兒。〔丑〕在那裏。〔貼〕裙窩裏溜的。〔貼尿譚介丑〕這是梅香下截的香竄將出來了。〔內喝道丑末慌介〕司禮監公公响道了。〔走介高上〕

〔金雞叫〕帽擁貂獬。紅玉帶蟒袍生暈。可憐金屋裏有向隅人。何日金雞傳信。自家高力士便是。〔嘆介〕我與平章盧老先生交遊有年。一旦遠竄烟方。妻子沒入外機坊織作。〔嘆介〕好些時不曾看得他。知他安否。〔丑末跪接介〕督造機坊內使大使叩頭迎接老爺。〔高〕去。〔進見介高〕夫人拜揖。〔旦〕不知老公公出巡。妾身有失迎接。〔高〕幾番遣人送些醬菜時鮮。可到呢。〔旦〕都領下了。〔哭介〕老身好苦也。

〔朱奴兒犯〕機絲脆。怕彊忙摘緊。機絲潤。看雨暄風熅。又怕展污了。幾夜殘燈。

燼。奴便待儘時樣花文帖進。〔高〕使得使得。〔旦〕奴家還有一言告稟。官錦之外。奴家親手製下粉錦一端。迴文宮詞二首。獻上御覽。也表白罪婦一片苦心。〔高〕這不妨便與獻上御前。或有回天之喜。〔合〕淒涼運。憑誰問津。問天公怎偏生折罰罰這弄梭人。〔貼哭叫介〕老公公饒命。〔高〕夫人。饒了這丫頭罷。〔旦〕不是老身難爲他。不敢訴聞。都是貴衙門督造內使。〔高〕怎的來。〔旦〕到這也不催錦。也不看錦。只是打鬧。討寶貝若干。珍珠若干。老公公。你說罪犯之婦那討呵。〔高惱介〕原來這等小的兒快放下來。〔丑忙鬆綁介高〕軍校帶着小的。衙門伺候。〔拿丑下介〕也是大使作弄他。〔高〕連那大使拿着。〔拿介〕

〔尾聲〕〔高〕縷金箱點數了。且隨宜進。〔旦〕聒殺人那促織兒聲韻。〔高〕夫人。老尙書呵。終有日衣錦還鄉。你心放穩。

拋殘紅淚溼窗紗。

織就龜文獻內家。

但得絲綸天上落。

猶如錦上再添花。

第二十四齣 功白

〔六么令〕〔宇文同蕭上宇〕龍顏光現。探龍珠怕醒龍眠。〔蕭〕五雲高處共留連。黃閣老紫薇仙。〔宇〕萬年枝上葫蘆纏。〔蕭〕老相公怎麼說個葫蘆纏。〔宇笑介〕脚不纏不小。官不纏不大哩。今日諸番侍子來朝。聖主御樓受賀。實乃滿朝之慶也。〔蕭〕恰好裴年兄以中書侍郎掌四夷館事。前來引奏。必有可觀。

〔前腔〕〔裴上〕天朝館伴。盡華夷押入朝班。雕題侍子漢衣冠。同舞蹈拜金鸞。長呼萬歲天可汗。〔裴〕二位平章老先生請了。今日侍子趨朝。君王受賀。舊規光祿寺排筵宴。織作坊賜文錦。俱已齊備。恭候駕臨。〔宇〕衆侍子禮當丹墀站立。〔各侍子上〕古魯古魯。力喇力喇。近隨漢使千堆寶。少答戎工萬疋羅。〔宇〕分付諸番侍子。門外候駕。〔各侍下內响仗介上引高力士衆上〕

〔夜行船〕日華高罩長明殿。遶垂旒萬里江山。五國單于。三韓侍子。都俯伏在丹墀北面。〔宇蕭見介裴見介〕中書侍郎掌四夷館事臣裴光庭謹奏我王。有吐番國侍子。領西番諸國侍子朝見。〔高〕傳旨。侍子丹墀下聽旨。〔裴呼萬歲介宇蕭裴〕恭賀萬歲。天威遠播。臣等謹排

御筵奏上千秋萬壽。〔進酒介〕

〔好事近〕花舞大唐年。罄歡心太平重見。喜一天鋪滿和風甘雨祥烟。齊天福壽。聽海外謳歌來朝獻。御樓前細樂風傳。玉盞內金盤露偃。〔內唱諸番侍子進酒

侍子上〕古魯古魯力喇力喇。吾乃吐番大將熱龍莽之子。俺父親當年戰敗。爲盧元帥追勦。危急之際。白雁題書。求他撥轉馬頭。放條歸路。書云。莫教飛鳥盡。留取報恩環。今日遠聞盧元帥到。爲咱父親之故。負罪銜冤。父親不忍。啓奏番王。着咱充爲侍子。領帶各番侍子來朝。奏對之際。辯雪其冤。報恩之環。正在此矣。今當見駕。不得造次。〔衆古魯介俯伏呼萬歲萬歲萬歲萬歲叩頭起舞介〕

〔千秋歲〕好堯天。單照着唐朝殿。十二柱金龍爪齊現。疊鼓聲喧。闌單單做一字兒壽星來獻。回回舞。婆羅旋。錦帽上花枝低顫。舞袖班闌捲。做獅蹲象跪。俯伏堦前。侍子們上天可汗萬萬歲一杯酒。〔上〕勞你們國中遠來。寡人何德致此。各言其故。〔侍

以前諸國。倚恃山川。自外王化。自經盧元帥西征。諸番震恐。方知螢火難同日光。敬遣小臣瞻天朝賀。〔上〕原來如此。豈非前節度使盧生乎。叫內侍。將欵賞花文錦匹。唱數分給了。赴四夷館筵宴。

〔高唱禮介〕侍子朝門外領賞。叩頭。〔侍子叩頭呼萬歲介〕自識天朝禮。方知將帥功。〔下高數錦介〕侍子跪聽頒錦。細法真紅大百花四疋。緋紅天馬六疋。青紫飛魚八疋。翠池獅子錦十疋。八答雲雁錦二十疋。簇四金鵬錦二十疋。大窠馬打毬錦四十疋。天下樂錦五十疋。犒設紅錦一百疋。啓萬歲爺。夷人官錦欽依散完。官錦之外。餘下一端。〔上〕取來寡人觀之。〔看介〕原來織成幾行字在上面。〔念介〕詞寄菩薩蠻。○梅題遠色春歸得。遲鄉瘴嶺過愁客。孤影雁回斜。峯寒逼翠紗。窗殘拋錦室。織急還催織。錦官當夕情。啼斷望河明。○還生赦泣人天望。雙成錦匹孤鸞悵。獨泣見誰憐。流人苦瘴烟。生親還棄杼。鴛配關河戍。遠心天未知。人道赦來時。〔裴跪介〕臣覽此詞。可以迴文讀之。〔念介〕明河望斷啼情夕。當官錦織還催急。織室錦拋殘。窗紗逼翠寒。峯斜回雁影。孤客愁過嶺。瘴鄉遲得歸。春色遠題梅。○時來赦道人知未。天心遠戍河關配。鴛杼棄還親。生烟瘴苦人。流憐誰見泣。獨悵鸞孤匹。錦成雙望天。人泣赦生還。〔上〕奇哉奇哉。看錦尾必有名姓。是了。外織作坊機戶臣妾清河崔氏造進。呀。清河崔氏何人也。〔裴〕前征西節度使盧生之妻。〔上〕呀。原來盧生家口。入官爲奴。傷哉此情。可以赦之。〔字〕啓上我王。盧生通番賣國。罪不容誅。〔上〕蕭卿以爲何如。〔蕭〕聽此

侍子之言。盧生乃功臣也。〔宇文惱介〕呀。蕭嵩爲臣反復不忠。萬歲可併誅之。〔上〕他如何反復不忠。〔字〕論盧生本頭有蕭嵩名字。〔蕭〕臣並無押花。〔字〕臣袖有原本在此。呈上。〔高接本上覽介〕平章軍國大事。臣宇文融同平章事。門下侍郎臣蕭嵩謹奏。呀。是有蕭卿之名。再看奏尾。呀。蕭卿押有花字。何得推無。〔蕭〕此非臣之真正花押。〔上〕怎生是真正花押。〔蕭〕臣嵩表字一忠。平日奏事。花押草作一忠二字。又構陷盧生事情。宇文融預先造下連名奏本。協同臣進。臣出無奈。押此一花。暗於一字之下。忠字之上。加了兩點。是個不忠二字。見得宇文此奏。大爲不忠。非臣本意。〔字〕萬歲。看此人賣友欺君。當得何罪。〔上怒介〕呀。宇文融與盧生同時將相。掩蔽其功。譖以大逆。欺君賣友。非融而誰。高力士。與我拿下。〔高綁字介字〕哎。這難題目。輪到我做了。到頭終有報。來早與來遲。〔下上〕蕭裴二卿傳旨差官。星夜欽取盧生還朝。拜爲當朝首相。妻崔氏即時放出。復其一品夫人。仍賜官錦霞帔一襲。諸子門蔭如故。〔嘆介〕寡人若非吐番諸侍子之言呵。

〔尾聲〕十大功臣不雪的冤。且和俺疎放他滿門良賤。〔衆〕這是主聖臣忠道兩全。

盆下無由見太陽。

南冠君子竄遐荒。

忽然漢詔還冠冕。

計日應隨鴛鴦行。

第二十五齣 召還

〔趙皮鞋〕〔司戶官上〕出身原在國兒監。趁食求官口帶饞。蛇羹蚌醬飽腌臢。海外的官箴過得謙。小子崖州司戶。真當海外天子。長夢做個高官。忽然半夜起水。好笑好笑。一個司戶官兒。怎能巴到尙書閣老地位。不想天弔下一個盧尙書來此安置。長說他與朝廷相知。還有欽取之日。小子因此再也不難爲他。誰想上頭沒有他的路。昨日接了當朝宇文丞相密旨。說他最恨的是盧尙書。叫我結果了他的性命。許我欽取還朝。不次重用。思想起來。八品官做下這場方便事。討了欽取。有甚不好。今早缺官署印。盧生可來參見也。

〔步蟾宮〕〔生上〕喫盡了南州青橄欖。似忠臣苦帶餘甘。二年憔悴甚江潭。有百十倍的帶圍清減。俺盧生有罪。流配此州。州無正官。便是司戶官兒署掌。也不免過去見他。

〔見介〕司戶先生拜揖。請了。〔丑惱介〕呀。你是何人。〔生〕長在此相見的盧生。〔丑〕你不說是盧生。

罷。盧生流配之人。目今掌印。便是你收管衙門。不應得你叩頭站立伺候。叫我一聲司戶。就請了去。
好打好打。〔生〕誰敢。〔丑〕便叫牢子打哩。〔衆拖生打介生〕有何罪過呵。〔丑〕還不知罪。

〔紅衲襖〕打你個老頭皮不向我門下參。打你個硬骹兒不向我庭下跼。打你個蠢流民儘着嘍。打你個暗通番。該萬斬。〔生〕宇文公可恨可恨。〔丑〕宇文相公甚麼樣好人。你也罵他。打你個罵當朝一古子的談。〔生〕不要哩。朝廷有用我之時。〔丑〕打你個仗當今一塊子的膽。〔生笑介丑〕打的你皮開肉綻。還氣巖巖也。打了呵。還待火烙你頭皮鐵寸嵌。

〔前腔〕〔生〕我分的大朝家辯詔讒。怎到你小官司行對勘。則道住的是狗排欄身自耽。誰想過了鬼門關。刑較慘。罷了罷了。旣在矮簷下。怎敢不低頭。撲着口三千段朝家事。一謎的緘。搶着頭十二分你本官前再不敢。你打的我血淋侵達喇的痛饑饑也。怎再領得起你那十指鑽鉗潑火燂。〔鐵鈴生頭火烙生足介使臣帶將

官捧朝服上

〔縷縷金〕將雨露灑烟嵐。皇宣催請急舊新參。一點二臺路海風吹暗。堂堂天使此停驂。過來的鬼門站。〔內上報介〕天使到來。欽取宰相回朝。〔丑驚喜介〕我的宇文老爺。小官還不會替你幹的事。就蒙你欽取我拜相回朝。領戴領戴。且把老頭兒監候。〔作接使臣不跪使問介〕是甚麼官兒。不跪。〔丑〕天使來取司戶回朝拜相。體面不跪。〔使〕咄。快起去。盧老爺那裏。〔丑慌取生出介使〕盧老先生憔悴至此。有欽賜朝服。〔生更衣戶慌介使讀詔介〕皇帝詔曰。咨爾前征西節度使兵部尙書盧生。以朕一時不明。陷汝三年邊障。宇文融今已伏誅。賜汝定西侯爵邑如故。欽取還朝。尊爲上相。兼掌兵權。馬頭所到。先斬後奏。欽哉。謝恩。〔使見介〕敢問老先生到此多年了。

〔紅芍藥〕〔生〕有三年不到朝參。雲陽市別了妻男。僥倖煞天恩免囚轡。日南珠滿淚盤沾糝。受盡熱和鹹。纔記起風清河淡。〔合〕喜重歸相府潭潭。有的這青天湛湛。〔丑自綁上請罪介〕那裏知朝廷真有用他之時。宇文公。宇文公。弄得我沒上沒下的。只得前去請死。〔見介〕司戶小人有眼不識太山。綁縛塔前。合當萬死。〔生笑介〕起來。此亦世情。

之常耳。

〔紅衫兒〕是則是世間人都扯淡。有的閒窺瞰。也着些兒肚子包含。都不計較你了。自羞慚。把你那絮叨叨口業都除懺。〔丑〕老爺縱饒狗命。狗心不穩。顛倒號令。施行了罷。〔生笑介〕疑惑我後來麼。大人家說過了無欺。蘸頭直上青天監。〔丑叩頭介〕天大肚子的老爺。叩頭。千歲千千歲。〔生〕君命召。就此起行了。〔黑鬼三人上〕黑鬼們來送老爺。〔生〕勞苦你三年了。

〔會河陽〕地折底走過瓊厓萬儋。謝你鬼門關口來相探。〔丑〕地方要起老爺生祠。千年萬載。〔生〕要立生祠。立在他狗排欄之上。生受他留我住站。我魂夢遊海南。把名字他碣房嵌。司戶。我去後好看戲黑鬼。要他黑爺兒穩着那樵歌擔。蛋夫妻穩着那魚船纜。我去也。〔行介〕

〔紅繡鞋〕皇宣一紙鸞械。鸞械。車塵馬足趁趨。趨趨。笑奸貪枉愚濫。把時情憾皇恩感。烏頭蘸舊朝簪。

〔尾聲〕讒痕妬迹無沾嵌。向鳳凰池洗淨征衫。今後呵。海外山川長則是畫屏風邊際覽。

海外流人去。

朝中宰相歸。

舉頭紅日近。

回首白雲低。

第二十六齣 雜慶

〔大趑鼓〕〔工部大使上〕小官工作場。功臣甲第蓋造牌坊。魯班墨線千年樣。高閣樓臺金玉裝。〔合〕賞犒無邊願他官高壽長。自家工部營繕所一個大使。奉旨蓋造盧老爺大功臣坊。勅書閣。寶翰樓。醉錦堂。翠華臺。湖山海子。約二十八所。各工奏完。盧府賞銀三千錠。花酒不計其數。好氣概也。

〔前腔〕〔廐馬大使上〕小官羣牧坊。功臣賜馬。夜白飛黃。方圓肥瘦都停當。穩稱他一路鳴珂裊袖香。〔合前〕學生飛龍廐一個管馬大使。萬歲爺御樓上見盧府各位公子。朝馬肥瘦不一。詔選內廐馬三十四匹。送到盧府乘坐。蒙盧府賞我大使官一秤馬蹄金。押馬的九十餘

人各賞金錢一百貫。好不興也。

〔前腔〕〔戶部大使上〕小官冊籍廊。爲功臣田土。詔撥皇莊。山田水碓。何爲廣。更有金谷名園勝洛陽。〔合前〕小子戶部黃冊庫大使。奉旨齋送欽賜田園數目。田三萬頃。園林

二十一所。送到盧府。蒙賞契尾錢一萬緡。好利市也。

〔前腔〕〔樂官綠衣花帽上〕小官內教坊。要功臣行樂。賜與糟糠。〔內〕連龜婆都去了。

〔樂〕偷賣了一個粉頭老婆替哩。吹彈歌舞都停當。只怕夫人是個喫醋王。〔合前〕賤子是新襲職的龜官兒。萬歲爺賜功臣女樂。欽撥仙音院二十四名。以按二十四氣。蒙禮部裴老爺差委。送去盧府。女妓都留着用。賞賤子研光插花帽一頂。百花衣一件。金錢一千貫。好不興也。〔唱

合前與前三官見介樂〕三位老先唱偈。〔衆惱介〕反了反了。臭龜官敢來唱偈。〔樂〕你官多大。

〔衆〕更不大也。是一考三年。三考九年。朝廷大選。六品行頭。出去爲民之父母。你何等樣。開口唱偈。

〔打介〕也罷。不要打他。瞧他家小娘兒去。〔樂〕老先老先。我家小娘連娘都牽在盧府去了。〔衆〕這等權把你當小娘。唱個小曲兒。唱的好罷。不然呈告禮部堂上。打碎你的殼。〔樂〕也罷。便做小娘。唱

個銀紐絲兒。〔唱介〕愛的是奴家一貌也。花親親姊妹送盧家。好奢華。獨自轉回衙。風吹了綠帽紗。斜簪一朵花。小攢金袖軟靴兒乍。撞着嘴唇皮疙癩。臭冤家。把咱背克喇。鑽通關不着也。我的外郎夫呵。喇龜兒我龜兒喇。〔衆〕唱的好。再唱再唱。〔樂〕罷了。〔衆譚內〕响道介衆太老爺下朝房了。走走走。正是人逢開口笑。花插滿頭歸。〔下〕

第二十七齣 極欲

〔感皇恩〕〔旦引貼上〕依舊老平章。平沙堤上。宴罷千官擁門望。歸來袍袖長。是御爐烟颺。皇恩深幾許。如天廣。〔貼〕御宿田園。御書樓榜。御樂仙音整排當。〔旦〕滿牀簪笏。盡是綺羅生長。年光休去也。留清賞。〔集句〕遙見飛塵入建章。紅英撲地滿筵香。誰知不向邊城苦。爲報先開白玉堂。相公自嶺海歸來。二十年當朝首相。今日進封趙國公。食邑五千戶。官加上柱國太師。先蔭兒男。一齊陞改。長子傳翰林侍讀學士。次子僉吏部考功郎。三子儉殿中侍御史。四子位黃門給事中。這梅香伏侍相公。也養下一子。叫做盧倚。因他年小。掛選尙寶司丞。孫子十餘人。都着送監讀書。恩榮至矣。幾日前父子侍宴御樓之上。萬歲爺憑闌望見我家朝

馬肥瘦不齊。即便選賜御馬三十匹。宴罷之際。聞得老相公家中少用女樂。即便分撥仙音院女樂二十四名。以應二十四氣。又賜田園樓館。形勝非常。此時相公出朝。我教排設家宴。想俱整齊。相公早到。〔衆擁生上〕向曉入金門。侍宴龍樓下。身惹御爐煙。歸來明月夜。我盧生出將入相。五十餘年。今進封趙國公。食邑五千戶。四子盡陞華要。禮絕百寮之上。盛在一門之中。侍宴方闌。下朝歸府。不免緩步而行。

〔中呂粉蝶兒〕錦繡全唐。眞乃是錦繡全唐。鬧堂餐偏醉上我頭廳宰相。有那些件飲班行。壓沙堤。歸軟馬。是我到有些三美懷佳量。轉東華。慕着我庭堂。又逼札的我那夫人酬唱。〔見介〕夫人。恭喜了。進封爲趙國夫人。侍宴而歸。不覺梨花月上。〔旦〕妾因御賜樓臺幾所。因此開紅粧宴。上翠華樓。陪公相盡通宵之興。〔生〕少待少待。你四個兒子都擺着一路頭踏。鳴珂珮玉而回。〔四子冠帶上〕兄弟同日陞陞。拜見老爺老夫人去。〔見禮介〕禮樂衣冠地。文章富貴家。南山開壽域。東海溢流霞。爹娘在上。容孩兒們敬上一杯賀酒。〔進酒介〕

〔泣顏回〕列桂捧瓊觴。滿冠蓋青雲成浪。穿朝入苑。無非戚畹宮牆。老爺。你把

朝堂穩坐。一家兒門戶山河壯。保蒼生你大古裏馳名。荷皇封小的兒沾賞。
〔旦〕院子請官兒堂下飲酒。〔四子跪介〕稟老爺老夫人。兒子荷爹娘福庇。新受皇恩。各衙門俱有
公宴。〔生〕正是衙門公宴。不可遲遲。〔四子打躬退介〕暫赴鴛行席。長趨燕喜堂。〔下內作樂生嘆
美介旦〕老公相不知。此乃皇恩頒賜女樂二十四名。按二十四氣。吹彈歌舞。可謂妙矣。〔生〕哎喲。
我只道是家常雅樂。原來教坊之女。咱人不可近他。〔旦〕怎生不可近他。〔生〕尋常女子。有色無聲。
名爲啞色。其次有聲而未必有色。能舞而未必能歌。只有教坊之女。攬箏琶。舞霓裳。喬合生。大遶鼓。
醉羅歌。調笑令。但是標情奪趣。他所事皆知。所以君子可視也。不可陷也。可棄也。不可往也。且其幼
色取自鮮妍。假母教其精細。容止則光風霽月。應對則流水行雲。加之粉則太白。加之朱則太赤。高
一分則太長。低一分則太短。詩家說道。月出皎兮。美人嬈兮。巧笑倩兮。美目盼兮。那一盼你道是甚
麼盼。把你的心都盼去了。那一笑你道是甚麼笑。把人那魂都笑倒了。故曰。皓齒蛾眉。乃伐性之斧。
鶯聲燕語。乃叫命之梟。細唾黏津。乃腐腸之藥。翻牀跳席。乃糜痿之機。老子曰。五色令人目盲。五音
令人耳聾。所以小人戒色。須戒其足。君子戒色。須戒其眼。相似這等女樂。咱人再也不可近他。〔旦〕

這等公相可謂道學之士。何不寫一奏本。送還朝廷便了。〔生笑介〕這卻有所不可。禮云。不敢虛君之賜。所謂卻之不恭。受之惶愧了。〔旦〕公相。聽你說白一篇。到就誤了幾個曲兒。叫女樂近前。勸公相酒。〔女樂叩頭介生〕你們都是奉旨來的。請起請起。唱的唱。舞的舞。

〔上小樓〕〔樂〕我則望仙樓排下這內家粧。步寒宮出落的紫霓裳。一個個清歌妙舞。世上無雙。把紅牙兒撒朗。羯鼓兒繡邦。間的是吉琤琤的銀鴈兒打的冰絃曉。吸烏烏洞簫聲悠漾。把我這截雲霄不住的歌喉放。唱一個殘夢到黃梁。〔生〕怎說起黃梁。〔衆〕不是。唱一個殘韻繞虹梁。

〔泣顏回〕〔生〕軒昂氣色滿華堂。立宮花濟楚。珠珮玲琅。謝夫人賢達。許金釵十二成行。插花筵畔捧蓮杯。笑立嬌模樣。蚤餐他鳳髓龍肝。卻沾承黛綠蛾黃。〔旦〕啓相公得知。還有酒在翠華樓。爲今夜暖樓之宴。〔生〕賢德夫人也。淡月籠雲。玉塔之上可以翫賞。侍女們燃百十枝絳紗燈。細樂導引。我與夫人緩步遊賞一回。〔貼衆燈籠細樂行介〕

〔黃龍衮犯〕踢蕩蕩的蹬道三條。滴溜溜的平川一掌。藹溶溶的淡月長空。高

簇簇的紗籠翠晃。抵多少銀燭朝天紫陌長。〔笑跌介〕待不笑呵。不是他紅生生翠袖雙扶。把我脆設設的肝腸一踣。〔內奏樂笑聲道响介生〕前面幾十對紗燈响道。問是誰家。〔貼衆問介內應介〕便是我家四位官兒宴歸私宅。〔生笑介〕好人家也。前面翠花樓了。

〔撲燈蛾犯〕靄青青烟裊袖鑪香。厮琅琅落花御溝漾。唧喳喳晚風飄細樂。齊怎怎千步廊回向。高豔豔的金牌玉榜。軟幽幽粉樓下垂楊。密札札雕簷畫戟。雄糾糾有笑天獅門外滾球場。〔到介旦〕公相。你看翠華樓前面欽賜碧蓮湖三十六景。

〔生〕真乃神仙景致。女樂們扶我與夫人上樓去。〔上介生〕大觥灑酒來。與夫人痛飲。

〔上小樓犯〕展嵬嵬登了閣。砌臻臻遊了房。真乃是倚着紅雲。踏着紅蓮。逗着紅粧。〔旦〕老爺請酒。〔做酒翻濕袖介生〕笑的來酒影花枝。酒搖燈暈。酒生袍浪。越顯的這風清也似月朗。〔旦〕高樓良夜。相公可以盡懷。〔樂爭持生介生〕聽我分付。今夜便在樓中。派定此樓。分爲二十四房。每房門上掛一盞絳紗燈爲號。待我遊歇一處。本房收了紗燈。餘房以次收燈就寢。倘有高興。兩人三人臨期聽用。〔樂笑應介〕

〔疊字犯〕拍拍紅暄翠。嚷。匝匝情深意廣。沈沈的玉漏稀。娟娟的風露涼。悉的
悉喇宿鳥兒。湖上閃閃開紅紗繡窗。一個個待枕席生香。落落滔滔取情兒翫
賞。笑笑笑人生幾百歲。醉煞錦雲鄉。〔旦〕夜闌了。相公將息貴體。〔生〕夫人。吾今可謂得
意之極矣。

〔尾聲〕論功名爲將相。也是六十載擎天架海梁。夫人。向後呵。我則把這富貴榮
華和咱慢慢的享。

美景天將錦繡開。

昇平元老醉金杯。

夜夜笙歌歸院落。

朝朝燈火下樓臺。

第二十八齣 友歎

〔掛真兒〕〔蕭上〕生意盡憑黃閣下。嘆元寮病染霜華。紫禁烟花。玉堂風月。長
好是精神如畫。故交君獨在。又欲與君離。我有新愁淚。非關秋氣悲。下官蕭嵩。忝同平章事。有首

相盧老先生。乃同年至交。年今八十有餘。忽然一病三月。重大事機。詔就牀前請決。皇上恩禮異常。

至遣禮部官各宮觀建醮禳保。那禮部堂上是裴年兄上香而回。必然到此。〔裴上〕

〔番卜算〕元老病能瘥。聖主心縈掛。〔見介蕭〕年兄。這一番祈禱是如何。要作從長話。年兄。盧老先生平日精神甚好。因何一病纏綿。

〔風入松〕〔裴〕略知元老病根芽。說起一場新話。〔蕭〕是閣中機務所勞。〔裴〕非關閣下傷勞雜。是房中有些兒兜答。〔蕭〕呀。難道盧老先生此時還有餘話。〔裴〕好採戰說長生事大。皇恩賜女嬌娃。〔蕭〕有這等的事。老夫人怎不阻他。〔裴〕都道彭祖年高八百。也用採女之術。

〔前腔〕〔蕭〕老年人似紙烘殘蠟。能禁幾陣風花。千年彭祖今亡化。顛倒着折本生涯。〔裴〕盧年兄富貴已極。止想長生一路了。〔蕭〕便是。論吾儕都是八旬上下。遲和蚤幾爭差。盧老先既有此失。勢必蹉蹉。且喜年兄大拜在卽了。〔裴〕不敢。

病到調元老。

朝家少國醫。

惟餘一枝樹。

留與後來棲。

第二十九齣 生寤

〔金蕉葉〕〔旦愁容上〕愁長恨長。天樣大門庭怎放。就其間有話難詳。天天天怎的。我老相公一時無恙。事不三思。終有後悔。我老相公夫婦齊眉。極富極貴。年過八十。五子十孫。此亦人間至樂矣。以前止是幾個丫鬟勸酒。老身時時照管。不致疎虞。近因皇帝老兒沒緣沒故。送下幾個教坊中人。歌舞吹彈。則道他老人家飲酒作樂而已。誰想聽了個官兒。他希求進用。獻了個採戰之術。三月以前。偶然一失。因而一病蹶蹶。所仗聖眷轉深。分遣禮部官于各宮觀建醮祈禱。王公國戚以次上香。可謂得君之至矣。只恐福過災生。未肯天從人願。天呵。不敢望他百歲。活到九十九也罷了。〔兒子走上報介〕老夫人。老夫人。老爺不好了。分付請他出堂而坐。〔兒子梅香扶生病上〕

〔小蓬萊〕八十身爲將相。如今幾刻時光。猛然惆悵。丹青易老。舟楫難藏。〔集

唐〕將相兼權似武侯。誰人肯向死前休。臨塔一盞悲春酒。野草閒花滿地愁。夫人。我病勢沈沈。精魂散亂。多因罷了。思想當初。孤苦一身。與夫人相遇。登科及第。掌握絲綸。出典大州。入參機務。一竄

嶺表。再登台輔。出入中外。迴旋臺閣。五十餘年。前後恩賜。子孫官蔭。甲第田園。佳人名馬。不可勝數。貴盛赫然。舉朝無比。聖恩未報。一病郎當。夫人。我和你以前歷過酸辛。兒子都不知道。豈知我八十而終。皆天賜也。

〔勝如花〕寒窗苦。滯選場。瘦田中蹇驢來往。猛然間撞入卿門。平白地天門看榜。命直着簸箕無狀。手爬沙去開河運糧。手提刀去胡沙戰場。險些兒劍死雲陽。貶炎方受瘴。又富貴八旬之上。〔旦〕算從前勞役驚傷。到如今疾病災殃。〔旦〕老相公。你此病雖然天數。也是自取其然。八十歲老人家。怎生採戰那。〔生惱介〕採戰採戰。我也則是圖些壽算。看護子孫。難道是瞞着你取樂。

〔前腔〕〔旦〕你年過邁。自忖量。說採戰混元修養。爲朝廷燮理陰陽。自體上不知消長。這一病可能停當。老相公平安罷了。有些差池。就要那二十四個丫頭債命。〔生惱介〕少道少道。〔衆子〕老夫人言詞太搶。老相公尊性兒廝強。俺孝順兒郎。爹爹揀口兒咱盡情供養。〔生〕不想喫呵。〔衆子〕這等有湯藥在此。〔跪進藥介〕嘗了藥進些無

恙。〔生惱介〕還喫甚藥。〔合前內報介〕報報報。閣下裴老爺蕭老爺問安到堂。〔旦〕怎好相待。〔生〕長兒子答應去。你說有勞蕭叔叔裴叔叔。晚些下朝。請來有話。〔長子應下內介〕公侯駙馬伯各位老皇親問安到堂。〔生〕次兒子答應去。這都是四門親家。說有勞了。容病起叩謝。〔次應介內介〕五府六部都通大堂上官共八十員名稟帖問安到堂。〔生〕三的兒答應去。你說有勞了。〔三子應下內介〕小九卿堂上官共一百八十員名脚色問安到堂。〔生〕第四的答應去。你說知道了。〔小應下內介〕合京大小各衙門官三千七百員名連名手本問安。門外伺候。〔生〕堂候官分付都知道。了。〔官應下內介〕報報報。萬歲爺欽差高公公領了御醫來到。〔旦慌介生〕快取冠帶加身。夫人接旨。〔高領御醫上〕

〔滴溜子〕驃騎的驃騎的。驃騎的駕前排當。領聖旨。御醫前往。直到平章宅上。他病患有干係。無虛誑。俺比他富貴無聊他百寮之上。〔到介〕聖旨到。跪聽宣讀。詔曰。卿以俊德。作朕元輔。出雄藩垣。入贊緝熙。昇平二紀。實卿是賴。比因疾累。日謂痊除。豈遽沈頓。良深憫默。今遣驃騎大將軍高力士就第省候。卿其勉加針灸。爲朕自愛。深冀無妄。期於有喜。謝恩。〔旦謝恩起

〔介生〕老公公。學生多蒙聖恩。有勞貴步。何以爲報。〔高〕宮監事煩。不得頻來看望老先生。萬歲爺甚是懸掛。以前雖遣中使時常問安。還不放心。以此特差本監。領這御醫視藥調膳。叫你千萬寬養。以付眷懷。且着御醫診視。〔診脈介〕

〔榴花泣〕〔御〕貴人擡手。指下細端詳。手背上汗亡陽。呀。魚遊雀啄去佯佯。喜心經有脈絃長。老爺下官太素最精。老爺心脈洪大。眼下有加官蔭子之喜。下官不勝欣賀。

〔生笑介〕難道難道。〔御背高介〕盧老爺脈息欠好了。魂飛散揚。爭些兒要得身亡喪。〔高哭介〕可憐盧老先。幾十載裏外同心。霎兒間形影分張。〔御〕老爺容下官處方呈上。可憐醫國手。空費藥籠心。〔下生〕老公公。俺高年重病。醫療多難。頂戴皇恩。沒身無報。

〔前腔〕書生何德。毫髮聖恩光。垂老病。賜仙方。微臣要掙挫做姜公望。八旬外恁的郎當。老公公。老臣不能下牀。只在枕頭上叩首謝恩了。〔三叩首介〕萬歲萬歲萬萬歲。天恩敢忘。願來生做鬼也向丹墀傍。老公公。蕭裴二公雖係同年同官。還仗老公公青目。〔高〕這是交情在前了。〔生〕要緊一事。俺六十年勤勞功績。老公公所知。怕身後蕭裴二公總裁國史。編載

不全。〔高〕這個朝家自有功勞簿。逐一比對。誰敢遺漏。〔生〕保家門。全仗高公。紀功勞。借重同堂。〔生〕請問老公公。身後加官贈諡何如。〔高〕自有聖眷。不必掛心。咱去也。〔生哭介〕哎喲。還有話。老夫有個孽生之子。盧倚年小。叫來拜了公公。〔扮小公子出拜介〕好個公公。好個公公。公公。青目你孫子些兒。〔生笑介〕孩子到賊哩。〔高〕小哥注選尙寶中書了。〔生〕本爵止敍邊功。還有河功未敍。意欲和這小的兒再討個小小蔭襲。望公公主持。〔高〕謹記在心。不敢久停了。〔生叩頭哭介〕千萬奏知聖上。老臣再不能勾瞻天仰聖了。〔哭介高〕要知忍死求恩澤。且盡餘生答聖明。〔下生〕哎喲。哎喲。我汗珠兒滾下來了。絲筋寸骨都是疼的。好冷好冷哩。是了。這叫做風刀解體。誰替的我呵。叫大兒子。將文房四寶。掃席焚香。待我寫下遺表。謝了朝廷。便死瞑目矣。〔旦〕公相不煩自寫。〔生〕你不知俺的字是鍾繇法帖。皇上最所愛重。俺寫下一通。也留與大唐家作鎮世之寶。〔長兒上〕老得文園病。還留封禪書。焚香在此。老爺草表。〔生叩頭且扶頭正衣冠寫介〕

〔急板令〕儘餘生丹心注香。盼堦前斜陽寸光。呀。手戰寫不得。罷了。起個草。兒子代書。待親題奏章。待親題奏章。俺戰戰兢兢寫不成行。你整整齊齊記了休忘。〔長嘆

落筆介合。從今後大古裏分張。窮富貴在何方。〔生短氣介〕不要聒噪。大兒子念表文俺聽。〔長念介〕臣本山東書生。以田圃爲娛。偶逢聖運。得列官序。過蒙榮獎。特受鴻私。出擁旄鉞。入升鼎輔。周旋中外。綿歷歲年。有忝恩造。無裨聖化。負乘致寇。履薄臨兢。日極一日。不知老之將至。今年八十餘。位歷三公。鐘漏並歇。筋骸俱敝。彌留沈困。殆將溘盡。願無誠效。上答休明。空負深恩。永辭聖代。臣無任感戀之至。謹奉表稱謝以聞。〔生〕是了。俺氣盡之後。端正寫了奏上。夫人。你和俺解了朝衣朝冠。收在容堂之上。永遠與子孫觀看。〔換舊衣巾嘆介〕人生到此足矣。呀。怎生俺眼光都落了。俺去了也。〔死向舊睡處倒介衆哭介〕

〔前腔〕老天天把相公命亡。老爺爺俺天公壽喪。且立起容堂。且立起容堂。把一品夫人哭在中央。列位官生哭在邊傍。〔合前衆哭介日暗去生鬚拍生背哭介〕盧郎好醒呵。〔下生作驚醒看介〕哎。好一身冷汗。夫人那裏。〔丑扮前店主上〕甚麼夫人。〔生叫介〕盧尊。盧倜。盧儉。盧位。小的盧倚呢。咳。都在那裏去了。〔丑〕叫誰那。〔生〕我的兒子。〔丑〕你有幾個兒子那。〔生〕五個哩。咳。都往前面勅書閣寶翰樓耍子。〔丑〕便只是小店。〔內驢鳴介生〕三十疋御賜

的名馬。可餵些料。〔丑〕只一個蹇驢在放屁。〔生〕啊。我脫下了朝衣朝冠。〔丑〕破羊裘在身上。〔生〕
嘍。好怪好怪。連我白鬚鬍子那裏去了。〔看介〕你是誰。不是崔家院公麼。〔丑〕甚麼崔家院公。趙州
橋店小二。煮黃梁飯你喫哩。〔生想介〕是哩。飯熟了麼。〔丑〕還饒一把火兒。〔生起介〕有這等事。

〔二郎神〕難酬想。眼根前不盡的繁華相。當初是打從這枕兒裏去。〔提枕介〕枕兒內
有路。分明留去向。向其間打滾。影兒歷歷端詳。難道這一星星都是謊。怎教人
不護着這枕兒心快。〔嘆介〕忽突帳。六十年光景。熟不的半箸黃梁。〔呂上笑介〕

山靜似太古。日長如小年。盧生睡的可得意麼。〔生〕老翁。太奇太奇。俺一徑的搶中了唐家狀元。替
唐天子開了三百里河路。打過了一千里邊關哩。〔呂笑介〕咦。多少功勞。〔生〕老翁不知。小生也不
敢訴聞。恁大功勞。還聽個讒臣宇文丞相之言。賜斬咸陽都市。喜得妻兒哭救。遠竄嶺南。直走到崖
州鬼門關外。〔呂〕僥倖僥倖。後來。〔生〕後來有得蕭裴二位年兄辯救。欽取還朝。依舊拜爲首相。金
屋名園。歌兒舞女。不記其數。親戚俱是王侯。子孫無非恩蔭。仕宦五十餘年。整整的活到八十多歲。
〔呂〕你說大丈夫當建功樹名。出將入相。列鼎而食。選聲而聽。使宗族茂盛而家用肥饒。然後可言

得意。如子所遇。豈不然乎。此際尋思。得意何在。〔生想介〕便是呢。黃梁飯好香也。〔呂〕子方列鼎而食。希罕此黃梁飯乎。

〔玉鶯啼〕你堂餐多飽。鼻尖頭還新厨飯香。〔生〕黃梁恁般難熟。〔呂〕這黃梁是水火勾當。好枕兒邊問你。那崔氏糟糠。可還挑黃梁半箸。與你那兒郎參養。〔生想介〕好多時候哩。〔呂笑介〕終不然水米無交。蚤滾熟了山河半餉。你希迷想。怎不把來時路。玉真重訪。〔生笑介〕老翁教我把玉真重訪。難道來時路。還在這枕根裏。〔再看

枕嘆介〕咳。枕兒枕兒。你把我盧生有家難奔。有國難投。別的罷了。則可惜俺那幾個官生兒子呵。〔呂笑介〕你那兒子難道是你養的。〔生〕誰養的。〔呂〕是那店中雞兒狗兒變的。〔生〕咳。明明的有妻。清河崔氏坐堂招夫。〔呂〕便是崔氏也是你那胯下青驢變的。盧配馬爲驢。〔生想介〕這等。一輩兒君王臣宰。從何而來。〔呂〕都是妄想遊魂。參成世界。〔生嘆介〕老翁老翁。盧生如今惺悟了。人生眷屬。亦猶是耳。豈有真實相乎。其間寵辱之數。得喪之理。生死之情。盡知之矣。

〔簇御林〕風流帳。難算場。死生情。空跳浪。埋頭午夢人胡撞。剛等得花陰過窗。

雞聲過牆。說甚麼張燈喫飯纔停當。罷了。功名身外事。俺都不去料理他。只拜了師父罷。

〔拜介〕似黃梁。浮生稊米。都付與滾鍋湯。

〔啄木兒〕〔呂〕成驚慌。忒遽忙。敲破了枕函。我也無伎倆。你拜了我。便要跟我雲遊了。

〔生〕便跟師父雲遊去。〔呂〕求道之人。草衣木食。露宿風餐。你做功臣的人。怎生享用的。〔生〕師父又取笑了。〔呂〕還一件。徒弟有參差的所在。師父當頭拄杖就打死了。眉也不許皺一皺。〔生〕弟子

雲陽市上都不曾蹙個眉。怎怕的師父打。〔呂笑介〕你雖然寐語星星。怕猛然間舊夢

遊揚。〔生〕白日青天。還做甚麼夢也。師父。〔呂〕你果然比黃齏苦辣能供養。比餐刀痛

澁能回向。也還要請個盟證。先生和你議久長。〔生〕便隨師父尋個證盟師去。

〔滴溜子〕跟師父。跟師父。山悠水長。那證盟的。證盟的。他何人那方。不離了邯

鄲道上。一匝眼煮黃梁。鍋未響。六十載光陰。唱好是忙。

〔尾聲〕〔生〕俺識破了去。求仙日夜忙。師父。證盟師在那裏。〔呂〕有個小庵兒。喚做

蓬萊方丈。〔生〕這等快行快行。〔丑〕黃梁飯熟。可喫了去。〔生〕罷了罷了。待你熟黃梁。又把

俺那一枕遊仙擔誤的廣〔下丑〕好笑好笑。一個活神仙度了盧秀才去了。

生死長安道。

邯鄲正午炊。

蚤知燈是火。

飯熟幾多時。

第三十齣 合仙

〔清江引〕〔鍾離上〕漢鍾離半世有神仙分。道貌生來全。〔曹舅上〕那雖然國舅親。富貴做尋常論。〔合〕世上人不學仙真是蠢。

〔前腔〕〔鐵拐上〕這拐兒是我出海撥雲棍。一步步把蓬萊寸。〔采和上〕高歌踏踏春。爨弄的隨時譚。〔合前〕

〔前腔〕〔韓湘上〕小韓湘會造逡巡醞。把頃刻花題韻。〔何姑上〕我箴箴兒漏洩春。撈不上的閒愁悶。〔合前衆仙起手介何笑介〕鍾離公。着你高徒洞賓子。奉東華道旨。下界度引

真仙。還不見到。好悶人也。〔拐打何介〕啐。做仙姑還有的想。我一拐打斷你箴箴根。〔漢笑介〕大家蟠桃花下走跳去。漢鍾離到老梳丫髻。曹國舅帶醉舞朝衣。李孔目拄着拐打磕睡。何仙姑拈針補

笙簧。藍采和海山充樂探。韓湘子風雪棄前妻。兀那張果老五星輪的穩。算定着呂純陽三醉岳陽回。〔衆下呂引生上〕

〔仙呂點絳脣〕一片紅塵。百年鎖盡。閒營運。夢醒逡巡。蚤過了茶時分。〔生〕師父。前面一簇高山流水是那裏。〔呂〕此乃蓬萊滄海。大修行之處也。〔生〕那裏有甚麼景致。

〔混江龍〕〔呂〕這裏望前征進。明寫着碧桃花下海仙門。到時節二光不夜。那其間四季長春。〔生〕呀。望見大海那蓬萊方丈了。那山上敢也有虎。便是這海子又有鯨鯢。〔呂

笑介〕就裏這海濤中。有二番十五衆鰲魚轉眼。到的那山島上止一斤十六兩白虎騰身。〔生〕海船那裏。〔呂〕你背着師父去。〔生怕介呂〕你合着眼過去。〔生背介〕一匝眼

過了海也。〔望介〕喜的沒有颶風。赫赫海子外沒個州郡。淒涼人也。〔呂〕你道是仙人島有

三萬丈清涼界。全無州郡。比你那鬼門關八千里烟瘴地。遠惡州軍。〔生〕可有翦徑的。〔呂〕翦徑的無過是走傍門。提外事。貪天小品。〔生〕也有跳鬼的。〔呂〕跳鬼的

有得那出陽神。拋伎子。散地全真。〔生望介〕呀。雲端之下。是有人家。怎生穿紅穿綠。跣的跛

的。老的小的。是怎的起有這等一班人物。〔呂〕都是你的證明師了。數你聽。有一個漢鍾離。雙丫髻蒼顏道扮。一個曹國舅。八采眉象簡朝紳。一個韓湘子。棄舉業儒門子弟。一個藍采和。他是個打院本樂戶官身。一個拄鐵拐的李孔目。帶些殘疾。一個荷飯策。何仙姑過了殘春。〔生〕他們日夜在這所在貴幹。〔呂〕他們無日夜演禽星。看卦氣。抽添水火。有時節點殘碁。斟壽酒。笑傲乾坤。〔生〕這都是生成的神仙。怕修行的不能勾。〔呂〕雖則是受生門。綠眼睛。紅腦子。仙風道骨。也恰向修行路。按尾閭。通夾脊。換髓移筋。〔生〕弟子小可能到此。〔呂〕你可也有福力。開了頭。崔氏宅夫榮妻貴。無業障。揚了脚。唐家地蔭子遺孫。可是你三轉身。單注着邯鄲道。祿盡衣絕。一睫眼猛守的清河店。米沸湯渾。〔生笑介〕弟子一生就闍了個情字。〔呂〕蚤則是火傳薪。半竈的燒殘情。榾柮。卻怎生風鼓鞦。一鍋兒吹醒睡餛飩。也因你有半仙之分。能消受遇着我。大道其間細講論。〔望介生〕兀那來的老者眉毛多長。〔呂〕眼睜着張果老把眉毛褪。雖不是開山作祖。仙分裏爲尊。

〔清江引〕〔果老上〕看蟠花兩度唐堯運。甲子何勞問。蓬山好看春。只要有神仙分。〔合〕世上人不學仙。真是蠢。〔呂稽首叫生後跪迎介呂〕張仙翁。呂巖稽首。〔張〕後面跪的何人。〔生〕前唐朝狀元丞相趙國公盧生叩參。〔張笑介〕請起。老國公老丞相這等寒酸了。〔生〕做夢哩。〔張笑介〕可是夢哩也。虧你奈煩了五十年人。我是非。詫異詫異。〔生〕是也。〔張〕盧生前來。〔生跪介張〕你雖然到了荒山。看你癡情未盡。我請衆仙出來提醒你一番。你一樁樁懺悔者。〔生應介衆仙漁鼓簡子唱上介〕上鵲橋。下鵲橋。天應星。地應潮。響繡繡。漁鼓鬧雲樵。酒暖金花探着藥苗。青童笑來玉女嬌。火候傷丹細細的調。轉河關撒手正逍遙。莫把海山春耽誤了。〔見介〕張翁稽首了。〔何見介〕洞賓先生引的這癡荅漢來了。〔呂〕仙姑。恰好蟠桃宴時節哩。〔生〕師父。只說你是何道人。原來便是呂洞賓活神仙。我拜的着也。〔張〕衆仙真。可將他夢中之境。逐位點醒他。證盟一番。方好收度。〔衆〕仙翁主見極明。癡人跪下。〔六仙依次責問生跪介〕

〔浪淘沙〕〔漢〕甚麼大姻親。太歲花神。粉骷髏門戶一時新。那崔氏的人兒何處也。你個癡人。〔生叩頭答介〕我是個癡人。

〔前腔〕〔曹〕甚麼大關津。使着錢神。插宮花御酒笑生春。奪取的狀元何處也。你個癡人。〔生叩頭答介合前〕

〔前腔〕〔李〕甚麼大功臣。掘斷河津。爲開疆展土害了人民。勒石的功名何處也。你個癡人。〔生叩頭答介合前〕

〔前腔〕〔藍〕甚麼大冤親。竄貶在烟塵。雲陽市斬首潑鮮新。受過的悽惶何處也。你個癡人。〔生叩頭答介合前〕

〔前腔〕〔韓〕甚麼大階勳。賓客填門。猛金釵十二醉樓春。受用過家園何處也。你個癡人。〔生叩頭答介合前〕

〔前腔〕〔何〕甚麼大恩親。纏到八旬。還乞恩忍死護兒孫。鬧喳喳孝堂何處也。你個癡人。〔生叩頭答介合前張〕且住。盧生被衆仙真數落。這一會他敢醒也。〔生〕弟子老實醒也。

〔張〕盧生聽吾法旨。你本是邯鄲道儒生未遇。爲功名想得成癡。幸直着小二店乾坤逆旅。過去了八十載人我是非。掙醒來端然一夢。道人間飯熟多時。誰信道趙州橋半夜水漲。剛打到丞相府白

日鬼迷。你和那崔氏女拋殘午夢。虧了洞賓子攬弄天機。黃梁飯難消一粒。葫蘆藥到用的刀圭。垂目睡加工水汞。自心息把東金鍊齊。心生性吾心自悟。一二三主人住持。饑時節和你安壚作竈。醒了後又怕你苦眼鋪眉。叫鐵拐子把思凡枕葫蘆提拄碎。請仙姑女把那殘花帚櫛柄子傳提。直掃得無花無地非爲罕。這其間忘帚忘箕不是癡。那時節騎鸞鶴朝元證聖。纔是你跨驢駒入夢便宜。

〔呂〕盧生領了帚。拜謝仙翁。〔生領帚拜介〕

〔北沈醉東風〕再不想烟花故人。再不想金玉拖身。〔呂〕你三生配馬驢。一世行官運。碑記上到頭難認。〔漢曹〕富貴場中走一塵。只落得高人笑哂。

〔前腔〕〔生〕雲陽市餐刀嚇人。鬼門關掙脫了這殘生。〔呂〕這等驚惶你還未醒。苦戀着二台印。那其間多少冤親。〔拐藍〕日未殛西蚤欠申。有甚麼商量要緊。〔前腔〕〔生〕做神仙半是齊天福人。海山深躲脫了閒身。〔呂〕你掀開肉弔窗。蘸破花營運。賣花聲喚醒迷魂。〔韓何〕眼見桃花又一春。人世上行眠立盹。〔生掃

花介〕

〔前腔〕〔生〕除了籍看菜黍邯鄲縣人。着了役掃桃花閨苑童身。老師父。你弟子癡
愚。還怕今日遇仙也是夢哩。雖然妄蚤醒。還怕真難認。〔衆〕你怎生只弄精魂。便做
的癡人說夢兩難分。畢竟是遊仙夢穩。〔張〕朝東華帝君去。〔衆鼓板行介〕
〔清江引〕儘榮華掃盡前生分。枉把癡人困。蟠桃瘦作薪。海水乾成暈。那時節
一番身敢黃梁鍋待滾。

〔北尾〕度卻盧生這一人。把人情世故都高談盡。則要你世上人夢回時心自
忖。

莫醉笙歌掩畫堂。

暮年初信夢中長。

如今暗與心相約。

靜對高齋一炷香。

邯鄲記終

南

柯





目錄

- | | |
|------|----|
| 第一齣 | 提世 |
| 第二齣 | 俠概 |
| 第三齣 | 樹國 |
| 第四齣 | 禪請 |
| 第五齣 | 宮訓 |
| 第六齣 | 謾遣 |
| 第七齣 | 偶見 |
| 第八齣 | 情著 |
| 第九齣 | 決壻 |
| 第十齣 | 就徵 |
| 第十一齣 | 引謁 |

第十二齣 貳館

第十三齣 尙主

第十四齣 伏戎

第十五齣 侍獵

第十六齣 得翁

第十七齣 議守

第十八齣 拜郡

第十九齣 薦佐

第二十齣 御餞

第二十一齣 錄攝

第二十二齣 之郡

第二十三齣 念女

第二十四齣

風謠

第二十五齣

玩月

第二十六齣

啓寇

第二十七齣

閨警

第二十八齣

雨陣

第二十九齣

圍釋

第三十齣

帥北

第三十一齣

繫帥

第三十二齣

朝議

第三十三齣

召還

第三十四齣

臥轍

第三十五齣

芳隕

第三十六齣

還朝

第三十七齣

粲誘

第三十八齣

生恣

第三十九齣

象譴

第四十齣

疑懼

第四十一齣

遣生

第四十二齣

尋寤

第四十三齣

轉情

第四十四齣

情盡

南柯記

明·湯顯祖 箸

第一齣 提世

〔南柯子〕〔未上〕玉茗新池雨。金椀小閣晴。有情歌酒莫教停。看取無情蟲蟻也關情。國土陰中起。風花眼角成。契玄還有講殘經。爲問東風吹夢幾時醒。

〔問答照常〕

登寶位槐安國土。

隨夫貴公主金枝。

有碑記南柯太守。

無虛誑甘露禪師。

第二齣 俠概

〔破齊陣〕〔生背劍上〕壯氣直冲牛斗。鄉心倒掛揚州。四海無家蒼生沒眼。拄破了英雄笑口。自小兒豪門慣使酒。偌大的煙花不放愁。庭槐吹暮秋。〔蝶戀花〕秋到空庭槐一樹。葉葉秋聲似訴流年去。便有龍泉君莫舞。一生在客飄吳楚。那得胸懷長此住。但

酒千杯便是留人處。有個狂朋來共語。未來先自愁人去。小生東平人氏。復姓淳于。名棼。始祖淳于髡。善飲。一斗亦醉。一石亦醉。頗留滑稽之名。次祖淳于意。善醫。一男不生。一女不死。官拜倉公之號。傳至先君。曾爲邊將。投荒久遠。未知存亡。至于小生。精通武藝。不拘一節。累散千金。養江湖豪浪之徒。爲吳楚遊俠之士。曾補淮南軍裨將。要取河北路功名。偶然使酒。失主帥之心。因而棄官。成落魄之像。家去廣陵城十里。庭有古槐樹一株。枝榦廣長。清陰數畝。小子每與羣豪縱飲其下。偶此日間羣豪雨散。則有六合縣兩人。武舉周弁。吾酒徒也。處士田子華。吾文友也。今乃唐貞元七年暮秋之日。分付家僮山鷓兒。置酒槐庭。以款二友。山鷓兒何在。〔丑扮僮上〕腿似水牯子。臉像山鷓兒。稟告東人。置酒槐陰庭下。二客早到。

〔搗練子〕〔淨扮周末扮田上〕花月晚。海山秋。人生只合醉揚州。慣使酒的高陽

吾至友。〔周〕小子穎川周弁是也。〔田〕小子馮翊田子華是也。〔周田〕我二人將歸六合。去與淳于

兄告別。〔丑〕主人槐陰庭等候。〔見介〕〔集唐〕縣古槐根出。秋來朔吹高。黃金猶未盡。終日困香醪。

〔生〕數日門客蕭條。令人困悶。〔周田〕連小弟二人日晚歸舟。竟來告別。〔生〕二兄也要回去。好不

悶人也。槐庭有酒。且與沈醉片時。〔酒介〕

〔玉交枝〕〔生〕風雲識透。破千金賢豪浪遊。十八般武藝吾家有。氣冲天楚尾。吳頭。一官半職懶踟躕。三言兩語難生受。悶嘈嘈尊前罷休。恨叨叨君前訴休。

〔周田〕槐庭下勾尊兄飲樂也。

〔前腔〕〔生〕把大槐根究。鬼精靈庭空翠幽。恨天涯搖落三杯酒。似飄零落葉。知秋。怕雨中妝點的望中稠。幾年間馬蹄終日因君驟。論知心英雄對愁。遇知音英雄散愁。〔周田〕二弟辭了。〔生〕送賢弟一程。

〔急板令〕〔生〕道西歸迎鸞鎮頭。順西風薔薇玉溝。送將歸暮秋。送將歸暮秋。舉眼天長。桃葉孤舟。去了旋來。有話難周。〔合〕向晚霞江上銷憂。還送送。怎遲留。〔周田歎介〕二弟此去。可能便來。〔生〕兄弟怎出此話。

〔前腔〕〔周田〕歎知交一時散休。到家中急難再遊。猛然間淚流。猛然間淚流。可爲甚攜手相看。兩意悠悠。腸斷江南。夢落揚州。〔合前〕

〔尾聲〕〔生〕恨不和你落拓江湖載酒遊。休道個酒中交難到頭。你二人去了呵。我待要每日間睡昏昏長則是酒。〔周田下生弔場介〕他二人又去了。空庭寂靜。好是無聊。

山鷓兒。揚州有甚麼會耍子的人麼。〔丑〕那裏討。則那瓦子鋪後。有個溜二沙三兄弟會耍。〔生〕你去請來。

一生遊俠在江淮。

未老芙蓉說劍才。

寥落酒醒人散後。

那堪秋色到庭槐。

第二齣 樹國

〔海棠春〕〔蟻王引衆上〕江山是處堪成立。有精細出乎其類。萬戶遶星宸。一道通槐里。〔衆〕絳闕朱衣。丹臺紫氣。別是一門天地。〔合〕把酒玉階前。且慶風雲際。〔衆行禮介〕我王千歲。〔清平樂〕〔王〕綠槐風下。日影明窗罅。寶界嚴城宮殿灑。一粒土花金

價。千年動物生神。端然氣象君臣。真是國中有國。誰言人下無人。自家大槐安國主是也。本爲螻蟻。別號蠡蜉。行磨周天。頗合星辰之度。存身大地。似蟄龍蛇之居。一生二。二生三。生之者衆。萬取千。千

取百。衆卽成王。臭腐轉爲神奇。眞乃是明則動。動則變。變則化。太山之於丘垤。故所謂均無貧。和無寡。安無傾。一年成聚。二年成邑。到三年而成都。寡人有些羶行。夏后以松。殷人以柏。及周人而以栗。敵國寄在槐安。火不能焚。寇不能伐。三槐如在。可成豐沛之邦。一木能支。將作酒泉之殿。列蘭錡。造城郭。大壯重門。穿戶牖。起樓臺。同人棟宇。清陰鎖院。分雨露於各科。翠蓋黃扉。灑風雲於數道。長安夾其鸞路。果然集集朱輪。吳都樹以葱青。委是兢兢玄蔭。北闕表三公之位。義取懷來。南柯分九月之官。理宜修備。右邊憲獄司。比棘林而聽訟。左側司馬府。倚大樹以談兵。丞相閣列在寢門。上卿蚤朝而坐。大學館布成街市。諸生朔望而遊。眞乃天上靈星。國家喬木。樹在王門之內。待學周武王神禁。無益者去。有益者來。聲聞鄰國之間。要似齊景公號令。犯槐者刑。傷槐者死。此乃爲君之法度。要全立國之根基。所喜內有中宮之賢。外有右相之助。今日政機多暇。且與君臣同遊。筵宴已齊。右相早到。

〔海棠春〕〔右相上〕日晏下彤闈。承詔又趨丹陛。〔行禮介〕右丞相武成侯臣段功叩頭。

千歲。〔王〕賜卿平身。今日召卿。知吾意乎。〔右〕愚臣未知。〔王〕國家所慮。有天地人三不同。且喜我

國中。天無陰雨之兆。地無行潦之侵。有禮有法。國中無漏網之鯨。無害無災。境外有玄駒之馬。便是檀羅無警。足知你槐棘有人。待與卿遨翔宮樹之前。逍遙封壤之內。卿意云何。〔右〕君臣同遊。太平盛事。但國家還有十八路國公。四門王親。禮當侍駕。〔王〕衆國公王親。別行賜宴。槐階之下。但與卿同。〔行介〕紫殿肅陰陰。彤庭赫弘敞。風動萬年枝。日華承露掌。〔衆〕酒到。〔右進酒介〕願我王進千秋萬歲酒。

〔惜奴嬌〕〔王〕大塊無私。費工夫點透了幽瑣玄微。謾道是帝虎人龍。立定朝儀。區區也教分取河山王氣。〔合〕希奇。今日風色晴和。暫擁出宮庭遊戲。

〔前腔〕〔右〕階墀新築沙堤。看高官貴種。絳幘黃衣。總千門萬戶。煩星點綴。依稀太乙薇垣。吾王端冕。任意往來巡歷。〔合前〕

〔前腔〕〔王〕須知糝粟能飛。一星星體性。誰無雄氣。恨些須封壤。草朝粗立。吾志要行天上磨。還聽海中雷。〔合〕且徘徊看地利天時。再行移徙。〔右〕臣啓大王。

敢嫌國土微小。

〔前腔〕思之。蟻虱臣微。共立成一國。非同容易。歎生靈日逐。貧忙一粒。何必平
中堪取巧。節外更生枝。〔合前王〕久不曾槐陰下一遊。今日盡興觀賞。

〔錦衣香〕荷濃陰。葉兒翠。映春光。幹兒碧。來去瞻依。縱橫條直。眼見參天百尺
枝。似樓桑村裏。帶柳叢祠。一般兒重重遮蓋。到登基。龍庭朝會。但有分成些基
業。豈嫌微細。人衆成王。排班做勢。

〔漿水令〕謝蒼穹調勻風日。承后土盤固根基。九重深處殿巍巍。一線之間。九
曲巡迴。穿巷陌。列朝市。土階穴處。今何世。拜的拜。跪的跪。君臣有義。走的走。立
的立。赤子無知。

〔尾聲〕〔王〕俺建邦起土登王位。右相呵。你入閣穿宮拜相奇。但願俺大槐安萬萬
歲根兒蟠到底。

萬物從來有一身。

一身還有一乾坤。

敢於世上明開眼。

肯把江山別立根。

第四齣 禪請

〔淨扮老禪師上〕〔集唐〕老住西峯第幾層。琉璃爲殿月爲燈。終年不語看如意。長守林泉亦未能。自家契玄禪師是也。自幼出家修行。今年九十一歲。參承佛祖。證取綱宗。從世尊法演於西天。到達摩心傳於東土。無影樹下。弄月嘲風。沒縫塔中。安身立命。可以浮漚復水。明月歸天。只爲五百年前有一業債。梁天監年中。前身曾爲比丘。跟隨達摩祖師渡江。比揚州有七佛以來毗婆寶塔。老僧一夕捧執蓮花燈。上於七層塔上。忽然傾瀉蓮燈。熱油注於蟻穴之內。彼時不知。當有守塔小沙彌。顏色不快。問他敢是費他掃塔之勞。那小沙彌說道。不爲別的。以前聖僧天眼算過。此穴中流傳有八萬四千戶螻蟻。但是燃燈念佛之時。他便出來行走瞻聽。小沙彌到彼時分。施散盞飯與他爲戲。今日熱油下注。壞了多生。老僧聞言。甚是懺悔。啓奏達摩老師父。老師父說道。不妨不妨。他盡業將盡。五百年後。定有靈變。待汝生天。老僧記下此言。三生在耳。屈指到今。恰好五百來歲。欲往揚州。了此公案。老病因循。你看這潤州城對着金焦。好不山川攢秀。禪堂幽靜。我且入定片時。看做甚麼境界也。〔衆扮僧俗四人持書上〕有時鶴去愁衝錫。何處龍來喜聽經。小僧和這居士們。是對江揚州孝

感禪智二寺住持。祇因十方大衆之發心。求契玄禪師而說法。此間是甘露寺方丈。捧書而進。呀。禪師入定。敲他雲板三聲。〔敲介淨醒介〕四衆何爲而來。〔衆跪介〕揚州合郡僧俗。敬選七月十五日大會孟蘭。虔請大師升座。十方善信書疏呈上。〔呈書介淨〕起來。〔淨展書念介〕竊以某等生維揚花月之區。豈無惡業。接古潤金焦之境。亦有善緣。凡依玉蕊之花。盡抱香檀之樹。恭惟甘露山主契玄大師座下。性融朗月。德普慈雲。中含三點之藏。帶一轉二。外示六爻之相。互五重三。鐘鼓不交參。截斷衆流開覺路。風幡無動相。掃除塵翳落空華。見三世諸佛面目本來。入一切衆生語言三昧。孟蘭盆裏。喝開朵朵金蓮。寶月燈中。打破重重玉網。但見飲光微笑。普同大衆歸心。惟願慈悲。和南攝受。〔淨〕貧僧老病將臨。不奈過江也。〔背介〕纔想起揚州螻蟻因果。敢在此行。

〔正宮端正好〕我則是一文殊。降下這三天竺。渡江南一蟻菰蘆。金焦擺列鐘和鼓。這寺裏有名甘露。〔回介〕不去罷。我看衲子們談經說誦的。不在話下。一般努目揚眉。舉處便喝。唱演宗門。有甚裏交涉也。

〔滾繡球〕但說的是附鴈傳書有。要還鄉曲調無。怎生是石人起舞。怎生是新

婦騎驢。那裏有笑拈花喫荔枝。則許你單刀直入。都怎生被箭逃虛。我這裏君臣位上賓和主。水月光中我帶渠。世界如愚。〔衆作請介淨〕既十方懇請。則待過江走一遭。

〔倫秀才〕恁待要三千界樓臺舌鋪。不消的十二部經坊印模。禪門三下板。你塵世一封書。目前些子看何如。我這裏親憑佛祖。四衆先行。貧僧分付你。

〔煞〕先在禪智院立一本百千萬億投名簿。後在孝感寺掛一軸五十三參聽講圖。除了那戒壇上石點頭。則待看普諸天花下雨。

安排寶蓋與幡幢。

方便乘杯一渡江。

地震海潮人施法。

管教螻蛄盡歸降。

第五齣 宮訓

〔夜遊宮〕〔老旦國母引宮娥上〕宮樹槐根隱隱。從地府學成坤順。〔衆〕畫扇影隨。宮燕引。聽重門。晝漏聲。花外盡。〔衆叩頭介〕宮娥叩頭。娘娘千歲。〔清平樂〕〔老〕大槐秋色。

世外朱塵隔。歌吹重重情脈脈。怕道有人傾國。孔雀扇影分行。宮娥半袖通裝。卻是洞門深杳。折旋消得君王。自家大槐安國母是也。初爲牝蟻。配得雄蜂。細如蠛蠓之妻。大似蚊虻之母。偶爾稱孤道寡。居然正位中宮。有女瑤芳一人。號作金枝公主。姿才冠世。婚嫁及期。授書史於上真仙姑。學刺繡於靈芝國嫂。昨承我王之命。要求人世之姻。必須有眼之人。方得有情之婿。我想起來。則有姪女瓊英郡主。能會瞧人。待我先喚公主出來。示以此意。然後分付姪女依計而行。〔衆〕公主到。

〔前腔〕〔旦扮公主上〕幻質分靈蠢。也會的施朱傅粉。一般人物嬌和嫩。這芳心。

洞房中。誰簇緊。〔見介〕女兒瑤芳叩頭。娘娘千歲千歲。〔老〕公主。你年已及笄。名方弄玉。今日

依於國母。他日宜其家人。四德三從。可知端的。〔旦〕孩兒年幼。望母親指教。〔老〕夫三從者。在家從父。出嫁從夫。老而從子。四德者。婦言。婦德。婦容。婦功。有此三從四德者。可以爲賢女子矣。聽我道來。

〔傍妝臺〕〔老〕一種寄靈根。依然樓閣賀生存。論規模雖小可。乘氣化有人身。中宮忝作吾王正。下國憑稱寡小君。掌司陰教。齊眉至尊。你須知三貞七烈同。

是世間人

〔前腔〕〔旦〕小小贅芳塵。念瑤芳生長在王門。雖不是人間世。論相同掌上珍。寒餘窈窕深閨晚。暖至丰茸別洞春。父王庭訓。娘親細論。難道這三從四德。微細的不如人。

〔翫仙燈〕〔貼瓊英上〕踏綻鞋跟。蚤向朱門步穩。自家蟻王姪女瓊英。便是娘娘有召。敬入則個。〔見叩頭介〕郡主瓊英叩頭。娘娘千歲。〔見旦介〕公主見禮。〔旦〕尊姊到來。〔老〕郡主聽旨。近因瑤芳長成。堪招駙馬。君王有命。若於本族內選婚。恐一時難得智勇之士。不堪扶持國家。要於人間招選駙馬。聞得七月十五日。這揚州孝感寺禮請契玄禪師講經。人山人海。都往禪智寺天竺院報名。到得其時。郡主可同靈芝夫人上真仙子三人同往聽講。但有英俊之士。便可留神。〔貼〕謹遵懿旨。

〔傍妝臺〕〔老〕女大急須婚。不拘門戶則待有良姻。龍類中能煮海。蝶夢裏好移魂。〔貼〕知他同誰訂作夫妻分。了你蚌親父母恩。俺拋眉暈。忍笑痕。可甚麼

人煙聚裏看不出有情人。〔旦〕瓊英姐。俺便同你去聽講何如。〔貼〕公主體面。未宜出遊。〔旦〕這等奴有金鳳釵一對。文犀盒一枝。奉獻禪師講下。表我微情。

〔前腔〕光景一時新。待相同隨喜。終是女兒身。獻釵頭金鳳朵。盛納盒錦犀文。〔貼〕也知妹子無他敬。如是觀音着我聞。我將爲信。去講座陳。管教他靈山會裏。值着個有緣人。〔老〕郡主。此非小可之事。

〔尾聲〕到花宮不少的兒郎俊。打疊起橫波着人。你去呵。休得漏洩了機關。要老娘心上穩。

選佛場中去選郎。

禪牀側畔看東牀。

疾去疾來須隱約。

好音先報與娘行。

第六齣 謾遣

〔字字雙〕〔溜二上〕小生家住古揚州。鋪後祖宗七輩兒喜風流。自幼衣衫破落。帽兒颯。狐臭能吹木屑。慣扶頭。卽溜自家揚州城中有名的一個溜二。便是。一生浪蕩。半世

風流。但是晦氣的人家。便請我撮科打闕。不管有趣的子弟。都與他鑽懶幫閒。手策無多。口才絕妙。有那等弔眼子。敲他幾下。叫做打草驚蛇。無過是脫稍鬼。鬆他一籌。則是將蝦弔鯉。着甚麼南莊田。北莊地。有溜二便是衣食父母。難起動東鄰邀。西鄰請。則沙三是個酒肉弟兄。知音的說是個妙人。好人老成人。少趣的叫我敗子。俵子。光棍子。且自由他笑罵。只圖自己風光。這幾日不見沙三。尋他閒串去。

〔前腔〕〔沙三上〕賤子姓沙。行十三。名濫。就似水底月兒。到十三。圓泛。六兒七兒。巧十二。胡蘆。官司弔起打十三。扯淡。〔溜〕沙三。你犯夜了。〔沙〕不犯夜。不是子弟也。哥。〔溜〕

兄弟。這幾日嘴閒了。〔沙〕和你大路頭站去。〔丑上〕白雲在何處。明月落誰家。〔沙〕小哥。落在這裏。

〔丑〕大哥。我東人淳于家。要請溜二沙三。官耍子。住在那門。〔溜沙〕我二人便是。你東人做甚麼生意。〔丑〕做裨將。〔沙〕做皮匠。叫我去幫鑽。〔丑〕軍營裏副將哩。〔溜〕是那能飲酒的淳于公麼。〔丑〕

着。〔溜沙〕便去。便去。有酒舊傾蓋。無錢新白頭。〔下生上〕〔集唐〕棄置復何道。悽悽吳楚間。相憶不相見。秋風生近關。我淳于棼。休官落魄。賴酒消魂。爭奈客散孟嘗之門。獨醉槐陰之市。想吾生直恁

無聊也。

〔錦纏頭〕我本待學時流立奇功俊名。談笑朔風生。怎如他蒼生口說難憑。便道你能奮發有期程。則半盞河清。拚了滴珠槽浸死劉伶。道的個百無成。只杜康祠蘸住了這窮三聖。做個帶帽兒堵酒瓶。頭直下酒淹衣襟。難道普乾坤醉眼偏只許屈原醒。〔丑同溜沙上〕三家酒注子。一對色哥兒。〔丑報介〕溜二沙三官到。〔見介溜〕小人名溜二。〔沙〕賤子卽沙三。〔生〕久聞纔識面。〔合〕十個更酸鹹。〔生〕怎生十個更酸鹹。〔溜〕適問老翁說。把九文錢喫個麵。沒鹽醋的。因此小人加上一文。〔生笑介〕敢問二位在城在鄉。

〔好姐姐〕〔溜沙〕廣陵郡中一城。識溜二沙三名姓。玲瓏剔透。人前打眼睛。隨尊興。哩噠花囉能堪聽。孤魯子頭嗑得精。〔溜做隻脚跪嗑連二頭叫爺介沙唱哩囉噠

介〕淳于兄。孤老院耍去。〔生〕貧子行處。怎生好去。〔沙〕不是。是表子鋪。〔生〕揚州諸妓。我已盡知。可別有甚麼消遣。〔沙〕有有。孝感寺中元孟蘭大會。僧俗男女都去潤州甘露寺。請契玄禪師講經。〔生〕便去聽講如何。〔沙〕那裏喫素。淳于公貪酒哩。〔生〕那有此話。

〔前腔〕吾生醉鄉酩酊。飲中仙也有個逃禪中聖。長齋繡佛。到莊嚴得人世清。
山鷓兒看馬。堪乘興。行隨白馬藏鞭影。坐聽黃龍喝棒聲。

忽忽意不樂。

留人相伴閒。

上方隨喜去。

秋色滿盂蘭。

第七齣 偶見

〔普賢歌〕〔僧上〕終朝頂拜如來。人肉樣的蓮花業作臺。一家兒酒和色。三分

氣命財。領着個鐵圍山難佈擺。小僧揚州府禪智寺一個五戒是也。五戒五戒。好些尷尬。近

因孝感寺作中元盂蘭大會。十方僧俗。去請潤州契玄禪師講經。那禪師法旨威嚴。凡有聽講者。先
于小寺投牒報名。方去聽講。卻有西番一個婆羅門。名喚石延。客居小寺天竺院。此人善作西番胡
旋舞。但有往來報名男女來此。他便旋舞一回。俺寺中好不鬧熱也。目今天竺院水月觀音座前點
起香燭。看甚人報名。咱且迴避。正是此中留半偈。別院演三車。〔下〕

〔前腔〕〔貼瓊英老旦靈芝小旦道扮上真姑上〕天生微眇身材。也逐天香過院來。一

尖紅繡鞋。雙飛碧玉釵。小玉納汗巾兒長袖灑。〔貼〕奴家瓊英郡主。承國母之命。和這

靈芝國嫂。上真仙姑。同來禪智寺報名。孝感寺聽經。就裏將瑤芳妹子玉釵犀盒。施於禪師講前。看有意氣郎君。招與瑤芳爲婿。這是禪智寺天竺院了。池邊好座紫竹觀音。那香案之上。有報名疏簿。我們不免焚香拜了簽名。〔三旦同拜介〕

〔黃鶯兒〕一點注香沈。禮南無觀世音。花根木豔低微甚。趨蹌寶林。威光乍臨。今生打破前生蔭。〔合〕拜深深姻緣和合。蟲蟻一般心。〔貼〕俺三人還將瑤芳妹子婚姻之事密禱一番。〔拜介〕

〔前腔〕槐殿欲成陰。把金枝付瑟琴。尋花配葉端詳恁。於中細任。其間暗吟。無明到處情兒沁。〔合前小旦〕俺們池邊消遣一會呀。一個回回舞上來了。

〔北點絳脣〕〔回子上〕生小西番。恭持佛讚。朝炎漢。慕入禪關。日影金剛燦。自家婆羅門弟子石延的。便是行脚中華。寄食天竺禪院。好不奈煩。散心一會呀。三位女菩薩從何而來。請看俺婆羅門胡旋舞一會也。〔三旦笑介〕請了。〔內鼓介〕

〔對玉環帶過清江引〕〔石舞介〕拍手天壇。風飄長繡幡。答刺兜綿。腰身拴束的。彎衫袖打爛斑。西天俏錦闌。燕尾翩翩。觀音座寶欄。合掌開蓮瓣。散天香婆羅門。回笑眼。〔內喝采介石〕一個騎馬官兒來。俺去了也。〔下貼衆〕有人來。我們且池邊浣手去。〔洗手介〕

〔縷縷金〕〔生騎從上〕無聊賴。不自憐。特來禪智院打俄延。花落蒼苔面。誰舞胡旋。門前繫馬接了金鞭。有人兒咱瞧見。竹徑通幽處。禪房花木深。觀音座前疏簿在此。我

淳于棼就此拈香報名。〔拈香拜介〕

〔江兒水〕淳于弟子。愁情一片。銷愁無處去。聽閒經卷。俺待簽名。〔寫介〕簽名自

簽。觀音試觀。〔見貼介〕水竹池邊。因何活現。〔貼笑回身介〕靈芝嫂。溼透這汗巾兒。掛在那

處好。〔生背介〕此女子秀入肌膚。香生笑語。世間有此天仙乎。〔回介〕小娘子的汗巾兒。待小生效

勞。掛於竹枝之上。〔貼笑遞汗巾生接掛介〕這汗巾兒粉香清婉。小生能勾似他。懷卿袖中。浥卿香

汗。〔貼衆笑不應介〕池光花影。娟娟可人。〔生歎介〕俺淳于棼可是遇仙也。他三回自語。一顧傾城。

急節中間。難以相近。不如且自孝感寺聽經去。山鷓看馬來。〔上馬介〕紫騮嘶入落花去。見此踟躕空斷腸。〔下貼〕此生有情人也。他也去聽講。咱瞧他去來。〔老〕咳。俺去不得。俺真是個信女。把水月觀音倒做了。〔小旦〕怎麼說。〔老〕月信來了。〔貼〕罪過人。這等咱和上真姑去便了。

〔尾聲〕過別院聽談禪。老靈芝去也。咱和這上真仙。到講堂呵。把俺這觀郎君的眼稍兒再拋演。

爲看婆羅舞。

相逢騎馬郎。

尋荷終得藕。

池上白蓮花。

第八齣 情著

〔雜扮首座僧持釣竿上〕佛祖流傳一盞燈。至今無滅亦無增。燈燈朗耀傳今古。法法皆如貫所能。貧僧乃潤州甘露寺中契玄禪師首座弟子是也。自幼出家。參承多臘。常只是朝陽縫破衲。對月了殘經。近乃揚州孝感寺請師父說法。貧僧領着衆僧。安排下香燈花菓。禪牀淨几。待師父升座。大衆動着法器者。〔內鼓樂介淨扮老禪師拄杖拂子上升座介〕高臨法座唱宗風。翠竹黃花事不同。但

是衆星都拱北。果然無水不朝東。〔提拄杖介〕賽卻須彌老古藤。寒空一錫振飛騰。拄開妙挾通宗路。打斷交鋒迴避僧。〔執拂子介〕豎起清風灑白雲。河沙無地可容塵。將軍一事無巴鼻。兔角龜毛拂着人。取香來。〔拈香介〕此香不從千聖得。豈向萬機求。虛空觀不盡。大地莫能收。拈香指頂。透十方之法界。薰四大之神州。爇向爐心。祝皇王之萬歲。願太子之千秋。〔垂釣介〕手把金鉤月一痕。乘槎獨坐到河濱。悠悠泛泛經千載。影落魚龍不敢吞。〔首座〕如何空卽是色。〔淨〕東沼初陽疑吐出。南山曉翠若浮來。〔首座〕如何色卽是空。〔淨〕細雨溼衣看不見。閒花落地聽無聲。〔首座〕如何非色非空。〔淨〕歸去豈知還向月。夢來何處更爲雲。〔首座〕多謝我師。今日且歸林下。來日問禪。〔末下淨〕大衆。若有那門居士。禪苑高僧。參學未明。法有疑礙。今日少伸問答。有麼。〔外扮老僧上〕有有。敢問我師如何是佛。〔淨〕人間玉嶺青霄月。天上銀河白晝風。〔外〕如何是法。〔淨〕綠簑衣下攜詩卷。黃篋樓中掛酒藜。〔外〕如何是僧。〔淨〕數莖白髮坐浮世。一盞寒燈和故人。〔外〕多謝我師。今日且歸林下。來日問禪。〔下淨垂釣介〕釣絲常在手中拿。影得遊魚動晚霞。海月半天留不住。醒來依舊宿蘆花。大衆。還有精通居士。俊秀禪郎。未悟宗機。再伸問答。有也是無。

〔謁金門前〕〔生上〕閒生活中酒。嗔花如昨。待近爐烟依法座。聽千偈。瀾番個。小生淳于棼。來此參禪。想起來落托無聊。終朝煩惱。有何禪機問對。就把煩惱因果。動問禪師。〔見介〕小生淳于棼稽首。特來問禪。如何是根本煩惱。〔淨〕秋槐落盡空宮裏。凝碧池邊奏管絃。〔生〕如何是隨緣煩惱。〔淨〕雙翅一開千萬里。止因棲隱戀喬柯。〔生〕如何破除這煩惱。〔淨〕惟有夢魂南去日。故鄉山水路依稀。〔生沈吟淨背介〕老僧以慧眼觀看。此人外相雖癡。到可立地成佛。

〔謁金門後〕〔小旦道扮同貼上〕蓮步天臺踟躕。還似蟻兒旋磨。上真仙。竹院人兒情似可。再與端詳和。〔淨笑〕淳于生。你帶着眷屬來哩。〔生回介〕是好兩位女娘。〔背歎介〕禪師怎知我原無家室。〔貼見介〕太師稽首。〔淨〕蟻子爲何而來。〔貼〕爲五百年因果而來。〔淨背笑介〕是了。是了。叫侍者鋪單。〔末鋪座介響唱介〕五十三單整齊。〔淨〕舉來。〔貼響唱介〕妙法蓮花經。觀世音菩薩普門品。〔淨〕六萬餘言七軸裝。無邊妙義廣含藏。白玉齒邊流舍利。紅蓮舌上放毫光。喉中玉露涓涓潤。口內醍醐滴滴涼。假饒造罪過山嶽。不須妙法兩三行。

〔梁州序〕人天金界。普門開覺。無盡意參承佛座。以何因果。得名觀世音那。佛

告衆生遇苦。但唱其名。卽時顯現無空過。貪嗔癡應念總銷磨。求女求男智福多。〔合〕如是等威慈大。是名觀世音菩薩。齊頂禮妙蓮花。〔衆〕觀世音菩薩云何游此世界。云何而爲衆生說法。方便之力。其事云何。

〔前腔〕〔淨〕有如國土衆生應度。種種法身隨化。因緣說法。以觀世界婆婆娑。一切天龍人等。急難之中。與他怖畏輕離脫。十方齊現豁似河沙。遊戲神通一刹那。〔合前生〕後來無盡意菩薩云何。〔淨〕爾時無盡意菩薩啟過佛爺。叫世尊。我今當供養觀世音菩薩了。當卽解下頸上寶珠瓔珞。價值紫金百千兩。獻與觀世音菩薩。說道。願仁者受此法施。那觀世音菩薩不肯受。爾時佛告觀世音。你可哀愍無盡意和這四衆。權受下了這寶珠瓔珞。那觀世音菩薩因佛爺有言。受了瓔珞。分作兩分。一分奉釋伽牟尼佛爺。一分奉多寶佛爺的塔。你衆生們聽講這經。要知觀世音菩薩有如是自在威神。普同發心供養。〔衆〕弟子們頂禮受持。〔生〕謹參太師。小生曾居將帥。殺人飲酒。怕不能度脫也。〔淨〕經明說着。應以天大將軍身度者。菩薩卽現其身而度之。有甚分別。〔貼問介〕稟參太師。婦女如何。〔淨笑介〕經明說應以人非人等度者。卽現其身而度

之。〔貼驚對小旦背介〕這太師神通廣大。不說應以女身得度。到說個人非人。你再問他。〔小旦問介〕太師似我作道姑的。也可度爲弟子乎。〔淨〕你那道經中。已云道在螻蟻。則看幾粒飯。散作小沙彌。怎度不的。〔貼小旦跪介〕太師真個天眼通。有個妹子瑤芳。深閨嬌小。未克參承。附有金鳳釵一雙。通犀小盒一枚。願施講筵。望太師哀愍。〔起唱介〕

〔前腔〕紫衣師天眼摩訶。他頸鶯嬌幾曾有瓔珞。待學盡形供養。化身難脫。待把寶珠抽獻。比龍女如何。自笑身微末。施的些兒個。恨無多。一分能分做兩分麼。〔合前生背介〕奇哉此女。〔回介〕太師。金釵犀盒。願一借觀。〔看介回盼小旦貼介〕人與物皆非世間所有。

〔前腔〕巧金釵對鳳飛斜。賽煖金一枚犀盒。〔背介〕看他春生笑語。媚翦層波。把靈犀舊恨。小鳳新愁。向無色天邊惹。〔淨冷笑介生回唱〕價值千百兩。未多些。一笑拈花奉釋迦。〔合前生〕太師。此女子從何而來。〔淨背介〕此生癡情妄起。倩觀音座前白鸚

哥叫醒他。〔內作鸚哥叫〕蟻子轉身。蟻子轉身。〔淨〕淳于生可聽的麼。〔生〕道是女子轉身。女子轉

身〔淨笑介〕日中了。法衆住參。咱入定去來。大千界裏閒窺掌。不二門中暗點頭。〔下生〕禪師去了。到好絮那小娘子一會。敢問小娘子尊姓。〔小旦貼不應介生〕貴里。〔又不應介生〕敢便是前日禪智寺看舞的小娘子麼。〔小旦貼笑介〕是也。〔生〕哎喲。

〔節節高〕雙飛影翠娥。妙無過。這人兒則合向蓮花座。〔貼笑介〕我有個妹子還妙哩。〔生笑介〕纔說那鳳釵犀盒。就是那妹子附寄的麼。他言輕可。誰看破。空提作。世間人敢則有那人間貨。妹子。妹子。你有鳳釵犀盒。央他送在空門。何不親身同向佛前囉。和我拈香訂做金鈿盒。〔小旦〕啐。你也叫他妹子哩。〔生〕呀。我淳于棼好是無聊。小娘子請了。無語落花還自笑。有情流水爲誰彈。〔下貼〕上真子。這生好不多情也。〔小旦〕看來駙馬無過此人。

〔前腔〕相逢笑臉渦。太情多。暮涼天他歸去愁無那。牙兒嗑。影兒那。心兒閣。向人天結下這姻緣大。〔貼〕這生我常見他來。〔小旦〕你不知。和我國裏相近。淳于生名棼的便是。〔合〕大槐邊宋玉舊東家。做了羅浮夢斷梅花臥。我們歸去來。

〔尾聲〕這一座會經堂高過似綵樓多。是個人兒都不着科。瑤芳。瑤芳。我和你

選這個人兒剛則可。

似蟻人中不可尋。

觀音講下遇知音。

有意栽花花不發。

無心插柳柳成陰。

第九齣 決壻

〔西江引前〕〔老引衆上〕螻蟻也知春色。宮槐夜合朝開。生香一搦女嬌孩。少甚王孫帝子。自家蟻王娘娘是也。爲遣姪女瓊英參禪聽講。方便之中。因爲公主瑤芳選取駙馬。蚤晚到來。宮娥伺候。〔宮娥應介〕

〔西江引後〕〔貼上〕郎客青袍駿馬。女兒窄袖弓鞋。他生未卜此生諧。還則要宮闈聽采。〔見叩頭介〕啟娘娘。郡主瓊英復命。〔老〕講座之中。可得其人。〔貼〕有一偉秀人才。姓淳于。名夢。是這廣陵人氏。同在講筵。我和上真子於講下獻上公主的犀盒金釵。此生願盼有餘。賞歎不足。他旣垂情于咱。咱堪留目於他。若婿此人。堪持咱國。

〔黃鶯兒〕天然見他來。順稍兒到講臺。眉來語去情兒在。賤他外才。瞞他內才。

風流一種生來帶。娘娘。你道此人住居那里。〔合〕暢奇哉。槐陰不遠。連理就中開。

〔前腔〕〔老〕天與巧安排。逗多情看寶釵。向燒香院宇。把人兒賽。貪他俊才。賠他個女才。這姻緣一種前生債。〔合前〕

〔尾聲〕便奏知國王如意好宣差。差的紫衣使者去相迎待。待他睡夢了呵。少不得做駙馬吾家居上宰。

選郎須得有情人。

誰似淳于好色身。

欲附玄駒爲貴婿。

始知騏驥在東鄰。

第十齣 就徵

〔駐雲飛〕〔生作懶態上〕伶俐癡呆。萬事難消一字乖。有的是年華大。沒的是心情奈。咳。獨自倚庭槐。把日遮天矮。聽他唧啾嘍叨。絮的我無聊賴。死向揚州不醉哈。記得誰家金鳳釵。我淳于。焚人才本領。不讓於人。到今三十前後。名不成。婚不就。家徒四

壁。守着這一株槐樹。冷冷清清。淹淹悶悶。想人生如此。不如死休。前在孝感寺。聽了禪師講經回來。

一發無情無緒。我可甚打起頭腦來。止有一醉而已。古人說的好。事大如山醉亦休。罷了。獨言獨語。撇下了山鷓兒。我儘意街坊遊去。但有高酒店鋪。顛倒沈醉一番。正是不消阮籍窮途哭。但學劉伶死便埋。〔下山鷓上〕好笑好笑。沒煩惱。趁煩惱。我東人百般武藝。做了個淮揚裨將。使酒丟了這官。鬱鬱不樂。那酒友周弁田子華。又散歸六合去了。不禁蕭索。請的個溜二沙三陪話解悶罷了。被那溜二沙三勸我東人去孝感寺聽講甚麼經。自那聽經回來。一發癡了。不是醉。便是睡。沒張沒致的。恰纔我溪邊檀樹下歇晝來。不知東人就往那裏去了。怕他鬼迷一般。或是醉倒在街坊不雅相待。去尋他。又無人看家。怎生是好。〔望介〕好了。好了。溜二沙三官正來哩。〔溜沙上〕酒見酒。好朋友。酒見茶。是冤家。山鷓哥。主人在麼。〔丑〕正來央你二位看家。我尋主人去。〔溜沙〕恰好。恰好。你迎接主人去。持將可憐意。看取眼前人。〔下〕

〔前腔〕〔丑〕手提酒壺肩扶生醉上丑〕落托摩陀。爛醉如泥可奈何。你撞的喉兒挫。俺閃的肩兒那。〔內笑介〕好醉也。〔丑〕哥醒眼看人多。恁般低垛半落殘尊。又帶去回家嗑。萬事無過一醉魔。萬醉無過打睡魔。〔溜沙上〕哎。這是怎的來。〔丑〕好笑好笑。

再尋不見。可憐醉倒在禪智橋邊酒樓上。扶的下樓。又捨不的這半瓶酒。可爲甚來。東人。到家了。醒
恹些。

〔前腔〕〔生〕這幾日迷癡。〔做跌介〕眼似瞢瞢脚似槌。有個青兒背。少個紅兒睡。

〔沙叫介〕淳于兄。你何處來。醉的不尋常也。〔生作不知介〕誰道俺去何來。尋常沾醉醉

影柴門。亂踏的斜陽碎。老向霜紅葉上催。〔吐介溜沙〕哎也。一肚子都倒在我兩人腿脚

上。好酒好酒。山鷓哥快取茶來。

〔前腔〕你汎濫流瓊。倒玉山因一盞傾。待把你衣冠正。你好把蹺兒定。〔取茶進

介〕兄。靠着小圍屏。一杯清茗。消灑西風。醒後留清興。和你待月乘涼看小螢。

〔生倦介〕扶俺東廡下睡去。那瓶酒好放着。〔丑〕東人。你醉的這般。還記的這瓶酒。

〔前腔〕好不惺惚。似太白驢馱壓繡驄。醉的那軀勞重。枕席無人奉。〔生〕空。江

冷玉芙蓉。水天秋弄。門院蕭條。做不出繁華夢。〔扶睡介〕只落得枕上涼蟬訴晚

風。〔丑〕再煎茶去。〔溜沙〕我們洗脚去。隨他睡覺。這是人家堂上堪飲酒。自家房裏好安眠。〔下扮二

黑巾紫衣衆引牛車上。爲築王姬館。叨乘使者車。俺兩人大槐安國使者便是。奉國王命。召請淳于公爲駙馬。他正睡在東廊。直入則個。〔叫〕淳于公。〔生驚醒介〕是誰。〔紫衣跪介〕

〔鎖南枝〕槐安國王者都。吾王遣臣來奉書。〔生〕因何而來。〔紫〕主命有此三須。微臣敢輕露。〔生〕睡得正甜。〔紫扶生起介〕請下榻。俺紅袖扶。俺那裏有東牀。坦君腹。〔前腔〕〔生〕從空下。甚意兒。正秋牕風翦槐葉初。一枕黑甜餘。雙星使臨戶。咱朦朧醒。申欠舒。整衣行。懶移步。〔車牛上介〕

〔前腔〕〔紫〕有青油障。小壁車。駕車白牛當步趨。〔紫請生上車介〕左右有人俱扶君出門去。〔生〕向那裏去。〔紫〕向古槐樹穴下而去。〔生〕怎生去得。〔紫〕古槐穴國所居。若遲疑。請前驅。〔一紫衣先下生問一紫衣介〕槐樹小穴中。何因得有國都乎。〔紫〕淳于公不記漢

朝有個竇廣國。他國土廣大。也只在竇兒裏。又有個孔安國。他國土安頓。也只在孔兒裏。怎生槐穴中沒有國土。古槐穴國所居。莫遲疑。但前去。〔下右相上〕秋光漏槐葉。春色候桃天。自家槐安國右相武成侯段功便是。吾王傳令。請東平淳于生爲駙馬。請到時。東華館中少待。俺相見過。

次後朝見。只駙馬初到此中。精神恍惚。恐其不安。他平日有個酒友周弁。有個文友田子華。已奏過吾王。攝取他來。將周弁補司隸之官。領軍吏數百。巡衛宮殿。請田子華替他賓館中更衣贊禮。這不在話下。又國母懿旨。着上真姑和靈芝夫人瓊英郡主。同去賓館中探望駙馬。調熟其心。方纔請去修儀宮。與金枝公主成禮。我如今且待駙馬到東華館拜望去。正是仙郎高館下。丞相小車來。〔下前二紫衣同生車上介〕

〔前腔〕〔生〕車箱路。古穴隅。豁然見山川風候殊。〔低語介〕怎生有這一段所在。不斷的起城郭。車輿和人物。奇怪。奇怪。一路來。但是見我的都迴避起立。何也。附車者。儘傳呼。

爲甚呵。着行人多避路。〔紫跪介〕已到國門。〔生〕好一座大城。城上重樓朱戶。中間金牌四個字。〔念介〕大槐安國。〔內扮一旗卒上〕傳令旨。傳令旨。王以貴客遠臨。令且就東華館暫停車駕。

〔卒叩頭走起同向前道行介生〕城樓門東有這座下馬牌。怎左邊廂朱門洞開。〔紫〕到東華館了。請下車。〔生下車入門背笑介〕這東華館內。綵檻雕楹。華木珍果。列植於庭下。几案茵蓐。簾幃肴膳。陳設於庭上。俺心裏好不懽悅也。〔內響道介紫〕右相到。〔右相見介〕寡君不以敵國遠僻。奉迎君

子托以姻親〔生〕禁以賤劣之軀。豈敢是望。〔右〕有紫衣官在此演禮。五鼓漏盡。相引入朝。

且就東華館。

通宵習禮儀。

雞鳴傳漏曉。

駙馬入朝時。

第十一齣 引謁

〔點絳脣〕〔周弁領直殿同黃門官上〕古洞今朝。一般籠罩。山河小。鐘隱鳴稍。綠滿宮槐道。請了。綠槐根裏侍朝班。一點朱衣劍佩環。盡道官除漢司隸。此間那得似人間。自家周弁是也。平生好酒使氣。今日大槐安國中作一司隸之官。統領軍吏數百。擁衛殿門。有故人淳于棼新招駙馬。初到朝見。不免和黃門官在此候駕。

〔前腔〕〔蟻王插花引衆上〕素錦雪袍。朱華玉導。紅雲曉。槐殿裏根苗。也引的紅鸞到。朱華一粒戴鰲魚。洞府深深小殿居。開着五門遙北望。外頭還似此間無。自家槐安國王。有女金枝公主。去請淳于棼爲駙馬。想已到來。不免升殿宣見。〔黃門跪介〕奏知我王。駙馬已到。〔王〕着右丞相引他升殿。〔黃門應介〕領旨。

〔絳都春序〕〔生隨右相上生〕槐陰洞小。怎千門萬戶。九市三條。猛然百步把朱門到。段老先生呵。怎生金殿上爐烟遶。〔右〕是吾王端嚴容貌。看殿頭左右。金瓜玉斧。明晃一周遭。

〔前腔〕〔生怕介〕猛然心跳。便衣衫造次穿朝。〔周弁見介〕駙馬行動些。殿上等久。〔生〕呀。怎生將駙馬來相叫。〔低語介〕喜得周弁也在此。向前欲問難親靠。〔右〕駙馬近前。一同拜舞。丹墀下揚塵舞蹈。〔生同俯伏介右〕微臣奏復天顏有喜。駙馬來朝。〔黃〕右丞相起。駙馬高聲致詞。〔右相叩頭呼千歲起立介〕生跪高聲奏介。前淮南軍裨將臣東平淳于棼見。〔黃門贊拜與拜興三叩頭介黃〕駙馬俯伏聽令旨。〔王〕寡人有女瑤芳。封爲金枝公主。前奉賢婿令尊之命。不棄小國。許以金枝。奉事君子。〔生俯伏介〕千歲。千歲。〔王〕駙馬且就賓館。〔黃門官唱〕駕還宮內鼓響道王還宮。生右跪送介。殿上初行叔孫禮。宮裏纔成公主親。〔下〕

第十二齣 貳館

〔聽事官上〕出身館伴使。新陞堂候官。前程螻蟻大。禮數鳳凰寬。自家槐安國東華館一個堂候使

是我王新招駙馬見朝。暫停賓館。今夕良時。往修儀宮。與金枝公主成親。你看一路上擺列金羔銀雁各二十對。鸞鳳錦繡各百二十雙。妓女絲竹之音。車騎燈燭之豔。無不齊備。真個天上牛女。地下螻蟻也。遠望駙馬蚤到。

〔上林春〕〔生盛服上〕平步忽登天子堂。尙兀自意迷心恍。俺淳于棼有何姻緣。得到此間。瞻天仰聖。說及成親一事。承賢婿令尊之命。此話好不蹉跎。我父昔爲邊將。未知存亡。或是北邊番王與這槐安國交好。家父往來其間。致成茲事。也未可知呀。兀的三位女客來了。

〔出隊子〕〔小旦道扮同老旦貼上〕鳳冠明漾。鳳冠明漾。綵碧金鈿珠翠香。煙絲繡帔晚風颺。誰在東華屋裏張。呀。恭喜淳于郎到此。〔生羞避介衆〕卻是淳郎做了阮郎。

〔衆旦〕淳于郎。〔生作揖介小〕淳于郎比前興了些。〔貼〕瘦了些。〔老〕向前摸摸他。是興是瘦。〔生作羞避介小旦〕淳于郎粗中有細。〔貼笑介〕還是細中有粗。〔老〕好一個赤琅當五寸長半鼻子。

〔生作不奈煩介老〕中元之日。俺們禪智寺天竺院看舞婆羅門。足下與瓊英娘子。結水紅汗巾。掛于竹枝之上。君獨不憶念之乎。〔生想嘆介貼〕俺們曾於孝感寺。聽契玄師講觀音經。俺於講下供

養金釵犀盒。足下於筵中賞嘆再三。願盼良久。頗亦思念之乎。〔生想介〕中心藏之。何日忘之。〔小旦〕不意今日與此君遂爲眷屬。俺們且去修儀宮相候。卻是淳郎做了阮郎。

〔前腔〕〔田子華冠帶引隊子上〕綵樓賓相。綵樓賓相。不向天臺向下方。金枝公主。字瑤芳。得尙淳于一老郎。他帽兒光光。風流這場。〔見介田〕駙馬請上。別來無恙。謹奉王命來爲賓相。〔生〕子非馮翊田子華乎。〔田〕便是。〔生〕子華何以在此。〔田〕小弟閒遊。受知於右相武成侯段公。因而栖托在此。〔生〕周弁也在此。可知之乎。〔田〕周弁貴人也。職爲司隸。權勢甚盛。小弟數蒙其庇護矣。〔生笑介〕三人俱聚于此。庶免羈孤之嘆。可喜可喜。〔紫上〕駙馬。吉時進宮成禮。〔田〕不意今日覩此盛禮。願無相忘。便請升車。〔紫衣扶生升車介雜執燈上行介〕

〔前腔〕〔衆〕步圍金障。步圍金障。彩碧玲瓏數里長。花燈引道照成行。〔生〕子華兄。咱端坐車中。意惚恍。〔田笑介〕駙馬享用。禮之當然。且自安詳。何須悒悒。〔下〕

〔前腔〕〔貼衆上奏樂戲笑介〕翠羅黃帳。翠羅黃帳。夜合宮槐覆苑牆。偶然同向佛前香。粉帕金釵惹夢長。〔生衆上介合〕眼色相將。迎歸洞房。〔生衆作引車避看衆旦下〕

介生〕子華兄。那羣姑姊妹。各乘鳳輦。往來此間。便是仙姬奏樂。宛轉淒清。非人間之所聞聽也。
〔田〕吉時將近。便好趨行。

〔前腔〕〔生〕仙音淒亮。仙音淒亮。來往仙姬輦鳳凰。似洞庭哀響。隱瀟湘。使我
心中感易傷。〔田〕人生如寄。聞樂不樂何也。休憶人間。相逢未央。前面修儀宮。請下車。羣仙
姊妹。紛然在旁。小弟告辭了。正是襄王赴神女。宋玉轉西家。〔下〕

第十三齣 尙主

〔清江引〕〔貼衆奏樂上〕仙家姊妹迎仙眷。飛仙鳳凰輦。仙樂奏鈞天。儀從來仙
苑。教仙郎下車拜着修儀殿。〔老旦〕請公主升殿。

〔女冠子〕〔扇遮公主上〕彩雲乍展。下妝臺回眸低盼。纔離月殿。試臨朱戶。知爲
誰繾綣。教人腩腆。〔貼衆笑介老〕請駙馬上殿開扇。〔生上〕天仙肯臨見。好略露花容。

暫迴鸞扇。〔合〕這姻緣不淺。金穴名姝。絳臺高選。〔老贊拜天地介〕轉向拜國王國母千

歲介贊駙馬拜見公主公主答拜介內使送酒介〕槐安裏春生酒。花燭堂中夜合歡。國主娘娘

欽賜駙馬公主合盞之酒。〔生日叩頭謝恩介老〕駙馬公主飲合歡之酒。〔合齊介〕

〔錦堂月〕〔生〕帽插金蟬。釵簪寶鳳。英雄配合嬋娟。點染宮袍。翠拂畫眉輕線。君王命卽日承筐。嫦娥面今宵卻扇。〔合〕拈金盞。看綠蟻香浮。這翠槐宮院。

〔前腔〕〔旦〕羞言。他將種情堅。我瑤芳歲淺。教人怎的支纏。院宇修儀。試學壽陽妝面。號金枝舊種靈根。倚玉樹新連戚畹。〔合前〕

〔前腔〕〔老小貼背介〕姻緣。向雨點花天。香塵寶地。無情種出金蓮。〔回介〕偶語低迴。一笑鳳釵微顫。你百感生仙宅瓊漿。一捻就兒家禁鬻。〔合前〕

〔前腔〕〔衆〕天然。主第亭園。王家錦繡。妝成一曲桃源。窅窅幽微。樂奏洞天深遠。〔背介〕西明講士女誼壇。東華漏玉姬築館。〔合前衆〕月上了。

〔醉翁子〕簾捲。看明月秦樓正滿。〔生〕把弄玉臨風笑。拈簫管。今晚烟霧雲鬟。家近迷樓一笑看。〔合〕曾相見。是那一種瓊花。種下槐安。

〔前腔〕〔生低介〕眞罕。一霎兒向宮闈腹坦。想二十四橋。玉人天遠。深淺。隻影孤

寒。怎便向重樓曲戶眠。〔合前行介〕

〔僥僥令〕槐餘三洞暖。花展一天寬。記取斜月鸞迴笑。歌鬪春壓細腰難。愁遠山。

〔前腔〕淳于沾醉晚。滅燭且留殘。試取新紅粗如人世顯。渾似遇仙還。雲雨間。〔尾聲〕儘今宵略把紅鸞蘸。五鼓謝恩了。蚤畫蛾眉去。鴛鴦班。則怕你雨困雲殘。新睡懶。

帝子吹簫逐鳳凰。

斷雲殘月共蒼蒼。

傳聲莫閉黃金屋。

好促朝珂入未央。

第十四齣 伏戎

〔賀聖朝〕〔檀蘿王赤臉引隊衆上〕大地非常變化。成團占住檀蘿。黃頭赤脚瘦按

莎。牛鬪看成兩下。草昧成中國。城池隔外邊。豈無刀畫地。仍有氣冲天。自家乃槐安國東檀蘿國

主是也。我國東盡白檀。西連紫邏。子孫分九溪八洞。門戶有百孔千窗。藤薛同朝。山有木而誰能爭

長槐檀一火。天有時而豈可鑽先。止因他是玄駒。咱形赤駁。遂分中外。致有高低。憤他如赤象之雄。覷我如黍米之細。近日得他文書。于槐安國上。加了一個大字。好不小視人也。隔江是他南柯郡。地方魚米。不免聚集部落。搶他一番。〔衆演介〕

〔豹子令〕同是蟻兒能大多。分土分兵等一窩。欺負俺國小空虛。少糧食。不知俺穿營。驀澗走如梭。〔合〕安排個個似嘍囉。

〔前腔〕隔江西畔有一郡南柯。他聚積的羶香可奈何。要那槐安安不的。俺征西旗上也寫着個大檀蘿。〔合前〕

地接羅施鬼。

人稱藤甲兵。

南柯堪一葦。

同去覓臙腥。

第十五齣 侍獵

〔寶鼎現〕〔王引衆上〕綠槐風小。正絳臺清暇。日華低照。巧江山略似人間。立草昧暗憑天道。〔生同右相上〕且喜君臣遊宴好。南郡偶然邊報。〔合〕看尺土拳山。

寸人豆馬。一樣打圍花鳥。〔見介〕〔玉樓春〕〔王〕吳頭楚尾我家國。臺殿玲瓏秋瑟瑟。〔生〕萬年枝上最聲多。報道蚤寒清露滴。〔右〕日高風細爐烟直。洞壑朝天天咫尺。〔合〕諸邦蟻伏盡無虞。惟有檀羅費裁劃。〔王〕昨日覽奏。檀羅侵攪南柯郡界。國久無事。人不知兵。右相欲請寡人畋獵龜山。以講武事。不知本朝先世曾有征戰之事乎。〔右〕有祖宗朝的故事。漢乾封元年。曾在河內人家。千人萬馬。從朝至暮而往來。晉太原中。曾在桓謙之家。披甲持槊。沿几登竈而飲食。元魏天安元年。在兗州赤黑相鬪。赤者斷頭而死。東魏武定四年。在鄴都黃黑交戰。黃者班師而薨。此吾國征伐之故事也。〔王〕先朝可有畋獵之事乎。〔右〕南齊朝。曾在徐玄之家。武士數千。縱橫於花氈之上。不止火獵。兼之水嬉。網罟數百。釣于硯山之池。獲魚數百千頭。此我國畋獵之故事也。〔王〕獵於龜山者何也。〔右〕天上星宿。龜爲玄武。以此國家講武。應向龜山。〔王〕右相言之有理。陪從官員可已齊備。〔生〕已着司隸校尉臣周弁。掌武處士臣田子華。掌文臣樊興。與右相段功護駕。〔王〕這等就此駕行。

〔行介〕

〔好事近〕遊踐海西郊。擺鸞輿天開黃道。陣旗花鳥。閃開了獸喧禽噪。連天金

鼓。山川草木驚飛跳。揀良時。奏旨施行。圍子內聽號頭高叫。〔到介王〕此所謂龜山乎。上隆法天。下平法地。背有盤文。以法星宿。昔人九月登龜伐龜。良有以也。且是豐草茂林。禽多獸廣。長楊上林。可以方矣。分付六軍。大煞手打圍。〔衆應領旨介。搥鼓殺介射。作擒虎介射雁介。〕
〔千秋歲〕展弓刀。便有翅飛難道。看紛紛驚彈飛砲。地網天牢。地網天牢。索撞着掘海爬山神道。接着的剽。踏着的擣。騎和步。橫叉直鈔。〔衆喊介〕拿倒穿山甲。

〔王大笑介〕此俺國世仇也。〔衆〕任你穿山攪。這風毛雨血。天數難逃。〔田〕處士臣田子華。文墨小臣。躬逢盛典。謹撰大槐安國龜山大獵賦奏上。〔王〕奏來。〔田跪念介〕幽哉大槐安之爲國也。前衿龍嶺。後枕龜山。龜山者玄武之精也。西望則有西王母之龜峯焉。東顧則有東諸侯之龜蒙焉。爾其爲山也。其上穹窿。其中空同。形如巴丘之蛻骨。勢似鰲山之頂蓬。草木生其背。禽獸穴其胸。文有河洛之數。武有介冑之容。駙馬都尉臣淳于棼。右丞相段功。等仰首歎曰。不休哉龜山。鬱鬱葱葱。吾王不遊。虎兇出於匣外。今日不樂。龜玉毀於櫝中。君王感焉。武功其同。是月也。涼風至。草木墮。鷹擊鳥。豺祭獸。君王乃冠通天之冠。被玄袞之袍。佩干將。登華芝。雨師灑道。風伯清塵。因是以

左丞侯右淳侯率其蟻附之屬。若大若小。紛紛蟄蟄。乘玄駒而綴步趨者。殆以萬計。金鼓震天。旌旗耀日。雷砲霜刀。風燿雨畢。周圓而陣於七十二鑽之上。時至令起。人喧物華。掛飛猿。跳長蛇。碎熊掌。糜象牙。咀豹文。嘜犀花。髓天雞。腦神鴉。至於雉兔數萬。他他藉藉。君王未之顧也。最後得一甲獸。蓋鱗鯉云。帶穿山之甲。露浮水之嘴。舐啖至毒。不可勝紀。穴于山腹。火而獻之。君王欣然。仰天而嬉曰。龜山有靈。此其當之矣。寡人鄙小。其敢朵頤。蓋茲山以土石爲玄殼。以草樹爲綠毛。今此之獵盡矣。乃遂收旗割鮮。鳴鐘舉酒。凱歌而旋。既醉既飽。微臣授簡作頌。獻于座右。頌曰。隆隆龜山。龍岡所蔽。玄玄我王。卜獵斯至。非虎非熊。曰雨曰霽。服猛示武。遺臚去智。願以龜山。卜年卜世。螻蟻微臣。願王千歲千歲。〔王大笑介〕妙哉賦也。昔漢武皇見司馬相如子虛賦。歎恨不得與他同時。今寡人與子同時。幸哉。

〔好事近〕一聲驚破紫霞毫。賦就上林分曉。堂堂一貌。好個田郎京兆。飄飄凌雲氣色。爭高。駙馬。這田子華才子之文。不可泯滅。可雕刻在金鑲玉板之上。顯的俺國中有人。添故事與龜山榮耀。賞他何官則好。笑子虛烏有。寡人得侍同朝。右侯。今日之獵樂。

乎。〔右〕今日以南柯有警。講武茲山。非樂也。臣已于國史之上書了一行。〔王〕怎麼書。〔右〕大槐安國義成元年秋八月。大獵於龜山。講武事也。〔王〕這等。可傳旨再講武一番。〔鼓吹演介〕

〔千秋歲〕演龍韜。把猛獸似誅強暴。密札札做勢兒圍繞。〔演介〕一點旗搖。看一點旗搖。齊聲殺上。休教流落。鈿兒罩。鎗兒照。前頭跳。後頭撲着。就裏把兵機討。看臂鷹老手。汗馬功勞。〔王〕傳旨衆軍罷獵回朝。〔衆應介鼓吹介〕

〔越恁好〕大打圍歸去。打圍歸去。畢崩崩鼓細敲。迸鈺鈺點鏡。齊悉索。齊獲鐸。唧喳喳玉簫玉簫。間着匹喇喇笛聲兒。嚙嘈嘈喉嘹。翦茸茸翠稍。齊臻臻馬道兒。立着隊梢。盃纓繳。撒袋兒搖。一個個把歸鞭裊裊。順西風揚疾。馬上調笑。〔傳旨趨行介〕

〔前腔〕灑風塵故道。風塵故道。呆哈哈狡獸挑。喘吁吁想逃。狗兒載。鷹兒套。窾冷冷樹梢。蘸着溼漉漉獸巢兒。暫蕭條。這遭鬧炒炒氣淘。打孩孩順哨兒前。喝後邀。觀禽貌。揣獸臊。猛說山川小。有這些殺獲。不算窮暴。〔右〕奏知俺王。已到都門

了。

〔紅繡鞋〕聽諸軍肅靜囉唵。囉唵。賀君多得腥臊。腥臊。有分例。大賞犒。毛赤剝。肉生燒。沾老小。祭鎗刀。

〔尾聲〕倚長空秋色打圍高。暗藏着觀兵演哨。〔衆〕願萬萬歲龜山鎮國寶。〔王〕國家大閱禮成。駙馬中宮留宴。右相可陪衆國公王親以下。賜宴槐角樓。商議南柯一事。〔衆應介〕

曾濟齊師學陣圖。

千人萬馬出郊墟。

吾王所饌能多少。

一獵歸來滿後車。

第十六齣 得翁

〔驀山溪〕〔生上〕人間此處。有得神仙住。春色錦桃源。蚤流入秋光殿宇。〔旦〕

細腰輕展。漸覺水遊魚。嬌波潏灩橫眉宇。翠壓巫山雨。〔阮郎歸〕〔生〕藕絲吹軟碧

羅衣。縷金香穗歸。〔旦〕綠窗槐影翠依微。出花宮漏遲。〔生〕穿玉境。侍瑤姬。微生遭際奇。〔旦〕駙馬

呵。和你歡多怕忘卻蚤朝時。歸來人畫眉。駙馬到此月餘。情義日深。榮華日盛。出入車服。賓御遊宴。

次於王者。意亦可矣。然竊觀駙馬。常有蹙眉之意。如聞嗟嘖之聲。含愁不語。卻是爲何。〔生〕小生落魄多年。榮華一旦。不說傾宮羅綺。盡世膏粱。且說貴主嬌姿。儘我受用。有何不足。致動尊懷。所以然者。遇貴主有天生之樂。想亡親有地下之悲耳。〔旦〕這等公婆前過幾年了。〔生〕婆婆葬在家山。禪智橋邊好墓田。則你公公可憐也。〔旦〕駙馬試說其情。

〔白練序〕〔生〕心中事待說。向妝臺自嘆吁。吾先父爲將佐。邊頭失誤。〔旦〕原來老老爺用兵失利。可得生還。〔生嘆介〕身歿。〔旦〕歿在何地。〔生〕他歿在胡。〔旦〕幾年上有音信。〔生〕可十數年來無寄書。近來卻是古怪。〔旦〕怎的來。〔生〕前日成親。蒙千歲親口分付。係俺父親之命。那時好不疑惑。〔旦〕便好問俺父王所在了。〔生〕以前未敢造次。直待龜山罷獵。留宴內庭。纔敢動問。千歲既知臣父親所在。臣請敬往問安。那時千歲劈口應說。親家翁職守北土。音問不絕。卿但具書相問。未可便去。公主呵。何緣故教人平白地暗生疑慮。

〔醉太平〕〔旦〕聽語。你少年孤露。這遇妻所。捨得親父。〔生泣介〕知他北土怎的。〔旦〕既然守土。知他那里歡娛。〔生又泣介〕俺待稟過公主。潛去北土。打聽父親消息。〔旦〕模糊。

那胡沙如夢杳如無。不明白怎尋歸路。〔生〕待俺再奏過千歲。分明而去。〔旦〕他眼前兒女。幾日成親。便教卿去。

〔白練序〕〔生〕難圖。怎教他在北土天寒草枯。似俺這洞府。比他何如。〔旦〕且依父王旨。先寄問安書。〔生〕踟躇。空寄書。〔旦〕寄些禮物去。〔生泣介〕要報陽春寸草無。〔旦〕這等怎好。〔生〕賢公主。似這般有子等如無物。

〔醉太平〕〔旦背介〕眞苦。他身爲贅壻。要高堂禮節。內家區處。〔回介〕駙馬。想起來你在俺國中。豈可空書問候。奴家早已做下長生襪一雙。福壽鞋一對。可同書寄去。〔生〕這等生受了。

〔旦〕些微針指。也見俺一房兒婦。〔生〕有誰將去。〔旦〕你修書。俺依然送與父王。知便千里一時將去。〔生〕這等俺卽封了書禮。只煩公主入宮。轉達下情。〔旦〕使得。奴便與繫書胡雁。怎教駙馬不報慈烏。〔旦〕還一件。請問駙馬。你如今可想做甚麼樣官兒。〔生〕俺酣蕩之人。不習政務。〔旦〕卿但應承。妾當贊相。

〔尾聲〕俺入宮闈取禮。和你送家書。見父王求一新除。〔生〕這等做老婆官了。〔旦〕

便做老婆官。有甚麼辱沒你這于家七代祖。

驥子書有隔。

鸞儔鏡乍輝。

綠槐無限好。

能借一枝棲。

第十七齣 議守

〔遶地遊〕〔右相上〕金章紫綬。獨步三台宿。正朝下日移花鬢。看簪髮絲稠。帶腰圍瘦。無非爲國機謀。自家右相武成侯段功。忝掌朝綱。留心邊計。昨因檀蘿數爲邊患。我主賜

宴槐角樓。與一衆科道商議。奏選南柯太守。未知意屬何人。紫衣官蚤到也。〔紫上〕晝漏希傳高閣報。君顏有喜近臣知。〔見介〕段老先生蚤朝辛苦。〔右〕恰待文書房相問。奏補南柯郡太守一事。旨意可下了。〔紫〕右侯不得知。恰好此本上去。正直公主入宮。一來替駙馬寄書令尊。二來替駙馬求官外郡。則怕就點了南柯之缺。也未可知。〔右〕這卻難道。

〔剔銀燈〕論南柯跨踞雄州。近檀蘿要習邊籌。那淳于貴婿。性豪杯酒。怎生任得邊州之守。〔合〕許否。心中暗憂。宮庭事又難執奏。

〔前腔〕〔紫〕論朝綱須問君侯。大地方有得干求。則一件。君侯疎不問親了。他與玉人金屋。並肩交肘。怎佩不得黃金如斗。〔合前右〕許他也索罷了。則怕此君權盛之後。於國反爲不便。且是由他。

欲除新太守。

不少舊英豪。

且順君王意。

相看兒女曹。

第十八齣 拜郡

〔西江月〕〔生上〕本自將門爲將。偶來王國扶王。風流偏打內家香。更有甚中情未講。〔集唐〕秦地吹簫女。盈盈照紫微。可中纔望見。花月倚門歸。日前公主入宮。一來寄書禮於

家尊。二來替我求一官職。這晚近一路紗燈。公主到來也。

〔前腔〕〔旦引女官燈籠上〕幾夜宮闈宴賞。爹娘愛惜瑤芳。月高燈火照成行。款

蹙金蓮步障。〔見介生〕公主入宮數晚。小生殊覺淒涼。書奉家尊。可曾寄去。〔旦〕聽道來。

〔玉胞肚〕將書傳上。父王言禮儀合當。卽時間人往邊鄉。臨付與叮嚀停當。

〔生〕怕回書遲慢。〔旦〕粗將孝意表高堂。但取平安要怎忙。〔丑扮小軍上〕爲人莫做軍。做軍多苦辛。俺小軍從北邊來。取了駙馬老老爺平安書。不免投上。〔見叩頭介〕小人北邊送書禮。老老爺十二分歡喜。回書呈上。〔生驚喜介〕起來起來。真個有了回書。我的親爹呵。〔捧書開看介〕平安報付男淳于棼呀。八個字分明老父手筆。〔旦〕你且念書奴家聽。〔生念書介〕伏承大槐安國王前示。欲汝尙主。得書履襪。知盛典成就。加以貴主有禮。喜慰發狂。別近廿載。朝夕憶念。兒以槐序。備國肺腑。百宜周盛。頗憶生平。親戚里閭。存旺餘幾。宜詳再信。助展遐繾。欲往視兒。奈彼此路道乖遠。風烟阻絕。父子不見。抱恨重深。汝且無便來觀。歲在丁丑。當與汝相見。〔生拍書痛哭介〕俺的爹相去十七八年。只道故了。何意今朝重見平安書迹。居然如在。不能勾往見。他要兒子何用也。〔哭倒旦扶介〕駙馬休得過傷。

〔前腔〕〔生〕端然無恙。如昔年教誨不忘。問親鄰興廢存亡。敘風烟悲楚哀傷。〔旦〕約丁丑年相見。好了。〔生〕知他後會可能相見。怎得溫衾扇枕牀。

〔粉蝶兒〕〔紫衣捧詔上〕詔選黃堂。捧到秦樓開放。令旨已到。跪聽宣讀。詔曰。昔稱華國。

左戚右賢。文武並茂。吾南柯郡政事不理。太守廢黜。欲藉卿才。可屈就之。便與小女同往。欽哉。謝恩。
〔生〕旦起紫見叩頭介。恭喜公主。駙馬黃堂之尊了。千歲還有別旨。

〔玉胞肚〕叫有司停當。把太守行裝備詳。掌離珠感動娘娘。出傾宮錦繡奩房。
〔旦〕還有。〔衆〕車騎僕妾都列在廣衢傍。鸞駕親身饌遠行。

〔前腔〕〔生喜介〕敢前希望。憶年時醉遊俠場。普人間沒俺東牀。湊南柯飲着瓊漿。
〔合〕這是有緣千里路頭長。富貴榮華在此方。

〔尾聲〕〔紫〕從來尙主有輝光。你整朝衣五鼓朝廊。謝恩了辭朝做一事講。
〔衆下生〕多謝公主擡舉。有此地方。〔旦〕惶愧惶愧。〔生〕還要請教。南柯大郡難以獨理。加以小生素性酣放。意下要奏請田子華周弁二人同典郡政。何如。〔旦〕但憑尊裁。

新命守南柯。

恩光附女蘿。

明朝有封事。

數問夜如何。

第十九齣 薦佐

〔生查子〕〔紫引隊子上〕一掌瞰宮墀。洞府晨光露。萬點正奔趨。遍起了朱門戶。

〔衆〕將軍上殿。俺大槐安國今日駙馬辭朝。各官在此候駕。

〔前腔〕〔生朝服捧表上〕槐殿隱香爐。禁幄承恩處。五馬更踟蹰。御道裏開賢路。

〔紫〕駙馬請上御道。〔生跪介〕新除南柯郡太守駙馬都尉臣淳于棼謝恩。即日之任。敬此辭朝。

〔生三叩俯伏介紫〕駙馬謝恩表就此披宣。〔生〕臣此表章不止謝辭恩寵。兼之舉薦賢才。伏望俺

王聽啓。

〔桂枝香〕念臣將門餘子。素無材術。誠恐有敗朝章。至此心慚覆餗。待廣求賢士。廣求賢士。備臣官屬。與臣咨助。〔紫〕駙馬所薦何人。〔生〕伏見司隸潁川周弁。忠亮剛直。

有毘佐之器。處士馮翊田子華。清慎通變。達政化之源。二人與臣有十年之舊。備知才用。可託政事。

周弁請署南柯郡司憲。田子華請署南柯郡司農。庶使臣政績有聞。憲章無紊。念臣愚願得從銓補。南柯治有餘。〔紫〕駙馬起候旨。〔生起介〕想令旨必然俯從。周司隸田秀才有此遭際也。

〔內令旨到〕駙馬薦賢爲國。寡人嘉悅。依奏施行。〔生叩頭呼千歲起介〕

〔神仗兒〕〔周田上〕蒙恩點注。蒙恩點注。南柯太守。淳郎推舉。做司憲司農前去。來闕下。叫山呼。〔跪介〕新除南柯郡司憲前司隸臣周弁。新除南柯郡司農處士臣田子華。叩頭謝恩。〔叩頭呼千歲起介相見介生〕二君恭喜了。〔周田〕謝堂翁擡舉之恩。〔紫〕駙馬便當起程。國王國母蚤已關南有錢。

濯龍門外主家親。

半歲遷騰依虎臣。

卻羨二龍同漢代。

出門俱是看花人。

第二十齣 御餞

〔二紫衣上〕玉樓銀榜枕嚴城。翠蓋紅旗列禁庭。二聖忽排鸞路出。雙仙正下鳳樓迎。今日國王國母餞送駙馬公主之任南柯。鸞輿蚤到。

〔傳言玉女〕〔王同老旦引宮娥上〕玉洞烟霞。一道晴光如畫。回首鳳城宮院。見琉璃碧瓦。〔衆〕宮娥侍長。半插貂蟬隨駕。〔合〕送一對于飛。鳳嬌鸞姁。〔紫衣見介〕千歲千歲。〔王〕筵宴齊備麼。〔紫〕俱已齊備。〔丑〕已勅有司備辦太守行李。〔生〕行李整齊。〔宮娥〕娘

娘傳旨。房奩金玉錦繡車馬人從。都要列於通衢之上。許萬民縱觀。〔紫〕知道。

〔疎影〕〔生日上〕冠裳俊雅。正瑤臺鏡裏。鳳妝濃乍。〔旦〕好夢分明。素情嬌怯。慢引香車隨馬。〔紫催介〕君王國母親臨餞。快疾着綠槐幢下。〔合〕真乃是夫貴妻榮。一對堪描堪畫。〔紫衣報介〕駙馬公主見。〔生日俯伏介〕微臣夫婦沾恩。遠勞聖駕。無任誠懼

誠忭。誠惶誠恐。〔王〕本不忍處卿於外。南柯有卿。免寡人南顧之憂耳。〔老旦泣介〕俺的公主兒遠行苦也。〔旦作泣介〕俺的親娘呵。〔王〕在家爲公主。出嫁爲郡君。有何所苦而泣乎。〔生日叩頭介〕微臣恭受鴻私。願大王國母千歲千歲千歲。〔王〕願汝夫婦同之。〔生日進酒介〕

〔畫眉序〕〔王〕晴拂御溝花。祖道城南動杯罌。儘關南一面。借卿彈壓。憑仗你半壁門楣。看覷俺一分天下。〔合〕南柯太守風流煞。一路裏威儀瀟灑。〔老〕公主

呵。今日南柯便是你家了。俺宮中寶藏。盡作賠奩。你看通衢之上呵。

〔前腔〕雲樹玉交花。日影光輝度塵罅。但閨房所要。盡情相把。擺天街色色珍奇。出關外盈盈車馬。〔合前〕

〔前腔〕〔生〕平地折宮花。大郡猥當歎才乏。便尋常錢送。敢煩鸞駕。祝太山太水千秋。喜治國治家一法。〔合前〕

〔前腔〕〔旦〕生小正嬌花。酬謝東風許花發。但隨夫之任。賜妝如嫁。因夫主占了兒家。爲郡君將離膝下。〔合前生日跪介〕微臣何德。煩動至尊。敢問南柯以何而治。〔生〕南柯國之大郡。土地豐穰。民物豪盛。非惠政不能治之。況有周田二卿贊治。卿其勉之。以副國念。〔生叩頭介〕微臣謹遵王命。〔老〕公主行矣。聽母親一言。淳于郎性剛好酒。加之少年。爲婦之道。貴乎柔順。爾善事之。吾無憂矣。南柯雖封境不遙。晨昏有間。今日睽別。寧不沾巾。〔老同旦泣介旦〕謹領慈命。〔拜別介〕

〔滴溜子〕〔王〕南柯郡。南柯郡。弗嫌低亞。公案上。公案上。酒杯放下。有脚的陽春五馬。休只管戀着衙。長放假。他那裏地方。人物稠雜。〔王〕傳旨。鼓吹旗幟送過長亭。〔行介〕

〔鮑老催〕〔衆〕街衢鬧雜。街衢鬧雜。鸞輿直送仙郎發。秦簫吹徹鸞同跨。看乘

龍乘的是五花馬。君王駙馬多懽哈。則娘娘公主悽惶煞。留不住雙頭踏。〔衆〕

千歲爺。過長亭了。〔王〕終須一別。駙馬公主勉之。〔生日俯伏介〕微臣夫婦不敢有忘。願我王娘娘千歲千歲千千歲。〔生日下王〕傳旨回宮。

〔雙聲子〕〔衆〕力力喇。力力喇。都是些人和馬。嚙嚙咋。嚙嚙咋。兩下裏吹和打。嘻嘻哈。嘻嘻哈。去了價。去了價。向槐陰路轉。數點宮鴉。

〔尾聲〕看他們時至氣化。一鞭行色透京華。似這樣夫妻人世上寡。

雙鳳銜書次第飛。
駸駸羽騎歷城池。

瓊簫暫下鈞天樂。
今日河南勝昔時。

第二十一齣 錄攝

〔字字雙〕〔丑扮府幕官上〕爲官只是賭身強。板障文書批點不成行。混帳權官掌印坐黃堂。旺相勾他紙贖與錢糧。一搶自家南柯郡幕錄事官是也。闕下正堂。小子權時署印。日高三丈。還不見六房站班。可惡可惡。

〔前腔〕〔吏上〕山妻叫俺外郎外郎。猾浪吏巾兒糊得翅幫幫。官樣飛天過海。幾樁樁蠻放下鄉油得嘴光光。〔揖介〕銷曠。〔丑惱介〕咄。幾時不上公堂望。搖搖擺擺來銷曠。莫非欺負俺老權官。教你乞拷在眉毛上。〔吏跪介〕恩官興頭忒莽撞。百事該房識方向。〔作送雞介〕下鄉袖得小雞公。送與恩官五更唱。〔丑〕好個雞兒雞兒。〔吏〕聽得老爺好睡覺。出堂忒遲。因此告狀的候久都散了。小的想起來。老爺寸金日子不可錯過。小的下鄉撈的兩隻小雞。母的宰了。公的送爺報曉。一日之計全在於寅。〔丑〕有意思。有意思。我的都公請起。〔丑跪扶吏起介〕我從來衙裏沒有本大明律。可要他不要。〔吏〕可有可無。〔丑〕問詞訟可要銀子不要。〔吏〕可有可無。〔丑惱介〕不要銀子。做官麼。〔吏〕爺既要銀子。怎不買本大明律看。書底有黃金。〔扮報子上見介〕飛報送上。〔丑看報介〕右相府一本。南柯缺官事。奉令旨。駙馬淳于棼有點呀。新官到了。寸金日子丟在那裏。〔報〕駙馬爺馬牌到。〔丑〕叫各房打點迎接。〔吏〕都有舊規。〔丑〕舊規不同。要起駙馬府公主殿。要珍珠轎銷金傘。女戶扛擡。〔吏〕小的知道。如今事體迫了。爺兩隻手標票兒纔好。〔丑作兩手標票介吏〕一票叫吏房知會官吏。一票戶房支放錢糧。一票兵房差點吹手皂快轎馬勘合。

一票禮房知會生儒耆老僧道。又要幾個尖嘴的教坊。〔丑〕要他怎的。〔吏〕會吹。一票刑房查點囚簿送刑具。一票工房修理府第家火。第一要個馬子線香。〔丑〕這緩得些。〔吏〕奶奶下了轎滿地跳。一票架閣庫整頓卷宗交代。一票承發科寫理脚色憲綱。一票雜辦吏鋪氈結綵。一票帶辦吏送心紅紙張。一票各馬驛下程中火。一票各社總選門子要一丈二尺長。〔丑〕太長了。〔吏〕新太爺還長一丈八。一票娘娘廟借珍珠八角轎傘。一票表子鋪借鋪陳臙粉馨香。〔丑〕這個使不得。要星夜製造纜是。

〔亭前柳〕此郡鎮南方。前任總尋常。緣何差駙馬。甚樣有輝光。〔合〕憲綱前件開停當。分付該房。須急切要端詳。

〔前腔〕珠翠縷金裝。怕沒現錢糧。〔吏〕沒錢糧有處。因公且科派。事後再商量。〔合前〕

權官纔打劫。

正官便交攝。

支分各色人。

遠遠去迎接。

第二十二齣 之郡

〔隊子上〕結束征車換黑貂。行人芳草馬聲嬌。紫雲新苑移花處。洞裏神仙碧玉簫。請了俺們駕上差來。護送公主駙馬爺南柯赴任去。迤邐數程。公主駙馬起早也。

〔滿庭芳〕〔生旦衆上〕紫陌塵閒。畫橋風淺。鸞旗影動星躔。〔旦〕朝雲濃淡。行色映花鈿。爲問夕陽亭餞。下鸞輿。慘動離筵。〔合〕關南路。春暉綠草。何日再朝天。

〔木蘭花令〕宮花欲喚流鶯住。恰是南柯遷徙處。繡簾嬌馬出都城。寶蓋斜盤金鳳縷。華年得意頻相顧。笑問卿卿來幾許。綠槐風軟度行雲。回首沁園東畔路。〔生〕公主自拜辭了君王國母。不覺數程。此去南柯相近了。左右隨行。〔行介〕

〔甘州歌〕宮闈別餞。擺五花頭踏。迤邐而前。都人凝望。十里繡簾高捲。四方宦遊誰得選。一對夫妻儼若仙。〔合〕青袍舊。綠鬢鮮。大槐宮裏着貂蟬。香車進寶馬連。一時攜手笑嫣然。〔官吏上〕南柯郡錄事差官吏投批。迎接爺爺。〔生取看介〕發批迴。前去伺候。〔官吏應介〕

〔前腔〕〔生〕宮花壓帽偏。問有何能德。紫綬腰懸。玉樓人並。翠蓋綠油輕展。指揮風景遲去輦。爲惜流光懶下鞭。〔合〕攜琴瑟。坐錦鞦。一條官路直如絃。遊春樣。盡世緣。秦樓簫史弄雲烟。〔衆〕稟爺。南柯郡界了。〔丑〕南柯郡錄事參軍迎接老大人。〔生〕遠勞了。〔丑〕不敢。有新轎繖兵衛男女轎夫齊站下班迎接。〔生〕知道了。就回。〔丑應下內介〕合郡官吏迎接爺爺。〔生〕起去伺候。〔內介〕生儒迎接老大人。〔生〕請起。郡中相見。〔應介內〕僧道耆老迎接爺爺。〔生〕都起去。〔內〕教坊女樂們迎接爺爺。〔生〕隨行。〔衆妓鼓吹引介〕

〔前腔〕鸞鈴動翠鈿。看滿前旗影。冠佩翩聯。爭來迎跪。陌上紅塵深淺。邦君夫人鸞鳳侶。父老兒童竹馬年。〔合〕軍民鬧。士女誼。妓衣時雜紫衣禪。彈箏覷。擊鼓傳。錦車催怕日華偏。〔生〕遠遠望見。如烟如霧。鬱鬱葱葱者。是何地方。〔衆〕十里之近。南柯郡城。〔生〕公主真好一座城臺。

〔前腔〕遙遙十里前。見葱葱佳氣。非霧非烟。雉飛鸞舞。臺觀疊來蒼遠。似蘭亭景幽圍翠嶺。春穀泉鳴浸玉田。〔合〕山如畫。水似纏。自憐難見此山川。重門擁。

旌旆懸。玉樓金榜洞中天。〔內燈籠接上介衆〕稟太爺進城。〔生〕今夕公館休息。五鼓陞任。
〔尾聲〕閃紗燈一道星球轉。曜街衢。檠戟森然。公主和你且把下馬公堂笑鋪展。

露冕新承明主恩。

山城別是武陵源。

笙歌錦繡雲霄裏。

南北東西拱至尊。

第二十二齣 念女

〔夜遊湖〕〔老旦引衆上〕翠地榮華開內苑。紫雲袍花勝朝天。〔衆〕扇影斜分宮

娥慢擁。望南柯阿嬌仙眷。〔憶秦娥〕〔老〕屏山列。春風暗展青槐葉。〔衆〕青槐葉。洞天深處彩

雲明滅。〔老〕女兒十五辭宮闕。南柯婉瞰西樓月。〔合〕西樓月。南飛鵲影。照人離別。自家大槐安國

母。一女遠在南柯。將二十年。昨有書來。說他兒女累多。肌瘦怕熱。近於灑江城清涼地面。築一座瑤

臺城避暑。要請佛王經千卷供養。已着郡主去禪智寺。請問契玄師父。還未到來。

〔翫仙燈〕〔貼持經上〕禪智談玄。又請下的法王經卷。〔見叩頭介〕郡主瓊英叩頭。千歲。

〔老〕平身。手中所進。是何經卷。〔貼〕到問契玄禪師。他說凡生產過多。定有觸汚地神天聖之處。可請一部血盆經去。叫他母子們長齋三年。總行懺悔。自然災消福長。滅病延年。娘娘聽啟。

〔玉山頽〕這血盆經卷。大慈悲孩兒日連。〔老〕因何。〔貼〕目連尊者爲救母走西天。經過

羽州追陽縣曠野之中。見一座血盆池地獄。有多少女人。散髮披枷。飲其池中汚血。目連尊者動問獄主。此是因何。獄主言道。這婦人呵。生產時血汚了溪河。煎茶供厭汚了良善。〔老〕

是了。供奉三寶的茶水。被血水汚。因此果報。後來。〔貼〕目連尊者聽見。大哭起來。俺母親也應受此苦楚了。竟以神通。走向佛所。致心頂禮。願祈世尊爲我等開示。云何報答慈親。脫離此苦。佛言善哉。待酬恩睽。則二年內長齋拜懺。聲聲把彌陀念。〔老〕念了怎的。〔貼〕有好處。渡河船。便是血盆池上產金蓮。

〔前腔〕〔老〕佛爺方便。向諸天把真言示宣。想來則有婦女苦。生男種女。大家的便是。產時昏悶。傾污水於溪河。也是丈夫之罪。怎那經文呵。明寫着外面無干。偏則是女人之

譴。便宣紫衣官一員。分付馬上捧持此經一千部。星夜前去。紫衣乘傳。直齋到瑤臺宮院。免

到追陽縣。說與公主呵。教他廣流傳。把俺老娘三世也帶生天。

古來兒女得娘憐。

女病娘愁各一天。

惟有受經勤懺悔。

南柯應產玉池蓮。

第二十四齣 風謠

〔清江引〕〔紫衣走馬捧經背勅上〕紫衣郎走馬南柯下。一軸山如畫。公主性柔佳。駙馬官瀟灑。俺且在這裏整整儀容權下馬。事有足差。理有果然。自家紫衣官是也。承國王國母之命。送佛經與公主供養。並加陞駙馬官爵門蔭。纔入這南柯郡境。則見青山濃翠。綠水淵環。草樹光輝。鳥獸肥潤。但有人家所在。園池整潔。簷宇森齊。何止苟美苟完。且是興仁興讓。街衢平直。男女分行。但是田野相逢。老少交頭一揖。曾游幾處。近見此邦。且住。待俺借問公主平安。看百姓怎生議論。前面幾個父老來了。

〔孝白歌〕〔衆扮父老捧香上〕征徭薄。米穀多。官民易親風景和。老的醉顏酡。後

生們鼓腹歌。你道俺捧靈香因甚麼。〔紫前問介〕敢問老官人。公主好麼。〔父老嘆介唱

前〕你道俺捧靈香因甚麼。〔下紫〕這些父老們歡歡喜喜。唱個甚的。又邀的幾個秀才來了。

〔前腔〕〔衆扮秀才捧香上〕行鄉約。制雅歌。家尊五倫人四科。因他俺切磋。他將俺琢磨。你道俺捧靈香因甚麼。〔紫〕敢問秀才。公主好麼。〔秀才嘆唱前〕你道俺捧靈香因甚麼。〔下〕

〔前腔〕〔扮村婦女捧香上〕多風化。無暴苛。俺婚姻以時歌。伐柯家家老小和。家家男女多。你道俺捧靈香因甚麼。〔紫〕敢問姑娘們。公主好麼。〔婦嘆介唱前〕你道俺捧靈香因甚麼。〔下〕

〔前腔〕〔扮商人捧香上〕平稅課。不起科。商人離家來安樂窩。關津任你過。晝夜總無他。你道俺捧靈香因甚麼。〔紫〕大哥幾分面善。〔商〕俺是京師人。在此生意。〔紫〕正是。

聽見公主可好。〔商〕俺們正去太爺生祠進香。保祝駙馬公主二人千歲千歲。〔紫〕你又不是這境內人民。保他則甚。〔商〕淳于爺到任二十年。人間夜戶不閉。狗足生毛。便是俺們商旅。也往來安樂。

知恩報恩。〔紫〕前面一夥老的。一夥秀才。一夥婦女。都捧着香往那里去。唱些甚麼。〔商〕你是不知。這南柯郡自這太爺到任以來。雨順風調。民安國泰。終年則是游嬉過日。口裏都是德政歌謠。各鄉村多寫着太爺牌位兒供養。則這是大生祠。祠宇前後九進。堂高三丈。立有一丈五尺高的幾座德政碑。碑上記他行過德政。二十年中。便一日行一件。也有七千二百多條。言之不盡。〔紫〕想是學霸王民胡弄的。〔商作惱介唱前〕咳。你道俺捧靈香因甚麼。〔下紫〕奇哉奇哉。真個有這等得民心的官府。

二十年事事循良。

偏歌謠處處焚香。

立生祠字字紀實。

詔書中一一端詳。

第二十五齣 玩月

〔錄事官上〕官居錄事尊崇。放支帳曆粗通。再不遇缺官看印。教我錄事衙門嗑風。新近一場詫事。公主生長深宮。二十年南柯地方怕熱。訪知灤江城西北涼風。築一座瑤臺城子。單單一個公主避暑其中。周田二公督造。果然不日成功。怎生喚做瑤臺城子。四門有高臺玉石玲瓏。駙馬公主到來。

便待賞月。那頭行的正是周田二公。〔虛下〕

〔遶地遊〕〔扮周田上〕人間怎麼地下爲參佐。乘公暇得從深座。玉鏡臺移。絳橋星度。下秦樓雙鳴玉珂。〔周〕下官司憲周弁。〔田〕下官司農田子華。〔周〕蒙太老先生提挈。贊

相有年。近因公主避暑。于灑江西畔築了座瑤臺城。今夕駙馬公主駕臨。正當明月三五。良可賀也。〔田〕以下官所言。瑤臺雖則壯麗。江外切近檀蘿。公主移居。深所未便。〔周〕有灑江城一衛兵馬。可保無危。〔內響道介田〕駙馬公主蚤來。我們且須迴避。〔虛下〕

〔破齊陣〕〔生日引衆上〕遶境全低玉宇。當窗半落銀河。月影靈娟。天臨貴壻。清夜暫迴參佐。同移燕寢幽香遠。並起鸞驂暮靄多。何處似南柯。〔周田上吏進稟介〕司憲司農稟見。〔生〕叫該房稟知。公主在此。不便請見。請二位老爺先回。〔吏應介周田下生〕我爲公主造此一城。都是白玉砌裏。五門十二樓。真乃神仙境界也。今夜月明如洗。傾倒一杯。〔老旦酒上〕金屋人雙美。瑤臺月一輪。酒到。

〔普天樂犯〕〔生〕踈光華城一座。把溫太真裝砌的嵯峨。自王姬寶殿生來配。

太守玉堂深坐。瑞烟微。香百和。紅雲度。花千朵。有甚的不朱顏笑呵。眼見的眉
峯皺破。對清光滿斟一杯香糯。〔旦嘆介〕甚般好景。苦沒心情。奈何奈何。〔生〕是了。你飲興
欠佳。叫孩子們勸你。請王孫貴女出來。〔雜扮二小男小女上〕月兒光。月兒光。娑婆樹下好燒香。老
爺親娘。喫一杯酒兒麼。〔灌旦酒旦笑介〕我喫我喫。

〔鴈過沙犯〕〔旦〕姮娥自在爭多。養孩兒恁個。那些兒不病過。念載光陰一擲
梭。大的兒攻書課。次的兒敢聰明似哥。小丫頭也會梳裹。霎兒間眼前提着。又
校得心頭活。

〔傾杯犯〕〔生〕嬌波倚瑤臺。新鏡磨。嵌青天。人負荷。〔雜〕消多。幾陣微風。一莖
清露。半縷殘霞。淡寫明抹。稱道你洞府仙人。清涼無暑。愛弄娑婆。〔合〕好大槐
安團圓桂影。今夜滿南柯。〔旦〕夫妻兒女。真是團圓。只爲哥兒們長成。親事未定。熱我心懷。

〔雜〕娘住這瑤臺之上。怕忒高寒些兒。

〔山桃紅犯〕〔旦〕一些些思量過。悶啣啣怎題破。看這座瑤臺是不比其他界

斷銀河。冷澹些兒個。便似背兒夫竊藥向寒宮躲。念瑤芳怎學的姮娥。〔內介〕報報報。令旨到。〔紫衣上宣旨介〕令旨到。跪聽宣讀。制曰。寡人聞之。治國之法。一曰賢賢。二曰親親。恩禮之施。用此爲準。咨汝公主瑤芳。厥配南柯郡太守駙馬都尉淳于棼。自下車以來。將二十載。仁風廣被。比屋歌謠。寡人心甚重之。茲特進封食邑三千戶。爵上柱國。集議院大學士。開府儀同三司。仍行南柯郡事。二男一女。俱以門蔭授官。許聘王族。與國咸休。欽哉。謝恩。〔生日叩頭〕千歲千歲千千歲。〔紫衣叩頭見生日介〕恭喜駙馬公主高陞。〔生扯紫介〕勞了。〔紫〕娘娘還有懿旨。請下血盆經千卷。送與公主供養流傳。消災長福。〔生〕齊家治國。只用孔夫子之道。這佛教全然不用。〔旦〕奴家一向不知。怎生是孔夫子之道。〔生〕孔子之道。君臣有義。父子有親。夫婦有別。長幼有序。朋友有信。〔旦〕依你說。俺國裏從來沒有孔子之道。一般立了君臣之義。俺和駙馬一般。夫婦有別。孩兒們一樣。與你父子有親。他兄妹們依然行走有序。這卻因何。〔生笑介〕說是這等說。便與公主流傳這經卷罷了。

公主瑤臺養病身。

一天恩詔滿門新。

但願福隨長命女。

相依佛度有緣人。

第二十六齣 啓寇

〔梨花兒〕〔丑扮賊太子上〕小小的檀蘿生下咱。生下咱太子好那查。沒有了老婆較子傻。嗟。但婆娘好把咱檀郎打。自家檀蘿國王位下四太子是也。小名檀郎。性格風灑。父王分下咱三千赤駿軍。鎮守全羅西道。日昨喪了房下。急切要尋個填房。恰好一場天大姻緣。那大槐安國金枝公主。嫁了南柯郡守。隨夫之任。怕府裏地方燥熱。單築瑤臺城一座在灑江地方。與俺國相近。老天。老天。他那裏是怕熱。是不耐煩。要撇開漢子自由自在。分明天賜我姻緣也。我待點精兵一千。打破瑤臺城。搶了公主。則未知他意思如何。早已差小卒兒扮作賣花郎打看去。早晚到來。〔貼扮報子花鼓上〕報報報。好事到。〔丑〕快說來。

〔北調脫布衫〕〔報〕小番兒蚤離了檀蘿。無明夜打聽南柯。做探子的精細無過。橫直着貨郎兒那些貨。好一座瑤臺城。〔丑〕怎見得。

〔中呂小梁州〕〔報〕真乃是玉砌金裝巧。螿羅繞殿宮娥。珍珠壘就翠銀河。無

彈破。一曲錦雲窩。〔丑〕可到得公主跟前。〔報〕小的賣花。宮娥引見。

〔么〕賣花聲斜抹着宮牆過。那穿宮引見俺妝標。堦。〔丑〕公主可要了些花兒。〔報〕便

叫貨郎。有甚妝花名數。小的應說有有有。絨線花。通草花。縷金花。攢翠花。數上百十樣。他府中都有。

則留下兩種兒。〔丑〕那兩種。〔報〕是寶檀絲粟點香和。小裝窩那翠翦蘿。春纖兩朵

斜插笑鏡兒。〔丑〕作昏跌介。妙也妙也。寶檀花。翠蘿花。正是檀蘿二字。公主接下這花天緣也。

報子。還則怕他漢子守着。〔報〕一個駙馬。回南柯管事去了。〔丑〕有這等一個鬆駙馬。

〔耍孩兒二煞〕〔報〕駙馬呵。他守着個鬧喳喳的畫卯堂。着甚科。倒把個翠臻臻畫眉臺。脫了窩。俺偷風斫些尋閒貨。則要俺蛇皮鼓再打向花廊過。少不的會溫存的飛虎把河橋坐。少不得怕聒炒的昭君出塞和。是惹起風流禍。爲一個觀音菩薩起三千拚命嘍囉。

〔尾聲〕太子呵。你先把撞門羊宰了大犒賀。把拖地錦做征旗尾後拖。搶到公主呵。偏背那撲楞生老淳于。干別煞了他。成就這悄不刺小檀郎快活煞了我。

〔下丑弔場介〕好稱心的事兒也。就分一枝兵。蘸住灑江城。俺親自搶公主去。正是他要伐檀來不
得。咱自無媒去伐柯。

第二十七齣 閨警

〔好事近前〕〔老旦貼扮宮娥上〕秋影動湘荷。風定瑞爐香過。簾外呢喃歸燕。怪瑣
牕人臥。我們公主位下宮娥是也。公主貴體。原自嬌柔。加以兒女累多。心煩怕熱。因此避暑瑤臺。這
早還睡也。

〔好事近後〕〔旦上〕弄涼微雨隱秋河。殘暑殢人些個。好夢暗隨團扇。再朱顏
來麼。〔清平樂〕〔旦〕陰陰院宇。枕上昏涼雨。〔老〕風動槐柯交翠舞。恰恰畫牆低午。〔旦〕一簾幽夢
悠揚。金爐旋注沈香。〔合〕鳳吹幾年都尉。病慵休殢宮妝。〔旦〕宮娥。這瑤臺風景。比南柯郡涼些。
〔老〕也是新秋了。〔旦〕你知我有病在身麼。〔老〕便是。駙馬爺在南柯。這些時不來相看。〔旦〕他正
事在身。何暇到此。好悶呵。

〔六犯宮詞〕落紅凝院。暮雲沈閣。秋動繡簾猶臥。起來無力。金釵半墜。雲窩。

〔老〕瑤臺城過了一夏哩。〔旦〕俺汗減了湘文簟。螢低了扇影羅。〔老〕公主也忒嬌怯。

〔旦〕多嬌處。忒病多。年來無奈睡情何。〔老〕天氣早涼些。〔旦〕我一時間如涼便

得沾羅幙。一會間似熱又尋思浴翠波。〔老〕午膳哩。〔旦〕沒些時個。花陰干瘦。蚤

氲人的茶飯沾唇過。〔老〕公主有了王孫貴女。還悶甚麼。〔旦〕你休波。眼前兒女。風月

暗消磨。〔老〕整辦酒筵解悶。公主只是想駙馬爺。

〔前腔〕蚤則是瑣牕人喚。夢雲初鞞。一線枕痕無那。遲遲媚嫵。還留人畫雙蛾。

〔宮娥送酒介老〕一盞心頭過。胭脂暈臉渦。〔旦〕怕飲。〔老跪勸旦略飲介老〕三回勸。

半口多。朱顏怎得個笑微酡。〔老〕有方法。叫小宮娥吹彈歌舞。〔內吹彈上介旦〕聒人那。〔老〕

怎人偏喜處。生嫌渦。再有消愁似舞和歌。〔背唱介〕他鳳腮微托。長裙半拖。病稍

兒翦不的愁痕破。〔旦照鏡嘆介老回身〕事多磨。淹淹鏡裏。有得氣兒呵。〔末扮大兒

子上〕秦樓通戍火。漢苑入邊愁。報知母親。檀羅兵起。逼近瑤臺。如何是好。〔旦泣介〕這等怎好。我

的兒那。你星夜往南柯。報知父親。我一邊督率城中男女。守城防備。

〔風入松〕原來只合住南柯。有甚麼清涼不過。下場頭都是俺之錯。到如今惹下了干戈。知他那意兒怎麼。〔合〕男共女。守臺坡。

〔前腔〕〔末〕喜的是親娘身子減沈痾。兒去也俺娘掙挫。急忙間打不的這瑤臺破。怕你這娘子軍沒得張羅。俺那父子兵登時救活。〔合前旦末哭別介〕

〔尾聲〕從來不說有干戈。俺小膽兒登時嚇破。別將領兵不濟事。須則駙馬親來纔救的我。〔旦衆下末弔場急馬走上〕手下踐行。

〔滴溜子〕邊報急。邊報急。怎生煞和。流星去。流星去。塵飛不過。心急馬行遲。那把二百里老南柯做一會子抹。遲誤兵機。教娘怎麼。教娘怎麼。〔下〕

〔前腔〕〔雜扮婦女插旗守城上〕邊報急。邊報急。怎生煞和。輪班去。輪班去。挨查不過。心急步行遲。那把三百個錦城窩做一會子邏。失誤城池。教娘怎麼。教娘怎麼。〔丑笑介〕奇怪奇怪。一座瑤臺城。砌的蟻子縫也沒一個。甚鳥報道有甚鑽城賊。公主下令。瑤臺一

衛老軍丁男出弔橋迎賊。軍妻守堞四門。四個女小旗總領。奴家是王大姐。平日有些手面。領了東

門女小旗。哎喲。陳姥姥趙姨姨你也來了。〔老〕老身領了西門。〔貼〕奴家領了北門。只南門小總不到。〔雜扮小廝插旗上〕列位大娘拜揖。〔丑〕一個俊哥兒。〔雜〕我母親是南門女小旗。病了。小子替領。〔丑〕南風發了。也罷。公主號令旗婆們都要演習武藝。咄。陳姥姥看把勢。〔踢老跌介老〕哎。我老人家了。〔丑〕趙姨姨看跌。〔小跌介〕哎。王大姐饒了罷那。〔丑〕小哥看飛尖。〔貼放丑倒介丑〕不信老娘倒了架再三打。〔丑跌介丑〕我的哥。跌打你不過。和你耍鎗。〔鎗殺貼勝丑怕介貼〕王大姐這等手面。怎麼防賊。〔丑〕奴家有計。賊上城熱屎熱尿淋頭撒下去。我連馬子煮粥鍋都搬上城來了。〔老小〕休囉噠。我們遶城走一遭。回報公主去。

〔醉羅歌〕一垛兩垛城臺座。一個兩個鋪團窩。密札札穿針縫沒過。槍和砲。城堆垛。軍妻姥姥這些老婆。軍餘舍舍這些小哥。斗兒東唱到參兒趨。〔內鑼鼓馬

嘶上介〕把塵頭望路脚。那傍城牆走馬那數聲鑼。〔內緊鼓報介〕檀羅賊兵來了。

〔貼〕邊報來緊。且催集民家老小上城。

瑤臺城四面。

砲眼鎗頭箭。

但有賊星兒。

女兵先綽戰。

第二十八齣 雨陣

〔逍遙樂〕〔生引衆上〕池上秋聲響。還把彩鸞雙扇掌。老槐陰新雨碧油幢。獨坐黃堂。閒燕寢。凝幽香。吾在南柯有歲華。麗譙清晝卷高牙。刑書日省三千牘。民版秋登百萬家。

自家出守南柯。物阜民安。辭清盜寡。皆周田二君贊相之方。杯酒爲歡。缺然未舉。近因公主避暑瑤臺城。衙內孤寂。此中舊有一所審雨堂。審的地氣溼熱。將雨之候。果然微雨。應此新秋。分付置酒。與二君聽雨。左右伺候。〔周田上〕太府成容盛。同官禮數親。祇候的通稟。〔丑〕田爺周爺見。〔見介生〕三匝南枝總舊遊。〔田〕雙攀玉樹此庭幽。〔周〕偏因聽雨承恩澤。〔合〕共看郊原作好秋。〔看酒介生〕今夕之酒。專爲聽雨而設。

〔啼鶯兒〕偶然西風吟素商。霎煞幾般疎響。悉闌珊玉馬叮嚀。忽弄的冰壺溜亮。倒簷花碎影琳琅。敲鴛瓦跳珠兒定蕩。猛端相。斷魂何處。環珮赴高堂。〔前腔〕銀河溼雲流素光。點滴翠荷盤上。吉琤琤打鴨銀塘。撒喇喇破萍分浪。

清切在梧桐井牀。颯答在芭蕉翠幌。隱垂堂。珠簾暮捲。長似對瀟湘。

〔啄木鷗〕華堂靜。好對觴。細雨紗廚。今夜涼。怕攪他蝴蝶飛雙。聒醒我鴛鴦睡。兩更那畫船眠處。沙鷗望。屏山醉後餘香漾。弄悠揚。人間此際。別有好思量。

〔前腔〕催花緊。鈔燕的忙。一陣陣黃昏愁鴈行。偏有他側耳空房。閃牕紗半滅。銀缸。一般兒天涯薄宦窮途況。洞庭歸客孤篷上。數天長。十年心事。和淚隔秋牕。〔生〕司農。我晝寢。忽然一夢。大兒子誦毛詩二句。鶴鳴於埳。婦嘆於室。是何祥也。〔田想介〕依下官

愚見。詩云。天將雨而蟻出於埳。鶴喜食蟻。故飛舞而鳴。婦嘆於室。似是公主有難。要於老堂尊相見。

此乃東山之詩。主有征戰之事。〔生〕多謝指教。當謹防之。〔內鼓介生〕問報鼓爲甚而忙。〔末打馬急走上〕風傳流賊起。火速報君知。報爹爹。檀羅兵起。一半攻打灤江城。一半向瑤臺城來了。〔生

慌介〕怎了怎了。瑤臺公主所居。灤江邊城要路。賊兵兩路而進。其意難量。我與田司農領兵去解公主之圍。別遣周司憲守禦灤江城一帶。孩兒把守南柯。暫且休息去。〔末〕要活娘兒命。無過子父兵。〔下生〕司農司農。夢之響應如此。〔周田〕便是。公主在圍。須得星夜前進。〔衆軍上〕瑤臺先救月。

別騎見臨江。〔生〕聽吾號令。五千兵跟周爺救灑江城。選鋒三千名。跟我星夜前救公主。〔衆〕稟太爺演陣。〔田〕稟堂尊。救灑江只排個尋常蟻陣。救公主的。要依詩云排一個老鶴陣。〔衆應排陣走介〕蟻陣完。〔排陣舞叫介〕老鶴陣完。〔生〕我與周司憲分兵前去。〔周〕稟堂尊。三軍鼓氣。全在于酒。周弁一生。全仗酒力。望主公大施恩波。〔生〕五千名軍。賞他五千個泥頭酒去。則一句話。司憲在心。小生昔爲淮西裨將。使酒誤事。二君所知。自拜郡以來。戒了這酒。司憲平日頗有酒名。旣掌兵機。記吾囑付。酒要少飲。事要多知。就此起行了。

〔刮鼓令〕〔生田〕冲星一劍忙。向瑤臺相對當。公主呵。他烟花陣怎生圍向。那檀蘿眞掘強。築下個粉壇場。良時吉方。陣頭安上。〔合〕聽楚天秋雨過殘陽。倒做了金鏡響玳瑁。〔生田下〕

〔前腔〕〔周〕孤城號灑江。敢囊沙聚米糧。看仔細檀蘿模樣。望江鄉策應忙。杯酒襯戎妝。他居中主量。我從邊兒趕上。〔合前〕

瑤臺城傍月兒邊。

爲惹兵戈破鏡懸。

此日相逢洗兵雨。一天長壘凱歌旋。

第二十九齣 圍釋

〔金錢花〕〔賊太子引衆行上〕俺們太子是檀蘿。檀蘿。日夜尋思要老婆。老婆。瑤臺城子裏有一個。咱編橋渡過小銀河。要搶也波。搶得麼。赤剝剝的笑呵呵。好了

好了。圍了瑤臺城。你看城子高接廣寒。明如閬苑。便待一鼓破了瑤臺。何難之有。又怕驚了公主。不成其事。昨日打了戰書入城。他那裏敢回話。想只等駙馬來救。我別遣一枝兵馬。攻取灤江城。直逼南柯。看那駙馬怎生來得。公主公主。眼見的到手也。今日故意再把城子緊圍。他問時。叫公主親自上城打話。待小子飽瞧一會。衆把都緊圍緊圍。〔內鼓譟介〕緊圍了。〔內使女官忙泣上〕哎喲。檀蘿兵緊上來了。眼見的無活的也。快請公主升帳。〔旦引隊子上〕天呵天呵。怎了也。瑤臺試一臨。賊子逼城陰。膽破青鸞色。情傷駙馬心。女牆邊月近。孤枕陣雲深。怎得南柯去。高樓橫笛音。〔內鼓介〕旦衆哭介〕如何是好。

〔南呂一枝花〕冷落鳳簫樓。吹徹胡笳塞。是甚男心多。偏算計這女喬才。避暑

迎涼甚。月殿清虛界。倒惹他西施兵火到蘇臺。遭勞擾兩月幽閒。養病患又一天驚駭。
〔內鼓介旦〕天天天。怎生來。這瑤臺城內錢糧不多。賊子因何圖此。昨日打下戰書。思量起來。男女不交手。怎生輕敵而戰。專等駙馬到來。如今着人問他。或是要些小財物。捨些他去。免得攪擾一番。叫通事問他。此來主何意思。
〔內問介太應介〕要問俺起兵主意。請公主自來打話。
〔通回稟介〕他要請公主打話。
〔旦嘆介〕我乃一國之貴主。這些毛賊怎敢對話。
〔通回太介〕公主乃一國之貴主。怎與你們打話。
〔太〕俺非以下將佐。乃是本國四太子。叫你公主。就是姐姐一般。請來打話。
〔通回旦介〕他說是本國四太子。叫公主就是姐姐一般。可以打話。
〔旦〕這等只得扶病而去。倘然三兩句言詞退了他兵。也未可知。
〔衆〕賊意難知。公主須得戎裝。城樓一望。
〔旦〕然也。
〔旦換戎裝弓箭介〕

〔梁州第七〕怎便把顛嵬嵬兜鍪平戴。且先脫下這軟設設的繡襪弓鞋。小靴尖忒逼的金蓮窄。把盔纓一拍。臂鞬雙擡。宮羅細揣。這繡甲鬆裁。明晃晃護心鏡。月偃分排。齊臻臻茜血裙。風影吹開。少不得女天魔排陣勢。撒連連金鎖槍。

欄。女由基扣雕弓。廝琅琅金泥箭袋。女孫臆施號令。明朗朗的金字旗牌。〔衆喝采介〕奇哉。你待喝采。小宮腰控着獅蠻帶。粉將軍把旗勢擺。你看我一朵紅雲上將臺。他望眼孩哈。〔內鼓譟旦驚介〕來的好不怔忡也。權請他太子打話。〔太笑介〕妙也妙也。真乃是月殿姮娥。雲端裏觀世音。姐姐請了。〔旦〕太子請了。太子。君處江北。妾處江南。風馬牛不相及也。不意太子之涉吾境也何故。〔太〕公主。你把我的主意猜一猜來。

〔牧羊關〕〔旦〕看他蟻陣紛然擺。風雹亂下篩。他待碗兒般打破這瑤臺。我好看不上他嘴脚兒赤體精骸。小心腸心腸兒多大。則不過領些須魚肉塊。覓些小米頭柴。怎做作過水與營砦。太子。你敢拚殘生來觸槐。〔通〕四太子。我公主說你止要些米頭魚骨。犒賞你些去便了。〔太笑介〕小子非爲哺啜而來。好不欺負人也。只擂鼓緊圍罷了。〔旦〕通事。你說與他。

〔四塊玉〕逐些三兒打話來。則把你虛脾賣。敢要生口。〔太〕不要。〔旦〕要些金銀。〔太〕不要。〔旦〕爲甚麼錢糧生口都不在懷。〔太〕你不知俺那國裏少些女人。故此而來。〔旦〕原

來女人國不近你那檀蘿界。〔太〕不是以次女人。近來小子親自斷了絃。〔旦〕咳。則道少甚麼粉不丕女將材。原來要帽光光你個令四太。〔內鼓譟介太〕快回將話來。俺要媳婦兒緊。〔旦〕奇哉。這賊忒急色。〔旦〕說與他。待我奏知國王。選個女兒送他。着他休了兵去。〔太〕吾乃太子。要與國王爲女婿哩。〔旦〕他是不知。

〔罵玉郎〕說知他我國王位下無了尊愛。〔太〕公主是他尊愛。〔旦〕禁聲。蚤有了駙馬養下了嬰孩。〔太〕公主還嫩嫩的。〔旦〕便做你看不出也三十外。〔太〕駙馬在那裏。〔旦〕去南柯選將材。來來來。那時節替你擔利害。〔太〕管駙馬來不來。公主會了俺的人。插了俺的花。難道不容我做夫妻一夜兒。

〔哭皇天〕〔旦〕呀呀呀。這風魔也似九伯使材。沙惡茶白賴。宮娥問他那裏會他的人。插了他的花。〔太〕前日寶檀絲翠翦羅。都是俺送你公主插戴的。你接下了約我來。〔旦惱介〕哎。原來到爲此賊所算了。宮娥快取花來碎了。撒下城去。〔旦碎花介〕哎。原來土查兒生扭做檀郎賣。女絲蘿到被你臭纏歪。小覷我玉葉金枝胡揣。〔擲花着太惱介〕你俺一

般金枝玉葉。作踐我的花。氣死俺也。一枝冷箭去嚇死花娘。〔射介〕公主看箭。〔箭響介〕且作袖閃半跌介。哎也。撲琅生射中了八寶攢盃金鳳釵。險些兒翎拴了鳳髻鈎掛住蓮腮。〔內鼓響介〕太慌問虛下介〔內呼〕駙馬兵到。〔卒報旦介〕賊兵紛紛解散。鼓聲振天。駙馬救兵到也。〔旦喜介〕

〔賺尾〕紛紛蟻隊重圍解。冉冉塵飛殺氣開。駙馬征西大元帥。馬踐征埃。花攢戰鎧。我呵。城臺上助鼓三鼙與他大喝采。〔下生領衆上〕將軍不戰他人地。殺伐虛悲公主親。〔太子衆上介生〕檀羅小賊。何不蚤降。〔太〕俺乃檀羅四太子。纔與公主打話片時。你便喫醋怎的。〔戰介生問介〕他是蟻陣。我三軍飛舞作老鶴陣。方可破他。〔再戰太敗走介〕旦衆上。謝天謝地。駙馬得勝而回。衆三軍開城迎接。〔見介生〕好不嚇殺我也。〔旦〕真個嚇死人也。

〔烏夜啼〕奴本是怯生生病容嬌態。蚤戰兢兢破膽驚骸。怎虞姬獨困在楚心垓。爲鶯鶯把定了河橋外。射中金釵。嚇破蓮腮。咱瞭高臺是做望夫臺。他連環砦打烟花砦。爭些兒一時半刻。五裂三開。〔生〕三軍城外犒賞酒來。與公主壓驚。〔旦〕瑤

臺新破。不可久居。星夜起程。往南柯郡去。

〔尾煞〕臥番羊拜告了轅門宰。聽金鼓喧傳拜將臺。多少笙歌接至珠簾外。不
是你親身自來。紅雲陣擺。險些兒把這座小瑤臺做樂昌家鏡兒摔。

脚揣鴛鴦陣。

頭頂鳳凰盔。

馬敲金鐙響。

人唱凱歌回。

第二十齣 帥北

〔六么令〕〔賊太衆上〕檀蘿饑渴。出山來覓食爲活。藤編鐵甲樹兵戈。穿東澗搶

南柯。灑江城灑的住江兒麼。把都們好了好了。俺檀蘿太子去搶瑤臺城。着咱這一枝徑搶

灑江城。望南柯征進。前面便是。快搶上去。

〔前腔〕〔守城軍上〕南來烽火。一星星報去南柯府。堂中備禦計如何呀。那前來
的是檀蘿。灑江樓那位將軍坐。俺們是把守這灑江城小軍。兄弟。檀蘿來得這般緊急。還不

見守禦官來。俺們只得上城巡警。

〔前腔〕〔扮周弁領衆上〕一番兵火。一些些三喚做檀蘿。俺兵半萬出南柯。走饑渴轉林坡。灑江城有得酒兒嗑。〔守城軍接介周〕盼的這座城到了。〔衆〕灑江城要得酒兒嗑。〔周〕渴了渴了。〔衆〕是渴了。爺。〔周〕叫守城軍。司農爺運的犒賞酒可到哩。〔守軍應介〕到了。但一名軍一個泥頭酒。五千軍五千個泥頭。大河清。小河清。配着南京真正一寸三分高堆花老燒酒。稟爺起用那一號。〔周〕便取一半水酒一半燒飯。取名水火既濟。都堆上這城門首來。〔衆軍取酒上介〕算泥頭。一百一百又一百。二二而五五個百。五個五百兩個百。兩個五百五個百。〔周〕五千個酒勾了。儘着喫。泥頭都丟在戰場上去。衆軍喫水酒。俺喫燒酒。不論量。以渴止爲度。〔衆作飲介〕渴哩渴哩。〔丟泥頭介周〕俺從來好酒。則因府主相拘。怕官箴有玷。這纔是俺顯量時節也。〔飲酒衆醉介內鼓介〕報報。檀蘿賊到城下了。〔周〕由他。且飲酒。〔內急鼓介〕報報報。檀蘿賊先鋒挑戰。〔周作惱介〕這賊好無禮。酒剛喫到一半。則管衝席。衆軍乘酒興殺出城去。〔衆應介〕臉從醉後如關將。酒尙溫時斬華雄。〔下賊唱介前上〕把都們搶進灑江去。〔周領衆上〕來者莫非檀蘿賊乎。〔戰介周衆作醉不敵賊趕下介周急上〕衆軍再取一大觥燒酒來。戰的渴也。〔衆取酒上飲介

賊上」那邊廂好不香的燒酒哩。搶上去。〔又戰周衆又敗介周獨身上〕哎也。賊好無禮。便認輸了。這一陣。天氣炎熱。日勢已晚。且卸下征袍。月下單騎回去也。〔下賊上〕好好好。趁這番搶入南柯去。〔跌介〕哎也。爲甚跌了也。則見酒氣薰天。流涎滿地。呀。原來城門首堆着幾千個泥頭塞路也。〔作看天介〕看此天氣。必要下雨漲江。妨俺歸路。俺們且搬了這幾個餘酒。唱個得勝歌回去也。〔前腔〕旗旛搖播。擁回軍。搥鼓篩鑼。殺山酒海笑呵呵。哩囉哩哩囉。搶南柯得勝回齊聲賀。

南柯敗損數千軍。

賸得泥頭撲鼻醺。

遇飲酒時須飲酒。

得饒人處且饒人。

第三十一齣 繫帥

〔二台令〕〔生引衆上〕長年坐策兵機。這幾日有些狐疑。檀蘿欲翦快如飛。怎不見捷旌旗。〔集唐〕纔到城門打鼓聲。武陵一曲想南征。誰知一夜秦樓客。白髮新添四五莖。俺淳于棼久鎮南柯。威名頗重。近乃公主避暑瑤臺。幸解檀蘿之困。只愁灞江一帶。別遣周弁救援。顯伺捷

音。蚤已分付司農。整排筵宴十里長亭。與周弁接喜。可蚤到也。

〔前腔〕〔田上〕太平筵上花枝。酒旗風偃征旗。喜氣欲淋漓。這勝算兵家怎擬。

〔見介田〕妙算老堂翁。〔生〕協贊有司農。〔田〕準備花前酒。〔生〕來聽塞上風。司農戰期已數日了。還不見捷報。俺心下憂疑。〔田〕一來國主洪福。二來府主威光。三來司憲英勇。定然得勝而回。〔報上〕江山看是漸。草木怕成兵。報報報。周將軍單馬回城來了。〔生〕司憲先回。多應得勝。叫樂工們響動。〔內鼓吹介〕

〔北醉花陰〕〔周弁幅巾白袍帶劍走馬上〕俺這裏匹馬單鞭怕提起。卽漸的一家兒。這裏頭直上滾塵飛。一邊廂播鼓揚旗。那唱賀的歡天地。〔望介〕原來是太老先生與司農察長。置酒在長亭之上。咳。他則道俺敲鐙凱歌回。曲恭恭來壓喜。〔見介〕請了。〔生〕呀。周司憲得勝回來。俺同寮們安排喜酒。〔周〕好了。好了。快討酒來。

〔南畫眉序〕〔生〕花柳散金杯。一片驚心在眼兒裏。當初去有黃金鎖子甲。怎全身赤體卸甲投盔。覩形模事體堪疑。得勝了。怎單騎而至。〔田〕不瞞堂尊大人說。周司

憲此來。真個可疑。〔合〕怎的意頭兒沒張致。還責取後來消息。

〔北喜遷鶯〕〔周〕爲甚俺裸肩揚臂。熱天頭助喊揚威。顏也麼顏。沒個兒幫閒取勢。激的俺赤甲山前被虜圍。〔生〕呀。被圍了怎的出得來。〔周〕沖圍退。不是俺使些精細。險些兒頭利無歸。快討酒來。〔生〕這等是兵敗了。還說酒哩。且問你。

〔南畫眉序〕當日擺兵齊。半萬個選鋒盡跟你。一個個鎗來會躲。箭去能揮。如何通不見一個回來。你一家兒人馬平安。那些兒何方使費。〔合〕怎的意頭兒沒張致。還責取後來消息。〔周〕那五千個人去時。俺是見他來。

〔北出隊子〕給千兵果然編配。點兵單個個齊。〔生〕戰場上可有呢。〔周〕戰時還有戰了後。俺通不知那裏去了。〔田〕司憲公。敢是盡被檀羅殺了。〔周〕這也難道。〔生〕則問他半萬個人頭。〔周〕剗單鞭投至一身虧。甚半萬個人頭要俺賠。呀。你便是半萬個泥頭。俺也賠不起。〔生〕我說人頭。他說泥頭。是怎的。通不聽他。只以軍法從事。先斬後奏了。〔周〕誰敢無禮。〔生惱介〕敗軍之將。還敢颯強。

〔南滴滴溜子〕敗軍的敗軍的。敗軍的全生誤國。論軍法。論軍法。難容恕你。叫正典刑是理。諸人聽指揮。將他細執。量決一刀。做個旁州之例。〔衆持刀綁周不伏介〕

〔北刮地風〕〔周〕呀。忽地波怒。哧哧壞臉皮。那些兒劉備張飛。大槐安國內君

王堦。誰不知倚勢施爲。便做着你正堂尊貴。俺可也不性命低微。〔生〕快取首級

哩。〔周笑介〕俺怎生般透賊圍。掙得這首級歸。你剗口兒閒胡戲。你便申軍法

俺怎遵依。斬字兒你可也再休題。〔生〕俺是掌印官。施行你不得。叫劊子手一齊向前綁了。

〔田〕稟堂尊。此事未可造次。

〔南滴滴金〕〔田〕念周郎至友同鄉籍。地括裏相逢忒遭際。橫枝兒住札南柯地。是堂尊薦及。薦及他爲元帥。他平生也爲人。今怎的堪詳細。便消停到底爭遲疾。〔生〕依說便再問他。周弁。你因何犯此失機之罪。〔周〕非關小將之事。也非關五千個軍人之

事。都是你堂尊半萬個泥頭酒。諸人走渴之時。一鼓而醉。忽報檀羅索戰。一個個手腳軟。只小將一個。酒量頗高。向前迎戰。獨力難加。只得棄甲丟鎗。乘夜而走。你不信。有詩爲證。暑往寒來春復秋。

夕陽西下水東流。將軍戰馬今何在。野草閒花滿地愁。這都是你半萬個泥頭酒之過也。

〔北四門子〕千不合。萬不合。伊把半萬個泥頭兌。燒不是。水不是。蒙汗藥釀的。醅。卻怎生軟兀刺。燒葱腿難跳踢。急麻查扶泥臂刀。怎提。〔生〕這等怎生戰的來。

〔周〕還說戰哩。〔生〕這等則怕檀羅軍殺過灤江城這邊來了。〔周〕這到不要慌。俺留下一計。正待搶殺進城。被俺將酒泥頭盡數丟在戰場之上。把他戰馬一個個都絆倒了。不曾搶的城來。此又半萬個泥頭酒之功也。那酒瓶兒似山泥頭似堆。黨沙場滑喇。又酬退了賊。你記

他一功贖他一罪。道的個君當恕人之醉。〔生〕周弁。你去時俺怎生說來。酒要少喫。事要多知。你都不在意。一定要正軍法。〔周〕哎。從古來誰不飲酒。天若不愛酒。天應無酒星。地若不愛酒。地應無酒泉。天地都愛酒。俺飲酒是兵權。漢樊噲。三國周公瑾。關雲長都也貪杯。希罕于俺一人乎。

〔南鮑老催〕〔生〕你攀今比昔。那樊將軍他殲酒把鴻門碎。關大王面赤非干醉。比周瑜飲醇醪量難及。也罷。俺念你一是同鄉。二是同寮。停了軍法。且把你牢固監候。奏請定奪。把你貪杯子反的頭權寄。上丹青于禁身牢係。忙奏請隨寬急。〔生〕兵快

個酒刺兒大紅疙瘩。〔周〕罷了罷了。敢氣的俺周亞夫疽生背。俺氣死不怨別的。則怨着半萬個酒堆兒也。悔不當初。悔不當初。枕着個破泥頭。做一個醉臥沙場征戰鬼。〔下〕

三軍斬首爲貪杯。

一面權收寄劍才。

今朝酒醒知寒色。

悔不當初奏凱回。

第二十二齣 朝議

〔小蓬萊〕〔王引衆上〕世界于今幾變。精靈自古如常。槐國爲王。柯庭遣將。近事堪惆悵。〔集唐〕隋朝楊柳映堤稀。臺殿雲涼秋色微。聞道王師有轉戰。黃龍戍卒幾時歸。寡人槐安大國。素與檀羅小仇。近乃公主困圍。僥倖駙馬救解。別遣周弁。往援灤江。捷書未見飛傳。右相必知消息。

〔前腔〕〔右相持表文上〕儼爾尊爲右相。居然翼戴君王。咳。立下朝綱。壞了邊防。奏到星忙上。吾爲右相。每念南柯重地。駙馬王親在郡二十餘年。威權太盛。常愁他根深不翦。尾

大難搖。偶值公主困圍。灑江失事。得他威名少損。此亦不幸中之幸也。星夜駙馬奏來。請正將軍周弁之罪。俺將表文帶進。相機而行。〔見介〕臣右相段功見。〔王〕右相外來。頗知檀蘿用兵勝算乎。
〔右〕駙馬飛傳表文。臣謹奏上。

〔瑣牕郎〕〔右〕念臣勞誠恐誠惶。灑江城遭寇與攔當。〔王〕有周弁領兵去。〔右〕誰料三軍出境。止得一將還鄉。〔王〕這等大敗了。〔右〕臣勞肺腑理難欺誑。望我王將臣削職隨欽降。還議罪周弁將。〔王〕論我國家氣勢。得時而羽翼能飛。失水則蛟龍可制。瑣檀蘿遭其挫敗。咳。駙馬好不老成也。

〔前腔〕倚南柯鎖鑰疆場。那檀蘿多大勢難當。怎提兵數萬。戰死殘傷。這風聲外敵把吾輕相。可惱可惱。駙馬在中軍帳。怎用的周弁將。

〔前腔〕〔右〕論邊機失誤非常。則二十年爲駙馬也。星霜。〔王〕正是俺也。念駙馬在邊年久。加以公主屢請還朝。止爲南柯太守難得其人。因此暫止。〔右〕駙馬取回。還有田子華在

彼。看田生知略。可代淳郎。堪取回公主到京調養。〔王〕春秋喪師。責在大夫。今日駙

馬之過也。〔右〕妨親礙貴宜包獎。權坐罪周弁將。〔王〕這等周弁失機應斬。〔右〕周弁乃駙馬至交。兩次薦舉。斬周弁恐傷駙馬之心。不如免死。立功贖罪。〔王〕依奏。

周弁免死且饒他。

接管南柯田子華。

公主驚傷同駙馬。

即時欽取到京華。

第二十二齣 召還

〔意遲遲〕〔貼扶病旦上〕一自瑤臺耽怕恐。愁絕多嬌種。淚溼枕痕紅。秋槐落葉

時驚夢。〔貼〕倚妝臺掠鬢玉梳慵。盼宮闈不斷眉山聳。〔古調笑〕〔旦〕魂去。魂去。夢到

瑤臺秋意。醒來依舊南柯。折抹嬌多病多。多病。多病。富貴叢中薄命。自家生成弱體。加以圍困驚傷。

又聽周弁敗兵。駙馬惶愧。奴家一發傷心曾驚。幾度啓請回朝。圖見父王母親。一來奴家得以養息。

二來駙馬久在南柯。威名太重。朝臣豈無妬忌之心。待俺歸去。替他牢固根基。三來替兒女完成恩

蔭之事。未知令旨蚤晚何如。

〔步蟾宮〕〔生上〕一片愁雲低畫棟。掛暮雨珠簾微動。倚雕欄和淚折殘紅。消

受得玉人情重〔見介〕公主貴體若何。〔旦〕多分是不好了。且問駙馬來此多年。〔生〕整整二十年了。〔旦歎介〕淳郎夫。聽奴一言。奴家生長王宮。不想有你姻緣。成其匹配。俺助你南柯政事。頗有威名。近日檀羅敗兵。你威名頓損。兼之廿年太守。不可再留。俺死爲你先驅。螻蛄耳。〔泣介內作樹聲清亮生問介〕此聲何也。〔兒上介〕稟爹娘。是槐樹作聲。〔旦笑介〕駙馬。這樹音清亮可喜。〔生〕難得公主這一喜。〔旦〕你不知此中槐樹。號爲聲音。本我國中但有拜相者。此樹卽吐清音。看此佳兆。駙馬蚤晚入爲丞相矣。則恐我去之後。你千難萬難那。

〔集賢賓〕〔旦〕論人生到頭難悔恐。尋常兒女情鍾。有恩愛的夫妻情事冗。奴家並不曾虧了駙馬。則我去之後。駙馬不得再娶呵。累你影悽悽被冷房空。淳于郎。你回朝去不比以前了。看人情白懂。俺死後百凡尊重。〔合〕心疼痛。只願的鳳樓人永。

〔前腔〕〔生泣介〕公主呵。聽一聲聲慘然詞未終。對杜宇啼紅。你去後俺甘心受啣。則這些兒女難同。公主呵。你的恩深愛重。二十載南柯護從。〔合前〕

〔貓兒墜〕〔旦泣介〕如寒似熱。消盡了臉霞紅。那宮女開函俺奏幾封。蚤些兒飛

入大槐宮〔生拜介〕天公前程緊處略放輕鬆。〔旦〕病到此際也則索罷了。〔生〕怎說這話。

〔前腔〕〔生〕香肌弱體須護好簾櫳。裙帶留仙怕倚風。把異香燒取明月中。〔旦〕惺忪斷魂一縷。分付乘龍。〔兒上〕報報報。令旨到。爹爹娘病了。怎生接旨。〔生〕兒子扶着母親拜便了。〔紫讀詔介〕令旨已到。跪聽宣讀。大槐國王令旨。公主瑤芳同駙馬淳于棼南柯功高歲久。欽取回朝。進居左丞相之職。其南柯郡事着司農田子華代之。欽哉。謝恩。〔衆呼千歲起介旦〕恭喜駙馬拜相當朝。槐樹清音果成佳兆。〔生〕多謝公主擡舉。〔紫叩頭介生〕周弁作何處置。〔紫〕有旨了。駙馬分上免死立功。〔生〕天恩浩大哩。且請皇華館筵宴。〔紫〕詔許王人會。恩催上相歸。〔下生〕公主我在此多年。一朝離去。應有數日周詳善後之事。待着孩兒送你先行。到朝門之外。候俺一齊朝見。〔旦〕正是。則這二十年南柯郡舍。一旦拋離。好感傷人也。〔生〕人生如傳舍。何況官衙。則你將息貴體。孩兒看酒。〔酒上介〕

〔皂鶯兒〕〔生〕杯酒散愁容。病宮在小桂叢。我兒呵。你長途細把親娘奉。調和

進供。溫涼酌中。你烏紗綽鬢非無用。〔末〕承爹厚命。丁寧在胸。奉娘前進。寒溫必躬。管平安遇有人傳送。〔合〕靠蒼穹。一家美滿。排備御筵紅。〔貼報介〕啟公主駙馬。外間官屬百姓等聞的公主回朝。都在府門外求見。〔旦〕宮婢。你說公主分付。生受你南柯百姓二十年。今日公主扶病而回。則除是來生補報了。〔內哭介生〕叫不要感傷了。公主看轎來。

金枝玉葉病委蕤。

廿載南柯寄一枝。

不是大家隨子去。

爭看貴主入宮時。

第二十四齣 臥轍

〔浪淘沙〕〔老錄事上〕狗命帶酸寒。不做高官。白頭紗帽保平安。職掌批行和帶管。有的錢鑽。自家南柯府錄事官便是。南柯府堂風水。單好出些老官。你不信。駙馬爺二十年。田

司農二十年。俺錄事也二十餘年。來時油光嘴臉。如今鬍子皓白了。天恩欽取公主駙馬還朝。三日前公主起行。駙馬將府事交盤與田司農。今日起程。司農爺長城餞別。蚤分付了。駙馬爺來時是太守。今回朝去是個左丞相了。車路欠平。着人堆沙填起一隄。約有三十里長。兩頭結綵爲門。題着四

個大字。新築沙堤。好些小百姓來看也。

〔前腔〕〔扮父老持奏上〕少壯老平安。一郡清官。賢哉太守被徵還。百姓保留天
又遠。要打通關。〔見丑跪介〕參軍爺。小的們有下情。〔丑〕甚麼事。〔父老〕淳于爺管府事二十年。
百姓家安戶樂。海闊春深。一旦欽取回朝。百姓怎生捨得。〔丑〕這不干俺事。〔父老〕衆父老商量。盡
南柯府城士民男婦。簽名上本。保留淳于爺再住十年。京師驚遠。敢與及參軍爺。撥下快馬十數匹。
一日一夜三百里。飛將本去。萬一令旨着駙馬爺中路而轉。重鎮南柯。但憑百姓們親齎。恐不濟事
了。〔丑驚介〕你們要留太爺。怕上本遲了。與俺撥快馬十數疋。一日一夜飛將本去。萬一令旨着駙
馬爺中路而轉。重鎮南柯。罷了。列位父老哥免照顧。〔父老泣介〕參軍爺不准。與田爺去。〔丑〕與田
爺麼。你去你去。〔衆起介丑〕回來講與你聽。便是田爺知南柯府事了。不好意思得。〔父老〕原來新
太爺就是田爺。不便與他了。還是百姓們蟻行而去罷。〔丑〕着了。田爺將到。〔衆避介〕

〔一落索〕〔田上〕廿載府堂簽判。奉旨超階止轉。長亭相送舊堂還。呀。塞路的
人千萬。〔丑參見介〕稟老大人。酒筵齊備。〔田〕紅塵擁路。想都是送太爺的麼。好百姓。好百姓。〔丑〕

鼓吹聲喧。太爺早到。〔田丑走接介〕

〔懶畫眉〕〔生引衆上〕一鞭行色曉雲殘。五馬歸朝百姓看。〔內作喊哭介〕俺的太爺

呵。〔生〕擁路者數千人。因何如此。〔丑〕都是攀留太爺的。〔生〕原來是銜恩赤子要追攀。

俺有何功德沾名宦。知道了。是百姓們厚意。他替俺點綴春風好面顏。〔田跪接介〕司

農田子華迎接公相。〔生〕司農請起。下車相揖。〔下介揖介生〕司農。這條官路幾時修好了。呀。綵門

金字。新築沙堤。〔田〕是新築沙堤宰相行。〔生笑介〕願與足下同之。〔同行介〕

〔前腔〕〔生〕俺承恩初入五雲端。〔田〕這新築沙堤宰相還。〔生〕重重樹色隱

隱鑾。〔田〕前面長亭了。下官備有一杯酒。便停驂。只覺的長亭短。〔生〕恰正是取次新

官對舊官。〔做到介田參見介生〕蚤間別過了周司憲。便到貴衙。未得相見。借此官亭之便。拜謝司

農。〔田〕不敢。〔拜介生〕廿載勞君作股肱。〔田〕堂尊恩德重難勝。〔生〕公私去後煩遮蓋。〔田〕還望

提攜接後程。〔丑參見介〕錄事官叩頭。〔生〕起來。二十年的參軍清苦。俺去後司農好看覷他。〔丑

叩頭謝介田〕看酒。〔吏持酒上〕竹映司農酒。花催上相車。酒到。

〔山花子〕〔田送酒介〕喜南柯一郡棠陰滿。公歸故國槐安。二十載家寧戶安。到今朝行滿功完。〔生〕印務俱已交盤了。看黃金印文邊角全。文書查交倉庫盤。筵席上金杯滿前離恨端。〔合〕歸去朝廷跨鳳驂鸞。

〔前腔〕〔生〕俺舊黃堂政事新人管。有一言聽俺同官。休看得一官等閒也須知百姓艱難。〔田〕喜明公教條金石刊。下官遵承無別端。二十載故人依依離別顏。〔合前生〕公主久行。本爵難以羈遲。告辭了。〔生起行介〕

〔大和佛〕〔衆父老上〕腦項香盆天也麼天。天留住俺恩官。〔跪泣介〕老爺呵。你暫留幾日。待俺借寇長安。捨的便拋殘。〔生泣介〕父老呵。難道我捨的。朝廷怎敢違欽限。俺二十年在此。教我好不回還。〔父老〕俺男女們思量。二十載恩無算。怎下的去心離眼。〔泣攀臥介〕老爺呵。俺只得倒臥車前。淚爛斑手攀闌。〔生〕少不的去了。起來起來。〔行介〕

〔舞霓裳〕〔衆〕衆父老擁住駿雕鞍。衆男女拽住繡羅襪。〔生泣介〕車衣帶斷情

難斷。這樣好民風。留着與後賢看。司農呵。爲俺把蒼生垂盼。〔衆泣介〕留不得。只蚤晚生祠中跪祝讚。〔生〕父老。我去也。

〔紅繡鞋〕扶輪滿路。遮攔。遮攔。東風回首淚彈。淚彈。長亭外。畫橋灣。齊叩首。捧慈顏。賢太守錦衣還。〔生〕衆父老子弟們。請回了。〔衆〕百里內都是南柯百姓送行。〔生〕生受了。〔尾聲〕〔衆〕官民感動去留難。〔生〕二十年消受你百姓家茶飯。則願的你雨順風調我長在眼。〔下父老弔場〕好老爺。好老爺。俺們一面拜見田爺。一面保留駙馬爺。還是駙馬爺管的百姓穩。俺們權坐一坐。每都派一名赴京。〔做派數內響道介丑上〕天有不測風雲。人有無常禍福。呀。你們父老還在這裏。〔衆〕老爺。還待趕送一程。〔丑〕你們都不知。太爺行到五十里之程。前路飛報。公主不幸了。〔衆〕怎麼說。〔丑〕公主薨了。〔衆哭介〕怎麼好。天也。當真麼。〔丑〕不真哩。田爺分付俺回來。取白綾素絹檀香去行禮。還說不真。〔衆〕這等駙馬爺不能勾回郡了。打聽是真。俺們合衆進香去。

賢哉太守有遺恩。

去郡傷哉好郡君。

自是感恩窮百姓。

千年淚眼不生塵。

第二十五齣 芳隕

〔遶紅樓〕〔老旦引宮娥上〕生長金枝歲月深。南柯上結子成陰。怕病損紅妝。歸遲紫禁。槐殿暗傷心。〔清平樂〕玉階秋草。綠遍長秋道。礪石宮前紅淚悄。人在樓臺暗老。淑女南柯。病損多嬌。嬌若何。極目倚門無奈。休遮小扇紅羅。老身貴處深宮。自聞女孩兒瑤臺驚戰。日夕憂惶。喜的千歲有旨。取他夫婦還朝。昨日報來。公主帶病。先行數日。知他路上如何。老身好不掛懷也。〔泣介旦扮女官走上〕青鳥能傳喜。慈烏怎報凶。啟娘娘。宮娥今日掌門。聽的宮門外人說。公主病重。千歲與大小近侍哭泣喧天。不知怎的。〔老驚介〕這等怎了也。〔泣介內響道介王引內使上〕

〔哭相思〕欽取太遲臨。問天天。你斷送我女孩兒忒甚。〔見介〕梓童梓童。淳于家的主兒不幸了。〔老〕怎麼說。〔王〕公主先行數日。離南柯卒于皇華公館。〔老哭介〕俺的兒呵。〔悶倒宮娥扶醒介王〕你且休爲死傷生也。

〔紅衲襖〕〔老〕俺幾度護嬌花一寸心。〔王〕俺則道他美前程一片錦。〔老〕止知

他嬌多好昵鴛鴦枕。〔王〕也怪他病淺長依翡翠衾。〔老〕當日個鳳將雛。你巧笑禁。〔王〕今日呵。掌離珠。我成氣暗。〔老〕天呵。俺曾寫下了目連經卷也。誰知道佛也無靈被鬼侵。

〔前腔〕〔王〕梓童呵。俺則道他在鳳簫樓不掛心。〔老〕誰想他瑤臺城生害了恁。〔王〕又不是全無少女風先凜。〔老〕可甚的爲有姮娥月易沈。〔王〕還記的餞雙飛。俺御酒斟。〔老〕誰想道灑歸旌。把紅淚飲。〔王〕這是前生注定了今生也。則苦了他嫩女雛男我也怕哭臨。〔老〕千歲只有這一女。凡喪葬禮儀。必須從厚。〔王〕聞得公主靈車先到。俺與梓童素服哭于郊外。將半副鸞駕迎喪于修儀宮裏。其諡贈一應禮節。着右相武成侯議之。

滿擬南柯共百年。

誰知公主卽生天。

國家禮節都從厚。

要得慈恩照九泉。

第二十六齣 還朝

〔遶地遊〕〔右相上〕多人何用。一個爲梁棟。咳。道南柯乘龍驂鳳。廿載恩深。一方
權重。恰好是到頭如夢。節去蜂愁蝶不知。曉庭還遶折殘枝。自緣今日人心別。未必花香一夜
衰。俺看淳于駙馬。依倚至親。久據南柯。貪收人望。俺爲國長慮。請旨召回。尊以左相之權。防其遙制
之害。誰知事不可測。公主喪亡。國王國母郊迎其喪。舉朝哭臨三日。諡爲順義公主。禮節有加。昨奉
旨議其葬地。只有龜山可葬。欲待奏知。聽的駙馬今日見朝。在此伺候。倘令旨着他面議葬地。亦未
可知道。猶未了。駙馬蚤到。〔生朝服執笏上〕

〔前腔〕斷絃難弄。蚤被秋風送。生打散玉樓么鳳。〔頓足泣介〕合郡悲啼。舉朝哀
痛。痛煞俺無門訴控。〔見右介右〕駙馬見朝日休啼哭。〔內響鼓生舞蹈拜介〕前南柯郡太守

今陞左丞相駙馬都尉。臣淳于棼朝見叩頭。千歲千歲千千歲。〔內〕令旨到來。駙馬新失公主。寡人
不勝悲悼。已着尙膳監設宴後宮。其順義公主葬地。可與右相武成侯朝門外酌議回奏。〔生叩頭
介〕千歲千歲千千歲。〔起介〕右相請了。〔右〕駙馬請了。〔生〕久不到朝門之外了。昨日遠勞迎接。
緣未朝見。故此謝遲。〔右〕不敢。〔生〕請問公主葬地。擇于何方。〔右〕龜山一穴甚佳。〔生〕龜山乃國

家後門。何謂之吉。俺曾看見國東十里外蟠龍岡。氣脈甚好。何不請葬此地。〔右〕蟠龍岡是國家來脈。還是龜山。〔生〕右相不知。點龜者恐傷其殼。〔右〕駙馬。便龍岡好。則枕龍鼻者也。恐傷於唇。〔生〕便是龜山。也要靈龜顧子。子在何方。〔右〕便是龍岡。也要蟠龍戲珠。珠在那裏。〔生〕俺只要子孫旺相。〔右〕駙馬子女俱有門蔭。何在龍山。〔生〕右相怎說此話。生男定要爲將相。生女兼須配王侯。少的與國家成休。此乃子孫萬年之計。〔右背笑介〕好一個萬年之計。〔回介〕這也罷了。只是龍岡星峯太高。怕有風蟻之患。〔生〕右相于此道欠精了。虎踞龍蟠。不拘遠近大小。蜂屯蟻聚。但取圓淨低回。何怕風蟻。〔右笑介〕駙馬不怕蟻傷。再向丹墀回奏。〔右笑介〕臣右相武成侯段功謹奏。

〔馬蹄花〕問祖尋宗。妙在龜山鼻穴中。〔內介〕龜山有何好處。〔右〕他有蛾眉對案。

金誥生花。羅帶臨風。〔內介〕龜山可似龍山。〔右〕世人只知龍虎峯上更生峯。怎知

道龜蛇洞裏方成洞。肯教他玄武低藏。不做了蟻垤高封。〔生奏介〕駙馬臣等謹奏。

〔前腔〕那龜山呵。拭淚搥胸。怎似蟠山氣鬱葱。蟠龍岡呵。他有三千粉黛。八百烟花。更那十二屏峯。鳴環動珮。應雌雄。辭樓下殿交鸞鳳。怎貪他不住的遊龜。

倒拋除了活動的真龍。〔內介〕令旨依駙馬所奏。着武成侯擇日。備儀仗羽葆鼓吹。賜葬順義公主于蟠龍岡。叩頭謝恩。〔生〕千歲千歲千千歲。〔起介右〕恭喜了。愛者是真龍。蟠龍岡十二分貴地哩。駙馬可知周弁也疽背而死。其子護喪歸國了。〔生哭介〕傷哉故人。〔右〕呀。朝房下有王親酒到。〔衆扮國公酒席上〕

〔卜算子〕執袴插金貂。日近天顏笑。日邊紅杏倚雲高。錦繡生成妙。〔見介〕駙馬拜揖。〔生〕列位老國公老王親拜揖。〔衆〕右相國拜揖。〔右〕不敢。〔衆〕駙馬遠歸。愚親們都在二十里之外迎接。今蚤到公主府上香。知駙馬謝恩出朝。故此相候。〔生〕多勞列位老國公老王親。我淳于棼有何德能。〔衆〕二十年間。每勞駙馬盛禮。時節難忘。今日拜相而回。某等權此公酒迎賀。〔酒介〕

〔八聲甘州〕閒身未老。喜乘龍拜相。駙馬還朝。〔生〕玉人何處。腸斷暮雲秋草。〔衆〕駙馬公主同往南柯之時。老夫們都在榮餞。〔生〕便是。南柯去時有鳳簫。北渚歸來無鵲橋。〔泣介合〕臨鸞照。怕何郎粉淚淹消。

〔前腔〕〔生嘆介〕有誰看着紅錦袍。歎淒然繫玉。瘦損圍腰。〔衆〕俺朝班戚畹。還讓你人才一表。香風簇錦雲漢高。夜月穿花宮漏遙。〔合前衆〕駙馬。今有請書啟知。一來恭賀駙馬拜相之喜。二來解悶。三來洗塵。老夫忝爲國公之長。先請駙馬少敘。其餘國戚王親。以次輪請。便請右相國相陪。〔生〕老國公王親。可也多着。〔衆〕駙馬天人也。人所尊敬。願無棄嫌。〔生〕領命了。權重股肱相。恩光肺腑親。滿朝相造請。何日不醺醺。〔下右相弔場〕看駙馬相待各位老國公王親。氣勢盛矣。〔嘆介〕且自由他。冷眼觀螃蟹。橫行到幾時。〔下〕

第二十七齣 粲誘

〔憶秦娥前〕〔貼引宮女上〕宮眉樣。秋山淡翠閒凝望。閒凝望。秦樓夢斷。鳳笙羅帳。〔唐多令〕何處合成愁。人兒心上秋。大槐宮葉雨初收。唱道晚涼天氣好。問誰上小瓊樓。自家郡主

瓊英是也。妹子瑤芳。嫁與淳于駙馬。出守南柯。入爲丞相。當朝無比。不料妹子過世。舉國哀傷。勅葬龍山。威儀甚盛。昨日駙馬還朝。俺王素重南柯之威名。加以中宮之寵信。出入無間。權勢非常。滿國中王親國戚。那一家不攀附他。朝歌暮筵。春花秋月。則俺和仙姑國嫂三家寡婦。出了公禮。不曾私

請得他。想起駙馬一表人才。十分雄勢。俺好不愛他。好不重他。

〔金落索〕當初呵。娟娟姊妹行。出聽西明講。繡佛堂前。惹下姻緣相。秋波選郎。配瑤芳。十五盈盈天一方。瑤臺貴壻真無兩。恰好翠袖風流少一雙。非吾想。倘其間有便得相當。迤逗他忘懷醉鄉。傷心洞房。取情兒我再把這宮花放。昨日

約了靈芝夫人上真子。早晚公主處上香。回來過此。必有講談也。〔老同小旦道裝上〕

〔憶秦娥後〕彩雲淡蕩臨風決。世間好物琉璃相。琉璃相。玉人何處。粉郎無恙。

〔見介〕瓊英姐。閒坐悶愁。怎的不去公主府燒香耍子。好少的人兒也。〔貼〕怎生行禮。〔老〕俺國中王子王孫一起。侯伯王親一起。文武官員一起。舉監生員一起。僧道一起。父老兒男過了一起。然後命婦逐班而進。又是軍民妻女。過了本國。是他南柯進香。依樣文武吏民分班而哭。過了南柯。方纔各路各府差人以次而進。便是檀羅國也。差官來進紫檀香一千二百斤。看他銀山帛海。好不富貴也。

〔金落索〕朱絲碧瑣牕。生帛連心帳。八尺金爐。日夜燒檀降。是人來進香。似同

昌。公主哀榮不可當。敲殘玉磬歸天響。擺下鸞旌拂地長。偷凝望。可憐辜負好淳郎。據着他爲人兒紀綱。言詞兒棟梁。堪他永遠爲丞相。〔老〕不論他爲人。則二十年中。我們王親貴族。那一家不生受他問安賀生慶節之禮。如今須得逐家還禮纔是。

〔劉潑帽〕南柯太守多情況。感年年禮節風光。〔小旦〕如今又做了頭廳相。〔貼〕須與他解悶澆惆悵。〔老旦笑介〕瓊英姐。你要與他解悶。你我三人都是寡居。到要駙馬來做

個解悶兒哩。〔小旦〕我是道情人哩。

〔前腔〕拚今生不看見男兒相。怕黏連到惹動情腸。〔老〕興到了也不由的你。〔合〕倘三杯醉後能疎放。把主人見愛難謙讓。〔老〕講定了。向後請駙馬。三人輪流取樂。不許偏背。

駙馬兼爲相。

新來主喪亡。

既然連國戚。

相愛不相妨。

第二十八齣

生恣

〔懶畫眉〕〔生冠帶引衆行上〕則爲紫鸞烟駕不同朝。便有萬片宮花總寂寥。可憐他金鈿秋盡鴈書遙。看朝衣淚點風前落。抵多少腸斷東風爲玉簫。〔衆〕稟老爺。到府了。〔生嘆介〕我連下馬通忘記了。〔集唐〕這夾道疎槐出老根。金屋無人見淚痕。戚里舊知何駙馬。清晨猶爲到西園。俺淳于生自公主亡後。孤悶悠悠。所喜君王國母寵愛轉深。入殿穿宮。言無不聽。以此權門貴戚。無不趨迎。樂以忘憂。夜而繼日。今日晚朝。看見宮娥命婦。齊整喧嘩。則不見俺的公主妻也。〔末〕報報報。有女官到。〔生〕快請。

〔不是路〕〔旦扮女官持書上〕蓮步輕蹠。翠插烏紗雙步搖。〔見介生〕因何報。多應娘娘懿旨下鸞霄。〔旦〕不是。洗塵勞。瓊英郡主和皇姑嫂。良夜裏開筵把駙馬邀。〔生喜介〕承尊召。等閒外客難輕造。卽忙來到。卽忙來到。〔旦〕這等。青禽傳報去。駙馬一鞭來。〔下內響道介生〕許多時不見女人。使人形神枯槁。今夜女主同筵。可以一醉也。正是遇飲酒時須飲酒。不風流處也風流。〔下〕

〔鵲仙橋〕〔貼引女官上〕懨懨睡損無人偎傍。有客今宵臨況。〔老小旦上〕幾年不

見俊兒郎叨陪侍玉樓歡唱。〔見介老〕日暮風吹，葉落依枝。丹心寸意，愁君未知。〔小旦〕今夜瓊英姐作主。與淳郎洗塵解悶。俺二人叨陪。客還未到。閒商量一會。聞的淳郎雅量。三人之量。誰可對付。〔貼〕靈芝嫂有量。〔老〕三人同灌醉了他。耍子便了。〔丑上〕駙馬到。

〔前腔〕〔生上〕金鞭馬上。玉樓鶯裏。一片綵雲凝望。〔笑介〕聊拋舊恨展新眉。清夜紅顏索向。〔拜介生〕〔西江月〕自別瓊英貴主。年年想像風姿。〔貼〕勞承駙馬費心期。今夜一杯塵洗。〔老〕每恨淳郎新寡。〔小旦〕可憐公主差池。〔生〕原來是上真仙子和靈芝。〔合〕且喜一家無二。〔生〕小生回朝。已蒙諸王親公禮相請。何勞專設此筵。〔貼〕駙馬不知。此筵有三意。一來洗遠歸之塵。二來賀拜相之喜。三來解孤栖之悶。前幾日爲衆王親國公占了貴客。俺三人商量。上真姑是道情人。靈芝夫人與妾雙寡。更無以次之人可以爲主。只得俺三人落後。輪班置酒相敬。今日妾身爲主。他二人相陪。〔生〕小生領愛了。〔貼〕內侍們看酒。〔內使女官持酒上〕駙馬多年騎五馬。客星今夜對三星。〔酒到貼衆把酒介〕

〔解三醒犯〕二十一年有萬千情況。今日的重見淳郎。和你會真樓下同歡賞。依

親故。爲卿相姊妹行家打做這一行。雖不是無端美豔妝。休嫌讓捧金杯笑眼
斟量。

〔前腔〕〔生把酒介〕則爲那漢宮春那人生打當。似咱這迤逗多嬌粉面郎。用盡
心兒想。用盡心兒想。瞑然沈睡倚紗窗。閒打忙。小宮鴉把咱叫的情悒快。羞帶
酒。懶添香。則這恨天長。來暫借佳人錦瑟傍。無承望。酒盞兒擎着仔細端詳。

〔前腔〕〔貼衆〕則道上秦樓多受享。則道上秦樓多受享。恰咱風吹斷鳳管聲
殘。怎得玉人無恙。今何世。此消詳。這是翠擁紅遮錦繡鄉。〔生背介〕盼豔嬌。燈下
恍。則見笑歌成陣。來來往往。顛倒爲甚不那色眼荒唐。〔貼〕月上了。駙馬寬懷進酒。

〔蠻兒犯〕〔貼衆〕半盞瓊漿。且自加懷巨量。〔貼背介〕聽他獨自溫存。話兒挨挨
好不情長。〔回介〕芳心一點。做了八眉相向。又蚤闌干月上。〔合〕畫堂中幾般
清朗。

〔前腔〕〔生〕幽情細講。對面何妨。演煞宮娥侍長。舊家姊妹儼成行。就月籠燈

衫袖張。〔合前〕

〔前腔〕〔貼衆〕風搖翠幌。月轉迴廊。露滴宮槐葉響。好秋光風景不尋常。人帶

幽姿花暗香。〔合前〕

〔前腔〕〔生〕把金釵夜訪。玉枕生涼。辜負年深興廣。三星照戶顯殘妝。好不留
人今夜長。〔合前生睡介〕醉矣。〔貼〕早已安排紗廚枕帳了。〔生〕難道主人不陪。〔小旦〕怕沒這樣

規矩。〔老〕駙馬見愛。一同陪伴罷了。〔貼笑介〕這等。我三人魚貫而入。

〔鵝鴨滿度船〕〔衆〕怕爭夫體勢忙。敬色心情嚷。蝶戲香魚穿浪。逗的人多餉。
則見香肌褪望夫石都襯迭牀兒上。以後盡情隨歡暢。今宵試做團圓相。

〔尾聲〕〔生〕滿牀嬌不下得梅紅帳。看姊妹花開向月光。〔合〕俺四人呵。做一個嘴兒休要講。

亂惹春嬌醉欲癡。

三花一笑喜何其。

人人久旱逢甘雨。

夜夜他鄉遇故知。

第二十九齣 象譜

〔菊花新〕〔右相上〕玉階秋影曙光遲。露冷青槐蔭御扉。低首整朝衣。咽不斷銅龍漏水。我右相段功。同心共政。與我王立下這大槐安國土。正好規模。不料俺王招請揚州酒漢淳于棼爲駙馬。久任南柯。威名頗盛。下官每有樹大根搖之慮。且喜公主亡化。欽取回朝。卻又尊居左相。位在吾上。國母以愛壻之故。時時召入宮闈。但有請求。無不如意。這也不在話下。兼以南柯豐富。二十年間。但是王親貴戚。無不賂遺。因此昨日回朝之後。勢要勳戚。都與交歡。其勢如炎。其門如市。勳戚到也罷了。還有那瓊英郡主。靈芝夫人。連那上真仙姑。都輪流設宴。男女混淆。晝夜無度。果然感動上天。客星犯於牛女虛危之次。待要奏知此事。又恐疎不間親。打聽的昨日國中有人上書。倘然吾王問及。不免相機而言。老天。非是俺段功妬心。此乃社稷之憂也。吾王駕來。朝班伺候。〔扮內臣傳呼擁王上〕

〔前腔〕根蟠國土勢崔嵬。朝罷千官滿路歸。一事俺心疑。甚槐安感動的白榆星氣。〔右相見介〕右相武成侯段功叩頭。千歲千歲。〔王〕右相平身。卿可聞的國中有人上書否。〔右〕

不知〔王〕書上說的凶。他說玄象謫見。國有大恐。都邑遷徙。宗廟崩壞。他說玄象。是何星象也。〔右〕正要奏知。有太史令奏。客星犯于牛女虛危之次。〔王〕那書中後面。又說釁起他族。事在蕭牆。好令俺疑惑。〔右〕是。這國中別無他族了。便是他族。亦不近於蕭牆。大王試思之。〔王〕別無人了。則淳于駙馬非我族類。〔右〕臣不敢言。〔王〕將有國家大變。右相豈得無言。〔右〕啓奏俺王。

〔瑣牕郎〕客星占牛女虛危。正值乘槎客子歸。虛危主都邑宗廟之事。牛女值公主駙馬之星。近來駙馬貴盛無比。他雄藩久鎮。把中朝餽遺。豪門貴黨。日夜遊戲。〔王〕一至于此。〔右〕還有不可言之處。把皇親閨門無忌。〔合〕感天知。蕭牆釁起。再有誰。〔淚介〕可憐故國遷移。〔王惱介〕淳于棼自罷郡還朝。出入無度。賓從交遊。威福日盛。寡人意已疑憚之。今如右相所言。亂法如此。可惡可惡。

〔前腔〕他平常僭侈堪疑。不道他宣淫任所爲。怪的穿朝度闕。出入無時。中宮寵壻。所言如意。把威福移山轉勢。罷了罷了。非俺族類。其心必異。〔淚介合前右跪介〕臣謹奏。語云。當斷不斷。反受其亂。駙馬事已至此。千歲作何處分。〔王〕聽旨。

〔意不盡〕且奪了淳于棼侍衛。禁隨朝。只許他居私第。〔右〕依臣愚意。遣他還鄉爲是。〔王〕不消再說。少不的喚醒他癡迷還故里。〔王下右嘆介〕可矣可矣。雖則淳于禁錮。奈國土有危。正是

上天如圓蓋。

下地似棋局。

淳于夢中人。

安知榮與辱。

第四十齣 疑懼

〔生素服愁容上〕太行之路能摧車。若比君心是坦途。黃河之水能覆舟。若比君心是安流。君不見大槐淳于尙主時。連柯並蒂作門楣。珊瑚葉上鴛鴦鳥。鳳凰窠裏鸞雛兒。葉碎柯殘坐消歇。寶鏡無光履聲絕。千歲紅顏何足論。一朝負譴辭丹闕。自家淳于棼。久爲國王貴婿。近因公主銷亡。辭郡而歸。同朝甚喜。不知半月之內。忽動天威。禁俺私室之中。絕其朝請。天呵。公主生天幾日。俺淳于入地無門。若止如此。已自憂能傷人。再有其他。咳。真個生爲寄客。天呵。淳于棼有何罪過也。

〔勝如花〕無明事。可奈何。恰是今朝結果。不許俺侍從隨朝。又禁俺交遊宴賀。

只教俺私家裏住坐。這其中紛然事多。這其間知他爲何。有甚差訛。一句分明道破。就裏好教人無那。莫非他疑俺在南柯。也並不曾壞了他的南柯。不要說人。便是這老槐樹枝。生意已盡。樹猶如此。人何以堪。今日要再到南柯。不可得矣。罷了罷了。向公主靈位前。俺打覺一會。公主呵。〔貼扮公子泣上〕

〔金蕉葉〕家那國那。兩下裏淚珠彈破。〔見生哭倒介〕原來俺爹爹在此打磨陀。冷清清獨對着俺親娘的靈座。〔生泣介〕我兒起來起來。〔長相思〕有來由。沒來由。不許隨朝。不許遊。要禁人白頭。〔貼〕好干休。惡干休。偷向椿庭暗淚流。亡萱相對愁。〔生〕兒前日父子朝見。國王悲喜不勝。半月之間。便成此釁。卻是因何。〔貼〕天大是非。爹爹還不知。〔生〕你兄弟俱在宮中。俺親朋禁止來往。教俺何處打聽。〔貼〕爹呵。這等細細聽兒報來。

〔二〕換頭。無根禍芽。半天拋下。客星一夜。犯虛危漢槎。〔生〕國主何從得知。〔貼〕有國人上書。說玄象謫見。國有大恐。都邑遷徙。宗廟崩壞。〔生〕這等凶卻何干俺事。〔貼〕他書後明說着。釁生他族。變起蕭牆。〔生〕是那一個國人。這等膽大。便是他族。何知是俺。〔貼〕右相段功就中讒

謫了。說虛危者宗廟也。客星犯牛女者宮闈事也。〔生〕牛女只俺和你母親就是了。〔貼泣介〕他全不指着母親。〔生〕再有誰。〔貼〕說瓊芝新寡。三杯後有甚麼風流話靶。〔生〕呀。段君何讒人至此。〔貼〕國王甚惱。說駙馬弄權結黨。不可容矣。〔生〕國母怎生勸解。〔貼〕說到蕭牆話。中宮怎勸他。〔生〕兒不怨國人。不怨右相。則怨天天你好好的要見那客星怎的。〔貼〕那星宿冤家。着甚胡纏害我的爹。

〔前腔〕〔生〕流言亂加。君王明察。親兒駙馬。偏然客星是他。總來被你母親看着了。他病危之時。叫俺回朝謹慎。怕人情不同了。今日果中其言。〔泣介〕你娘親曾話。到如今少不得埋怨自家。瘦盡風流樣。腰圍帶眼差。〔貼〕爹爹風流二字再也休題。〔合〕說甚繁華。泣向金枝恨落花。

〔入賺〕〔紫衣官上〕走馬東華。來到淳于駙馬家。〔生〕堪驚詫。他陡從官裏來寒舍。有何宣達。〔紫〕令旨隨朝下。時來宣召咱。〔生對貼慌介〕猛然心裏動。敢有甚吉凶話。〔紫〕俺看見天顏喜洽。多則是中宮記掛。這幾日不曾行踏。〔生〕急切

裏難求卦。是中宮可的無他。〔紫〕驚心怎麼。你須是當今駙馬。〔生〕紫衣官。這是右相呵。他弄威權要把江山霸。甚醉漢淳郎獨當了星變考察。〔貼〕爹爹。且暫時瘖啞。恁般時有的傷他。〔紫辭〕你斟量回答。俺紫衣人先去也。〔生〕兒。此去如何。

〔貼〕或是好意。亦未可知。〔響道介〕

夫子常獨立。

鯉趨而過庭。

一聞君命召。

不俟駕而行。

第四十一齣 遣生

〔金雞叫〕〔王引內使上〕王氣餘霄漢。傷心玄象。爲誰凌亂。〔老上〕非關女死郎

情斷。〔嘆介〕意外包彈。就中離間。〔見介老〕大王千歲。〔王〕梓童免禮。〔鷓鴣天〕千歲。默坐長

秋心暗焦。這些時宮闈不見粉郎朝。〔王笑介〕你不知他憑依貴勢干天象。俺處置他空房入地牢。

〔老泣介〕原來這等了。天呵。則說他能笑散。美遊遨。怎知他於家爲國苦無聊。〔王惱介〕笑你區區

兒女尋常事。敗壞王基悔怎消。〔老〕千歲。一個女婿。怎麼會敗了你王基。〔王〕你深宮不知。有國人

上書。星象告變。社稷崩移。禍起蕭牆。釁生他族。他族不是他再有誰。〔老〕難道駙馬會占了你江山麼。〔王〕你怎知。小小江山。也全虧一個法字。他壞法多端哩。〔老〕他不過噙些酒兒。〔王〕噙些酒兒。連瓊英姪兒靈芝上真都被着他噙去了。〔老〕誰見來。〔王惱介〕你要他亂了宮。纔爲證見麼。今日設酒。遣他回去。你把那些外甥收養了。不許多言。〔老旦泣介〕老天呵。不看女兒一面。〔報介〕駙馬午門外朝見。〔王〕傳旨着他進來。〔內搥鼓介生朝衣上〕

〔逍遙樂〕款曲趨朝。重見宮庭盈淚眼。〔嘆介〕盼朱衣只在殿中間。恨遠芳容。驚承嚴譴。暗恃慈顏。一日不朝。其間容刀。我戰兢兢行到宮門之內。禮當俯伏吞聲。〔見介〕罪臣駙馬都尉左丞相淳于棼叩頭。俺王國母千歲千歲。〔內使〕請駙馬平身上殿。〔生應千歲起躬介王〕寡人偶以煩言。因而簡禮。諒之。諒之。〔老看生哭介〕呀。駙馬何瘦之甚也。〔生躬介〕是臣蒙天譴。幽臣私室。自思以公主之助。守郡多年。曾無敗政。流言怨悖。委實傷心。〔王〕已設有酒。爲卿排悶。〔末持酒上〕冷落杯中蟻。孤栖鏡裏鸞。酒到。〔王〕今日之酒。親把一杯。

〔皂羅袍〕堪歎吾家貴坦。記關南餞別。對影鳴鑿。〔生跪飲介王〕再斟酒。〔生跪飲介

老〕內侍連斟駙馬數杯。止因淑女便摧殘。看承君子多疎慢。〔生叩頭起介〕臣飲

過三爵。心愁萬端。客星何處。天恩見寬。〔合〕風光頃刻堪腸斷。〔生背介〕怎說到風

光頃刻堪腸斷。〔王〕駙馬沈吟。知吾意乎。幸託姻親。二十餘年。不幸小女天化。不得與君偕老。良用痛傷。〔生〕公主仙逝。有臣在此。可以少奉寒溫。〔王〕這不消說了。則是卿離家多時。亦須暫歸本里。一見親族。〔生〕此乃臣之家矣。更歸何處。〔王笑介〕卿本人間家。非在此。〔生作昏立不語介〕老〕淳郎忽若昏睡。懵然矣。〔生作醒介〕呀。是了。俺家在人間。因何在此。〔放聲大哭介〕哎喲。臣忽思家。寸心如割。不能久侍大王國母矣。〔王〕叫紫衣官送淳郎起程。〔生〕外甥三四。俱在宮中。還請一見。〔王〕諸甥留此。中宮自能撫育。無以爲念。〔生哭介〕這等苦煞俺也。〔老〕不用苦傷。但要淳郎留意。便有相見之期。〔生拜介〕拜謝了。

〔前腔〕忽憶鄉園在眼。向迷中發悟。有淚闌珊。〔王〕因風好去到人間。三杯酒盡笙歌散。〔老泣介〕駙馬。你真個去也呵。歸心頓起。攀留大難。幾年恩愛。你將如等閒。〔合前〕

〔意不盡〕向尊前流涕錦衣還。二十載恩光無限。〔王老〕淳郎淳郎。則怕俺宗廟崩移你長在眼。

酒盡難留客。

葉落自歸山。

惟餘離別淚。

相送到人間。

第四十二齣 尋寤

〔二紫衣上〕事不三思。終有後悔。我大槐安國王生下公主。當初只在本國中招選駙馬便了。卻去人間請了個淳于棼來尙主。出守南柯大郡。富貴二十餘年。公主薨逝。拜相還朝。專權亂政。謫見于天。國主憂疑。着我二人。仍以牛車一乘。送他回去。〔笑介〕淳于棼。淳于棼。好不頹氣也。正是王門一閉深如海。從此蕭郎是路人。〔生朝衣上〕忽悟家何在。潛然淚滿衣。舊恩拋未得。腸斷故鄉歸。我淳于棼。暫爾思家。思還畫錦。思妻戀闕。能不依依。〔泣介見紫衣介生〕請了。便是二十年前迎取我的紫衣官麼。〔紫懶應介生〕想車馬都在宮門之外了。〔紫〕着。〔行介〕

〔繡帶兒〕纔提醒。趁着這綠暗紅稀出鳳城。出了朝門。心中猛然自驚。我左右之人

都在那裏。前面一輛秃牛單車。豈是我乘坐的。咳。怎親隨一個都無。又怎生有這陋劣車乘。難明。想起來。我去後可能再到這朝門之下。向宮庭回首無限情。公主妻呵。忍不住宮袍淚迸。看來我今日乘坐的車兒。便只是這等了。待我再遲回幾步。呀。便是這座金字城樓了。怎軍民人等見我都不站起。咳。還鄉定出了這一座大城。宛是我昔年東來之逕。少不得更衣上車而行了。〔更衣介〕〔長相思〕着朝衣。解朝衣。故衣猶在御香微。回頭宮殿低。意遲遲。步遲遲。腸斷恩私雙淚垂。〔嘆介〕回朝知幾時。〔紫〕上車快走。〔紫〕隨意行走。做不畏生打歌介。一個呆子呆又呆。大窟弄裏去不去。小窟弄裏來不來。你道呆不子也呆。〔鞭牛走介〕畜生不走。〔生〕便緩行些麼。

〔前腔〕消停。看山川依然舊景。爭些兒舊日人情。〔紫衣急鞭牛走介生惱介〕看這使者甚無威勢。真可爲快快如也。〔紫鞭牛走介生〕紫衣官。我且問你。廣陵郡何時可到。〔紫不應笑歌走介生惱介〕咳。我好問他。他則不應。難道我再沒有回朝之日了。便不然。謝恩本也寫上得幾句哩。〔紫笑介生〕他那裏死氣淘聲。怎知我心急搖旌。銷凝也。則索小心再問他。紫衣

官。廣陵郡幾時可到。〔紫〕霎時到了。〔鞭牛走介生望介〕呀。像是廣陵城了。渺茫中遙望見江外影。這穴道也是我前來路徑。〔又走介〕呀。便是我家門巷了。〔泣介〕還俟倖依然戶庭。淚傷心怎這般呵。夕陽人靜。〔紫〕到門了。下車。〔生下車入門介紫〕升階。〔生升階介望見楊作驚介〕不要近前。我怕也。〔紫高叫介〕淳于棼。〔叫三次生不應紫推生就楊生仍前作睡介紫〕槐國人何在。淳郎快醒來。我們去也。〔急下生驚介醒做聲介〕使者。使者。〔丑持酒上〕甚麼使者。則我山鷓。〔溜沙上〕淳于兄醒了。我二人正洗上腳來。〔生〕日色到那裏。〔丑〕日西哩。〔生〕窗兒下甚麼子。〔溜〕餘酒尙溫。〔生〕呀。斜日未隱於西垣。餘樽尙湛於東牖。我夢中倏忽如度一世矣。〔沙溜〕做甚夢來。〔生作想介〕取杯熱茶來。〔丑取茶上介生〕再用茶。待我醒一醒。〔丑又取茶上介生飲介〕呀。溜兒沙兒。好不富貴的所在也。我的公主妻呵。〔丑〕甚麼公主妻。你不做了駙馬。〔生〕是做了駙馬。〔溜〕那一朝裏駙馬。〔生〕這話長。扶我起來講。〔溜沙扶起生介〕你們都不曾見那使者穿紫的。〔沙〕我三人並不曾見。〔生〕奇怪。奇怪。聽我講來。

〔宜春令〕堂東廡。睡正清。有幾個紫衣人軒車叩迎。你說從那裏去。槐根窟裏有

個大槐安國主女娉婷。那公主小名。我還記得。喚做瑤芳。招我爲駙馬。曾侍獵於國西靈龜山。

〔丑〕後來怎的。〔生〕這國之南。有個南柯郡。槐安國主把我做了二十年南柯太守。〔溜沙〕享用哩。

後來呢。〔生〕公主養了二男二女。不料爲檀羅小賊驚恐。一病而亡。歸葬于國東蟠龍岡上。〔丑哭

介〕哎也。可憐可憐。我的院主。〔生〕獵龜山他爲防備守檀蘿。葬龍岡我悽惶煞了

鸞鏡。〔沙〕後來呢。〔生〕自公主亡化。雖則回朝拜相。人情不同了。勢難行。我情願乞還鄉境。

那國王國母見我思歸無奈。許我暫回。適纔送我的使者二人。他都是紫衣一品。〔丑〕哎呀。不會待

的他茶哩。〔生〕二兄。你道這是怎的。〔溜〕不知呢。〔沙〕我也不知。〔生〕怎生槐穴裏去。〔沙溜〕敢是

老槐成精了。

〔前腔〕花狐媚。木客精。山鷓兒。備鋤鋤看槐根影形。〔丑取鋤上介〕東人。東人。你常在這

大槐樹下醉了睡着手了。〔生〕也說得是。且同你瞧去。〔行瞧介溜〕這槐樹下不是個大窟窿。〔掘

介〕有蟻。有蟻。尋原洞穴。怎管只見樹皮中有蟻穿成路逕。〔溜〕向高頭鑽了去。〔衆驚

介〕呀。你看穴之兩傍。廣可一丈。這穴中也一丈有餘。洞然明朗。〔沙〕原來樹根之上。堆積土壤。但

是一層城郭。便起一層樓臺。奇哉。奇哉。〔丑驚介〕哎也。有蟻兒數斛。隱聚其中。怕人。怕人。〔生〕不要驚他。嵌空中樓郭。層城。怎中央有絳臺深迴。〔沙〕這臺子土色是紅些。〔覷介〕單這兩個大蟻兒並着在此。你看他素翼紅冠。長可三寸。有數十大蟻。左右輔從。餘蟻不敢相近。〔生嘆介〕想是槐安國王宮殿了。〔溜〕這兩個蟻。便是令岳丈岳母哩。〔生泣介〕好關情。也受盡了兩人恭敬。〔溜〕再南上掘去。呀。你看南枝之上。可寬四丈有餘。也像土城一般。上面也有小樓子。羣蟻穴處其中。呀。見了淳于兄來。都一個個有舉頭相向的。又有點頭俯伏的。得非所云南柯郡乎。〔沙〕是貴治了。

〔前腔〕南枝偃。好路平。小重樓多。則是南柯郡城。〔生〕像是了。〔嘆介〕我在此二十年。太守好不費心。誰道則是些螻蟻百姓。便是他們記下有七千二百條德政碑。生祠記。通不見了。只這長亭路一道沙堤還在。有何德政。也虧他二十載赤子們相支應。〔丑〕西頭掘將去。〔沙〕呀。西去二丈。一穴外高中空。看是何物。〔覷介〕原來是敗龜板。其大如斗。積雨之後。蔓草叢生。既在槐西。得非所獵靈龜山乎。〔生〕是了。是了。可惜田秀才一篇龜山大獵賦。好文章埋沒龜

亭空殼落做他形勝。〔沙〕掘向東去丈餘。又有一穴。古根盤曲。似龍形。莫不是你葬金枝蟠龍岡影。〔生細看哭介〕是了。你看中有蟻塚尺餘。是吾妻也。我的公主呵。

〔前腔〕人如見。淚似傾。叫芳卿恨不同棺共塋。爲國主臨併。受淒涼叫不的你芳名應。二兄。我當初葬公主時。爲些小兒女。與右相段君爭辯風水。他說此中怕有風蟻。我便說縱然蟻聚何妨。如今看來。蟻子到是有的了。爭風水有甚蟠龍。公主曾說來。他說爲我把

螻蟻前驅真正。〔內風起介丑〕好大風雨來了。這一科蟻子都壞了他罷。〔生慌介〕莫傷情。再爲他遶門兒把宮槐遮定。〔蓋介丑〕蓋好了。躲雨去。〔衆〕不自逃龍雨。因誰爲蟻封。〔下內叫

介〕雨住了。〔丑上笑介〕好笑。好笑。孩兒天快雨快晴。〔瞧介〕哎呀。相公快來。〔生沙溜急上丑〕你看這些蟻穴都不知那裏去了。〔衆驚介〕真個靈聖哩。〔生〕也是前定了。他國中先有星變流言。國有大恐。都邑遷徙。此其驗乎。

〔太師引〕一星星有的多靈聖。也是他不合招邀我客星。〔沙〕可知道滄海桑田。也則爲漏洩了春光武陵。〔生〕步影尋蹤。皆如所夢。還有檀蘿灑江一事可疑。〔丑想介〕有

了。有了。宅東長灘古溪之上。有紫檀一株。藤羅纏擁。不見天日。我長在那裏歇晝。見有大羣赤蟻往來。想是此物。〔生〕着了。此所謂全羅道赤剝軍也。但此二小精靈能廝挺。險氣煞周郎殘命。〔溜〕那個周郎。〔生〕是周弁爲將。他和田子華都在南柯哩。〔丑〕有這等事。〔生〕連老老爺都討得他平安書來。約丁丑年和我相見。〔溜〕今年太歲丁丑了。〔生〕這是怎的。可疑可疑。胡廝踉。和亡人住程。怕不是我身廂有甚麼纏魂不定。〔沙〕亡人的事。要問個明眼禪師。〔丑〕有有有。剛纔一個和尚在門首躲雨。〔生〕快請來。〔丑出請介扮小僧上〕

〔前腔〕行脚僧誰見請。〔見介〕原來是淳于君有何事情。〔生〕師兄從何而來。〔僧〕我從六合縣來。〔生〕正要相問。六合縣有個文士田子華。武舉周弁。二人可會他。〔僧〕是有此二人。平生至交。同日無病而死。〔生驚介〕這等一發詫異了。〔僧〕這中庭槐樹。掘倒因何。〔生〕小生正待請教。這槐穴中有蟻數斛。小生晝臥東廊。只見此中有紫衣人相請小生。去爲國王眷屬。一混二十餘年。醒來一夢。中間有他周田二人在內。今聞師兄言說。知是他死後遊魂。這也罷了。卻又得先府君一書。約今丁丑年相見。小子十分憂疑。敢有甚嫌二怕九。恰今年遇丑逢丁。〔僧〕這等

恰好契玄本師擇日廣做水陸道場。你何不寫下一疏。敬向無遮會上問此情緣。老師父呵。破空虛照映一切影。把公案及期參證。〔生揖介〕承師命。似孟蘭聽經。又感動我竹枝殘興。〔僧〕這功德不比孟蘭小會。要清齋閉關。七七四十九日。一日一夜。念佛三萬六千聲。到期燃指爲香。寫成一疏。七日七夜。哀禱佛前。纔有些兒影響。〔生〕領教。則未審禪師能將大槐安國土眷屬普度生天。〔僧〕使得。

〔尾聲〕〔生〕儘吾生有盡供無盡。但普度的無情似有情。我待把割不斷的無明。向契玄禪師位下請。

空色色非空。

還誰天眼通。

移將竹林寺。

度卻大槐宮。

第四十三齣 轉情

〔浪淘沙〕〔僧持幡上〕頂禮大南無。擊鼓吹螺。天歌梵放了緊那羅。晝夜燈幡長續命。照滿娑婆。〔僧持磬上〕

〔前腔〕人在欲天多。怕煞閻羅。新生天裏有愁麼。次第風輪都壞卻。甚麼娑婆。
〔生捧香爐上〕

〔前腔〕弟子有絲蘿。曾出守南柯。光音天裏事如何。但是有情那盡得。年少也娑婆。
〔生放香爐禮佛介合掌向衆介〕弟子稽首。〔衆〕一切衆生。頂禮如來威光。憑仗禪師法力。有精心的檀越。戒行的沙彌。頌讚者百千萬人。海潮音如雷震沸。拜祈者四十九日。河沙淚似雨滂沱。果然無礙無遮。必當有誠有感。只待法師慧劍遙指。務令衆生以次生天。〔生稽首介〕凡諸有情。普同慈願。〔淨扮契玄老僧威容上〕

〔北仙呂點絳脣〕奏發科宣。諸天燦爛。琉璃殿。夢境因緣。佛境裏參承遍。〔生向淨稽首介〕弟子淳于焚稽首。〔衆稽首介淨〕老僧修行到九十一歲。纔做下這壇水陸無邊道場。也虧了先生們虔心。齋了七七四十九日。拜了這七日七夜。這幾夜河路廣破暗之燈。燼口飽清涼之食。虔求懇至。誓願弘通。今夜道場告終。先生可有甚祈請。替你鋪宣。〔生〕小生第一要看見父親生天。第二要見瑤芳妻子生天。第三願儘槐安一國普度生天。〔淨〕好大願心。你可便燃指爲香。替

你鋪陳情疏。倘有奇驗。以報虔誠。〔衆發擗吹介生膜拜三拜介〕

〔混江龍〕〔淨〕這淮南卑賤。淳于棼撲地禮諸天。〔生燒指介淨〕則他恨不的皮剝燭點。則這些指頂香燃。爲他久亡過的老椿堂葬朔邊。和他新眷屬大槐宮變了桑田。他老親魚鴈信。暗寄與九重泉。他眷屬怎螻蟻情。顯豁在三摩殿。仗佛力如來立地。和他度情緣。一衆生天。祈請已過。待我楊枝灑水。布散香花。〔淨衆楊枝灑水介〕〔油葫蘆〕我待手灑楊枝有千百轉。洗塵心把甘露顯。〔散花介〕香風臺殿雨花天。人天玉女持花獻。花光水色如空旋。仗如來水月觀。把世界花開現。水珠兒撒地蟲兒嘓。紇哩子吐紅蓮。〔淨〕多時分了。〔衆〕月待中哩。〔淨〕大衆一路行香。遶此天壇之

下。則老僧與先生登于壇上。看望諸天。中有甚麼景像也。〔衆應介淨〕欲窮他化路。須待淨居天。〔同生下內鼓吹唱介衆〕散花林。花氣深。如來佛。觀世音。諸天眼。衆生心。三明度。九幽沈。〔淨持劍引生上介〕

〔天下樂〕呀。蹬上了天壇月正圓。天也麼天。真乃是七寶懸。閃星光。高寒露氣

鮮。〔生〕這天壇之上。怎生帶寶劍來。〔淨〕這劍呵。壞天風幾劫緣。斷天魔卽世纏。恰纔個步天罡。今夜演。〔生嘆介〕小生最苦是我父親。許下丁丑年相見。則除是今夜生天相見也。

〔那吒令〕〔淨〕待見呵。不怕幾重泉。則要你孝意堅。不怕幾重天。則要你敬意虔。不怕幾重緣。則要你道意專。這點心黑鑽鑽地孔穿。明晃晃天壇現。敢盼着你老爺爺月下星前。〔生問介〕老爺兒罷了。螻蟻怎生變了人。〔淨〕他自有他的因果。這是改

頭換面。〔生〕小生青天白日。被蟲蟻扯去作眷屬。卻是因何。〔淨〕彼諸有情。皆由一點情。暗增上駭癡受生邊處。先生情障。以致如斯。〔生〕幾曾與蟲蟻有情來。〔淨〕先生記的孝感寺聽法之時。我說先生爲何帶眷屬而來。當有二女持獻寶釵金盒。卽其人也。

〔寄生草〕則爲情邊見。生身兒住一邊。你靈蟲到住了蟲宮院。那駭蟲到做了人宅眷。甚微蟲引到的禪州縣。但是他小蟲蟲湊着好姻緣。難道老天天不與人行方便。〔生〕咳。小生全不知他是螻蟻。大師怎生不早道破也。〔淨〕我分明叫白鸚哥說來。蟻子轉身。你硬認是女子轉身。〔生〕是小生曾聽來。〔淨〕便是你問三聲煩惱。我將半偈暗藏春色。頭一

句。秋槐落盡空宮裏。可不是槐安國。第二句。只因棲隱戀喬柯。是你因妻子得這南柯也。第三句。惟有夢魂南去日。故卿山水路依稀。此是夢醒時節。依然故鄉也。〔生〕小生是曾沈吟這話來。〔淨背介〕便待指與他。諸色皆空。萬法惟識。他猶然未醒。怎能信及。待再幻一個景兒。要他親疏眷屬。生天之時。一一顯現。等他再起一個情障。苦惱之際。我一劍分開。收了此人爲佛門弟子。亦不枉也。〔回介〕淳于生。當初留情。不知他是蟻子。如今知道了。還有情于他麼。〔生〕識破了。又討甚情來。〔淨笑介〕你道沒有情。怎生又要他生天呀。金光一道。天門開了。〔生看驚介〕是也。

〔么〕〔淨〕一道光如電。知他是那界的天。莫非是寶城開。看見天宮院。寶樓開。放入天宅眷。寶雲開。散作天州縣。〔生〕呀。天上甚麼聲響。〔內風起介〕知他世界幾由延。卻怎生風聲響。處星河變。〔內作奏樂報介〕切利天門開。〔又報介〕檀羅國。螻蟻三萬四千戶生天。〔淨作驚介〕是切利天門報聲。檀羅國。螻蟻三萬四千戶生天。你看紛紛如雨上去了也。〔生〕哎。檀羅國是我之冤仇。我這一壇功德。顛倒替他生天。怎了怎了。〔淨笑介〕

〔賺煞〕則你有那答裏冤。這答裏緣。那蠢諸天。他有何分辯。〔生〕檀羅殺了南柯多。

少人馬。多少業報。〔淨〕恁蟲豸兒殺害是前生怨。但回頭也普地生天。〔生哭介〕則要見我的親爺。我的公主妻也。〔淨〕跟我下了天壇。向三十三諸天位下。再燒一個指頂如何。〔生〕疼也。〔淨〕哎。打捱着指輪圓。爲滿門良賤。點肉香心火透諸天。等一個星兒轉。步天壇。你再看天面。那時節敢爺兒相見。重會玉天仙。〔淨扯生下介。衆上鼓吹唱前散花林云云下〕

第四十四齣 情盡

〔生作指疼上〕哎也。焚燒十指連心痛。圖得三生見面圓。小生雖是將種。皮毛上着不得個炮火星兒。今爲無邊功德。燒了一個大指頂。到度了檀羅生天。如今老法師引我三十三天位下。又燒了這一個大指頂。重上天壇。專候我爹爹公主生天也。〔內風起生驚介〕天門開了。〔望介〕又在說天話了。〔內報介〕大槐安國軍民螻蟻五萬戶口同時生天。〔生喜介〕好了。好了。分明說大槐安國軍民螻蟻五萬戶口生天。咱南柯百姓都在了。則不見爹爹和公主的影響。苦了這壇功德也。

〔香柳娘〕謝諸天可憐。謝諸天可憐。則我爺兒不見。又朦朧隔着多嬌面。展天

壇近天。展天壇近天。〔拜介〕拜的我心虔。有靈須活現。盼雲端悄然。盼雲端悄然。好了好了。那北上有雲烟。似前靈變。呀。天門又開了。〔內風起介外扮老將上〕淳于棼我兒。你父親來了。〔生跪哭介〕是我的爹。

〔前腔〕〔外〕歎遊魂幾年。歎遊魂幾年。你孝心平善。果然丁丑重相面。〔生〕爹爹。兒子生不能事。死不能葬。罔極之罪也。母親同來麼。〔外〕你母親久生人世了。則我墳塋蟻穿。

我墳塋蟻穿。卻得這因緣。爺兒巧方便。我去也。〔生哭介〕爹爹那裏去。〔外〕喜超生在天。喜超生在天。兩下修行。和你人天重見。〔生哭介〕親爹。你也下來。待兒子摩你一摩兒。〔前腔〕痛親爹幾年。痛親爹幾年。夢魂長見。那些兒孝意頻追薦。〔外〕我都鑒受

了。我兒。你今後作何生活。〔生〕依然投軍拜將。〔外〕快不要做他。犯了殺戒。再休題將權。再休題將權。我爲將玉皇邊。還怕修羅有征戰。天程有限。我去也。喜超生在天。喜超生在天。兩下修行。和你人天重見。〔外下生哭介右相周田三人如前扮上〕淳于公請起。休得苦傷。〔生起望介〕原來是段相國周田二君。〔衆〕是也。〔生〕右相一向讒間小生。卻是爲何。〔右

笑介〕淳于公。蟠龍岡風水在那裏。〔周〕淳于公。我被你氣死也。〔生〕我廿載威名。都被你所損哩。〔田〕則我田子華始終得老堂尊培植。〔右笑介〕這恩怨都罷了。如今則感淳于公發這大願。我們生天。

〔前腔〕〔右衆〕是同朝幾年。是同朝幾年。苦留恩怨。也只似南柯功德和那檀蘿戰。弄精靈鬼纏。弄精靈鬼纏。識破枉徒然。有何善非善。〔內鼓吹介衆〕請了。國王國母將到。〔合〕喜超生在天。喜超生在天。兩下修行。和你人天重見。〔生〕是國王國母模樣也。〔跪迎介〕王同老旦衆掌扇擁上。

〔前腔〕立江山幾年。立江山幾年。〔見介生〕前大槐安國左丞相駙馬都尉臣淳于棼叩頭迎駕。〔王〕淳郎淳郎。生受你了。〔老旦〕淳郎。別時曾說來。你若垂情。自有相見之期。那些外甥子通跑上天去了。你可見。〔生〕不會見哩。〔老旦〕都做天男天女了。咱一門良賤。爲天眷屬非魔眷。〔生〕敢問此去生天。比大槐宮何如。〔王〕去二千大千。去三千大千。不似小千般。如沙細宮殿。淳郎。我去也。公主和宮眷們後面來。〔合〕喜超生在天。喜超生在天。兩下

修行和你人天重見。〔生叩頭送起介〕公主將到。小生竦身以候。算來二十載南柯。許多恩愛。

〔望介〕還不見怎的。〔又望介〕雲頭上幾個宮娥彩女來也。〔小旦道扮同老旦貼上〕

〔前腔〕誤烟花幾年。誤烟花幾年。寂寥宮院。〔生〕又不是公主。是上真仙姑靈芝夫人和

瓊英姐。〔老衆笑介〕那淳于郎子風流面。〔見介生〕三位天仙請了。〔老旦嘆介〕淳郎。淳郎。

我四個人滾的正好。被那個國人的狗才。打斷了我們的恩愛。〔生〕那裏是國人。便是那不知趣的

右丞相。〔小旦〕如今這話休題了。〔生〕三位天仙下來。我有話講哩。〔貼〕我們是天身了。怎下的來。

〔老〕便下的來。你人身臭。也不中用。最人身可憐。最人身可憐。我天上有好因緣。你

癡人怎相纏。〔貼〕去也。公主來了。〔合〕喜超生在天。喜超生在天。兩下修行。和你人

天重見。〔下內風起介生〕這陣風好不香哩。〔聽介〕你聽雲霄隱隱環珮之聲。的是公主到也。〔拱

望三次還嘆風起介旦扮公主上〕

〔北新水令〕則那睡龍山高處彩鸞飛。這又是一程天地。金蓮雲上踰。寶扇月中移。碾破琉璃。我這裏順天風響霞帔。〔生哭介〕兀那天上走動的。莫非是我妻瑤芳公

主麼。〔旦〕是我淳郎夫也。久別夫君。奴在這雲端稽首了。我爲妻不了誤夫君。〔生〕廿載南柯恩愛分。〔旦〕今夕相逢多少恨。〔合〕萬層心事一層雲。〔生叩頭介〕公主。感恩不盡了。你去後我受多少磨折。你可不知。〔旦〕都知道了。

〔南步步嬌〕〔生〕受不盡百千般東君氣。和你二十載南柯裏。無端兩拆離。則一答龍岡。到把天重會。恰些時弄影彩雲西。還只似瑤臺立着多嬌媚。〔生〕公主妻呵。快下來。有話說。〔旦〕我下不來。〔生〕怎下不來也。妻。

〔北折桂令〕〔旦〕我如今乘坐的是雲車。走的是雲程。站的是雲堆。則和你雲影相窺。雲頭打話。把雲意相陪。〔生〕自公主去後。我好不長夜孤栖。〔旦〕你孤栖麼。可知你一生奇遇。虧了那三女爭夫。我臨終數語因誰。〔生〕知罪了。公主也則是一時無奈。結個乾姊妹兒。〔旦〕你則知道一霎時酒肉上朋情姊妹。蚤忘了一二十載花頭下兒女夫妻。〔生〕你如今做了天仙。想這些小事。都也不在懷了。則是我常想你的恩情不盡。還要與你重做夫妻。

〔南江兒水〕我日夜情如醉相思再不衰。公主。我怕你生天可去重尋配。你昇天可帶我重爲贅。你歸天可到這重相會。三件事你端詳傳示。〔哭介〕你便不然呵。有甚麼天上希奇也。弔下咱人間爲記。〔旦〕淳郎。你既有此心。我則在忉利天依舊等你爲夫。則要你加意修行。〔生〕天上夫妻交會。可似人間。〔旦〕忉利天夫妻就是人間。則是空來。並無雲雨。若到以上幾層天去。那夫妻都不交體了。情起之時。或是抱一抱兒。或笑一笑兒。或嗅一嗅兒。夫呵。此外便只是離恨天了。〔嘆介〕天呵。

〔北雁兒落帶得勝令〕但和你蓮花鬢坐一回。恰便似線穿珠。滾盤內。便做到色界天。和你調笑。則休把離恨天胡亂踹。〔生〕看了芳卿在雲端就是嫦娥。〔旦〕你不知。嫦娥也就是人間常蟻。化作蛾兒。飛上天去。則他在桂樹下。奴家在大槐宮。都一般宮苑不低微。你登科向大槐。比應舉攀丹桂。都一樣上天梯。〔嘆介〕你便宜見天女無迴避。傷悲怎的俺這俏雲頭漸漸低。〔旦做墜下生抱介〕旦。呀。怎的弔下來。〔生〕我的妻呵。〔旦〕人天氣候不同。靠遠些兒也哥。〔生〕你怎生叫我哥。〔旦〕你也曾在此寺中叫我一聲妹子。

〔生想介〕是會叫來。〔旦〕你前說要個表記兒。這觀音座下所供金鳳釵小犀盒兒。此非淳郎一見留情之物乎。〔生想介〕是也。〔旦稽首佛前取金釵玉盒與生接介〕淳郎。淳郎。記取犀盒金釵。我也去。〔生接釵盒扯旦跪哭介〕

〔南僥僥令〕我入地裏還尋覓。你昇天肯放伊。我扯着你留仙裙帶兒拖到裏。少不得蟻上天時我則央及蟻。〔旦〕你還上不的天也。我的夫呵。〔生〕我定要跟你上天。〔生旦扯哭介淨猛持劍上砍開唱呀字後旦急下生駭跌倒介〕

〔北望江南〕呀。你則道拔地生天是你的妻。猛擡頭在那裏。你說識破他是螻蟻。

那討情來。怎生又是這般纏戀。〔嘆介〕你掙着眼大槐宮裏睡多時。紙撚兒還不會打噴涕。你癡也麼癡。你則看犀盒內金釵怎的提。〔生醒起看介〕呀。金釵是槐枝。小

盒是槐筴子。啐。要他何用。〔擲棄釵盒介〕我淳于棼這纔是醒了。人間君臣眷屬。螻蟻何殊。一切苦樂興衰。南柯無二等爲夢境。何處生天。小生一向癡迷也。

〔南園林好〕咱爲人被蟲蟻兒面欺。一點情干場影戲。做的來無明無記。都則

是起處起。教何處立因依。〔淨〕你待怎的。〔生〕我待怎的。求衆生身不可得。求天身不可得。便是求佛身也不可得。一切皆空了。〔淨喝住介〕空個甚麼。〔生拍手笑介合掌立定不語介〕

〔北沽美酒帶太平令〕〔淨〕衆生佛。無自體。一切相不真實。〔指生介〕馬蟻兒倒是你善知識。你夢醒遲斷送人生三不歸。可爲甚斬眼兒還則癡。有甚的金釵槐葉兒。誰教你孔兒中做下得家資。橫枝兒上立些形勢。早則白鸚哥洩漏天機。從今把夢蝴蝶掐了羽翅。我呵也是三生遇奇。還了他當元時塔錐有這些生天蟻兒呀。要你衆生們看見了普世間因緣如是。〔衆香旛樂上同淨大叫介〕淳于生立地成佛也。〔行介〕

〔清江引〕笑空花眼角無根係。夢境將人帶。長夢不多時。短夢無碑記。普天下夢南柯人似蟻。〔衆拜介〕萬事無常。一佛圓滿。

春夢無心只似雲。

一靈今用戒香熏。

不須看盡魚龍戲。

浮世紛紛蟻子羣。

北



西

廂



目錄

- | | |
|------|------|
| 第一齣 | 佛殿奇逢 |
| 第二齣 | 僧房假遇 |
| 第三齣 | 牆角聯吟 |
| 第四齣 | 齋壇鬧會 |
| 第五齣 | 白馬解圍 |
| 第六齣 | 紅娘請宴 |
| 第七齣 | 夫人停婚 |
| 第八齣 | 鶯鶯聽琴 |
| 第九齣 | 錦字傳情 |
| 第十齣 | 妝臺窺簡 |
| 第十一齣 | 乘夜踰牆 |

第十二齣 倩紅問病

第十三齣 月下佳期

第十四齣 堂前巧辯

第十五齣 長亭送別

第十六齣 草橋驚夢

第十七齣 泥金報捷

第十八齣 尺素緘愁

第十九齣 鄭恆求配

第二十齣 衣錦還鄉

西廂記

元 王實甫 著

第一齣 佛殿奇逢

〔老旦扮夫人引鶯鶯紅娘歡郎上〕老身姓鄭。夫主姓崔。官拜前朝相國。不幸因病告殂。祇生得這一個小姐。小字鶯鶯。年方一十九歲。針指女工。詩詞歌賦。無不通曉。老相公在日。曾許下老身之姪。乃鄭尚書之子鄭恆爲妻。因俺孩兒父喪未滿。未得成合。這小妮子是自幼伏侍孩兒的。喚做紅娘。這一個小廝兒。喚做歡郎。先夫棄世之後。老身與女孩兒扶柩至博陵安葬。因路途有阻。不能得去。來到河中府。將這靈柩寄在普救寺內。這寺是先夫相國修造的。是則天娘娘香火院。況兼法本長老。又是俺公公剃度的。因此俺就這西廂下一座宅子安下。一壁寫書附京師去。喚鄭恆來。相扶回博陵去。我想先夫在日。食前方丈。從者數百。今日至親則這三四口兒。好生傷感人也呵。

〔賞花時〕〔老〕夫主京師祿命終。子母孤孀途路窮。因此上旅櫬在梵王宮。盼不到博陵舊塚。血淚灑杜鵑紅。

〔么〕〔旦〕可正是人值殘春蒲郡東。門掩重關蕭寺中。花落水流紅。閒愁萬種。無語怨東風。

〔老〕如今春間天道。好生困人。紅娘。佛殿上沒人燒香呵。和姐姐閒散心耍一遭去。〔並下〕

〔生引琴童上〕小生姓張。名珙。字君瑞。本貫西洛人也。先人拜禮部尙書。不幸五旬之上。得病而逝。後一年喪母。小生書劍飄零。風雲未遂。遊於四方。卽今貞元十七年二月上旬。唐德宗卽位。欲往上朝取應。路經河中府。過蒲關上。有一故人姓杜。名確。字君實。與小生同郡同學。曾爲八拜之交。後棄文就武。遂得武舉狀元。官拜征西大元帥。統領十萬大軍。鎮守着蒲關。小生就訪哥哥一遭。然後往京師求進。暗想小生螢窗雪案。刮垢磨光。學成滿腹文章。尙在湖海飄零。何日得就此志也呵。正是
萬金寶劍藏秋水。滿馬春愁壓繡鞍。

〔點絳脣〕遊藝中原。脚跟無線。如蓬轉。望眼連天。日近長安遠。

〔混江龍〕向詩書經傳。蠹魚般似不出費鑽研。將棘圍守暖。把鐵硯磨穿。投至得雲路鵬程九萬里。先受了雪窗螢火二十年。才高難入俗人機。時乖不遂男

兒願空雕蟲篆刻。綴斷簡殘編。

〔油葫蘆〕九曲風濤何處顯。則除是此地偏。這河帶齊梁分秦晉。隘幽燕。雪浪拍長空。天際秋雲捲。竹索纜浮橋。水上蒼龍偃。東西潰九州。南北串百川。歸舟緊不緊。如何見。卻似弩箭乍離絃。

〔天下樂〕只疑是銀河落九天。淵泉雲外懸。入東洋不離此逕穿。滋洛陽千種花。潤梁園萬頃田。也曾泛浮槎到日月邊。說話間早到城中。這里一座店兒。琴童接了馬者。店小二哥那里。〔小二上〕自家是這狀元店里小二哥。官人要下處呵。俺這里有乾淨店房。〔生〕頭房里下。先撒和那馬者。小二哥。我問你。這里有甚麼閒散心處。宮觀寺院。勝境福地。皆可。〔小二〕俺這裏有座寺。名曰普救寺。是則天皇后香火院。蓋造非俗。琉璃殿相近青霄。舍利塔直侵雲漢。南來北往。三教九流。過者無不瞻仰。則除那里。可以君子遊翫。〔生〕琴童。安排下午飯。俺到那裏走一遭便來也。〔下琴童〕理會得。〔下法聰上〕小僧法聰。是這普救寺法本長老座下弟子。今日師父赴齋去了。着我在寺中。但有探望長老的。便記着。待師父回來報知。山門下立地。看有甚麼人來。〔生〕

卻早來到也。〔生見聰科〕客官從何來。〔生〕小生西洛至此。聞上刹清閒幽雅。一來瞻仰佛像。二來拜謁長老。敢問長老在麼。〔聰〕俺師父不在寺中。小僧是弟子法聰的便是。請先生方丈拜茶。〔生〕既然長老不在。不必喫茶。敢煩相引。瞻仰一遍。幸甚。〔聰〕小僧取鑰匙。開了佛殿鐘樓塔院羅漢堂。香積廚。隨意盤桓一會。師父敢待回來也。〔生看佛殿科〕是蓋造的好也呵。

〔節節高〕隨喜了上方佛殿。早來到下方僧院。行過廚房近西。法堂北。鐘樓前面。遊了洞房。登了寶塔。把迴廊繞遍。數了羅漢。參了菩薩。拜了聖賢。〔旦引貼撚

花枝上〕紅娘。和你佛殿上耍去來。〔生見旦科〕呀。正撞着五百年風流業窠。

〔元和令〕顛不刺的見了萬千。似這等可喜娘龐兒罕曾見。引的人眼花撩亂。口難言。魂靈兒飛在半天。他那裏儘人調戲。彈着香肩。只將花笑撚。

〔上馬嬌〕這的是兜率宮。休猜做離恨天呀。誰想這寺裏遇神仙。我見他宜嗔宜喜春風面。偏宜貼翠花鈿。

〔勝葫蘆〕則見他宮樣眉兒新月偃。侵入鬢雲邊。〔旦〕紅娘。你覷寂寂僧房人不到。滿

階苔襯落花紅。〔生〕我死也。未語人前先腩腆。櫻桃紅綻。玉粳白露。半晌恰方言。

〔么〕恰似嚙嚙鶯聲花外轉。行一步可人憐。解舞腰肢嬌又軟。千般嫵娜。萬般旖旎。似垂柳晚風前。〔貼〕姐姐。那壁廂有人回去罷。〔旦回顧覷生科生〕和尚。恰怎麼觀音現來。

〔聰〕休胡說。這是河中開府崔相國的小姐。〔生〕世間有此等之女。豈非天姿國色乎。休說那模樣兒。則那一雙小脚兒。價值千金。〔聰〕借遠地。他在那壁。你在这壁。繫着長裙。你便怎知他小脚兒。〔生〕你問我怎便知。你看。

〔后庭花〕若不是襯殘紅芳徑軟。怎顯得步香塵底樣兒淺。且休題眼角留情處。則這脚跟兒將心事傳。慢俄延。投至到權門兒前面。剛那了一步遠。剛剛的打箇照面。風魔了張解元。似神仙歸洞天。空餘下楊柳烟。只聞得鳥雀喧。

〔柳葉兒〕呀。門掩着梨花深院。粉牆兒高似青天。恨天不與人行方便。好着我難消遣。端的是怎留連。小姐。則被你引了人意馬心猿。〔聰對生云〕先生休得惹事。河中開府小姐。去遠了也。〔生〕去還未遠哩。

〔寄生草〕蘭麝香仍在。珮環聲漸遠。東風搖曳垂楊線。遊絲牽惹桃花片。珠簾掩映芙蓉面。你道是河中開府相公家。我道是南海水月觀音現。十年不識君王面。始信嬋娟解誤人。小生不往京師去也罷。〔對聰云〕敢煩和尚對長老說。有僧房借半間。早晚可以溫習經史。房金依例酬納。小生明日自來也。

〔賺煞〕餓眼望將穿。饑口涎空嚥。空着我透骨髓相思病染。怎當他臨去秋波那一轉。休道是小生。便是鐵石人也意惹情牽。近庭軒。花柳爭妍。日午當庭塔影圓。春光在眼前。爭奈玉人不見。將一座梵王宮疑是武陵源。〔下〕

第一齣 僧房假遇

〔老上〕自前日長老來。將錢去與老相公做好事。不見來回話。叫紅娘傳着我的言語。去問長老。幾時好與老相公做好事。就着他辦置齋供的當了。來回話者。〔下法本上〕貧僧法本。在這普救寺做長老。此寺是則天皇后蓋造的。貧僧乃相國崔珏的令尊剃度的。此寺年深崩損。又是相國修造的。不料相國仙逝。如今老夫人將着家眷扶柩回博陵去。路阻難行。夫人惡市塵冗雜。因借此西廂下

居住待路通收拾回博陵遷葬。那夫人處事溫儉。治家有方。是是非非。人莫敢犯。夜來老僧赴齋。不知曾有人來探望老僧否。〔問聰介聰〕夜來有一秀才。自西洛而來。特謁我師。不遇而去。〔本〕山門外覷着。倘再來時。報我知道。〔生上〕自夜來見了那小姐。着小生一夜無眠。若非法聰和尚呵。那小姐到有顧盼之意。今日去問長老。借一間僧房。早晚溫習經史。若遇小姐出來呵。飽看一會兒。

〔粉蝶兒〕不做周方。埋怨殺法聰和尚。借與我半間兒客舍僧房。與我那可憎才。居止處門兒相向。雖不能勾竊玉偷香。且將這盼行雲眼睛打當。

〔醉春風〕往常時見傅粉的委實羞。畫眉的敢是謊。今日呵。一見了有情娘。着小生心兒裏痒痒。迤逗得腸荒。斷送的眼亂。引惹得心忙。〔生見聰科〕師父正望先

生來哩。只此少待。小僧報覆。〔本出見生介生〕是好一箇和尚呵。

〔迎仙客〕我則見頭似雪。髻如霜。面如童少年得內養。貌堂堂。聲朗朗。頭直上。只少一箇圓光。恰便似捏塑來的僧伽像。〔本〕請先生方丈內相見。夜來老僧不在。有失

迎迓。望先生恕罪。〔生〕小生久聞和尚清譽。特來座下聽講。不期昨日不得相遇。今能一見。是三生

有幸矣。〔本〕敢問先生世家何郡。高姓大名。因甚至此。〔生〕小生姓張。名珙。字君瑞。西洛人也。

〔石榴花〕大師一一問行藏。小生仔細訴衷腸。自來西洛是吾鄉。宦遊在四方。寄居咸陽。〔本〕老相公何處仕宦。〔生〕先人授禮部尚書多名望。五旬上因病身亡。

〔本〕老相公棄世。必有所遺。〔生〕平生正直無偏向。止留下四海一空囊。〔本〕老相公在官時。敢是渾俗和光麼。

〔鬪鶴鶉〕〔生〕俺先人甚的是渾俗和光。衡一味風清月朗。〔本〕先生此行。必爲上朝取應。〔生〕小生無意去求官。有心待聽講。小生特謁長老。奈路途奔馳。無以相饋。量

着窮秀才人情。則是紙半張。又沒甚七青八黃。儘着你說短論長。一任待掂斤播兩。小生聊具白金一兩。與常住公用。權表寸心。望笑留是幸。〔本〕先生客中。何故如此。

〔上小樓〕〔生〕小生特來見訪。大師何須謙讓。〔本〕貧僧不敢受。〔生〕物鮮不足辭。但充講下一茶耳。這錢也難買柴薪。不穀齋糧。且備茶湯。〔觀聽云〕這一兩銀。未爲厚禮。你

若有主張。對豔妝。將言詞說上。我將你衆和尚死生難忘。〔本〕先生必有所命。〔生〕

小生因惡旅邸繁冗。難以溫習經史。欲問我師。求假一室。且得晨昏聽講。房金按月奉納。〔本〕敝寺頗有數間房。從先生揀選。

〔么〕〔生〕也不要香積廚。枯木堂。遠着南軒。離着東牆。靠着西廂。近主廊。過耳房。都皆停當。〔本〕與老僧同榻何如。〔生笑云〕要你怎麼。你是必休題着長老方丈。〔貼

上〕老夫人着俺問長老。幾時好與老相公做好事。看得停當了回話。須索走一遭。〔貼見本科貼云〕長老萬福。夫人使侍妾來問。幾時可與老相公做好事。着看的停當了回話。〔生背云〕好個女子也呵。

〔脫布衫〕大人家舉止端詳。全沒那半點兒輕狂。太師行深深拜了。啓朱唇語言的當。

〔小梁州〕可喜娘的龐兒淺淡妝。穿一套縞素衣裳。胡伶淥老不尋常。偷睛望。眼挫裏抹張郎。

〔么〕若共他多情小姐同鴛帳。怎捨得他疊被鋪牀。將小姐央。夫人央。他不令

許放。我親自寫與從良。〔本〕二月十五日。可與老相公做好事。〔貼〕妾與長老同至佛殿上看停當了。卻回夫人話。〔本〕先生少坐。老僧同小娘子看一遭便來。〔生〕何故見卻。小生便同行一遭何如。〔本〕便同行。〔生〕着小娘子先行。俺近後些。〔本〕一個有道理的秀才。〔生〕小生有一句話。敢道麼。〔本〕便道不妨。

〔快活三〕〔生〕崔家女豔妝。莫不是演撒你個老潔郎。〔本〕休說閒話。〔生〕既不呵。卻怎賸趁着你頭上放毫光。打扮的特來晃。〔本〕若是那小娘子聽得呵。是甚麼意思。

〔貼同入佛殿科〕

〔朝天子〕〔生〕過得主廊。引入洞房。好事從天降。我與你看着門兒。你自進去。〔本怒云〕先生。此非先生之言行。豈不得罪於聖人之門乎。老僧偌大年紀。焉有此等妄念。好模好樣忒莽撞。〔生〕沒則就便罷。煩惱怎麼唐二藏。怪不得小生疑你。偌大一個宅司。可怎生別沒個兒郎。使梅香來說勾當。〔本〕元來先生不知。那老夫人治家嚴肅。內外並無一個男子

出入。〔生〕這禿廝巧說。你在我行。口強硬抵着頭皮撞。〔本對貼云〕這齋供道場都完備

了。十五日請夫人小姐拈香。〔生〕何故。〔本〕這是崔相國小姐至孝。爲報父母之恩。又值老相公禫服之際。所以做好事。〔生哀哭介〕哀哀父母。生我劬勞。欲報深恩。昊天罔極。小姐是一女子。尙然有報父母之心。小生湖海飄零數年。自父母去世之後。並不曾有一陌紙錢相報。望和尙慈悲爲本。小生亦備錢五千。怎生帶得一分兒齋。追薦俺父母。少盡人子之心。便夫人知。料也不妨。〔本〕法聰與這先生帶一分者。〔生背問聰云〕那小姐明日可來麼。〔聰〕他父母的勾當。如何不來。〔生背云〕這五千錢使得着也。

〔四邊靜〕人間天上。看鶯鶯強如做道場。軟玉溫香。休道是相親傍。若能勾湯他一湯。到與人消災障。〔丑〕都到方丈喫茶。〔生〕小生更衣咱。〔生先出方丈云〕那小娘子一定出來也。我則在這里等待問他。〔貼辭本云〕我不喫茶了。恐夫人怪我遲去回話也。〔貼出生揖迎云〕小娘子拜揖。〔貼〕先生萬福。〔生〕小娘子。莫非鶯鶯小姐的侍妾麼。〔貼〕我便是。何勞先生動問。〔生〕小生姓張。名琪。字君瑞。本貫西洛人也。年方二十三歲。正月十七日子時建生。並不曾娶妻。〔貼〕我又不曾推算子平。說合姻眷。誰問你來。〔生〕敢問小姐常出來麼。〔貼怒云〕噫。先生是讀

書君子。豈不聞孟子曰。男女授受不親。禮也。又不聞瓜田不納履。李下不整冠。道不得個非禮勿視。非禮勿聽。非禮勿言。非禮勿動。俺老夫人治家嚴肅。有冰霜之操。內無應門五尺之童。年至十二三者。非喚不敢輒入中堂。向者小姐潛出閨房。老夫人知之。召小姐于庭下。你爲女子。不告而出閨門。倘遇過客遊僧私窺。豈不自恥。小姐立謝曰。今當改過從新。不敢再犯。是他親女。尙然如此。何況以下侍妾乎。先生習先王之道。遵周公之禮。不干己事。何故用心。早是妾身可以容恕。若夫人得知。決無干休。今後得問的問。不得問的休胡說。〔下生〕這相思索要害也。

〔哨遍〕聽說罷。心懷悒快。把一天愁都撮在眉尖上。說夫人潔操凜冰霜。不召呼誰敢輒入中堂。自思想。比及你心兒裏畏懼。老母親威嚴。小姐呵。你不合臨去也回頭望。待颺下教人怎颺。赤緊的情占了肺腑。意惹了肝腸。若今生難得有情人。則除是前世燒了斷頭香。我得他時手掌兒上奇擎。心坎兒上溫存。眼皮兒上供養。

〔耍孩兒〕當初那巫山遠隔如天樣。聽說罷又在巫山那廂。業身軀雖是立在

迴廊。魂靈兒已在他行。本待要安排心事傳幽客。我則怕泄漏春光與乃堂。夫人怕女孩兒春心蕩。怪黃鶯兒作對。怨粉蝶兒成雙。

〔四煞〕小姐年紀小。性兒剛。張郎倘得相親傍。乍遭逢。一見何郎粉。看邂逅。偷將韓壽香。纔到是未遂風流況。成就了會溫存的嬌婿。怕甚麼能拘管的親娘。

〔三煞〕夫人忒慮過。小生空妄想。郎才女貌合相訪。休直待眉兒淡了思張敞。春色飄零憶阮郎。非是咱自誇獎。他有德言工貌。小生有恭儉溫良。

〔二煞〕想着他眉兒淺淺描。臉兒淡淡妝。粉香膩玉搽胭項。翠裙鴛繡金蓮小。紅袖鸞綃玉筍長。不想呵其實強。你撇下半天風韻。我拾得萬種思量。卻忘了

辭長老。〔見本云〕小生敢問長老。房舍如何。〔本〕塔院側邊西廂一間房。甚是瀟灑。正可先生安下。見收拾了。隨先生早晚來。〔生〕小生便回店中搬來。〔本〕喫齋了去。〔生〕請長老收拾下齋。小生取行李便來。〔本〕既然如此。老僧準備下齋。先生是必便來。〔下生〕若在店中人鬧。到可消遣。搬到寺中幽靜處。怎麼捱這淒涼也呵。

〔煞〕院宇深。枕簟涼。一燈孤影搖書幌。縱然酬得今生志。着甚支吾此夜長。睡不着如翻掌。少可有一萬聲長吁短嘆。五千遍倒枕搥牀。

〔煞尾〕嬌羞花解語。溫柔玉有香。我和他乍相逢記不真嬌模樣。則索手抵着牙兒漫漫的想。〔下〕

第二齣 牆角聯吟

〔旦上〕老夫人使紅娘問長老去了。這賤人怎麼不來回話。〔貼上〕回夫人話了。去回小姐話去。

〔旦〕使你問長老幾時做好事。如何不來回我。〔貼〕恰回夫人話也。正待回姐姐話。二月十五日。請

夫人姐姐拈香。〔笑介〕姐姐。我對你說一件好笑的勾當。階前日寺裏見的那秀才。今日也在方丈

裏。他先出門外。等着紅娘深深唱個喏。道小生姓張。名珙。字君瑞。本貫西洛人也。年方二十三歲。正

月十七日子時生。並不會娶妻。姐姐。卻是誰問他來。他又問。小娘子莫非鶯鶯小姐的侍妾乎。小姐

常出來麼。被紅娘搶白了一頓呵。回來了。姐姐。我不知他想甚麼哩。世上有這等傻角。〔旦笑云〕紅

娘。你休對夫人說。天色晚也。安排着香桌。階花園內燒香去來。〔並下生上〕搬至寺中。正近西廂居

址。我問和尚道。小姐每夜花園內燒香。這個花園和我這寓中合着。比及小姐出來。我先在太湖石畔牆角兒頭等待他出來。飽看一會。兩廊僧衆都睡着了。夜深人靜。月朗風清。是好天氣也呵。閒尋丈室高僧話。悶對西廂皓月吟。

〔鬪鶻鶻〕玉宇無塵。銀河瀉影。月色橫空。花影滿庭。羅袂生寒。芳心自警。側着耳朵兒聽。躡着脚步兒行。悄悄冥冥。潛潛等等。

〔紫花兒序〕等待那齊齊整整。嫋嫋婷婷。姐姐鶯鶯。一更之後。萬籟無聲。直至鶯庭迴廊下。沒揣的見俺可憎。將他來緊緊的摟定。則問你那會少離多。有影無形。〔旦上〕紅娘開了角門。將香卓出來者。

〔金蕉葉〕〔生〕猛聽得角門兒呀的一聲。風過處花香細生。踏著脚尖兒仔細定睛。比我那初見時。龐兒越整。〔旦〕紅娘移香卓近太湖石放者。〔生見介〕料想春嬌厭拘束。等閒飛出廣寒宮。真個是人間天上。國色無雙。是好女子也呵。

〔調笑令〕我這裏甫能見娉婷。比着那月殿嫦娥也不恁般爭。遮遮掩掩穿芳

徑料應那小脚兒難行。可喜娘的臉兒百媚生。兀的不引了人魂靈。〔旦〕將香來。
〔生〕且聽小姐祝告甚麼。
〔旦〕此一炷香願化去先人。早生天界。此一炷香願堂中老母。身安無事。
此一炷香。
〔做不語介〕貼姐姐不祝這一炷香。我替小姐禱告願俺姐姐早嫁一個姐夫。拖帶紅娘
咱。
〔旦添香拜云〕眼前無限傷心事。盡在深深兩拜中。
〔旦長吁科生〕聽小姐倚欄長歎。似有動情
之意。

〔小桃紅〕夜深香靄散空庭。簾幙東風靜。拜罷也斜將曲檻凭。長吁了兩三聲。
剔團團明月如懸鏡。又不是輕雲薄霧。都則是香烟人氣。兩般兒氤氳不分明。

我雖不及司馬相如。我則看小姐頗有文君之意。試高歌一絕。看他說甚的。
〔吟介〕

月色溶溶夜。

花陰寂寂春。

如何臨皓魄。

不見月中人。

〔旦〕有人在牆角吟詩。
〔貼〕這聲音便是那二十三歲不會娶妻的那傻角。
〔旦〕好清新之詩。我依韻和一首。
〔貼〕你兩個是好做一首兒。
〔旦〕

蘭閨久寂寞。

無事度芳春。

料得行吟者。

應憐長歎人。

〔生〕好應酬得快也呵。

〔禿廝兒〕早是那臉兒上鋪堆着可憎。更那堪心兒裏埋沒着聰明。他把那新詩和得忒應聲。一字字訴衷情。堪聽。

〔聖藥王〕那語句清。音律輕。小名兒不枉了喚做鶯鶯。他若是共小生廝覷定。隔牆兒酬和到天明。方信道惺惺自古惜惺惺。我撞出去。看他說甚麼。

〔麻郎兒〕我拽起羅衫欲行。〔旦見介〕他陪着笑臉兒相迎。不做美的紅娘忒淺情。便做道謹依來命。〔貼〕姐姐。有人。嚙家去來。〔旦回顧並下〕

〔么〕〔生〕我忽聽一聲。猛驚。元來是撲刺刺的宿鳥飛騰。顫巍巍花梢弄影。亂紛紛落紅滿徑。小姐。你去了呵。那裏發付小生也。

〔絡絲娘〕空撇下碧澄澄蒼苔露冷。明皎皎花篩月影。白日裏淒涼枉耽病。今

夜把相思再整。

〔東原樂〕簾垂下。戶已扃。我卻纔悄悄的相問。他那裏低低應。月朗風清恰二更。廝後倖。他無緣。小生薄命。

〔綿搭絮〕恰尋歸路。佇立空庭。竹梢風擺。斗柄雲橫。今夜淒涼有四星。他不憊人待怎生。雖然是眼角傳情。喏兩個口不言心自省。今夜有甚睡得到我眼裏來。

〔拙魯速〕對着盞碧熒熒。短檠燈。倚着扇冷清清。舊幃屏。燈兒又不明。夢兒又不成。窗兒外淅零零的風兒透疎櫺。忒楞楞紙條兒鳴。枕頭兒上孤另。被窩兒裏寂靜。你便是鐵石人。鐵石人也動情。

〔么〕怨不能。恨不成。坐不安。睡不寧。有一日柳遮花映。霧障雲屏。夜闌人靜。海誓山盟。恁時節風流嘉慶。錦片也似前程。美滿恩情。喏兩個畫堂春自生。

〔尾聲〕一天好事從今定。一首詩分明作證。再不向青瑣闥夢兒中尋。則去那碧桃花樹兒下等。〔下〕

第四齣 齊壇鬧會

〔法本法聰上本〕今日是二月十五開啓。衆僧動法器者。請夫人小姐拈香。比及夫人未來。先請張先生拈香。怕夫人問呵。則說道是貧僧親者。〔生上〕今日二月十五。和尚請拈香。若見鶯鶯小姐。小生再得飽看一會也。

〔新水令〕梵王宮殿月輪高。碧琉璃瑞煙籠罩。香煙雲蓋結。諷呪海波潮。幡影飄飄。諸檀越盡來到。

〔駐馬聽〕法鼓金鐃。二月春雷響殿角。鐘聲佛號。半天風雨灑松梢。侯門不許老僧敲。紗窗外定有紅娘報。害相思饞眼惱。見他時須看個十分飽。〔本見生云〕先生先拈香。若夫人問呵。則說是老僧的親眷。〔生拈香介〕

〔沈醉東風〕惟願存人間的壽高。亡化的天上逍遙。爲曾祖父先靈。禮佛法僧三寶。爇名香暗中禱告。則願得梅香休劣。夫人休焦。犬兒休惡。佛囉。早成就了幽期密約。〔老引旦貼上老〕長老請拈香。小姐階走一遭。〔生見旦介生對聰云〕爲你志誠呵。神仙

下降也。〔聰〕這生卻早兩遭兒也。

〔雁兒落〕〔生〕我則道玉天仙離了碧霄。元來是可意種來清醮。小子多愁多病身。怎當他傾國傾城貌。

〔得勝令〕恰便似檀口點櫻桃。粉鼻兒倚瓊瑤。淡白梨花面。輕盈楊柳腰。妖嬈。滿面兒鋪堆着俏。苗條。一團兒衝是嬌。〔本〕貧僧一句話。夫人前敢道。貧僧有個敝親。是

個飽學秀才。父母亡後。無可相報。央貧僧帶一分齋。追薦父母。貧僧一時應允。恐夫人見責。特此相稟。〔老〕既是長老的親。請來斷見。〔生拜老介衆僧見旦發科〕

〔喬牌兒〕〔生〕太師年紀老。法座上也凝眺。舉名的班首癡呆了。覷着法聰頭做金磬敲。

〔甜水令〕老的少的。村的俏的。沒顛沒倒。勝似鬧元宵。稔色人兒。他家怕人知道。看時節把淚眼偷瞧。

〔折桂令〕着小生迷留沒亂。心痒難撓。哭聲兒似鶯囀喬林。淚珠兒似露滴花

梢。太師也難學。把一個發慈悲的臉兒來。朦着。擊磬的頭陀。懊惱。添香的行者。心焦。燭影風搖。香靄雲飄。貪看鶯鶯。燭滅香消。〔本〕風滅燈了。〔生〕小生點燈燒香。〔旦〕對貼云。那生忙了一夜。

〔錦上花〕〔旦〕外像兒風流。青春年少。內性兒聰明。冠世才學。扭捏着身子兒。百般做作。來往向人前。賣弄俊俏。〔貼〕我猜那生。

〔么〕黃昏這一回。白日那一覺。窗兒外那會獲鐸。到晚來向書幃裏。比及睡着。千萬聲長吁。捱不到曉。〔生〕那小姐好生顧盼小生。

〔碧玉簫〕情引眉梢。心緒我知道。愁種心苗。情思我猜着。暢懊惱。響鐺鐺雲板。敲。行者又嚎。沙彌又哨。恁須不奪人之好。〔衆僧祝告動法器搖鈴杵宣疏燒紙發了科〕

〔本〕天明也。請夫人小姐回宅。〔老旦貼並下生〕再做一會也好。那裏發付小生也呵。

〔鴛鴦煞〕有心爭奈無心好。多情卻被無情惱。勞攘了一宵。月兒沈。鐘兒響。雞兒叫。唱道是玉人兒歸去得疾。好事也收拾得早。道場畢諸人散了。酪子里各

歸家。葫蘆提鬧到曉。〔並下〕

第五齣 白馬解圍

〔孫飛虎引卒上〕自家姓孫。名彪。字飛虎。方今唐德宗卽位。天下擾攘。因主將丁文雅失政。彪統着五千人馬。鎮守河橋。近知崔相國之女鶯鶯。有傾國傾城之貌。西子太真之容。見在河中府普救寺借居。我心中想來。當今用武之際。主將尙然不正。你獨廉何哉。大小三軍。聽我號令。連夜進兵河中府。擄鶯鶯爲妻。足平生願矣。〔下本慌上〕誰想孫飛虎將半萬賊兵。圍住寺門。鳴鑼擊鼓。吶喊搖旗。欲擄鶯鶯小姐爲妻。快報與夫人知道。〔老慌上〕如此卻怎了。且與小姐商議去。〔下旦貼上〕自見了張生。神魂蕩漾。情思難禁。早是離人傷感。況值暮春天道。好煩惱人也呵。好句有情憐夜月。落花無語怨東風。

〔八聲甘州〕懨懨瘦損。早是傷神。那值殘春。羅衣寬褪。能消幾個黃昏。風裊篆煙不捲簾。雨打梨花深閉門。無語凭闌干。日斷行雲。

〔混江龍〕落紅成陣。風飄萬點正愁人。池塘夢曉。蘭檻辭春。蝶粉輕沾飛絮雪。

燕泥香惹落花塵。繫春心情短柳絲長。隔花陰人遠天涯近。香消了六朝金粉。清減了三楚精神。〔貼〕姐姐情思不快。我將被兒熏得香香的。睡些兒。

〔油葫蘆〕〔旦〕翠被生寒壓繡裯。休將蘭麝熏。便將蘭麝熏盡則索自溫存。昨宵錦囊佳制明勾引。今日箇玉堂人物難親近。這些時睡又不安。坐又不寧。

〔旦〕姐姐。我和你太湖石畔散悶去來。〔旦〕我欲待登臨不快。閒行又悶。每日價情思睡昏昏。

〔天下樂〕紅娘呵。我則索搭伏定鮫綃枕頭兒上盹。但出閨門。影兒般不離身。

〔貼〕不干紅娘事。老夫人着我來。〔旦〕俺娘呵。這些時直恁般提防着人。小梅香伏侍得勤。老夫人拘繫得緊。則怕俺女孩兒家折了氣分。〔貼〕姐姐。往常不會如此無情無緒。自從見了那生。便覺心事不寧。卻是爲何。

〔那吒令〕〔旦〕往常但見一個外人。氲得早嗔。但見一個客人。厭得倒褪。從見了那人兜的便親。想着他昨夜詩。依着前韻。酬和得清新。

〔鵲踏枝〕吟得句兒勻。念得字兒真。詠月新詩。強似織錦迴文。誰肯將針兒做線引。向東鄰通個殷勤。

〔寄生草〕想着文章士。旖旎人。他臉兒清秀身兒俊。性兒溫克情兒順。不由人口兒裏作念心兒裏印。學得來一天星斗煥文章。不枉了十年窗下無人問。

〔老法本同上敲門介貼見驚云〕姐姐。夫人和長老都在房門前。〔旦見老本介老云〕孩兒。你知道麼。孫飛虎統領半萬賊兵。圍住寺門。道你眉黛青顰。蓮臉生春。有傾國傾城太真之色。要擄你做壓

寨夫人。怎生了也。

〔六么序〕〔旦〕聽說罷魂離殼。見放着禍滅身。將袖梢兒搵住啼痕。好教我去住無因。進退無門。可着俺那搭兒裏人急偎親。孤孀子母無投奔。喫緊的先亡過了有福之人。耳邊廂金鼓連天振。征雲冉冉。吐雨紛紛。

〔么〕那廝每風聞。胡云。道我眉黛青顰。蓮臉生春。恰便是傾國傾城的太真。兀的不送了他三百僧人。半萬賊兵。一霎兒敢翦草除根。這廝們於家爲國無忠

信。恣情的擄掠人民。便將那天宮般蓋造焚燒盡。則沒那諸葛孔明。便待要博望燒屯。〔老〕老身年六十歲。死不爲天。奈孩兒年少。遭此難。如之奈何。〔旦〕孩兒別無他計。除是將我獻與賊人。庶可免一家性命。〔老哭云〕俺家無犯法之男。再婚之女。怎捨得你獻與賊人。卻不辱沒了俺家譜。〔本〕咱每到法堂上問兩廊下僧俗。有高見的。商議個長策。〔同到法堂科老〕孩兒。卻怎生好。〔旦〕不如將我獻與賊人。其便有五。

〔后庭花〕第一來免摧殘老太君。第二來免堂殿作灰塵。第三來諸僧無事得安存。第四來先君靈柩穩。第五來歡郎雖是未成人。須是崔家後胤。鶯鶯爲惜己身。不幸去從着亂軍。諸僧衆汚血痕。將伽藍火內焚。把先靈爲細塵。斷絕了愛弟親。割開了慈母恩。

〔柳葉兒〕呀。將俺一家兒不留一個齟齬。待從軍又怕辱沒了家門。我不如白練套頭尋個自盡。將我屍襯。獻與賊人。也須得箇遠害全身。

〔青哥兒〕母親都做了鶯鶯生忿。對傍人一言難盡。母親休愛惜鶯鶯這一身。

孩兒別有一計。不揀何人。建立功勛。殺退賊軍。掃蕩妖氛。倒陪家門。情願與英雄結婚。姻成秦晉。〔老〕此計較可。雖不是門當戶對。也強是陷於賊人之手。長老在法堂上高叫。兩廊僧俗。但有退兵計策的。倒陪房廬。斷送鴛鴦。與他爲妻。〔本叫介生鼓掌上〕我有退兵之策。何不問我。〔見老介本〕這秀才便是前日帶追薦的秀才。〔老〕先生計將安在。〔生〕重賞之下。必有勇夫。賞罰若明。其計必成。〔旦背云〕只願這生退了賊者。〔老〕恰纔與長老說下。但有退得賊兵的。將小姐與他爲妻。〔生〕既如此。休唬了我渾家。請入臥房裏去。俺自有退兵之計。〔旦對貼云〕難得這生。一片好心。

〔賺煞〕〔旦〕諸僧衆各逃生。衆家眷誰憊問。這生不相識。橫枝兒着緊。非是書生多議論。也隄防着玉石俱焚。雖然是不關親。可憐見命在逡巡。濟不濟。權將秀才來儘。果若有出師表文。嚇蠻書信。張生呵。則願得筆尖兒橫掃了五千人。〔下老〕此事如何。〔生〕小生有一計。先用着長老。〔老〕老僧不會廝殺。請秀才別換一個。〔生〕休慌。不要你廝殺。只要你出去與賊人說。夫人本待便送小姐出來。奈有父服在身。不必鳴鑼擊鼓。驚了

小姐。將軍若要做女婿。可按甲束兵。退一射之地。限三日功德圓滿。脫了孝服。換上吉衣。倒陪房奩。定送與將軍。你快去說來。〔本〕三日後如何。〔生〕有計在後。〔本向內叫云〕請將軍打話。〔賊云〕快送出鴛鴦來。〔本〕將軍息怒。夫人使老僧來與將軍說。〔如前云云賊〕既然如此。限你三日。若不送來。着你人人皆死。個個不存。你對夫人說去。〔下本〕賊兵退了也。若三日後不送小姐出去。俺都是死的。〔生〕小生有一故人。姓杜。名確。號爲白馬將軍。見統十萬大軍。鎮守蒲關。一封書去。必來救我。此間離蒲關四十餘里。怎得人送書去。〔本〕若是白馬將軍肯來。何慮孫飛虎。俺這裏有一個徒弟。喚做惠明。則是要喫酒廝打。使他去。便不肯。將言語激他。他便去。〔生叫介〕有書寄與杜將軍。誰敢去。誰敢去。〔惠明上〕我敢去。我敢去。

〔端正好〕不念法華經。不禮梁王懺。颯了僧伽帽。袒下偏紅衫。殺人心逗起英雄膽。兩隻手將烏龍尾鋼椽櫓。

〔滾繡毬〕非是我貪。不是我敢。知他怎生喚做打參。大踏步直殺出虎窟龍潭。非是我攬。不是我攬。這些時喫菜饅頭。委實口淡。那五千人也不索炙膊煎熅。

腔子裏熱血權消渴。肺腑內生心且解饑。有甚腌臢。

〔叨叨令〕浮沙羹寬片粉添些雜糝。酸黃齋爛豆腐休調淡。萬餘斤黑麵從教暗。我將五千人做一頓饅頭餛。是必休誤了也麼哥。休誤了也麼哥。飽餐餘肉把青鹽蘸。〔本〕張秀才着你送書蒲關。敢去麼。

〔倘秀才〕〔惠〕你那裏問小僧敢也那不敢。我這裏啓大師用啗那不用啗。飛虎將聲名播斗南。那廝能淫欲。會貪婪。誠何以堪。〔生〕你是出家人。卻怎不看經禮懺。則要廝打。

〔滾繡球〕〔惠〕我經文也不會談。逃禪也懶去參。戒刀頭近新來將鋼蘸。鐵棒上無半星兒土漬塵緘。別的僧不僧俗不俗。女不女男不男。則會齋得飽去僧房中胡揜。那裏管焚燒了兜率也似伽藍。您那裏善文能武人千里。盡在這濟困扶危書一緘。有勇無慚。〔生〕倘賊不放你過去。卻如何。〔惠〕他不放我呵。你寬心。

〔白鶴子〕着幾個小沙彌把幢幡寶蓋擎。壯行者將桿棒鑊叉擔。你排陣脚將

衆僧安。我撞釘子把賊兵探。

〔一煞〕遠的破開步將鐵棒颺。近的順着手把戒刀鈇。有小的提起來將脚尖。有大的扳下來把髑髏砍。

〔二煞〕噠一噠骨都都翻了海波。混一混厮琅琅振動山巖。腳踏得赤力力地。軸搖手攀得忽刺刺天關撼。

〔四煞〕我從來駁駁劣劣。世不曾忑忑志志。打熬成不厭天生敢。我從來斬釘截鐵常居一。不似恁惹草拈花沒掂三。劣性子人皆捺。捨着命提刀仗劍。更怕我勒馬停驂。

〔五煞〕我從來欺硬怕軟。喫苦不甘。你休只因親事胡撲俺。若是杜將軍不把干戈退。張解元空將風月擔。我將不志誠的言詞賺。倘或紕謬。倒大羞慚。將書來。等我回音者。

〔煞尾〕您與我借神威搗幾聲鼓。仗佛力啞一聲喊。繡旗下遙見英雄俺。我教

那半萬賊兵。唬破膽。〔下生〕老夫人長老都放心。此書到日便有佳音。正是眼觀旌捷旗。耳聽好消息。〔並下杜將軍引卒上〕林下曬衣嫌日淡。池中濯足恨魚腥。花根本豔公卿子。虎體鴛班將相孫。下官姓杜。名確。字君實。本貫西洛人也。自幼與張君瑞同學儒業。後棄文就武。遂得武舉及第。官拜征西大將軍。授管軍元帥。統十萬之衆。鎮守蒲關。近聞君瑞兄弟在普救寺中。未知安否。又聞丁文雅失政。不守國法。剽掠黎民。我爲不知虛實。未敢造次興師。孫子有曰。凡用兵之法。將受命於君。合軍聚衆。圯地無舍。衢地交合。絕地無留。圍地則謀。死地則戰。軍有所不擊。城有所不攻。君命有所不受。能通於九變之利者。知用兵矣。吾今未疾進兵征討者。爲不知地利淺深出沒之故也。昨日探聽去了。不見回報。今日升帳。看有甚軍情來報我也。〔惠明上〕我離了普救寺。一日至蒲關。見杜將軍走一遭。〔卒通報介杜云〕着他過來。〔惠見介〕小僧是普救寺來的。今有孫飛虎作亂。將半萬兵圍住寺門。欲劫故臣崔相國女爲妻。有遊客張君瑞奉書。令小僧報于麾下。欲求將軍解危。〔杜〕將書過來。〔惠遞書杜念介〕琪頓首再拜大元帥將軍契兄。纛下伏自洛中。拜違犀表。寒暄屢隔。仰德之私。銘刻如也。憶昔聯牀風雨。歎今天各一方。客況復生於肺腑。離愁無慰於羈懷。念貧處十年

藜藿。走困他鄉。羨威統百萬貔貅。坐安邊境。威德播聞。寸心爲慰。小弟辭家以來。欲詣帳下。以敘聞
關之情。奈至河中府普救寺。忽值採薪之憂。未能如願。不期賊將孫飛虎領兵半萬。欲劫故臣崔相
國之女。見圍本寺。弟命亦在逡巡。將軍倘念舊交。興一旅之師。上以報國。下以救民。故相國雖在九
泉。亦不泯將軍之德矣。鵠俟佳報。造次干瀆。不勝慚愧。伏乞台照不宣。張琪再拜。二月十六日書。

〔杜〕旣然如此。和尚先行。我便起兵來也。〔惠〕將軍是必疾來者。

〔賞花時〕那廝擄掠黎民德行短。將軍鎮壓邊廷機變寬。他彌天罪有百千般。
若將軍不管。縱賊寇騁無端。

〔么〕便是你坐視朝廷將帝主瞞。若是掃蕩妖氛着百姓歡。干戈息。大功完。歌
謠遍滿。傳名譽到金鑾。〔下杜出令介〕雖無聖旨發兵。將在軍。君命有所不受。大小三軍。聽吾

將令。速點五千人馬。人銜枚。馬勒口。星夜起發。直至河中府普救寺。救張生走一遭。〔飛虎引卒上

兩軍對陣。賊虛下。老本生同上〕下書已兩日。尙不見回音。〔生〕山門外喊聲大舉。莫不是俺哥哥
軍到了。〔生引老拜見科杜〕杜確有失防禦。致令老夫人受驚。望勿見罪。〔生拜杜介〕自別兄長台

顏。久失候教。今得一見。如撥雲觀日。〔老〕老身子母。皆將軍所賜之命。將何以報。〔杜〕不敢。此乃職分之所當爲。敢問賢弟。因甚不至小營。〔生〕小弟甚欲來拜。奈小疾偶作。不能動止。所以失叩。今見夫人受困。言定退得賊兵者。以小姐妻之。因此愚弟奉書請兄。〔杜〕既然又有此姻緣。可賀可賀。〔老〕安排茶飯者。〔杜〕下官不敢久離信地。卽此告辭。但退軍之策。夫人面許結親。若不違前言。此誠淑女配君子也。〔老〕恐小女有辱君子。請將軍筵席者。〔杜〕我不喫筵席了。我回營去。異日卻來慶賀。〔生〕不敢久留兄長。有妨闡政。多勞台駕。沒齒不忘。〔杜〕馬離普救敲金鏡。人望蒲東唱凱歌。〔並下〕

第六齣 紅娘請宴

〔老引貼上〕紅娘。張先生大恩。一旦難忘。你可收拾書房。就將張先生行李搬入內書院裏安歇。明日安排筵席。請來一會。別有商議。〔下生上對本云〕長老。今日幸退賊兵。蒙夫人許下親事。都在長老身上。〔本〕鶯鶯擬定妻君。料夫人必不負恩。正是只因兵火至。引起雨雲心。〔下生〕小子收拾行李去。花園裏去也。〔下老上〕今日安排小酌。單請張生酬勞。紅娘。快去請張先生來。休要推故。〔下

〔生上〕夜來老夫人說着紅娘來請我。卻怎生不見來。我打扮着齊齊整整等他。皂角也使了兩三個。水也換了兩三桶。烏紗帽刷得光掙掙的。怎麼不見紅娘來也。〔貼上〕老夫人使我請張生。我想若非張生妙計。俺一家兒性命難保也呵。

〔粉蝶兒〕半萬賊兵。捲浮雲片時掃盡。俺一家兒死裏逃生。舒心的列山靈。陳水陸。張君瑞合當欽敬。當日所望無成。誰承望一緘書倒做了媒證。

〔醉春風〕今日個東閣玳筵開。煞強如西廂和月等。薄衾單枕有人溫。早則不冷冷。受用些寶鼎香濃。繡簾風細。綠窗人靜。可早來到書房也。

〔脫布衫〕幽僻處可有人行。點蒼苔白露泠泠。隔窗兒咳嗽了一聲。〔貼敲門介

生〕是誰。〔貼〕是我。〔生〕他啓朱唇急來答應。小娘子拜揖。

〔小梁州〕〔貼〕則見他又手忙將禮數迎。我這裏萬福先生。烏紗小帽耀人明。白襴淨。角帶傲黃鞓。

〔么〕則見他衣冠濟楚龐兒俊。可知道引動俺鶯鶯。據相貌。憑才性。我從來心

硬。一見了也留情。〔生〕小娘子請書房內說話。不知此行爲何。〔貼〕賤妾奉夫人嚴命。特請先生小酌。勿卻是望。〔生〕便去便去。敢問席上有鶯鶯姐姐麼。

〔上小樓〕〔貼〕請字兒不曾出聲。去字兒連忙答應。可早鶯鶯跟前。姐姐呼之。喏喏連聲。秀才每聞道請。恰便似聽將軍嚴令。和那五臟神。願隨鞭鐙。〔生〕今日夫人端的爲甚麼筵席。

〔么〕〔貼〕第一來爲壓驚。第二來因謝承。不請街坊。不會親鄰。不受人情。避衆僧。請老兄。和鶯鶯匹聘。〔生〕如此小生歡喜也。〔貼〕則見他歡天喜地。謹依來命。〔生〕小生客中無鏡。敢煩小娘子。看小生一看如何。

〔滿庭芳〕〔貼〕來回顧影。文魔秀士。風欠酸丁。下工夫將額顱十分掙。遲和疾。擦倒蒼蠅。光油油耀花人眼睛。酸溜溜螫得人牙疼。〔生〕夫人辦甚麼請我。〔貼〕茶飯已安排定。淘下陳倉米數升。爇下七八碗軟蔓菁。〔生〕小子想來。自寺中見了小姐之後。不想今日得成姻眷。豈不爲前生分定。〔貼〕姻緣非人所爲。乃天意耳。

〔快活三〕〔生〕嗜人一事精。百事精。一無成。百無成。世間草木本無情。自古云。地
生連理樹。水生並頭蓮。猶有相肩並。

〔朝天子〕〔貼〕休道是這生。年紀後生。恰學害相思病。天生聰俊。打扮得素淨。
奈夜夜成孤另。才子多情。佳人薄倖。兀的不擔閣了人性命。〔生〕你姐姐果有信行。

〔貼〕誰無一個信行。誰無一個志誠。恁兩個今夜親折證。張先生。我囑付你。

〔四邊靜〕今宵歡慶。軟弱鶯鶯。何曾慣經。你須索款款輕輕。燈下交鴛頸。端詳
了可憎。好煞人也無乾淨。〔生〕小娘子先行。小生收拾了書帙便來。且問小娘子。那裏有甚麼

景致好看。

〔耍孩兒〕〔貼〕俺那裏落紅滿地。胭脂冷。休孤負了良辰美景。夫人遣妾莫消
停。請先生勿得推稱。俺那裏準備着鴛鴦夜月。銷金帳。孔雀春風。軟玉屏。樂奏
合歡令。有鳳簫象板。錦瑟鸞笙。〔生〕小生書劍飄零。無以爲禮。卻怎生是好。

〔四煞〕〔貼〕聘財斷不爭。婚姻事有成。新婚燕爾安排慶。你明博得跨鳳乘鸞。

客。我到晚來臥看牽牛織女星。休俟倖。不要你半絲兒紅線。成就了一世前程。
〔生〕小生有何德能。

〔二煞〕〔貼〕憑着你滅寇功。舉將能。兩般兒功效如紅定。爲甚俺鶯娘心下十分順。都則爲君瑞胸中百萬兵。越顯得文風盛。受用足珠圍翠繞。結果了黃卷青燈。〔生〕別有甚客在座。

〔一煞〕〔貼〕夫人只一家。老兄無伴等。爲嫌繁冗尋幽靜。單請你個有恩有義閒中客。迴避了無是無非廊下僧。夫人命道足下莫教推托。和賤妾即便隨行。

〔生〕小娘子先行。小生隨後便來。

〔煞尾〕〔貼〕先生休作謙。夫人專意等。常言道恭敬不如從命。休使得梅香再來請。〔下生〕紅娘去了。小生拽上書房門者。我比及到得夫人那裏。夫人道。張生。你來了。飲數盃酒。去臥房內和鶯鶯做親。小生得到臥房內。和小姐解帶脫衣。顛鸞倒鳳。同諧魚水之歡。共效于飛之願。覩他雲鬢低墜。星眼微朦。被翻翡翠。襖褪鴛鴦。不知性命如何哩。〔狂笑介〕單羨法本好和尚也。

只憑說法口。遂卻讀書心。〔下〕

第七齣 夫人停婚

〔老上〕紅娘去請張生。如何不見來。〔貼上見老〕張生着紅娘先行。他隨後便來也。〔生上見老施禮科老〕前日若非先生。焉得有今日。我一家之命。皆先生所活也。聊置小酌。非爲報禮。勿嫌輕意。〔生〕一人有慶。兆民賴之。此賊之敗。皆夫人之福。萬一杜元帥不至。我輩亦無免死之術。此皆往事。不必挂齒。〔老〕將酒來。先生滿飲此盃。〔生〕長者賜。少者不敢辭。〔生微飲酒科把夫人盞科老〕先生請坐。〔生〕小子侍立。焉敢與夫人對坐。〔老〕道不得個恭敬不如從命。〔生謝坐介老〕紅娘去喚小姐來。與先生行禮者。〔貼喚旦介〕老夫人。在後堂待客。請小姐出來哩。〔旦應云〕我身子有些不快。去不得。〔貼〕你道請誰哩。〔旦〕請誰。〔貼〕請張生哩。〔旦〕若請張生。扶病也索走一遭。〔貼發科旦〕免除崔氏全家禍。盡在張生半紙書。

〔五供養〕若不是張解元識人多。別一個怎退干戈。排着酒菓。列着笙歌。篆烟微。花香細。散滿東風簾幙。救了嚙全家禍。殷勤呵正禮。欽敬呵當合。

〔新水令〕恰纔向碧紗窗下畫了雙蛾。拂拭了羅衣上粉香浮汚。將指尖兒輕輕的貼了鈿窩。若不是驚覺人呵。猶壓着繡衾臥。〔貼〕覷俺姐姐這箇臉兒。吹彈得破。

張生有福也。

〔么〕〔旦〕沒查沒利。謊儂道我宜梳妝的臉兒。吹彈的破。〔貼〕俺姐姐天生的一箇夫人。〔旦〕你那裏休聒。不當一個信口開合。知他命福是如何。做一個夫人也做得過。〔貼〕往常兩個都害。今日早則喜也。

〔喬木查〕〔旦〕我相思爲他。他相思爲我。從今後兩下裏相思都較可。酬賀間理當酬賀。俺母親也好心多。〔貼〕今日小姐和張生結親。怎生不做大筵席。安排小酌爲何。〔旦〕你不知夫人意。

〔攪箏琶〕他怕我是陪錢貨。兩當一便成合。據着他舉將除賊也。消得家緣過。花費了甚一股那。便結絲蘿。休波。省人情的妳妳忒慮過。恐怕張羅。〔生〕小子更衣咱。〔見旦介〕

〔慶宣和〕〔生〕門兒外簾兒前將小脚兒那。我只見目轉秋波。誰想那識空便的靈心兒早瞧破。說得我倒躲倒躲。〔老〕小姐近前拜了哥哥者。〔生背云〕呀。聲息不好了。〔旦〕呀。俺娘變了卦也。〔貼〕這相思又索害也。

〔雁兒落〕〔生〕則見你荆棘列怎動那。死木藤的無回和。措支刺的。不對答軟兀刺的難存坐。

〔得勝令〕誰承望這卽卽世世老婆婆。着鶯鶯做妹妹拜哥哥。白茫茫溢起藍橋水。勃騰騰點着祆廟火。碧沈沈清波撲刺刺將比目魚分破。急穰穰因何。聽

得夫人說罷呵。挖搭的把雙眉鎖納合。〔老〕紅娘看熱酒來。小姐與哥哥把盞者。

〔甜水令〕〔旦〕我這裏粉頸低垂。蛾眉顰蹙。芳心無那。俺可甚相見話偏多。星眼朦朧。檀口嗟咨。擷窸不過。這席面兒暢好是烏合。〔旦把酒介生〕小生量窄。〔老勸

介旦〕紅娘接了杯者。

〔折桂令〕他其實燕不下玉液金波。誰承望月底西廂。變做了夢裏南柯。泪眼

偷淹。酩子裏搵溼了香羅。他那裏眼倦開軟癱。做一垛。我這裏手難擡。稱不起肩窩。病染沈痾。斷然難活。則被你送了人呵。當甚麼嘍囉。〔老〕再把一盞者。〔貼〕又

遞酒生辭介貼背與旦云 姐姐。這煩惱怎生了。

〔月上海棠〕〔旦〕而今煩惱猶閒可。久後思量怎奈何。有意訴衷腸。怎奈母親側坐。成拋擲。咫尺間如間闊。

〔么〕一杯悶酒尊前過。低首無言自摧挫。不堪醉顏酡。可早嫌玻璃盞大。從因我。酒上心來覺可。〔老〕紅娘送小姐臥房裏去者。〔旦辭生介〕俺娘好口不應心也呵。

〔喬牌兒〕老夫人轉關兒沒定奪。啞謎兒怎猜破。黑閣落甜話兒將人和。請將來着人不快活。〔貼〕姐姐休怨別人。

〔清江引〕佳人自來多命薄。秀才每從來懦。悶殺沒頭鵝。撇下陪錢貨。若你不成親呵。下場頭那些兒發付我。

〔殿前歡〕〔旦〕恰纔個笑呵呵。都做了江州司馬泪痕多。若不是。一封書將半

萬賊兵破。俺一家兒怎得存活。他不想結姻緣想甚麼。到如今難捉摸。老夫人
謊到天來大。當日成也是恁個母親。今日敗也是恁個蕭何。

〔離亭宴帶歇拍煞〕從今後玉容寂寞梨花朵。胭脂淺淡櫻桃顆。這相思何時
是可。昏鄧鄧黑海來深。白茫茫陸地來厚。碧悠悠青天般闊。太行山般高仰望。
東洋海般深思渴。毒害的恁麼。俺娘呵。將顛巍巍雙頭花蕊搓。香馥馥縷帶同
心割。長攙攙連理瓊枝挫。白頭娘不負荷。青春女成擔閣。將俺那錦片也似前
程蹬脫。俺娘把甜句兒落空了他。虛名兒誤賺了我。〔下生〕小生醉也。告退。夫人跟前。

有一言以盡其意。未知可否。前者賊寇相迫。夫人言能退賊者。以鶯鶯妻之。小生挺身而出。作書與
杜將軍。星夜前來。得免夫人全家之禍。今日命小生赴宴。將謂喜慶有期。不知夫人何見。以兄妹之
禮相待。小生非爲舖啜而來。此事果若不諧。小生卽當告退。〔老〕先生縱有活我之恩。奈小女先相
國在日。曾許下老身姪兒鄭恆。卽日有書赴京喚去了。此子不日至此。其事將如之何。莫若多以金
帛相酬先生。另揀豪門貴宅之女。台意若何。〔生〕旣然夫人背盟。小生何慕金帛。卻不道書中有女

顏如玉。今日便索告辭。〔老〕你且住者。今日有酒了。紅娘扶將哥哥去書房中歇息。到明日暗別有話說。〔下貼扶生介〕有分只熬蕭寺夜。無緣難遇洞房春。〔貼〕張生少喫一盞卻不好。〔生〕我喫甚麼來。〔對貼云〕小生爲小姐晝夜忘餐廢寢。夢斷魂勞。常忽忽如有所失。自寺中一見。隔牆酬和。迎風帶月。受無限之苦楚。甫能得成就。不料夫人變了卦。使小生智竭思窮。此事幾時是了。小娘子。怎生可憐見小生。〔跪貼介〕將此意伸與小姐。使知小生之心。就小娘子前。解下腰間之帶。尋個自盡。可憐刺股懸梁志。竟作離鄉背井魂。〔貼〕街上好賤柴。燒你個傻角。你休慌。妾當與君謀之。〔生〕計將安在。小生當築壇拜將。〔貼〕妾見先生有囊琴一張。必善於此。俺小姐素耽于琴。今夕妾與小姐同至花園內燒夜香。但聽咳嗽爲令。先生試操一曲。待小姐聽得時。說些甚麼。卻將先生之言達知。若有些話。明日妾來回報。這早晚怕夫人尋我回去也。〔下生〕紅娘之言。深有意趣。天色晚也。月兒。你早些兒出麼。呀。卻早發擂也。呀。卻早撞鐘也。〔生做理琴介〕琴呵。小生與足下。湖海中相隨數年。今夜這一場大功。都在你這金徽玉軫。冰絃焦尾之上。天那。怎生借得一陣順風。將這琴聲吹入那小姐玉琢成粉捏。就知音俊俏耳朵兒裏去。

第八齣 鶯鶯聽琴

〔旦引貼上貼〕小姐。燒香去來。好明月也呵。〔旦〕事已無成。燒香何濟。月兒。你團圓呵。嗒。卻怎生。〔鬪鶻鶻〕雲斂晴空。冰輪乍湧。風掃殘紅。香階亂擁。離恨千端。閒愁萬種。夫人那。靡不有初。鮮克有終。他做了箇影兒的情郎。我做了箇畫兒裏的愛寵。

〔紫花兒序〕則落得心兒裏念想。口兒裏閒題。則索向夢兒中相逢。俺娘昨日個大開東閣。我則道怎生般炮鳳烹龍。朦朧。可教我翠袖殷勤捧玉鍾。卻不道主人情重。則爲那兄妹拼連。因此上魚水難同。〔貼〕姐姐。看今夜月暈。明日敢有風也。

〔旦〕風月天邊有人間好事無。

〔小桃紅〕人間看波。玉容深鎖繡幃中。怕有人搬弄。想嫦娥西沒東生有誰共。怨天宮。裴航不作遊仙夢。這雲似我羅幃數重。只恐怕嫦娥心動。因此上圍住廣寒宮。〔貼咳嗽生理琴介旦〕甚麼響。〔貼發科〕

〔天淨沙〕〔旦〕莫不是步搖得寶髻玲瓏。莫不是裙拖得環珮玎珰。莫不是鐵

馬兒簷前驟風。莫不是金鈎雙控。吉玳瑤敲響簾櫳。

〔調笑令〕莫不是梵王宮。夜撞鐘。莫不是疎竹瀟瀟曲檻中。莫不是牙尺剪刀聲相送。莫不是漏聲長滴響壺銅。潛身再聽在牆東。元來是近西廂誰理結絲桐。

〔禿廝兒〕其聲壯似鐵騎刀鎗冗冗。其聲幽似落花流水溶溶。其聲高似風清月朗鶴唳空。其聲低似聽兒女語小窗中。喁喁。

〔聖藥王〕他那裏思不窮。我這裏意已通。嬌鸞雛鳳失雌雄。他曲未終。我意轉濃。爭奈伯勞飛燕各西東。盡在不言中。我近書窗聽咱。〔貼〕姐姐。你這裏聽。我瞧夫人便

來。〔生〕窗外有人。一定是小姐。將絃改過彈一曲。就歌一篇名曰鳳求凰。昔日相如以此曲成事。我雖不及司馬相如。願小姐有文君之意。〔歌曰〕有美人兮。見之不忘。一日不見兮。思之如狂。鳳飛翔。翔兮。四海求凰。無奈佳人兮。不在東牆。張琴代語兮。聊寫微腸。何時見許兮。慰我徬徨。願言配德兮。攜手相將。不得于飛兮。使我淪亡。〔旦〕是彈得好也呵。其詞哀。其意切。淒淒然如鶴唳天。使妾聞之。

不覺泪下。

〔麻郎兒〕這的是令他人耳聰。訴自己情衷。知音者芳心自懂。感懷者斷腸悲痛。

〔么〕這一篇與本宮。始終不同。又不是清夜聞鐘。又不是黃鶴醉翁。又不是泣麟悲鳳。

〔絡絲娘〕一字字更長漏永。一聲聲衣寬帶鬆。別恨離愁變做一弄。張生呵。越教人知重。〔生〕夫人且做忘恩。小姐你也說謊呵。〔旦〕你差怨我也。

〔東原樂〕這的是俺娘的機變。非干是妾身脫空。若由得我呵。乞求得效鸞鳳。俺娘無夜無明。併女工。我若得些兒閒空。張生呵。怎教你無人處把妾身作誦。〔綿搭絮〕疎簾風細。幽室燈清。都則是一層紅紙。幾棍兒疎櫺。兀的不似隔着巫山幾萬重。怎得個人來信息通。便做道十二巫峯。他也曾赴高唐來夢中。

〔貼〕夫人尋小姐哩。快回去來。

〔拙魯速〕〔旦〕則見他走將來氣沖沖。怎不教人恨匆匆。謊得人來怕恐。早是不曾轉動。女孩兒家直恁響喉嚨。緊摩弄。索將他攔縱。則恐怕夫人行把我來廝葬送。〔貼〕姐姐。則管聽琴怎麼。張生着我對姐姐說。他回去也。〔旦〕好姐姐。你見他呵。是必再着他住一程兒。〔貼〕你留他有甚麼說。〔旦〕你去呵。

〔尾聲〕則說道夫人時下有些唧噥。好共歹不着你落空。休問俺口不應的狠毒娘。我則怕別離了志誠種。〔貼〕張生且耐心者。小姐留你再住一程兒。畢竟有箇好處。〔生〕無意謾勞終日想。有情誰怕隔年期。小生專待小娘子回話。

〔絡絲娘煞尾〕不爭惹恨牽情鬪引。少不得廢寢忘餐病證。

第九齣 錦字傳情

〔旦上〕自從昨夜聽琴後。更不復見張生。我今着紅娘去書院裏看他說甚麼。〔旦喚貼上〕姐姐喚我。有何事幹。〔旦〕這般身子不快呵。你怎麼不來看我。〔貼〕你想張。〔旦〕張甚麼。〔貼〕我張着姐姐哩。〔旦〕我有一件事央及你。〔貼〕甚麼事。〔旦〕你與我去望張生走一遭。看他說甚麼。你來回我話。

者〔貼〕我不去。夫人知道不是耍。〔旦〕好姐姐。我拜你兩拜。你與我走一遭。〔貼〕侍長請起。我去便了。說道張生你好生病重。則俺姐姐也不弱。只因午夜調琴手。引起春閨愛月心。

〔賞花時〕俺姐姐針線無心不待拈。脂粉香銷懶去添。春恨壓眉尖。若得靈犀一點。敢醫可了病懨懨。〔旦〕紅娘去了。看他回來說甚麼話。再做主意。〔下生上〕害殺小生也。自那夜弄琴之後。再不能勾見俺那小姐。我着長老說將去。道說張生好生病重。卻怎生又不見人看我。沒奈何。我且睡些兒咱。〔貼上〕奉小姐言語。着我看張生。須索走一遭。我想來。啗每一家。若非張生呵。怎存俺一家兒性命也。

〔點絳脣〕相國行祠。寄居蕭寺。因喪事。幼女孤兒。將欲從軍死。

〔混江龍〕謝張生伸志。一封書到便興師。顯得文章有用。足見天地無私。若不
是翦草除根半萬賊。險些兒滅門絕戶俺一家兒。鶯鶯君瑞許配雄雌。夫人失
信。推託別詞。將婚姻打滅。以口妹爲之。如今都費卻成親事。一個糊突胸中錦
繡。一個淚流溼臉上胭脂。

〔油葫蘆〕憔悴潘郎鬢有絲。杜韋娘不似舊時。一個帶圍寬清減了瘦腰肢。一個睡昏昏不待要觀經史。一個意懸懸懶去拈針指。一個絲桐上調弄出離恨譜。一個花牋上刪抹了斷腸詩。一個筆下寫幽情。一個絃上傳心事。兩下裏一樣害相思。

〔天下樂〕方信道才子佳人信有之。紅娘看時。到有些乖性兒。則怕有情人不遂心也似此。見他害的有些抹媚。我遭着沒三思。一納頭安排着憔悴死。卻早

來到書院裏。我把唾津兒潤破窗紙。看他在書房做甚麼。

〔村里迓鼓〕我將這紙窗兒溼破。悄聲兒窺視。多管是和衣兒睡起。羅衫上前襟褶裋。孤眠況味。淒涼情緒。無人伏侍。覷了他澀滯氣色。聽了他微弱聲息。看了他黃瘦臉兒。張生呵。你若不悶死。多應是害死。我且把門敲一聲。

〔元和令〕金釵敲門扇兒。〔生〕是誰。〔貼〕我是個散相思的五瘟使。俺小姐想着風清月朗夜深時。使紅娘來探你。〔生〕既然小娘子來。小姐必定有言語。〔貼〕俺小姐

至今胭粉未曾施。念到有一千番張殿試。〔生〕小姐既有見憐之心。小生有一簡。敢煩小娘子達知肺腑。〔貼〕只恐他反了面皮。

〔上馬嬌〕他若是見了這詩。看了這詞。他敢顛倒費神思。他拽扎起面皮。道這是誰的言語。你將來。這妮子怎敢胡行事。敢嗤嗤的捲做了紙條兒。〔生〕小生久後。多以金帛拜酬小娘子。

〔勝葫蘆〕〔貼〕哎。你個窮酸。俺沒意兒。賣弄你有家私。莫不我圖謀你東西來。到此。先生的錢物與紅娘做賞賜。非是我愛你的金貲。

〔么〕你看人似桃李春風牆外枝。又不比賣俏倚門兒。我雖是婆娘家有些三氣志。則合道可憐見小子。隻身獨自。恁的呵。顛倒有個尋思。〔生〕依着姐姐。可憐見小生隻身獨自。〔貼〕兀的是不也。你寫我與你將去。〔生寫介貼〕寫得好呵。讀與我聽。〔生讀介〕琪百拜。書奉鶯娘芳卿可人妝次。自別顏範。鴻稀鱗絕。悲愴不勝。孰料夫人以恩成怨。遂易前因。豈得不爲失信乎。使小生目視牆東。恨不得腋翅于妝臺左右。患成思竭。垂命有日。因紅娘至。聊奉數字。以表

寸心萬一有見憐之心。乞惠好音示下。庶幾可保殘喘。造次不恭。伏乞情恕。又成五言一首。錄呈于後。相思恨轉添。謾把瑤琴弄。樂事又逢春。芳心爾亦動。此情不可遲。虛譽何須奉。莫負月華明。且憐花影重。

〔后庭花〕〔貼〕我則道拂花箋打稿兒。元來是染霜毫不勾思。先寫下幾句寒溫序。後題着五言八句詩。不移時。把花箋錦字。疊做個同心方勝兒。忒風流忒煞思。忒聰明忒浪子。雖然是假意兒。小可的難到此。

〔青歌兒〕顛倒寫鴛鴦鴛鴦兩字。方信道在心在心爲志。看喜怒其間覷個意兒。放心波學士。我願爲之。並不推辭。自有言詞。則說道昨夜彈琴的那人兒。教傳示。這簡帖兒我與你將去。先生當以功名爲念。休墮了志氣者。

〔寄生草〕你將那偷香手。準備着折桂枝。休教那淫詞兒污了龍蛇字。藕絲兒縛定鴟鵬翅。黃鶯兒奪了鴻鵠志。休爲這翠幃錦帳一佳人。誤了你玉堂金馬三學士。〔生〕姐姐在意者。〔貼〕你放心。

〔尾聲〕沈約病多般。宋玉愁無一。清減了相思樣子。嚙眉眼傳情未了時。中心
日夜藏之。怎敢因而有美玉於斯。我須教有發落歸着這張紙。憑着我舌尖兒
上說詞。更和這簡帖兒裏心事。管教那人來探你一遭兒。〔下生〕小娘子將簡帖兒
去了。不是小牛說口。則是一道會親的符籙。他明日回話。必有個分曉。欲消心下恨。須索好音來。

〔下〕

第十齣 妝臺窺簡

〔旦上〕紅娘伏侍老夫人不得空便。偌早晚敢待來也。起得早了些兒。困思上來。我再睡些兒咱。
〔貼上〕奉小姐言語。去看張生。因伏侍夫人。未曾回小姐話去。不聽得聲音。敢又睡哩。我入去看一
遭。

〔粉蝶兒〕風靜簾閒。透紗窗麝蘭香散。啓朱扉搖響雙環。絳臺高。金荷小。銀缸
猶粲。將這暖帳輕彈。先揭起這梅紅羅軟簾。偷看。

〔醉春風〕則見他釵軀玉斜橫。髻偏雲亂挽。日高猶自不明眸。暢好是懶。懶。

〔旦起身嘆介貼〕半晌擡身。幾回搔耳。一聲長嘆。我待便將簡帖兒與他。恐俺小姐有許多假處哩。我則將這簡帖兒悄悄放在妝盒兒上。看他見了說甚麼。〔旦起見帖介〕

〔普天樂〕〔貼〕晚妝殘。烏雲髻。輕勻了粉臉。亂挽起雲鬟。將簡帖兒拈。把妝盒兒按。拆開封皮孜孜看。顛來倒去。不害心煩。〔下旦怒〕叫紅娘。〔貼慌上〕呀。決撒了也。

則見他厭的挖皺了黛眉。忽的低垂了粉頸。氲的呵改變了朱顏。〔旦〕小賤人。這東西那裏將來的。我是相國的小姐。誰敢將這簡帖兒來戲弄我。我幾曾慣看這等東西。告過夫人。打下你個小賤人下截來。〔貼〕小姐使我去。他着我將來。我又不識字。知他寫着甚麼。

〔快活三〕分明是你過犯。沒來由把我摧殘。使別人顛倒惡心煩。你不慣誰會慣。姐姐休鬧。比及你對夫人說呵。我將這簡帖。去夫人行先出首來。〔旦扯住介〕我逗你要來。〔貼〕放手。看打下下截來。〔旦〕紅娘。張生近日如何。〔貼背介〕我則不說。〔旦〕好姐姐。你說我聽咱。

〔朝天子〕〔貼〕張生近間。面顏瘦得來實難看。不思量茶飯。怕見動憚。曉夜將佳期盼。廢寢忘餐。黃昏清旦。望東牆淹泪眼。〔旦〕喚個好太醫看他症候咱。〔貼〕他證候

喫藥不濟。病患要安。則除是出幾點風流汗。

〔四邊靜〕怕人家調犯。若早共晚。夫人見些破綻。你我何安。問甚麼遭危難。噤攔斷得上竿。掇了梯兒看。〔旦〕紅娘。不看你面呵。我將與夫人看。他有甚麼面顏見夫人。雖然我着你看他。只是兄妹之情。焉有外事。紅娘。早是你口穩哩。若別人知呵。甚麼模樣。將紙筆過來。我寫將去回他。着他下次休是這般。〔作寫介〕紅娘。你將去說。小姐看望先生。兄妹之禮如此。非有他意。若再是這般呵。必告知夫人。和你小賤人都有話說。〔擲書下貼拾書作怒指旦介〕

〔脫布衫〕小孩兒家口沒遮攔。一味的言語摧殘。把似你使性子。休思量那秀才。做多少好人家風範。

〔小梁州〕他爲你夢裏成雙覺後單。廢寢忘餐。羅衣不奈五更寒。愁無限。寂寞
泪闌干。

〔么〕似這等辰勾空把佳期盼。我將這角門兒世不曾牢拴。則願你做夫妻無
危難。我向筵席頭上整扮。做一個縫了口的撮合山。我如今欲待不去。又道我違拗他。

那生又等我回話。須索走一遭也。〔下生上〕那書倩紅娘將去。未見回話。我這封書去。必定成事。這早晚敢待來也。〔貼上〕須索回張生話去。小姐。你性兒忒慣的嬌了。既有前日的心。那得今日的心來。

〔石榴花〕當日個晚妝樓上杏花殘。猶自怯衣單。那一片聽琴心。清露月明間。昨日個向晚。不怕春寒。幾乎險被先生賺。那其間豈不胡顏。爲一個不酸不醋風魔漢。隔牆兒險化做望夫山。

〔鬪鷓鴣〕你用心兒撥雨撩雲。我好意見與他傳書寄簡。不肯搜自己狂爲。則待要覓別人破綻。受艾焙權時忍這番。暢好是奸。道張生是兄妹之禮。焉敢如此。對人前巧語花言。背地裏愁眉泪眼。〔見生介生〕小娘子來了。擎天柱大事如何。〔貼〕不濟事了。先生休傻。〔生〕小生簡帖兒。是一道會親的符籙。則是小娘子不肯用心。故意如此。〔貼〕我不用心有天哩。你那簡帖兒到好聽。

〔上小樓〕這的是先生命慳。須不是紅娘違慢。那簡帖兒到做了你的招狀。他

的勾頭。我的公案。若不覷面顏。廝顧盼。擔饒輕慢。先生受罪。禮之當然。我爲甚來。爭些兒把紅娘拖犯。〔生〕小姐幾時能勾一面。

〔么〕〔貼〕從今後相會少。見面難。月暗西廂。鳳去秦樓。雲斂巫山。你也越。我也越。請先生休訕。早尋個酒闌人散。再不必多說。怕夫人尋我回去也。〔生〕小娘子此一遭去。更着誰與小生分割肺腑。必索做個道理。方可救得小生一命。〔跪扯住貼介貼〕張生。你是讀書人。豈不知此意。

〔滿庭芳〕你休要呆里撒奸。你待要恩情美滿。卻教我骨肉摧殘。老夫人手執着棍兒摩娑看。粗麻線怎透得針關。直待我挂着拐幫閒鑽懶。縫合唇送煖偷寒。待去呵。小姐性兒撮鹽入火。消息兒踏着泛。待不去呵。〔生跪哭介〕小生這一個性命都在小娘子身上。〔貼〕禁不得你甜話兒熱趲。好教我兩下裏做人難。我沒由分說。小姐回與你的書。你自看者。〔生接書開讀介〕呀。有這場喜事。早知小姐簡至。理合遠接。接待不及。勿令見罪。小娘子和你也歡喜。〔貼〕怎麼。〔生〕小姐怪我都是假。書中之意。着我今夜花園裏來。和他哩也。

波哩也囉哩。〔貼〕你讀與我聽。〔生讀介〕待月西廂下。迎風戶半開。拂牆花影動。疑是玉人來。〔貼〕怎見得他着你來。你解與我聽。〔生〕待月西廂下。教我月下來。迎風戶半開。是門欲開未開。拂牆花影動。疑是玉人來。着我跳過牆來。〔貼〕張生。你做下來。端的有此話麼。〔生〕我是猜詩謎的杜家。風流隋何。浪子陸賈。我那裏有差的勾當。〔貼〕你看姐姐在我行也使謊呵。

〔耍孩兒〕幾曾見寄書的。瞞着魚雁。小則小心腸兒轉關。寫着道西廂待月等得。更闌。着你跳過東牆。女字邊干。元來那詩句兒裏。包籠着三更棗。簡帖兒裏埋伏着九里山。着緊處將人慢。您會雲雨的。鬧中取靜。我寄音書的。忙裏偷閒。〔四煞〕紙光明玉板。字香噴麝蘭。行兒邊湮透的。非春汗。一緘情。泪紅猶溼。滿紙春心墨未乾。從今後休疑難。放心你玉堂學士。穩倩取金雀丫鬟。

〔三煞〕他人行別樣親。俺跟前取次看。便做道孟光接了梁鴻案。別人行甜言美語。三冬暖。我跟前惡語傷人。六月寒。我回頭兒看看你。離魂倩女。怎發付擲果潘安。〔生〕小生自小讀書的人。怎跳得那花園過。

〔二煞〕〔貼〕隔牆花又低。迎風戶半拴。偷香手段今番按。怕牆高怎把龍門跳。嫌花密難將仙桂攀。放心去休辭憚。你若不去呵。望穿他盈盈秋水。蹙損了淡淡春山。〔生〕小生曾到花園。已經兩遭。不曾得些好處。這一遭知他又如何。〔貼〕如今既有這詩。不比往常了。

〔尾聲〕你須是去兩遭。我敢道不如這番。隔牆酬和都胡侃。證果的是今番這一簡。〔下生〕萬事自有分定。誰想小姐有此一場好處。小生是猜詩謎的杜家。風流隋何。浪子陸賈。到那裏挖扎幫便倒地。今日頹天百般的難得晚。天。你有萬物於人。何故爭此一日。疾下去者。讀書。繼晷怕黃昏。不覺西沈強掩門。欲赴海棠花下約。太陽何苦又生根。呀。纔晌午也。再等一等。今日百般的難得下去也呵。碧天萬里無雲。空勞倦客身心。恨殺太陽貪戰。不覺紅日西沈。呀。卻早到西也。再等一等。無端三足鳥。團團光燦燦。安得后羿弓。射此一輪落。謝天地。卻早日下去也。卻早發插也。呀。卻早撞鐘也。拽上書房門。到得那裏。手挽着垂楊。滴溜撲刺跳過牆去。〔下〕

第十一齣 乘夜踰牆

〔貼上〕今日小姐着我寄書與張生。當面佻多般意兒。元來詩內暗約着他來。小姐既不對我說。我也不說破他。則請他燒香。今夜晚妝呵。比每日覺別。我看他到其間。怎的瞞我。〔叫旦介〕姐姐。俺燒香去來。〔旦上〕花香重疊和風細。庭院無人淡月明。〔貼〕姐姐。今夜月朗風清。好一派景致也呵。

〔新水令〕晚風寒峭透窗紗。控金鈎繡簾不挂。門闌凝暮靄。樓閣斂殘霞。恰對菱花樓上晚妝罷。

〔駐馬聽〕不近喧譁。嫩綠池塘藏睡鴨。自然幽雅。淡黃楊柳帶棲鴉。金蓮蹴損牡丹芽。玉簪抓住茶蘼架。夜涼苔徑滑。露珠兒溼透了淩波襪。我看那生。巴不得到晚。

〔喬牌兒〕自從那日初出時。想月華。捱一刻似一夏。柳梢斜日遲遲下。好教賢聖打俺那小姐呵。

〔攪箏琶〕打扮的身子兒乍。準備着雲雨會巫峽。只爲這燕侶鶯儔鎖不住心猿意馬。俺那小姐害那生水米不黏牙。因姐姐閉月羞花。真假。這其間性兒難按。

納。一地裏胡拿。姐姐。這湖山下立地。我開了寺裏角門兒。怕有人聽俺說話。我且看一看來。
〔介〕 借早晚優角卻不來。赫赫赤赤來。
〔生上〕 這其間正好去也。
〔貼〕 那鳥來了。

〔沈醉東風〕 我則道槐影風搖暮鴉。元來是玉人帽側烏紗。一個潛身在曲檻邊。一個背立在湖山下。那裏敍寒溫。並不曾打話。
〔生〕 小姐。你來也。
〔摟住貼介貼〕 禽獸。是我。你看得仔細着。若是老夫人怎了。
〔生〕 小生害得眼花繚亂。摟得慌了些兒。望乞恕罪。
〔貼〕 便做道摟得慌呵。你也索覷咱。多管是餓得你個窮酸眼花。
〔生〕 小姐在那裏。
〔貼〕 在湖山下。我問你咱。真個着你來哩。
〔生〕 小生猜詩謎杜家。風流隋何。浪子陸賈。准定挖扎幫便倒地。
〔貼〕 你休從門裏去。則道我使你來。你跳過這牆去。今夜這一弄兒。助你兩個成親。我說與你。你依着我者。

〔喬牌兒〕 你看那淡雲籠月華。似紅紙護銀蠟。柳絲花朵垂簾下。綠莎茵鋪着繡榻。

〔甜水令〕 良夜迢迢。閒庭寂靜。花枝低亞。他是個女孩兒家。你索將性兒溫存。

話兒摩弄。意兒浹洽。休猜做敗柳殘花。

〔折桂令〕他是個嬌滴滴美玉無瑕。粉臉生春。雲鬢堆鴉。恁的般受怕擔驚。又不圖甚浪酒閒茶。則你那夾被兒時當奮發。指頭兒告了消乏。打疊起嗟呀。畢罷了牽挂。收拾了憂愁。準備着撐達。〔生跳牆介旦〕是誰。〔生〕是小生。〔旦怒介〕張生。你是何等之人。我在這裏燒香。你無故至此。若夫人聞知。有何理說。〔生〕呀。變了卦也。

〔錦上花〕〔貼〕爲甚媒人心無驚怕。赤緊的夫妻每意不爭差。我這裏躡足潛蹤。悄悄地聽咱。一個羞慚。一個怒發。

〔么〕張生無一言。鶯鶯變了卦。一個悄悄冥冥。一個絮絮答答。卻早禁住隋何。迸住陸賈。叉手躬身。妝聾做啞。〔貼〕張生背地裏嘴那裏去了。向前摟住丟番。告到官司。怕羞了你。

〔清江引〕沒人處則會閒嗑牙。就裏空奸詐。怎想湖山邊。不記西廂下。香美娘處分破花木瓜。〔旦〕紅娘。有賊。〔貼〕是誰。〔生〕是小生。〔貼〕張生。你來這裏有甚麼勾當。〔旦〕搯

到夫人那裏去。〔貼〕到夫人那裏。恐壞了他行止。我與姐姐處分他一場。張生。你過來跪着。你既讀孔聖之書。必達周公之禮。夤夜來此何幹。

〔雁兒落〕不是俺一家兒喬作衙。說幾句知情話。我則道你文學海樣深。誰知你色膽天來大。張生。你知罪麼。〔生〕小生不知罪。

〔得勝令〕〔貼〕誰着你夤夜入人家。非姦做賊拿。你本是個折桂客。做了偷花漢。不想跳龍門學騙馬。姐姐。且看紅娘面。饒過這生者。〔旦〕若不看紅娘面。扯你到夫人那裏

去。看你有無面目見江東父老。起來罷。〔貼〕謝姐姐賢達。看我面遂情罷。若到官司詳察。你既是秀才。只合苦志于寒窗之下。誰教你夤夜入人家花園。做得個非姦卽盜。先生呵。準備着精皮膚喫頓打。〔旦〕張生雖有活命之恩。恩則當報。既爲兄妹。何生此心。萬一夫人知之。先生何以自安。今後再勿如此。若更爲之。與足下決不干休。〔下生背云〕你着我來。卻怎麼有偌多說話。〔貼扳過生云〕羞也。羞也。怎不風流隋何。浪子陸賈。

〔離亭宴帶歇拍煞〕再休題春宵一刻千金價。準備着寒窗更守十年寡。猜詩

謎的杜家。忒拍了迎風戶半開。山瘴了隔牆花影動。綠慘了待月月西廂下。你將何郎傅粉搽。他自把張敞眉兒畫。強風情措大。晴乾了尤雲殢雨心。悔過了竊玉偷香膽。刪抹了倚翠偎紅話。〔生〕小生再寫一簡。煩小娘子將去。以盡衷情如何。〔貼〕淫詞兒早則休。簡帖兒從今罷。尙兀自參不透風流調法。從今悔非波卓文君。你與我學去波漢司馬。〔下生〕你這小姐送了人也。此一念小生再不敢舉。奈病體日篤。將如之奈何。夜來得簡方喜。今日強扶至此。又值這一場怨氣。眼見得休也。則索回書房中納悶去。桂子閒中客。槐花病裏看。

第十二齣 倩紅問病

〔老上〕早間長老使人來說。張生病重。我着長老使人請個太醫去看了。一壁道與紅娘看去者。再問太醫下甚麼藥。證候如何。便來回話。〔下貼上〕老夫人說張生病重。卻怎知昨夜喫我那一場氣。越重了。小姐呵。你送了人也。〔下旦上〕我寫一簡。則說是藥方。着紅娘將去與他。證候自可。〔喚貼介貼上〕姐姐喚紅娘怎麼。〔旦〕聞張生病重。我有一個好藥方兒。與我將去咱。〔貼〕又來了。娘呵。

休送了人的性命。〔旦〕好姐姐。救人一命。將去咱。〔貼〕不是你。一世也救他不得。如今老夫人使我去哩。我就與你將去走一遭。〔下旦〕紅娘去了。我繡房裏等他回話。〔下生上〕自從昨夜花園中喫了這一場氣。正投着舊證候。眼見得休了也。老夫人說着長老喚太醫來看我。我這證候。非是太醫所治的。則除是那小姐美甘甘香噴噴涼滲滲嬌滴滴一點唾津兒嚥下去。這病便可。〔法本同太醫診脈下藥介本〕用了藥了。我回夫人話去。少刻再來相望。〔下貼上〕俺小姐送得人如此。又着我去動問。送藥方兒去。越着他病沈了也。我索走一遭。異鄉易得離愁病。妙藥難醫腸斷人。

〔鬪鶴鶉〕則爲你彩筆題詩。回文織錦。送得人臥枕着牀。忘餐廢寢。折倒得鬢似愁潘。腰如病沈。恨已深。病已沈。昨夜個熱臉兒對面搶白。今日個冷句兒將人廝侵。昨夜這般搶白他。

〔紫花兒序〕把似你休倚着權門兒待月。依着韻脚兒聯詩。側着耳朵兒聽琴。見了他。撇假借多話。張生。我與你兄妹之禮。甚麼勾當。怒時節把一個書生來迭嗽。歡時節。紅娘。好姐姐。去望他一遭。將一個侍妾來逼臨。難禁。好教我似線脚兒般殷勤不

離了針。從今後教他一任。這也是俺老夫人的不是。將人的義海恩山。都做了遠水遙岑。〔見生介〕哥哥病體若何。〔生〕害殺小生也。我若是死呵。小娘子。閻王殿前。少不得你做個干連人。〔貼歎介〕普天下害相思的。不似你這傻角。

〔天淨沙〕心不存學海文林。夢不離柳影花陰。則去那竊玉偷香上用心。又不曾得甚。自從海棠開。想到如今。因甚的便病得這般了。〔生〕都因你行說的謊。回到書房。一氣一個死。小生救了人。返被害了。自古云。癡心女子負心漢。今日反其事了。

〔調笑令〕〔生〕我這裏自審。這病爲邪淫。尸骨崑崑鬼病侵。更做道秀才每。從來恁似這般。干相思的好撒吞。功名上早則不遂心。婚姻上更返吟復吟。〔貼〕

老夫人着我來看哥哥。要甚麼湯藥。小姐再三伸意。有一藥方送來與先生。〔生作慌介〕在那裏。〔貼〕用着幾般兒生藥。各有制度。我說與聽咱。

〔小桃紅〕桂花搖影夜深沈。酸醋當歸浸。〔生〕桂花性溫。當歸活血。怎生制度。〔貼〕面靠着湖山背陰裏。這方兒最難尋。一服兩服令人恁。〔生〕忌甚麼物。〔貼〕忌的是

知母未寢。怕的是紅娘撒心。喫了呵。穩倩取使君子一星兒參。這藥方兒小姐親

筆寫的。〔生看藥方大笑介云〕早知姐姐書來。只合遠接。
〔貼〕又怎麼。卻早兩遭兒也。
〔生〕不知這首詩意。小姐待和小生里也波哩。
〔貼〕不要又差了一些兒也。

〔鬼三台〕足下其實咻。佯妝啞。笑你個風魔的翰林。無處問佳音。向簡帖兒上計稟。得了個紙條兒。恁般綿裏針。若見玉天仙。怎生軟廝禁。俺那小姐忘恩。赤緊的。儂人負心。書上如何說。你讀與我聽咱。
〔生讀介〕休將閒事苦縈懷。取次摧殘天賦才。不意

當時完妾行。豈防今日作君災。仰酬厚德難從禮。謹奉新詩可當媒。寄與高唐休詠賦。明宵端的雨雲來。此詩非前日之比。小姐必來。
〔貼〕他來呵。看你怎生發付。

〔秃廝兒〕身臥着一條布衾。頭枕着三尺瑤琴。他來時。怎生和你一處寢。凍得來戰戰兢兢。說甚知音。

〔聖藥王〕果若你有心。他有心。昨日鞦韆院。夜深沈。花有陰。月有陰。春宵一刻抵千金。何須詩對會家吟。
〔生〕小生有花銀一錠。有鋪蓋。曾與小生一副。

〔東原樂〕〔貼〕俺那鴛鴦枕。翡翠衾。便遂殺人心如何肯賃。至如你不脫解和衣兒更怕甚。不强如手執定指尖兒恁。倘或成親到大來福蔭。〔生〕小生爲小姐

如此瘦顏。莫不小姐爲小生也減些丰韻麼。

〔綿搭絮〕〔貼〕他眉黛遠山鋪翠。眼橫秋水無塵。體若凝酥。腰如嫩柳。俊的是龐兒俏的是心。體態溫柔性格兒沈。雖不會法灸神針。猶勝似救苦難觀世音。

〔生〕今夜成就了呵。小子不敢有忘。

〔么〕〔貼〕口兒裏慢沈吟。夢兒裏苦追尋。往事已沈。只言目今。今夜相逢管教你恁。我不圖你白璧黃金。則要你滿頭花拖地錦。〔生〕只怕夫人拘繫。不能勾出來。

〔貼〕則怕姐姐不肯。果有意呵。

〔收尾〕雖然是老夫人曉夜將門禁。好共歹須教你稱心。〔生〕休似昨夜。〔貼〕你掙揣咱。來時節肯不肯。怎由他。見時節親不親。盡在恁。

〔絡絲娘煞尾〕因今宵傳言送語。看明日攜雲握雨。

第十三齣 月下佳期

〔旦上〕昨夜紅娘傳簡去與張生。約今夕與他相見。等紅娘來。做個商量。〔貼上〕姐姐着我送簡與張生。許他今宵赴約。俺那小姐。我怕你又說謊呵。送了人性命。不是耍處。我且見小姐。看他說甚麼。〔旦〕紅娘收拾臥房。我睡去。〔貼〕不爭你要睡呵。那裏發付那生。〔旦〕甚麼那生。〔貼〕姐姐。你又來也。送了人性命。不是耍處。你若又番悔。我出首與夫人。你着我將簡帖兒約下來。〔旦〕這小賤人到會放刁。羞人答答的怎生去。〔貼〕有甚麼羞。到那裏則合着眼者。〔作催介〕去來。去來。老夫人睡了也。〔旦走貼笑介〕俺姐姐語言雖是強。脚步兒早先行了也。

〔端正好〕因姐姐玉精神。花模樣。無倒斷。曉夜思量。着一片志誠心。蓋抹了漫天謊。出畫閣。向書房。離楚岫。赴高唐。學竊玉。試偷香。巫娥女。楚襄王。楚襄王敢先在陽臺上。〔下生上〕昨夜紅娘所遺之簡。約小生今夜成就。自日出熬到如今。卻早初更盡也。不見來呵。小姐休說謊咱。人間良夜靜不靜。天上美人來不來。

〔點絳脣〕佇立閒階。夜深香霧橫金界。瀟灑書齋。悶殺讀書客。

〔混江龍〕彩雲何在。月明如水浸樓臺。僧居禪室。鴉噪庭槐。風弄竹聲則道是金珮響。月移花影疑是玉人來。意懸懸業眼。急穰穰情懷。身心一片無處安排。則索呆打孩倚定門兒待。越越的青鸞信杳。黃犬音乖。
小生一日十二時無一刻放

下小姐。你那裏知道呵。

〔油葫蘆〕情思昏昏眼倦開。單枕側。夢魂飛入楚陽臺。早知道無明無夜因他害。想當初不如不遇傾城色。人有過必自責。勿憚改。我欲待賢賢易色將心戒。怎禁他兜的上心來。

〔天下樂〕我則索倚定門兒手托腮。好着我難猜。來也那不來。夫人行料應難離側。望得人眼欲穿。想得人心欲窄。多管是冤家不自在。偌早晚不來。莫不又是謊麼。

〔那吒令〕他若是肯來。早離了貴宅。他若是到來。便春生敝齋。他若是不來。似石沈大海。數着他脚步兒行。倚定窗櫺兒待。寄語多才。

〔鵲踏枝〕恁的般惡搶白。並不曾記心懷。撥得個意轉心回。夜去明來。空調眼色。經今半載。這其間委實難捱。小姐這一番若不來呵。

〔寄生草〕安排着害。準備着擡。想着這異鄉身強把茶湯捱。則爲這可憎才熬得心腸耐。辦一片志誠心留得形骸在。試着那司天臺打算半年愁。端的是太平車約有十餘載。〔貼上〕姐姐。我過去。你在這裏。〔敲門介生〕是誰。〔貼〕是你前世的娘。〔生〕小

姐來麼。〔貼〕你接了衾枕者。小姐到來了。張生。你怎麼樣謝我。〔生拜介〕小生一言難盡。寸心相報。惟天可表。〔貼〕你放輕者。休謊了他。〔貼推旦介〕姐姐。你入去。我在門外兒等着你。〔生見旦跪迎介〕張琪有何德能。有勞神仙下降。知他是睡裏夢裏。

〔村里逐鼓〕猛見他可憎模樣。小生那裏得病來。早醫可九分不快。先前見責。誰承望今宵歡愛。着小姐這般用心。不才張琪。合當跪拜。小生無宋玉般容。潘安般貌。子建般才。姐姐。你則是可憐見。爲人在客。〔挨着旦坐介〕

〔元和令〕〔生〕繡鞋兒剛半折。柳腰兒恰一擗。羞答答不肯把頭擡。只將鴛枕

捱雲鬟彷彿墜金釵。偏宜鬢髻兒歪。

〔上馬嬌〕我將這鈕扣兒鬆。縷帶兒解。蘭麝散幽齋。不良會把人禁害。哈。怎不肯回過臉兒來。

〔勝葫蘆〕我這裏軟玉溫香抱滿懷。呀。劉阮到天台。春至人間花弄色。將柳腰款擺。花心輕折。露滴牡丹開。

〔么〕但蘸着些兒麻上來。魚水得和諧。嫩蕊嬌香蝶恣採。半推半就。又驚又愛。檀口搵香腮。〔跪介〕謝小姐不棄張琪。今夕得就枕席。異日犬馬之報。〔旦〕妾千金之軀。一旦託

於足下。勿以他日見棄。使妾有白頭之歎。〔生〕小生焉敢如此。〔看帕介〕

〔后庭花〕春羅元瑩白。早見紅香點嫩色。〔旦〕羞人答答的。看做甚麼。〔生〕燈下偷睛覷。胸前着肉揣。暢奇哉。渾身通泰。不知春從何處來。無能的張秀才。孤身西洛客。自從逢稔色。思量的不下懷。憂愁因間隔。相思無擺劃。謝芳卿不見責。

〔柳葉兒〕我將你做心肝兒般看待。點污了小姐清白。忘餐廢寢舒心害。若不

是真心耐。志誠捱。怎能勾這相思苦盡甘來。

〔青歌兒〕成就了今宵今宵懽愛。魂飛在九霄九霄雲外。投至得見你個多情小姝姝。憔悴形骸。瘦似麻穉。今夜和諧。猶自疑猜。露滴香埃。風靜閒階。月射書齋。雲鎖陽臺。審問明白。只疑是昨夜夢中來。愁無奈。〔旦〕我回去也。怕夫人覺來尋我。

〔生〕我送小姐去來。

〔寄生草〕多丰韻。忒稔色。乍時相見教人害。霎時不見教人怪。些兒得見教人愛。今宵同會碧紗廚。何時重解香羅帶。〔貼〕來拜你娘。〔生笑介貼〕張生。你喜也。姐姐。啗

家去來。

〔煞尾〕〔生〕春意透酥胸。春色橫眉黛。賤卻人間玉帛。杏臉桃腮。襯着月色。嬌滴滴越顯紅白。下香街。懶步蒼苔。動人處。弓鞋鳳頭窄。嘆鰕生不才。謝多嬌錯愛。若小姐不棄小生。你是必破工夫明夜早些來。〔下〕

第十四齣 堂前巧辯

〔老引歡郎上〕這幾日竊見鶯鶯語言恍惚。顏色倍加。腰肢體態。比向日不同。莫不做下些事來。
〔歡〕前日晚夕。奶奶睡了。我見姐姐和紅娘燒香。半晌不回來。我家去睡了。〔老〕這樁事都在紅娘身上。喚紅娘來。〔歡叫紅介貼上〕哥哥喚我怎麼。〔歡〕奶奶知道你和姐姐去花園裏去。如今要打
着問你哩。〔貼〕呀。小姐帶累我也。小哥哥。你先去。我便來也。〔對旦云〕姐姐。事發了也。老夫人喚我
哩。卻怎了。〔旦〕好姐姐遮蓋咱。〔貼〕娘呵。你做得隱秀者。我道你做下來也。〔旦〕月圓便有陰雲蔽。
花發須教急雨催。

〔鬪鶻鶻〕〔貼〕則着你夜去明來。到有個天長地久。不爭你握雨攜雲。常使我
提心在口。則合你帶月披星。誰着你停眠整宿。老夫人心教多。情性懶。使不着
我巧語花言。將沒作有。

〔紫花兒序〕老夫人猜那窮酸做了新婿。小姐做了嬌妻。只小賤人做了牽頭。
俺小姐這些時。春山低翠。秋水凝眸。別樣的都休。試把你裙帶兒拴。紐門兒扣。
比着你舊時肥瘦。出落的精神。別樣的風流。〔旦〕紅娘。你到那裏。小心回話者。〔貼〕我若

到夫人處。必問這小賤人。

〔金蕉葉〕我着你但去處行監坐守。誰着你迤逗的胡行亂走。若問着此一節呵如何訴休。你便索與他個知情的犯由。姐姐。你受責理當。我圖甚麼來。

〔調笑令〕你繡幃裏效綢繆。倒鳳顛鸞百事有。我卻在窗兒外幾曾敢輕咳嗽。立蒼苔將繡鞋兒湮透。今日個嫩皮膚到將粗棍抽。姐姐呵。俺這通殷勤的着甚來由。姐姐在這裏等着。我過去說得過呵。休歡喜。說不過。休煩惱。〔見老介老〕小賤人爲甚麼不跪下。你知罪麼。〔貼〕紅娘不知罪。〔跪介老〕你還自口強哩。若實說呵。饒你。若不實說呵。我直打死你個賤人。誰着你和小姐半夜花園裏去來。〔貼〕不會去。誰見來。〔老〕歡郎見你們去來。尙兀自推哩。〔打介貼〕夫人休閃了手。且息怒停噴。聽紅娘說。

〔鬼二台〕夜坐時停了針繡。共姐姐閒窮究。說張生哥哥病久。嗜兩個背着夫人向書房裏問候。〔老〕問候呵。他說甚麼。〔貼〕他說道夫人事已休。將恩變爲讎。着小生半途喜變做憂。他道紅娘你且先行。教小姐權時落後。〔老〕他是女孩兒家。着他

落後怎麼。

〔禿廝兒〕〔貼〕我則道神鍼法灸。誰承望燕侶鶯儔。他兩個經今月餘。則是一處宿。何須一一問緣由。

〔聖藥王〕他每不識憂。不識愁。一雙心意兩相投。夫人得好休。便好休。這其間何必苦追求。常言道女大不終留。〔老〕這樁事都是你個賤人。〔貼〕非是紅娘之罪。亦非張生小姐之罪。乃夫人之過也。〔老〕這賤人到指下我來。怎麼是我之過。〔貼〕信者人之根本。人而無信。不知其可也。大車無輓。小車無軌。其何以行之哉。當日軍圍普救。夫人所許。退軍者以女妻之。張生非慕小姐顏色。豈肯建退軍之策。兵退身安。夫人悔卻前言。豈得不爲失信乎。旣然不肯成其事。只合酬之以金帛。令張生捨此而去。卻不當留請張生於書院。使怨女曠夫。各相窺視。所以有此一端。目下老夫人若不息其事。一來辱沒相國家譜。二來張生日後名望不輕。施恩于人。忍令反受其辱。便至官司。夫人亦得治家不嚴之罪。官司若推其詳。亦知老夫人背義忘恩。豈得爲賢哉。紅娘不敢自專。伏望夫人台鑒。莫若恕其小過。成就大事。擱之以去其污。豈不爲長便乎。

〔麻郎兒〕秀才是文章魁首。姐姐是仕女班頭。一個通徹三教九流。一個曉盡描鸞刺繡。

〔么〕世有便休罷手。大恩人怎做敵頭。啓白馬將軍故友。斬飛虎叛賊草寇。

〔絡絲娘〕不爭和張解元參辰卯酉。便是與崔相國出乖露醜。到底干連着自己骨肉。夫人索窮究。〔老〕這小賤人也道得是。我不合養了這個不肖之女。待經官呵。玷辱家門。

罷罷。俺家無犯法之男。再婚之女。與了這廝罷。紅娘喚那賤人來。〔貼叫旦介〕且喜那棍子兒滴溜溜在我身上。喫我直說過了。我也怕不得許多。如今喚你去成合親事哩。〔旦〕羞人答答的。怎麼見得夫人。〔貼〕娘跟前有甚麼羞。

〔小桃紅〕當夜個月明纔上柳梢頭。卻早人約黃昏後。羞的我腦背後將牙兒襯着衫兒袖。猛凝眸。看時節則見鞋底尖兒瘦。一個恁情的不休。一個啞聲兒廝齣。那其間可怎生不害半星兒羞。〔旦見老介老〕鶯鶯。我怎生擡舉你來。今日做下

這等的勾當。則是我的孽障。待怨誰來。我待經官來。辱沒了你父親。這等事。不是俺相國人家有的。

罷罷罷。誰似俺養女的不氣殺也。紅娘。書房裏喚將那禽獸來。〔貼喚生介〕小娘子喚小生做甚麼。〔貼〕你的事發了也。如今老夫人喚你。將小姐配與你哩。小姐先招了也。你過去。〔生〕小生惶恐。如何見得老夫人。誰在老夫人行說來。〔貼〕你休伴小心。過去便了。

〔小桃紅〕既然泄漏怎干休。是我先投首。俺家裏陪酒陪茶到攔就。你休愁。何須約定通媒媾。我拚了個部署不收。你元來苗而不秀。你是個銀樣蠟槍頭。

〔生見老介老〕好秀才呵。豈不聞非先王之德行不敢行。我待送你官司裏去來。恐辱沒了俺家譜。我如今將鶯鶯與你爲妻。則是俺三輩兒不招白衣女婿。你明日便上朝取應去。我與你養着媳婦。得官呵來見我。駁落呵休來見我。〔貼〕張生早則喜也。

〔東原樂〕相思事一筆勾。早則展放從前眉兒皺。美愛幽歡恰動頭。既能殼。張生你覷。兀的般可喜娘龐兒。要人消受。〔老〕明日收拾行裝。安排酒果。請長老一同送張生到十里長亭去。〔下旦〕寄語西河堤畔柳。安排青眼送行人。

〔收尾〕〔貼〕來時節畫堂簫鼓鳴春晝。列着一對兒鸞交鳳友。那其間纔受你

說媒紅方喫你謝親酒〔下〕

第十五齣 長亭送別

〔老法本上〕今日送張生赴京。就十里長亭安排下筵席。我和長老先行。不見張生小姐來到。〔旦生貼同上旦〕今日送張生上朝取應。早則離人傷感。況值着暮秋天氣。好煩惱人也呵。悲歎聚散一盃酒。南北東西萬里程。

〔端正好〕碧雲天。黃花地。西風緊。北雁南飛。曉來誰染霜林醉。總是離人泪。

〔滾繡毬〕恨相見得遲。怨歸去得疾。柳絲長。玉驄難繫。恨不得倩疎林挂住斜暉。馬兒迤迤行。車兒快快隨。卻告了相思迴避。破題兒又早別離。聽得一聲去也。鬆了金釧。遙望見十里長亭減了玉肌。此恨誰知。〔貼〕姐姐。今日怎麼不打扮。〔旦〕紅娘呵。你那知我的心哩。

〔叨叨令〕見安排着車兒馬兒。不由人熬熬煎煎的氣。有甚心情花兒靨兒。打扮的嬌嬌滴滴媚。準備着被兒枕兒。則索昏昏沈沈的睡。從今後衫兒袖兒都

搵做重重疊疊的泪。兀的不悶殺人也麼歌。兀的不悶殺人也麼歌。今已後書兒信兒。索與我恹恹惶惶的寄。〔同至長亭見老介老〕張生和長老坐。小姐這壁坐。紅娘將

酒來。張生。你向前來。是自家人。不要迴避。此行努力。掙揣一個狀元回來。休得辜負了俺孩兒。〔生〕小生託夫人餘廕。憑着我胸中之才。覬官如拾芥耳。〔本〕夫人主張不差。張先生不是落後的人。

〔把酒坐介旦長吁介〕

〔脫布衫〕〔旦〕下西風黃葉紛飛。染寒烟衰草萋迷。酒席上斜簽着坐的。蹙愁眉死臨侵地。

〔小梁州〕〔生〕我見他閣泪汪汪不敢垂。恐怕人知。猛然見了把頭低。長吁氣。推整素羅衣。

〔么〕〔旦〕雖然久後成佳配。這時節怎不悲啼。意似癡。心如醉。昨宵今日清減了小腰圍。〔老〕小姐把盞者。〔貼遞酒旦把盞生嘆介旦〕請酒。

〔上小樓〕〔旦〕合歡未已。離愁相繼。想着俺前暮私情。昨夜成親。今日別離。我

諗這幾日相思滋味。卻原來比別離情更增十倍。

〔么〕年少呵。輕遠別。情薄呵。易棄擲。全不想腿兒相壓。臉兒相偎。手兒相攜。你與俺崔相國做女婿。夫榮妻貴。但得一個並頭蓮。索強似狀元及第。〔貼〕姐姐不

會喫早飯。飲一口兒湯水。〔旦〕紅娘甚麼湯水嚙得下。

〔滿庭芳〕供食太急。須臾對面。頃刻別離。若不是酒席間子母。每當迴避。有心待與他舉案齊眉。

〔么〕雖然是廝守得一時半刻。也合着俺夫妻每共卓而食。眼底空留意。尋思起就裏。險化做望夫石。〔老〕紅娘把盞者。〔貼〕把酒介。

〔快活三〕〔旦〕將來的酒共食。嘗着似土和泥。假若便是土和泥。也有些土氣息。泥滋味。

〔朝天子〕煖溶溶玉醅。白泠泠似水。多半是相思淚。眼面前茶飯怕不待要喫。恨塞滿愁腸胃。蝸角虛名。蠅頭微利。拆鴛鴦在兩下裏。一個在這壁。一個在那

壁一遞一聲長吁氣。〔老〕輛起車兒。我先回去。小姐和紅娘隨後來。〔下本辭生介〕此一行別無話說。貧僧準備買登科錄。拱候先生榮歸。做親的茶飯。少不得貧僧的。先生鞍馬上保重者。從今懺悔無心禮。專聽春雷第一聲。〔下〕

〔四邊靜〕〔旦〕霎時間盃盤狼藉。車兒投東馬兒向西。兩意徘徊。落日山橫翠。知他今宵宿在那裏。有夢也難尋覓。先生此去得官不得官。須早辦歸期。〔生〕小生這一

去。白奪一個狀元。正是青雲有路終須到。金榜無名誓不歸。〔旦〕君行無所贈。口占一絕。爲君送行。棄擲今何在。當時且自親。還將舊來意。憐取眼前人。〔生〕小姐之意差矣。張琪更敢憐誰。謹賡一絕。以表寸心。人生長遠別。孰與最關親。不遇知音者。誰憐長嘆人。

〔耍孩兒〕〔旦〕淋漓襟袖啼紅淚。比司馬青衫更溼。伯勞東去燕西飛。未登程先問歸期。雖然眼底人千里。且盡生前酒一盃。未飲心先醉。眼中流血。心內成灰。

〔五煞〕到京師服水土。趁程途節飲食。順時自保揣身體。荒村雨露宜眠早。野

店風霜要起遲。鞍馬秋風裏。最難調護。最要扶持。

〔四煞〕這憂愁訴與誰。相思只自知。老天不管人憔悴。泪添九曲黃河溢。恨壓三峯華嶽低。到晚來悶把西樓倚。見了些夕陽古道。衰柳長堤。

〔三煞〕笑吟吟一處來。哭啼啼獨自歸。歸家若到羅幃裏。昨日個繡衾香煖留春住。今夜個翠被生寒有夢知。留戀你別無意。見據鞍上馬。閣不住淚眼愁眉。

我有句話兒囑付你。〔生〕小姐有甚麼言語。敢不依從。

〔二煞〕〔旦〕你休憂文齊福不齊。我則怕你停妻再娶妻。你休要一春魚雁無消息。我這裏青鸞有信頻須寄。你休要金榜無名誓不歸。此一節君須記。若見了異鄉花草。再休似此處棲遲。〔生〕再有誰似小姐的。小生怎肯又生此念。

〔一煞〕〔旦〕青山隔送行。疎林不做美。淡烟暮靄相遮蔽。夕陽古道無人語。禾黍秋風聽馬嘶。我爲甚懶上車兒內。來時甚急。去後何遲。〔貼〕老夫人去好一會。姐

姐。咱家去罷。

〔收尾〕〔旦〕四圍山色中。一鞭殘照裏。遍人間煩惱填胸臆。量這些大小車兒如何載得起。〔下生〕琴童。趕上一程兒。早尋個宿處。泪隨流水急。愁逐野雲飛。〔下〕

第十六齣 草橋驚夢

〔生引琴童上〕離了蒲東。早三十里也。兀的那前面是草橋店裏。宿一宵。明日趕早行。這馬也百般的不肯走呵。行色一鞭催去馬。羈愁萬斛引新詩。

〔新水令〕望蒲東蕭寺暮雲遮。慘離情半林黃葉。馬遲人意懶。風急雁行斜。離恨重疊。破題兒第一夜。想着昨日受用。誰知今日淒涼。

〔步步嬌〕昨日個翠被香濃薰蘭麝。欹珊枕把身軀兒起。臉兒廝搵者。仔細端詳可憎的別。鋪雲鬢玉梳斜。恰便似半吐初生月。早至也。店小二哥那裏。〔小二上〕官人。俺這頭房裏下。〔生〕琴童接了馬者。點上燈。我諸般不要喫。則要睡些兒。〔琴童〕小人也辛苦待歇息也。在牀前打鋪。〔睡介生〕今夜甚睡得到我眼裏來也呵。

〔落梅風〕旅館欹單枕。秋蛩鳴四野。助人愁的是紙窗兒風裂。乍孤眠被兒薄。

又怯。冷清清幾時溫熱。〔睡介旦上〕長亭畔別了張生。好生放不下。老夫人和梅香都睡着了。我私奔出城。趕上和他同去。

〔喬木查〕走荒郊曠野。把不住心嬌怯。喘吁吁難將兩氣接。疾忙趕上者。打草驚蛇。

〔攪箏琶〕他把我心腸撻。因此上不避路途賒。瞞過俺能拘管的夫人。穩住俺廝齊攢的侍妾。想着他臨上馬痛傷嗟。哭得也似癡呆。不是我心邪。自別離已後。到西日初斜。愁得來陡峻。瘦得來暍噓。卻早覺掩過翠裙三四摺。誰曾經這般磨滅。

〔錦上花〕有限姻緣。方纔寧貼。無奈功名。使人離別。害不了的愁懷。卻纔覺些。掉不下的思量。如今又也。

〔么〕清霜淨碧波。白露下黃葉。下下高高。道路回折。四野風來。左右亂惹。我這裏奔馳。他何處困歇。

〔清江引〕〔旦〕呆打孩店房兒裏沒話說。悶對如年夜。暮雨催寒蛩。曉風吹殘月。今宵酒醒何處也。元來在這個店兒裏。不免敲門。〔生〕誰敲門哩。是個女子聲音。我且開門看咱。這早晚是誰。

〔慶宣和〕是人呵。疾忙快分說。是鬼呵。合速滅。〔旦〕是我。老夫人睡了。想你去了呵。幾時再得見。特來和你同去。〔生〕聽說罷。將香羅袖兒拽。卻元來是小姐。難得小姐恁般心勤。

〔喬牌兒〕你爲人須爲徹。將衣袂不藉。繡鞋兒被露水泥沾惹。脚心兒管踏破也。〔旦〕我爲你呵。顧不得迢遞了。

〔甜水令〕想着你廢寢忘餐。香消玉減。花開花謝。猶自較爭些。便枕冷衾寒。鳳隻鸞孤。月圓雲遮。尋思來。有甚傷嗟。

〔折桂令〕想人生最苦是離別。可憐見千里關山。獨自跋涉。似這般割肚牽腸。到不如義斷恩絕。雖然是一時間花殘月缺。你呵。休猜做瓶墜簪折。不戀豪傑。

不羨驕奢。生則同衾。死則同穴。〔卒子上〕恰纔見一女子渡河。分明見他走在這店中去了。
打起火把者。將出來。將出來。〔生〕卻怎了。〔旦〕你近後。我自與他說。

〔水仙子〕硬圍着普救寺下。鋏擗。強當住咽喉。仗劍鉞。賊心腸。饞眼腦。天生得劣。〔生〕我對他說。〔旦〕休言語。靠後些。〔卒〕你是誰家女子。夤夜渡河。〔旦〕你休胡說。杜將軍。你知他是英傑。一聽着你爲了醯醬。指一指。化做營血。騎着一疋白馬來也。

〔卒搶旦下生驚介〕小姐。小姐。〔樓住琴童介〕小姐搶在那裏去了。〔琴〕相公怎麼。〔生〕哈。元來卻是夢裏。且將門兒推開看。呀。只見一天露氣。滿地霜華。曉星初上。殘月猶明。無端燕鵲高枝上。一枕鴛鴦夢不成。

〔雁兒落〕綠依依。牆高柳半遮。靜悄悄。門掩清秋夜。疎刺刺。林梢落葉風。昏慘慘。雲際穿窗月。

〔得勝令〕驚覺我是顛。巍巍竹影走龍蛇。原來是虛飄飄。莊周夢蝴蝶。絮叨叨。促織兒無休歇。韻悠悠。砧聲兒不斷絕。痛煞煞。傷別急煎煎。好夢兒應難捨。冷清清。

清的咨嗟。嬌滴滴玉人兒何處也。〔琴〕天明也。暗早行一程兒。前面打火去。〔生〕店小二哥。算還你房錢。鞦了馬者。〔童同上馬介生〕

〔鴛鴦煞〕柳絲長。咫尺情牽惹。水聲幽。彷彿人嗚咽。斜月殘燈。半明不滅。暢道是舊恨連綿。新愁鬱結。恨塞離愁滿肺腑。難淘瀉。除紙筆代喉舌。千種思量對誰說。

〔絡絲娘煞〕都則爲一官半職。阻隔得千山萬水。

第十七齣 泥金報捷

〔生引琴童上〕自暮秋與小姐相別。已經半載。託賴祖宗之蔭。一舉得第。忝中探花郎。如今聽候聖旨。御筆除授。惟恐小姐罪念。先修一封書。着琴童回去。達知夫人小姐。以安其心。琴童過來。〔童應介生〕這一封書與我星夜到河中府去。見小姐時。說官人恐娘子憂憶。特地先着小人將書來報喜。卽忙取回書來者。

〔賞花時〕相見時紅雨紛紛點綠苔。別離後黃葉蕭蕭凝暮靄。今日見梅開。恰

離了半載。則說道特地寄書來。〔下童〕領了這書。星夜望河中府走一遭。〔下旦貼上旦〕自

張生去京師。半年光景。杳無音信。這些時神思不快。妝鏡懶臨。腰肢消瘦。茜裙寬褪。好生煩惱人也。
呵。

〔集賢賓〕雖離了這眼前悶。卻又早心上有。甫能離了心上。又早在眉頭。忘了依然還又。惡思量無了無休。大都來一寸眉峯。怎當他許多顰皺。新愁近來接
着舊愁。廝混了難分新舊。舊愁似太行山隱隱。新愁似天塹水悠悠。〔貼〕姐姐往
常也會不快。將息便可。不似這一番清減得十分利害也。

〔逍遙樂〕〔旦〕曾經消瘦。每遍猶閒。這番怎陡。〔貼〕姐姐心兒悶呵。那裏散心耍咱。〔旦〕
何處忘憂。看時節獨上妝樓。手捲朱簾上玉鉤。空目斷山明水秀。見蒼烟迷樹。
衰草連天。野渡橫舟。紅娘。我這衣裳這些時都不似我穿的。〔貼〕姐姐。正是腰細不勝衣。

〔挂金索〕裙染榴花。睡損胭脂皺。紐結丁香。掩過芙蓉扣。線脫珍珠。淚溼香羅
袖。楊柳眉顰。人比黃花瘦。〔童上〕奉官人言語。特將書來與小姐。卻纔前廳上見了老夫人。老

夫人好生歡喜。着入來見小姐。早至後堂。〔咳嗽介貼〕誰在外廂。〔童見貼笑介貼〕你幾時來。可知道昨夜燈花爆。今朝喜鵲噪。姐姐正煩惱哩。你自來和哥哥來。〔童〕哥哥得了官也。着我寄書來。〔貼〕你則在這裏等着。我對姐姐說了呵。喚你進來。〔笑見旦介旦〕這小妮子怎麼。〔貼〕姐姐大喜大喜。咱姐夫得了官也。〔旦〕這妮子見我悶呵。特故哄我。〔貼〕琴童在門首。見了夫人。使他進來見姐姐。說道姐夫有書。〔旦〕慚愧。我也有盼着他的日頭。喚他入來。〔童見介旦〕琴童。你幾時離京師。〔童〕小人離京一月多了。〔旦接書介〕

〔金菊香〕早是我因他去滅了風流。不爭你寄得書來。又與我添些證候。說來的話兒不應口。無語低頭。書在手。淚凝眸。〔開書看介〕

〔醋葫蘆〕我這裏開時和淚開。他那裏修時和淚修。多管閣着筆尖兒。未寫早淚先流。寄來書淚點兒。兀自有。我將這新痕把舊痕湮透。正是一重愁。番做了兩重愁。〔念書介〕張琪百拜。奉啓芳卿可人妝次。自暮秋拜違。迨今半載。上賴祖宗之廕。下託賢妻之德。幸中甲第。卽今於招賢館寄跡。以伺御筆除授。惟恐夫人與賢妻憂念。特令琴童奉書馳報。恭

候興居。小生身遙心邈。恨不得鵲鵲比翼。叩叩並驅。重功名而薄恩愛者。誠有淺見貪饕之罪。他日面會。自當請謝不備。偶成一集。附奉清照。玉京仙府探花郎。寄與蒲東窈窕娘。指日拜恩衣畫錦。定須休作倚門妝。〔旦〕慚愧。探花郎是第三名也。

〔么〕當日向西廂月底潛。今日呵瓊林宴上趨。誰承望跳東牆脚步兒。占了鰲頭。怎想道惜花心。養成了折桂手。脂粉叢裏包藏着錦繡。從今後晚妝樓改做了誌公樓。你喫飯不會。〔童〕小人未曾喫飯。〔旦〕紅娘快取飯與他喫。〔童〕感蒙賞賜。小人就此喫飯。夫人就寫下書。俺哥哥着小人取夫人回書。至緊至緊。〔旦〕紅娘將筆硯來。〔寫介〕書卻寫了。無可表意。只有汗衫一領。裹肚一條。絹襪一雙。瑤琴一張。玉簪一枚。斑管一枝。琴童。你收拾得好者。紅娘。取十兩銀子來。與他做盤纏。〔貼〕姐夫得了官。豈無這幾件兒東西。寄與他有甚緣故。〔旦〕你不知道。

〔梧葉兒〕這汗衫他若是和衣臥。便是和我一處宿。但黏着他皮肉。不信不想我溫柔。〔貼〕這裏肚要怎麼。〔旦〕常不離了前後守着他左右。緊緊的繫在心頭。

〔貼〕這襪兒如何。〔旦〕拘管他胡行亂走。〔貼〕這琴他那裏自有。又將去怎麼。

〔后庭花〕〔旦〕當時五言詩緊趁逐。後來因七絃琴成配偶。他怎肯冷落了詩中意。我則怕生疎了絃上手。〔貼〕玉簪有甚主意。〔旦〕我須索有個緣由。他如今功名成就。則怕他撇人在腦背後。〔貼〕斑管要怎的。〔旦〕湘江兩岸秋。當日娥皇因虞舜愁。今日鶯鶯爲君瑞憂。這九嶷山下竹。共香羅衫袖口。

〔青歌兒〕都一般啼痕啼痕湮透。似這等泪斑泪斑宛然依舊。萬古情緣一樣愁。涕泪交流。怨慕難收。對學士叮嚀說緣由。是必休忘舊。這東西收拾好者。〔童〕理會得。

〔醋葫蘆〕〔旦〕你逐宵野店上宿。休將包袱做枕頭。怕油脂膩展污了。恐難稠。倘或水浸雨溼。休便扭。我則怕乾時節。熨不開摺皺。一樁樁一件件仔細收留。〔金菊香〕書封雁足此時修。情繫人心早晚休。長安望來天際頭。倚遍西樓。人不見水空流。〔童〕小人拜領回書。即便去也。〔旦〕琴童。你去見官人對他說。

〔浪里來煞〕他那裏爲我愁。我這裏因他瘦。臨行時啜賺人的巧舌頭。指歸期約定九月九。不覺的過了小春時候。到如今悔教夫婿覓封侯。〔童〕得了回書。星夜回哥哥話去。〔並下〕

第十八齣 尺素緘愁

〔生上〕畫虎未成君莫笑。安排牙爪始驚人。本是舉過的便除。奉着翰林院編修國史。多住兩月。誰知我的心事。甚麼文章做得成。使琴童遞送佳音。又不見回來。這幾日睡臥不寧。飲食少進。給假在驛亭中將息。早間太醫院醫官來看視。下藥去了。我這病虛扁也醫不得。自離了小姐。無一日心閒也呵。

〔粉蝶兒〕從到京師。思量心旦夕如是。向心頭橫倚着俺那鶯兒。請良醫看診罷。一星星說是本意。待推辭。則被他察虛實不須看視。

〔醉春風〕他道是醫雜證有方術。治相思無藥餌。鶯鶯呵。你若是知我害相思。我甘心兒死死。四海無家。一身客寄。半年將至。〔童上〕我則道哥哥除了職。元來在驛

中抱病。須索回書去。〔童見生生笑介〕你回來了也。

〔迎僊客〕疑怪這噪花枝靈鵲兒。垂簾幙喜蛛兒。正應着短檠上夜來燈報時。若不是斷腸詞。決定是斷腸詩。〔童〕小夫人有書在此。〔生接介〕寫時節多管是泪如絲。既不呵。怎生泪點兒封皮上漬。〔念書介〕薄命妾崔氏。拜覆君瑞才郎文几。別逾半載。奚啻三秋。思慕之心。未嘗少怠。昔云日近長安遠。妾今始信斯言矣。琴童至。得見翰墨。知君瑞置身青雲。且悉佳況。少慰離人沈思。有君如此。妾復何言。琴童促回。無以達意。聊具瑤琴一張。玉簪一枚。裏肚一條。汗衫一領。絹襪一雙。物雖微鄙。願君詳納。春風多麗。千萬珍重。珍重千萬。謹依來韻。敬書一絕。統乞清照。闌干倚遍盼才郎。莫戀宸京王四娘。病裏得書知中甲。窗前覽鏡試新妝。我那風風流流的姐姐。似這等女子。張琪死也死得着了。且莫說別的。

〔上小樓〕這的是堪爲字史。當爲款識。有柳骨顏筋。張旭張顛。羲之獻之。此一

時。彼一時。佳人才思。俺鶯鶯世間無二。

〔么〕俺做經呪般持。符籙般使。高似金章。重似金帛。貴似金貲。這上面若僉個

押字。使個令史。差個勾使。則是一張忙不及印赴期的咨示。休說文章。則看這汗衫兒上針指。人間少有。

〔滿庭芳〕怎不教張生愛你。堪與針工生色。女教爲師。幾千般用意。針針是可索尋思。長共短。又沒個樣子。窄和寬。想像着腰肢。好共歹。無人試。想當初做時。用煞那小心兒。小姐寄來這幾件東西。都有緣故的。一件件我都猜着了。

〔白鶴子〕這琴他教我閉門學。禁指留意譜。豈詩調。養聖賢心。洗蕩巢由耳。

〔二煞〕這玉簪纖長如竹筍。細白似葱枝。溫潤有清香。瑩潔無瑕玼。

〔三煞〕這斑管霜枝棲鳳凰。淚點漬胭脂。當時舜帝慟娥皇。今日淑女思君子。

〔四煞〕這裏肚手中一葉綿。燈下幾回絲。表出腹中愁。果稱心間事。

〔五煞〕這襪兒針脚兒細似蠅子。絹帛兒膩似鵝脂。既知禮不胡行。願足下當如此。琴童。你臨行。小夫人對你說甚麼。〔童〕着哥哥休忘舊意。別繼新姻。〔生〕小姐。你尙然不知我

的心理。

〔快活三〕冷清清客舍兒。風淅淅雨絲絲。雨兒零風兒細。夢回時。多少傷心事。
〔朝天子〕四肢不能動止。急切裏盼不到蒲東寺。小夫人須是你見時。別有甚
閒傳示。〔童〕再無他語。〔生〕我是個浪子官人。風流學士。怎肯去帶殘花折舊枝。
自茲到此。不遊閒街市。

〔賀聖朝〕少甚宰相人家。招婿的嬌姿。其間或有個人似你。那裏取那溫柔。這
般才思。鶯鶯意兒。怎不教人夢想眠思。你來。將這衣裳東西收拾好者。

〔耍孩兒〕書房中傾倒個藤箱子。向箱子裏面鋪着幾張紙。放時節用意取包
袱。休教藤刺兒抓住綿絲。高擡在衣架上怕吹了顏色。亂裹在包袱中恐錯了
褶兒。當如此。切須愛護。勿得因而。

〔二煞〕恰新婚纔燕爾。爲功名來到此。長安憶念蒲東寺。昨宵愛春風桃李花
開夜。今日愁秋雨梧桐葉落時。愁如是。身遙心邈。坐想行思。

〔三煞〕這天高地厚情。直到海枯石爛時。此時作念何時止。直到燭灰眼下纔

無淚。蠶老心中罷卻絲。我不比遊蕩輕薄子。輕夫婦的琴瑟。拆鸞鳳的雄雌。
〔四煞〕不聞黃犬音。難傳紅葉詩。驛長不遇梅花使。孤身去國三千里。一日歸
心十二時。凭闌視。聽江聲浩蕩。看山色參差。

〔尾聲〕憂則憂我在病中。喜則喜你來到此。投至得人魂卓氏音書至。險將
這害鬼病的相如盼望死。〔下〕

第十九齣 鄭恆求配

〔鄭恆上〕自家姓鄭。名恆。字伯常。先人拜禮部尙書。不幸早喪。後數年又喪母。先人在時。曾定下俺
姑娘的女孩兒鶯鶯爲妻。不想姑夫亡化。鶯鶯孝服未滿。不曾成親。俺姑娘將着這靈櫬。引着鶯鶯
回博陵下葬。爲因路阻。不能得去。數月前寫書來喚我同扶柩去。因家中無人。去得遲了。我離京師。
來到河中府。打聽得孫飛虎欲擄鶯鶯爲妻。得一個張君瑞退了賊兵。俺姑娘復許了他。我如今到
這裏。旣聽得這個消息。不好便撞將去。這一件事都在紅娘身上。我着人去喚他。則說哥哥從京師
來。不敢逕來見姑娘。着紅娘到下處來。有話對姑娘行說知。方可去拜見。〔貼上〕鄭恆哥哥在下處。

不來見夫人。卻與我說話。夫人着我來看他說甚麼。〔見鄭介〕哥哥萬福。夫人道哥哥來到。怎麼不
到家裏來。〔鄭〕我有甚麼顏色見姑娘。我喚你來的緣故。是當日姑夫在時。曾許下這門親事。我今
番到這裏。姑夫孝已滿了。特地央及你去夫人行說知。揀一個吉日。成合了這件事。好和小姐一搭
裏扶柩去。若不成合。一搭裏路上難斷見。若說的肯呵。我重重的相謝你。〔貼〕這一節話。再也休題。
鶯鶯已與了張生也。〔鄭〕道不得一馬不跨雙鞍。可怎生父在時曾許下我。父喪之後。母卻悔親。這
個道理那裏有。〔貼〕卻非如此說。當日孫飛虎將半萬人馬來時。哥哥你在那裏。若不是那生呵。那
裏得俺一家兒來。今日太平無事。卻來爭親。倘被賊人擄去。你往那裏去爭。〔鄭〕與了一個富家。也
不枉了。卻與了這個窮酸餓醋。偏我不如他。我仁者能仁。身裏出身的根脚。又是親上的親。況兼他
父命。〔貼〕他到不如你噤聲。

〔鬪鷓鴣〕賣弄你仁者能仁。倚仗你身裏出身。至如你官上加官。也不教你親
上做親。又不曾執羔雁邀媒。獻幣帛問肯。恰洗了塵。便待要過門。枉腌了他金
屋銀屏。污了他錦衾繡裯。

〔紫花兒序〕枉蠢了他梳雲掠月。枉羞了他惜玉憐香。枉村了他殢雨尤雲。當日三才始判。二儀初分。乾坤清者爲乾。濁者爲坤。人在中間相混。君瑞是君子。清賢鄭恆是小人濁民。〔鄭〕賊來。他一個人怎的退得。卻是胡說。〔貼〕我說你聽。

〔天淨沙〕把橋梁飛虎將軍。叛蒲東擄掠人民。半萬賊屯合寺門。手橫着雙刃。高叫道要鶯鶯做壓寨夫人。〔鄭〕半萬賊。他一個人濟甚麼事。〔貼〕賊圍甚迫。老夫人慌了。和長老商議。高叫兩廊。不問僧俗。如退得賊兵的。便將鶯鶯與他爲妻。時有遊客張生。應聲而言。我有退兵之策。何不問我。夫人大喜。就問其計何在。那生道。我有故人白馬將軍。見統十萬大兵。鎮守蒲關。我修書一封。着人寄去。必來救我。果然書至。兵來。其困卽解。

〔小桃紅〕若不是洛陽才子善屬文。火急修書信。白馬將軍到時分。滅了烟塵。夫人小姐都心順。則爲他威而不猛。言而有信。因此上不敢慢於人。〔鄭〕我自來未嘗聞其名。你這個小妮子賣弄他借多本事。〔貼〕怎麼便罵我。須索說你聽咱。

〔金蕉葉〕他憑着講性理齊論魯論。作賦詞韓文柳文。他識道理爲人敬人。俺

家人有信行知恩報恩。〔鄭〕就憑你說。也畢竟比不得我。

〔調笑令〕〔貼〕你直一分。他值百分。螢火焉能比月輪。高低遠近都休論。我且拆白道字。辯與你個清渾。〔鄭〕這小妮子省得甚麼拆白道字。你說與我聽。〔貼〕君瑞是個肖字邊着個立人。你是個寸木馬戶戶巾。〔鄭〕寸木馬戶戶巾。你道我是個村馱屈。我祖代是相國之門。到不如那個白衣餓夫。窮士則是窮士。做官的則是做官。

〔禿廝兒〕〔貼〕他憑師友君子務本。你倚父兄仗勢欺人。齋鹽日月不嫌貧。治百姓新民傳聞。

〔聖藥王〕這廝喬議論。有向順。你道是官人。則合做官人。信口噴。不本分。你道窮民到老。是窮民。卻不道將相出寒門。〔鄭〕這樁事都是那法本禿馱弟子孩兒。我明日慢慢的和他說話。

〔麻郎兒〕〔貼〕他出家兒慈悲爲本。方便爲門。橫死眼不識好人。招禍口不知分寸。〔鄭〕這是姑夫的遺留。我揀日牽羊擔酒上門去。看姑娘怎麼發落我。

〔么〕〔貼〕越勛發村。使狠。甚的是軟款溫存。硬打捱強爲眷姻。不覩事強諧秦晉。〔鄭〕姑娘若不肯。着二三十個伴當。擡上轎子到下處。脫了衣裳。急趕將來。還你一個婆娘。

〔絡絲娘〕〔貼〕你須是鄭相國嫡親舍人。須不是孫飛虎家生的莽軍。喬嘴臉。腌軀老死身分。少不得有家難奔。〔鄭〕兀的那小妮子。眼見得受了招安了也。我也不對你說。明日我要娶。我要娶。〔貼〕不嫁你。不嫁你。

〔收尾〕佳人有意郎君俊。我待不嗑來。其實怎忍。〔鄭〕你再嗑一聲我聽。〔貼〕你這般頰嘴臉。則好偷韓壽下風頭香。傅何郎左壁廂粉。〔鄭〕脫衣介貼下鄭〕這妮子擬定都和酸丁演撒。我明日自上門見俺姑娘。則做不知。只說張生贅在衛尙書家做了女婿。俺姑娘最聽是非。他自小又愛我。必有好話。休說別的。則這一套衣服。也衝動他。自小京師同住。慣會尋章摘句。姑夫許我成親。誰敢將言相拒。我若放起刁來。且看鶯鶯那裏去。且將壓善欺良意。權作尤雲殢雨心。〔下老上〕夜來鄭恆到下處。不來見我。喚紅娘去問親事。據我的心。還是與姪兒的是。況兼相國在時。已許下了。我便是違了先夫的言語。不料這厮每做下來。着我首鼠兩端。展轉不決。且待鄭恆

來見我。再作區處。〔鄭上〕來到也。不索報覆。自入去。〔見夫人拜老哭介老〕孩兒既來到這裏。怎麼不來見我。〔鄭〕孩兒有甚面顏。來見姑娘。〔老〕鶯鶯爲孫飛虎一節。等你不來。無可解危。許了張生也。〔鄭〕那個張生。敢便是中探花的張生。我在京師看榜來。年紀有二十四五歲。洛陽張琪。遊街三日。第二日頭踏正到衛尙書家門首。尙書的小姐十八歲。人物標致。結着綵樓。在那御街上。一球正打着他。我也騎着馬看。險些打着我。他家粗使梅香十餘人。把那張生橫拖倒拽入去。他口叫道。我自來有妻。我是崔相國家女婿。那尙書是權豪勢要之家。那裏聽說。則管拖將入去了。他也是出於無奈。那尙書又說道。我女奉聖旨招女婿。聞說那崔小姐是先姦後娶的。法合離異。今且着他爲次妻。鬧動京師。因此認得他。〔老怒介〕我道這秀才不中擡舉。今日果然負了俺家。俺相國之家世。無與人做次妻之理。既然張生奉聖旨娶了妻。孩兒你揀個吉日良辰。依着姑夫的言語。依舊來我家做女婿者。〔下鄭喜介〕中了我的計策了。準備茶禮花紅。剋日過門者。〔下本上〕老僧昨日買登科錄看來。張先生果然高第。除授河中府尹。誰想夫人沒主張。又許了鄭恆。老夫人因此不肯去接。我將着餚饌。直至十里長亭接官走一遭。〔下杜將軍上〕奉聖旨。着下官主兵蒲關。提調河中府事。上

馬管軍。下馬管民。且喜君瑞兄弟。一舉得第。正授河中府尹。擬定乘此機會成親。下官牽羊擔酒。直至老夫人宅上。一來慶賀登第。二來就主親事。與兄弟成此佳偶。左右那裏將馬來。到河中府走一遭。〔下〕

第二十齣 衣錦還鄉

〔生上〕下官奉聖旨正授河中府尹。今日衣錦還鄉。小姐金冠霞帔都將着。若見呵。雙手索送過去。誰想有今日也。文章舊冠乾坤內。姓字新聞日月邊。

〔新水令〕玉鞭驕馬出皇都。暢風流玉堂人物。今朝三品職。昨日一寒儒。御筆親除。將姓名翰林註。

〔駐馬聽〕張琪如愚。酬志了三尺龍泉萬卷書。鶯鶯有福。穩請了五花官誥七香車。身榮難忘借僧居。愁來猶記題詩處。從應舉。夢魂兒不離了蒲東路。接了

馬者。〔見老介〕新任河中府尹壻張琪參見。〔老〕你是奉聖旨的女壻。我怎消受得你拜。

〔喬牌兒〕〔生〕我謹躬身問起居。夫人這慈色爲誰怒。我則見丫鬢使數都廝

覷莫不我身邊有甚事故。小生去時。夫人親自餞行。喜不自勝。今日中選得官。夫人反行不悅。何也。〔老〕你如今那裏想着俺家。道不得個靡不有初。鮮克有終。我一個女孩兒。雖然妝殘貌陋。他父爲前朝相國。若非賊來。足下甚氣力到得俺家。今日一旦置之度外。卻與衛尙書家作贅。其理安在。〔生〕夫人聽誰說來。若有此事。天不蓋。地不載。

〔雁兒落〕若說着絲鞭仕女圖。端的是塞滿章臺路。小生向此間懷舊恩。怎肯別處尋新配。

〔得勝令〕豈不聞君子斷其初。我怎肯忘得有恩處。那一個賊醜生行嫉妬。走將來夫人行廝見阻。不能勾嬌姝。早共晚施心數。說來的無徒。遲和疾上木驢。

〔老〕是鄭恆說來。繡球兒打着你。就做了女婿也。你不信呵。喚紅娘來問。〔貼〕我巴不得見他。原來得官回來。慚愧。這是非對着也。〔生背問〕紅娘。小姐好麼。〔貼〕爲你別做了女婿。俺小姐依舊嫁了鄭恆也。〔生〕有這般蹊蹊事。

〔慶東原〕那裏有糞堆上長連枝樹。淤泥中生比目魚。不明白展污了姻緣簿。

鶯鶯呵。你嫁個油燥糊獠的丈夫。紅娘呵。你伏侍個烟薰貓兒姐夫。張生呵。你撞着水浸老鼠的姨夫。這廝壞了風俗。傷了時務。

〔喬木查〕〔貼〕妾前來拜覆。省可裏心頭怒。自別來安樂否。你那新夫人何處居。比俺姐姐是何如。〔生〕和你也葫蘆提了。小生爲小姐受過的苦。諸人不知。須瞞不得你。

〔攪箏琶〕小生若求了媳婦。則日下便身殂。我怎肯忘得待月迴廊。難撇下吹簫伴侶。受了些活地獄。下了些死工夫。甫能得做夫妻。見將着夫人誥勅。縣君名稱。怎生待歡天喜地。兩隻手兒分付與。剗地到把人贓誣。〔貼對老云〕我道張生

不是這般人。待小姐出來自問他。〔叫旦介〕姐姐快來問張生。其事便知端的。我不信他。直恁般薄情。〔旦見介〕小姐。間別無恙。〔旦〕先生萬福。〔貼〕姐姐有言語和他說破。〔旦長吁介〕待說甚麼的是。

〔沈醉東風〕不見時準備着千言萬語。得相逢都變做短嘆長吁。他急穰穰卻纔來。我羞答答怎生覷。將腹中愁恰待申訴。及至相逢一句也無。剛道個先生

萬福。張生。俺家何負足下。足下竟棄妾身。去衛尙書家爲婿。于心何安。〔生〕誰說來。〔旦〕鄭恆在夫人行說來。〔生〕小姐如何聽這廝。張琪之心。惟天可表。

〔落梅花〕從離了蒲東郡。來到京兆府。見個佳人。世不曾回顧。硬揣個衛尙書家女孩兒。爲了眷屬。曾見他影兒的。也教滅門絕戶。這一樁事。都在紅娘身上。我則將言語謗着他。看他說甚麼。紅娘。我聞人來說道。你與小姐將簡帖兒去喚鄭恆來。〔貼〕癡人。我不合與你作成。你便看得一般兒了。

〔甜水令〕君瑞先生。不索躊躇。何須憂慮。那廝本意糊突。俺家世清白。祖宗賢良。相國名譽。我怎肯他跟前寄簡傳書。

〔折桂令〕那喫敲才怕不口裏嚼蛆。那廝數黑論黃。惡紫奪朱。俺姐姐更做道軟弱囊湍。怎嫁那不值錢人樣。猥駒。你個俏東君。索與鶯花做主。怎肯將嫩枝柯折與樵夫。那廝本意囂虛。將足下虧圖。有口難言。氣夯破胸脯。張先生。你若端的。不會做女婿呵。我去夫人跟前。一力保你。等那廝來。你和他對證。〔貼見老介〕張生。並不會招贅。

都是鄭恆說謊。〔老〕既然他不曾呵。等鄭恆來對證了。再做話說。〔本上〕昨接張生不遇。今在老夫
人宅中。老僧一逕到夫人那裏慶賀。這門親事。當初也有老僧來。老夫人沒主張。聽人言語。便待要
與鄭恆。今日張生來。卻怎生了。〔本與生見介本見老云〕夫人。今日卻信老僧說的是。張先生決不
是那等沒行止的人。況兼杜將軍是盟證。如何悔得他這親事。〔旦〕張生此一事。必得杜將軍來方
可。

〔雁兒落〕他曾笑孫龐真個愚。論賈馬非英物。正授着征西元帥府。兼領着陝
右河中路。

〔得勝令〕是咱前者護身符。今日有權術。來時節定把先生助。決將賊子誅。他
不識親疎。啜賺良人婦。你不辯賢愚。無毒不丈夫。〔老〕着小姐臥房去者。〔杜上〕下官
離了蒲關。到普救寺。一來慶賀兄弟。二來就與兄弟成就親事。〔見介生〕小弟託兄長虎威。偶叨一
第。今者回來。本待畢親。有夫人的姪兒鄭恆。來夫人行詭說。小弟贅在衛尚書府內。夫人怒欲悔親。
要將鶯鶯與鄭恆。焉有此理。〔杜〕此事夫人差矣。君瑞也是尚書之子。況兼又得高第。況夫人曾言

世不招白衣人。今日反欲罷親。莫非理上不順。〔老〕當初夫主在時。曾許鄭恆。不想遇此一難。虧張生請將軍來殺退賊衆。老身不負前言。欲招他爲婿。不想鄭恆說道。他贅入衛尙書家裏。因此怒他。依舊許了鄭恆。〔杜〕他是賊心。可知道誹謗他。夫人如何便輕信。〔鄭上〕打扮得整整齊齊的。則等做女婿。今日好日。可牽羊擔酒過門去也。〔生〕鄭恆。你來怎麼。〔鄭〕苦也。聞知狀元回。特來賀喜。〔杜〕你這廝怎麼要謊騙人的妻子。行不仁之事。到我跟前。說甚麼話說。我奏聞朝廷。誅此賊子。

〔落梅風〕〔生〕你硬擠入桃源路。不言個誰是主。被東君把你個蜜蜂兒攔住。不信呵。去那綠楊影裏聽杜宇。一聲聲道不如歸去。〔杜〕那廝若不去呵。祇候拿下者。

〔鄭〕不必拿。小人自退親事與張生罷。〔老〕將軍息怒。趕他出去就是。〔鄭怒介〕罷罷罷。妻子被人要了。有何面目見江東父老。要這性命怎麼。不如觸樹身死。妻子空爭不到頭。風流自古戀風流。三寸氣在千般用。一旦無常萬事休。〔下老〕可憐。可憐。我是他親姑娘。他無父母。我做主葬了者。喚鶯鶯出來。今日做個慶賀的茶飯。看他兩口兒成合者。〔旦貼上生日拜介〕

〔沽美酒〕〔生〕門迎駟馬車。戶列八椒圖。四德二從宰相女。平生願足。託賴衆

親故。

〔太平令〕〔合〕若不是大恩人拔刀相助。怎能勾好夫妻似水如魚。得意也當時題柱。正酬了今生夫婦。自古相女配夫。新狀元花生滿路。

〔錦上花〕〔使臣上〕四海無虞。皆稱臣庶。諸國來朝。萬歲山呼。行邁羲軒。德過舜禹。聖策神機。仁文義武。朝中宰相賢。天下庶民富。萬里河清。五穀成熟。戶戶安居。處處樂土。鳳凰來儀。麒麟屢出。下官天朝使臣。今日奉聖旨勅賜張君瑞崔鶯鶯結爲夫婦。望闕謝恩。〔生日謝恩介〕

〔清江引〕謝當今盛明唐聖主。勅賜爲夫婦。永老無別離。萬古常完聚。願普天下有情的都成了眷屬。

〔隨尾〕〔衆〕只因月底聯詩句。成就了怨女曠夫。顯得那有志的君瑞能。無情的鄭恆苦。

幾謝將軍成始終。

還承老母阿誰翁。


夫榮妻貴今朝是。

願效鴛鴦百歲同。

西廂記終

中華民國柒拾捌年陸月廿日 贈

國立中央圖書館



0797828

